



8

6-c
31

M


8-6-0-31



~~8-8-6-9~~



~~A. V. a 107 b. 2~~



D. SALVIANI

MASSILIENSIS EPISCOPI

OPERA.

CUM AMPLIORI EIUSDEM VITA, & ADNOTATIONIBUS LOCORUM
DIFFICILIVM, & SINGULORVM LIBRORVM, NECNON
EPISTOLARVM ARGUMENTIS,

Quibus additum fuit

D. VINCENTII

LIRINENSIS

COMMONITORIUM

ILL.MO, & REV.MO D. D.

STEPHANO COSMI

Archiepisc. Spalatensi, aliàs Salonitano,
Primate Dalmatiæ, ac totius

Reverendissimo D. Bibliothecario Croatiae Franc. ad Rijam



VENETIIS, Ex Typographia Bosij, M.DC.XCVI.

UTROQUE FORO PERMITTENTE.

MASSACHUSETTS EPISCOPAL

CHURCH

THE CHURCH OF THE EPISCOPAL DIOCESE OF MASSACHUSETTS
HOLDING AN ANNUAL MEETING AT THE CHURCH OF THE

TRINITY, BOSTON, MAY 11-12-13, 1907

THE CHURCH OF THE EPISCOPAL DIOCESE OF MASSACHUSETTS
HOLDING AN ANNUAL MEETING AT THE CHURCH OF THE

TRINITY, BOSTON, MAY 11-12-13, 1907

THE CHURCH OF THE EPISCOPAL DIOCESE OF MASSACHUSETTS
HOLDING AN ANNUAL MEETING AT THE CHURCH OF THE

TRINITY, BOSTON, MAY 11-12-13, 1907

THE CHURCH OF THE EPISCOPAL DIOCESE OF MASSACHUSETTS
HOLDING AN ANNUAL MEETING AT THE CHURCH OF THE

TRINITY, BOSTON, MAY 11-12-13, 1907

THE CHURCH OF THE EPISCOPAL DIOCESE OF MASSACHUSETTS
HOLDING AN ANNUAL MEETING AT THE CHURCH OF THE

TRINITY, BOSTON, MAY 11-12-13, 1907

THE CHURCH OF THE EPISCOPAL DIOCESE OF MASSACHUSETTS
HOLDING AN ANNUAL MEETING AT THE CHURCH OF THE

TRINITY, BOSTON, MAY 11-12-13, 1907

1907

D. O. M.


ILL.^{MO}, & REV.^{MO} D. D.

STEPHANO COSMI

Archiepisc. Spalatenſi, aliàs Salonitano,
Primari Dalmatiæ, ac totius
Croatia



Io. Ba. La. Felic.

uantum detrimenti caperet Respublica
literarum, siquando illi perutilia, &
plusquam aurea, Salviani scripta peri-
rent, nemo iudicaverit melius, quàm
Tu ILLUSTRISſIME, ac REVERENDISſIME
ANTISTES, qui inter literatorum Proceres de
re literaria censendi auctoritate facilè primas tenes.
Atqui illorum tam exiguus erat exemplarium
numerus, ut à plerisque tantus auctor desideraretur
potius, quàm legeretur. Hoc ego cum ita esse

intelligerem, nihil me gratius eruditis omnibus
facturum esse credidi; quam si SALVIANI opera,
plurimis animadversionibus aucta nova rursus
editione publicari curarem, nihil deinde Salviano
ipsi consultius, ut qua dignus est integritate, atque
aeternitate frueretur, quam si eum, sub auspiciis
Tuis faustissimis collocarem. Cui enim potius,
quàm Tibi propter innumerabilia, & maxima,
quibus identidem cumulaſti me, beneficia, tam
præclarum munus deferre deberem? Cui deinde
etiam alieno, nihilque de me benemerito, digniori
tamen possem? Nimirum doctissimi Scriptoris
opera, Oratoris eloquentissimi, spectatissimi suo,
& posterorum sæculis viri, vigilantissimi Præſulis,
& sanctissimi, si cui unquam dicere convenit, &
in alicuius clientelam cōmittere: ea profectò, ut
pari sapientia, pari eloquentia, & hominum ve-
neratione, commendabili viro, eiusdem vigilantia, &
eiusdemq. sanctitatis Antistiti consecrentur totius
æquitatis ratio postulat, quem profectò ipsum
idemmet auctor deligeret, cui consecraret. Te verò
talem, ac tantum esse ILL. ME, ac REV. ME ANTI-
STES, quis est iam ubivis gentium, quæ modò
non omne cum literis commercium proſcripserint,
bonarumque artium disciplinis, qui non perspe-
ctissimum habeat, audeat; vel intra se tacitus du-
bitare? Nam sapientiæ tuæ claritatem quo iam
non prætulere Somaſchenſes Patres, qui ætatis
nostre lumina ſcientiarum omnium nitorem à Te
magistro veluti Sole Congregationis ſe mutuatos
eſſe

esse gloriantur? Quò non evulgavere Venetiæ;
quæ civitas præclarissimis ingenijs, liberalis-
simisq; studijs affluentissima, cum Te sapissimè ad-
miraretur subtiliter, graviter, & ornate de rebus
omnibus publicè disputantem, ijs efferebat laudi-
bus; quibus quacumq; illius fama percrebescit,
Tui desiderium accenderet? Quò deniq; non per-
duxit præclarum illud de Physica volumen schola-
rum omnium delictum, totius Europæ studium,
in quo Democritum ad memoriam, & ad melio-
rem vitam vocatum ex Atheo fecisti pium, & non
modò cum Peripatetica, sed etiam cum Christia-
na Philosophia conciliasti? Quis illud unum arte-
tè legens, non Te protinus asseverat esse præter
summum Philosophum, eximium etiam Theo-
logum, consummatissimum Geometram; om-
niumque divinarum, humanarumq; rerum scien-
tia instructissimum, sed præsertim absolutissimum
Oratorem? Neq; enim quæ ibi arcana, nova, ad-
mirabiliaq; doces, rudibus, ut assoler, strigosiq;
verbis doces, & nihil aliud, quàm res ieiunè, bar-
bare, invenustèq; exprimentibus: sed sermone
uteris copioso, vario, dulci imprimis, & planè
oratorio; ut qui rebus animum intendit, quas ibi
tractas, uni Te credat, vel Philosophiæ, vel Theo-
logiæ, vel Matheseos operam dedisse: qui verò ser-
monis leporem inspicit, & gravem, suavemque
simul orationis venustatem, putet Te omni sem-
per neglecta scientia unius eloquentiæ studio va-
casse. Sed eloquentiam imprimis Tuam admirabi-

lem esse, raram, humana maiorem, & prorsus divinam, satis intelligit, qui Te etiam subito, etiam paucis loquentem audiverit. Quantum in ea splendoris, gratiæ, gravitatis, dulcedinis! Quantum præterea rerum! Quantum exemplorum! Quantum antiquitatis! ut cuilibet, non unus homo, sed ipsa hominum Regina Suada, ipsæ literæ, omnesq; bonæ artes unius hominis ore loqui videantur. Quid deinde cum meditata proferes, aut legenda publicè emittis? Veluti si quis Panegyricas orationes tuas in manus sumpserit, vel celeberrimam toto iam orbe Historiam, qua cum Cardinalis Mauroceni gloria ingenio decertans præclarissima illius gesta, Teq; ipsum non minus illustrem æternitati mandasti. O ingeniosas! o sublimes! o acutas! o cuilibet veterum comparandas! o maioribus maximis, quas Principibus viris tribuunt, laudibus dignas, eorumq; summa, quam ipsæ faciunt, gloriæ, ne quid amplius dixerim, gloria pares? Quid mirandum igitur, si iniquo licet sæculo, tanta tamen merito Tuo iustitiâ facta sit, ut maxima semper fueris in opinione hominum, sapientumq; commendatione præsertim Venetijs, ubi nequicquam pluris eloquentia, neq. ullus omnium Te uno eloquentior habetur? Te Somaschenes Patres firmissimum Religionis præsidium, & memorabilissimum decus fuisse prædicant: Tibiq. per omnes honorem gradus ad supremos tandem eve-
do Provincialis, & Generalis obsequia præstiteret. Te Patriciorum selectissimi, quem nondum
trogati

togati adolescentes institutorem sortiti fuerant, ne purpurati quidem frequentes convenire, & tanquam literarum oraculum consulere destiterunt: unq; abs Te ea fatentur se percepisse, ad quorum normam Venetam, hoc est toti mirandam orbi sapientiam conformant. Te Serenissimi Principes Contareni, Sagredus, Valerius Pater, & qui modò cum reliquis Patris dotibus eius erga Te benevolentiam renovat Filius (quæ Veneti Solii lumina, Deus immortalis!) Te inquam amantissimè, & honorificentissimè semper exceperunt, Tuamq; (observantiam ne dicam, an amicitiam?) inter tanti Principatus fortunas censuere. Te Senatus ipse Augustissimus publicis beneficijs, & co-honestationibus amplissimis auctum Librorum censore, Cancellariæ Ducalis magistrum delegit, & velut in tanti regiminis consortium admissum Clementinæ Bullæ conservatorem, hoc est Sacrorum Reip. participem, penitiorumque mysteriorum interpretem esse iussit. Iam verò intra Veneti Imperij terminos ut se non Tui fama nominis, ita neq; dignitas, & amplitudo continuit, quæ latius evagata more annilum, qui cursu dilatantur, & crescunt, ab singulis Italiæ Principibus honorum incrementa maxima accepit. Eos tamen prætereo, quos in Te liberaliter congestos non semel vidit Sabaudia, vidit Mutina, vidit Hetruria; ubi sanè munificentissimi Duces, & virtutis æstimatores æquissimi, quàm regali simul, & familiari Te hospitio exceperint, quibus Te verbis, & lau-
da-

dationibus extulerint, quibus Te illecebris apud
se diutius detinere studuerint, quo Te abeuntem
dolore, ac desiderio prolequuti sint, si longius
exequi velim, hac una re orationem de Te confi-
ciam, cuius difficile sit exitum invenire. Sed Ro-
mæ in eo videlicet sapientissimorum hominum ex
omnibus terris delecto concilio, in eo literarum
regno, & veluti amplissimo quodam mentis, &
intelligentiæ Senatu, quàm honorifica de Te sem-
per existimatio fuit! quæ præsertim Purpuratorum
Patrum iudicia, quàm nec tacita, nec occulta!
quæ summorum Pontificum, hoc est DEI O. M.
Legatorum tam certa, quàm divina approbatio!
cum ibi tamen in quodam veluti sapientiæ criterio
singulorum, qui ubiq. celebrantur, hominum
opiniones ad veritatis trutinam expendantur, &
præ virtutis assuetudine nemo vir magnus putetur,
qui minus, quàm summum deceat, habere inve-
niatur. At enim verò florere ibi nominis celebri-
tas Tui, cumq. Te illò Religionis Tuæ munia pro-
pellerent, enitescere dignitas, regnare, excelle-
re. Recipere Te omnes, qui de virtute, & inge-
nijs iudicare possent, amplexari, colere, suaque
studia, quæ absentes literis significaverant, re, &
hospitio declarare. Expetere Te Præsules, & Car-
dinales, & certatim accersere, Tuas Tibi orationes
commemorare, Historiam celebrare, & extol-
lere, Te loquentem taciti, & cum voluptate au-
dire. Horas Tibi totas Pontifices Maximi semel,
atq. iterum donare, Tuos Tibi commendare Pa-
tres

tres, Tibiq. ut quàm simillimos facere studes
hortari. Singulideniq. atque universi Te suspice-
re, Te venerari, Te digito monstrare; planè quasi
qui ceteros alibi virtute vinceret, Romæ cum om-
nibus, qui cunctos mortales virtute, & sapientia
vincunt, triumphare videreris. Itaque Religio-
nem sibi Roma fecit, nisi tantam virtutem
Tuam tam claram, tamq; perspectam Infulis ali-
quando exornaret; & ne quid Tibi deesset, quo
dignissimus honore viderere, Innocentius XI. fe-
licissimę recordationis, inter atatis nostræ Pontifi-
ces exornavit. Hoc ego quidem tanti facio, I.L. ME,
& REV. ME. ANTISTES, ut Te propter id unum
Salviano comparare non verear, quem simili iu-
dicio delectum Sanctissimus Leo ille magnus (ut
quidam verisimile perhibent) Massiliensi Eccle-
siæ præfecit; cum præsertim parium Pontificum
par consilium, pari quoq; successu comprobetur.
Etenim sategerit utcumque Salvianus, aut quivis
alius non hodiernę modò Ecclesiæ, sed etiam
elapsorum retrò sæculorum in concreditæ sibi
Dioecesis administratione vigilantissimus Præsul;
quis Te dignius Archiepiscopi officio fungi potest?
quis laboriosius? quis accuratius? quis vigilan-
tius? quis deniq; sanctius? Quid enim? Debetne
Episcopus sacris operari concionibus, Dei cultum,
legemq; edocere, ad eamq; amplectendam, ad im-
plendamque voce nimirum sua inflammare? Tu
verò quà latissimè patet Dioecesis Tua id quàm se-
pissimè facis, atque ita facis, ut non modò vete-

res Fidei professores in officio teneas, sed etiam
novos in dies Christi cultores Apostolico planè
spiritu acquiras. Deberne clericos frequentibus
instruere Synodis, & ad indicatas ministerij quemq;
sui partes quâ monitis, quâ præceptis, quâ exhor-
tationibus accendere? At Tu Synodis Clerum
tam benè instituis Tuum, ut illum feceris iam op-
timorum veluti Seminarium Episcoporum, ex
quo Sanctissimus Innocentius XII. totius Dalma-
tiæ Præsules deligendos esse arbitratur. Debetne
sepositas, aliorumq; fidei concreditas Ecclesias
crebris visitationibus peragrarè, in iisq; admini-
strorum vel confirmare solertiam, vel emenda-
re solocordiam, virtutes si quas nactus fuerit promo-
vere, vitia si quæ sortè irreplerint extirpare? Tu
ea quoque loca visitas, quæ ducentis amplius
annis ne audito quidem fortassè Præsulis nomine,
vix Præsules esse cognoverant, extinctoq; inibi vel
sopitos Christianæ Religionis ignes zeli, charita-
tisq; tuæ flammis iam suscitasti, iam verò me defi-
ceret oratio, si omnino singillatim prosequi vel-
lem, quibus cum debeant Episcopi fungi, Tu
accuratissimè, sanctissimèq; persunderis: qui ni-
hil vel admittis, vel omittis unquam, quod pos-
sent vel inimicissimi obijcere, vel severissimi ho-
mines postulare: qui tantæ sobrietatis es, ac pu-
dicitæ, ut illam intuenti non huius ætatis homo,
hanc verò admiranti ne huiuscè quidè orbis videarè:
qui cum omnia doceas, quæ ad summam san-
ctimoniam assequendam pertinent, nihil præci-
pis

pis unquam verbo, ad quod non horteris exemplo: qui summè liberalis, vel (ut verbo utar libero, iusto tamen, ac vero) prodigus, ac profusus in pauperes, nisi tecum Deus munificentia certaret, in eorum Te inopiam sæpissimè redigeres: qui hac ipsa summi Præsulis ornamenta maxima tanta insuper modestia, Tuique demissione condecoras, ut hac una, & homines, & ipsos credo Superos Tibi devincias. En igitur Ill.^{me} Antistes, quot, quàmque iustis de causis Salvianus omnino Tuus esse debeat, quorū tantam habes morum, studiorumque similitudinem. Atque utinam nobis expectatissimum illud opus, & doctrina, & magnitudine ipsa admirandum, cuius vel solum argumentum ingenij portentum quoddam censetur publici aliquando iuris factum videre contingat; tum verò Te non modò Salviano vel conferendum, vel præferendum esse constabit, sed etiam inter Ecclesiasticos doctores vix erit unus, qui Tecum pro Catholica Ecclesia scribēdi gloria certare possit. Interim hoc qualecumque mei obsequen-
tissimi erga Te pignus animi benignus accipe, ea-
que summa humanitate, qua me Tuis quàm sæ-
pissimè beneficijs dignatus es, inter gratas, quas
est tenuitatis meæ referre, beneficiorum vices con-
numera. Vale.

LECTORI BENEVOLO.

Aduerte Lector, nos Vincentium, & Saluanum post mortem inseparabiles in hoc volumine voluisse, quia arctissima inter se necessitudine vita in Monasterio Lerinensi, teste G. Calixto sacris literis operam impigre nauantes, degerunt, ambo catholici, ambo orthodoxi, & ambo ab omni, vel remotissima, haresis suspicione alieni, quicquid inani iurgio, & irrito conatu contra blateret G. Ioannes Vossius cum uno, aut alio ex recentioribus, allucinantes non parum inter Vincentium nostrum Commonitorii auctorem, & aliū Vincentium epistolarū contra D. Augustini doctrinam scriptorem, qui duo longo proximi intervallo inter se distant, ut videre est apud Ricciol. in sua Cronol. & apud P. Maceium, qui a calumnia Pelagiani evidentissimis, & luculentissimis dissertationibus, vindicat Vincentium nostrum; nec satis est Vossio, aut cuicumq; alteri, propriū placitū pro ratione attulisse, ut ipsi faciunt. Quod aliter Vincētio Pelagianismi nota inurenda, non nostro, luculenter patet ex grauiissimis pro Lerinensi testimonis hic pag. 403. a nobis adductis, ubi Trittenius, Baronius, Bellarminus, & quā his maior, Vniuersa Ecclesia in Martyrologio Romano Lerinensem Sanctorū fastis ascribens 9. Kal. Iunii. Quis n. credat, tantos viros, universamq; Ecclesiā potuisse decipi iure tanta molis, tantique moliminis? Omitto Scuerum Sulpitium, qui in Vita S. Martini asserit, Vincentium Lerinensem fuisse Sancto Martino perquam familiarem, omitto denique S. Eucherium Episc. Lugdunensem, qui in epist. ad Salonium filium, Vincentium, gemmam vocat. interno splendore perspicuā; & paulo post. Summis Viris, inquit, Saluiano, atq; Vincētio, eloquētia pariter, & sapiētia praecminentibus. Quī ergo Vir tantarum laudum, & a tot laudatis celebratus uiris, ab ipsaq; Ecclesia mirabili apotheosi tertio cōlo cū Paulo illatus, hereseos rubigine infici poterit? Vale.

VITA,

Seu potius

SALVIANI ELOGIUM

A LARINO AMATIO

Novissimè edita,

*Ab ejusdem SALVIANI Epistolis
potissimum enucleata.*



ALVIANUS, quibus parentibus in lucem prodierit, etiam nunc ignoratur. Catturam habuisse sororem, argumento esse poterit epistola quinta, ubi recuperatam valetudinem ei una cum animi sospitate, gratulatur. Gallum ipsum fuisse nemo unquam dubitavit; qua vero ex Galliarum Civitate ortum traxerit, & an ex Massilia, ubi Presbyter, & Episcopus, non satis liquet. Matrimonio junctus fuit Palladiæ Hypatij, & Quietæ filix, quæ ipsi Auspiciolam puellam susculit. Ab hujus infantis natali, quasi diu vacasset liberis, annuente ipsius hortatu Palladia, castitatem Deo, tam ipse, quam uxor vovere. Hypatius focer, qui non multò ante ab ethnicorum superstitione ad Baptismum transierat, ut potè recens ab idolis transfuga,

*Stephani
Baluzij in
Salviani
commentarijs.*

A chri-

christianæ pudicitia vix capax, hoc sanctum ægrè tulit
 conjugium, ob idque adeò Salviano succensuit, ac Pal-
 ladiæ, ut integrum ferè septennium nullo humanitatis, ne-
 literarum quidem officio, affinitatem coluerit. Sum-
 moperè hæc sancto viro soceri à se, suæque domo ablega-
 tio displicebat; quare ad ipsius gratiam, omnes intendit
 nervos, demerendam, sed conatu prorsus irritò, cum
 Hypatius nullas tam boni generi preces ad obsecratos aures
 admitteret. Eloquentiæ denique qua plurimum poterat,
 quæq. suorum temporum Achilles erat, suppellestis adiit,
 & ubere de illius poëna apologiæ instar libellum deprom-
 psit, suo, Palladiæ, Catturæque nominibus scriptum, in
 quo ab Hypatio veniam culpæ [si culpa unquam sanctio-
 nis vitæ norma dici potest] factique socero non adeò
 probati enixis precibus deprecatur; ac iterum in gratiam
 admitti flagitat. Quamdiù vixerit, neque id monumenta
 ulla restantur, nisi quòd Gennadius ad senectutem bonam
 pervenisse, asserit. Baluzius idem, quem sequimur in his
 enucleandis manu ductorem, videtur non sibi admodum
 constare; dum sub inirium Voluminis Salvianum audacter
 Gallum proclamans, in notis deinde Epistolarum fol. 352.
 hinc (ait) colligi potest, Salvianum patria Agrippinen-
 sem fuisse. Verba à Salviano in sua prima epistola de
 Agrippinæ Urbis commemoratione inserta, hæc omnino
 leguntur. *Adolescens, quem ad vos misi, Agrippina cum
 suis captus est, quondam inter suos non parvi nominis, fa-
 milia non obscurus, domo non despicabilis; & de quo ali-
 quid fortasse amplius dicerem, nisi propinquus meus esset.
 Hoc enim sit, ut minus dicam, ne de me ipso dicere videar,
 de illo plura dicendo. En Argumentum, seu potius
 Baluzii conjecturam de civitate Salviano Agrippinensi
 Urbe tribuenda. Non enim affinitas cum civibus exteris
 inita, statim civitate donat, etiam omnes reliquos affines.
 Ità & Hieronymus Romæ plures consanguineos habuisse
 fertur, cum tamen ipse non Romanus, sed Dalmata, &
 civis Stridonienfis citrà controversiam existimeretur.
 Verius censeo, illum Gallum fuisse; quare nunquam me
 judi-*

iudice, Gallia, suo, & quidem clarissimi nominis alu-
 mo fraudanda est; præsertim cum Causidici, iuristæque
 Galli suum passim contribulem appellent. Ita Franciscus
 Iurerus in notis Epistolarum Symmachi pag. 82. sum-
 mum Galliæ ornamentum Salvianum vocat; & Isaacus
 Causabonus: Immortale Galliæ decus proclamat, quo
 digniorem omni laude alium, ne historiæ quidem (in-
 quit) continent. Ex allato Salviani loco utilius de ipsius
 præcipua animi demissione documentum desumamus;
 qui sibi religioni duxit, adolescentem Agrippinensem
 propinquum suum, laudibus, ob generis claritatem prose-
 qui, ne suum ipse genus jactitare videretur. Quod maxi-
 mum modestiæ in tanto, tamque præclaro viro argu-
 mentum luculentissimum apparet. Sed quid mundi
 pompis affici potuit, qui jugi fletu, & perpetua insecta-
 tione, ac maledictis mundi pompas execratus est; ac ob
 id etiam à Cardinali Baronio in suis Annalibus Ieremias
 sui sæculi Salvianus appellatur? Quòd si Ieremiæ mores,
 munusq. Salviano affinxit vir eximius, Romanæq. decus
 purpuræ, Baronius; sine dubio Salvianus ea ab impij,
 & sui sæculi scelestis, quæ Ieremias à pervicacissimis
 olim Iudæis passus esse, dicendus est: & sicut Propheta
 perpeti tunc fletu, iugibusq. lacrymis Dei contemptum,
 & religionis iniuriam deplorabat; paratâque cælo sup-
 plicia minaci prædicatione, prælagiebat incredulis; non
 aliter Salvianus noster, & lacrymis, & gemitibus perdi-
 torum hominum in divinitatis contemptum, flagitia, ur-
 gere, non destitit; & quod fletui deceat, vocis contentio-
 ne, & calami acrimonia supplevit. Nec dissimilem Ie-
 remiæ, ac Salviano reddidere vicem flagitiosi; nam si
 illius derisere fletus Iudæi: hujus convicijs incessere que-
 relas Trevirenses. primus falsus divinitatis testis Ieroso-
 lymis; ominosus funerum, & importunus calamitarum
 augur in Galliis traducebatur secundus. Ieremiæ concio-
 nes impij regis Iudaici iussu prius gladio concisæ, deinde
 cum integro, in quo descriptæ erant, volumine, flammis
 absumptæ; & Salviani scripta, elucubrationesque sanctil-

sumæ per mille fere annos a veritatis osoribus e mediâ sublatæ, nunc demum, Deo auspice, e tumultu sub quo diu situm, prædoremque duxerant, in lucem emergere. Cæterum si eximij huius viri non a deo incuriosa vixisset sua ætas, & immortalia eiusdem facta scriptis auris consona, Ecclesiæ Gallicanæ presbyteri monumentis, posterorum beneficio consignassent, & Ieremiæ carcerem, lacumque, & colaphos, vinculaque, atque etiam lapidum turbinem pro Dei gloria tuenda, Salviano a barbaris irrogata, in ipsius rebus gestis legeremus; cum non sine superno numinis instinctu scriptor alioqui religiosus, & a veritatis norma, vel latum unguem discedendi meticulosus Baronius, non ita deliberate, & indubitanter Salvianum, Ieremiam sui sæculi affirmasset, quæ omnia mihi, nullo auctore tam fixa, obfirmataque menti in hærent, ut a nemine hanc per suasionem avelli, sinerem. Nam si veritas odium apud omnes, & apud improbos præsertim parit; quis unquam pro veritate magis in visus Salviano, cum nemo unquâ plures veritates protulerit, quàm Salvianus?

At si è veritatum effluvio malorum patientiam conjicimus; ex reliquo ipsius dictionis permixto cum gravitate candore, reliquam pariter huius immortalis viri Sanctitatem, & miram morum ianocentiam eruamus. Ita prorsus Paulini admirabilem vitam ex eiusdem stylo Iulius Cæsar Scaliger in Hypercritico non levi se coniectura assequi, fassus est: quæ ipsius verba pro Salviano usurpare non dubitaverim. Salviani probitatem, inquit, legi in ipsius scriptis; neque solum hoc; sed etiam animi æqualitatem, quam cum suo stylo communicavit; ferè enim quibus quisque moribus præditus est, eos etiam transfundit in suam dictionem, id, quod & in Messala notavit, & in Cæsare Quintilianus. Imò eidem elogium à Lactantio Firmiano Divo Cypriano Carthaginensi Episcopo, & Martyri insculptū libentius inscribere. Admodū (inquit Lactantius) scripsit in suo genere admiranda. Erat .n. ingenio facili, copioso, suavi, & quæ sermonis maxima est virtus, aperto; ut discernere nequeas, utrum ne ornatius

in eloquendo, an facilius in explicando, an potentius in persuadendo fuerit. Illud autem (omissis reliquis, quæ de prodigioso Salviani ingenio, & eloquentia dici possunt) sine cunctatione pronuncio, ipsum sacri omnibus numeris oratoris partes in se ipso expressisse, nec quicquam reperiri, quod ad incendendum legentes, vel docendū pertineat, quod ab eo in suis elucubrationibus fuerit prætermisum; adeoque dignus non immerito Salviannus, qui sacram eloquentiam intra suum pectus, velut in sacrarium admitteret hospitalem, quæ Senecæ iudicio, nulla foret admiratione digna, nisi animos, in quos se conferret, eligeret; quorum in delectu inter primos, & potiores fuit sine dubio noster Salvianus. Eam vero Salviani commendationem præterire instar piaculi ducerem, quod mille ab hinc annis ab ore, oculisque omnium ablatum, redivivus quotidie à templotum suggestis suis adhuc salutare terrores intonat; scelestosque ac divinitatis perduelles ab incepto flagitiorum itinere non inanibus minis revocat; adeo passim a Sacris Oratoribus pro confirmandis suarum concionum Theatris producit, ut nemo in vitia seriò invehiri videatur, nisi qui hoc præcone in cierandis, fulminandisque vitij uti soleat. In huius egregii Viri vita nullum, nisi hoc unum factum legimus, quod si de se ipso narrare idem Salvianus omisisset, nullum inelictorum prorsus facinorum eiusdem extraret vestigium. In Libro de Gubern. Dei 4. *Quid mihi, inquit ipse, eveniret dicam. cum ante aliquantulum tempus victus prece cuiusdam pauperis præpotentiori cuidam supplicarem &c.* Quo ex facto insignis erga oppressos, & miseros Salviani charitas eminet, qui cum periculo sui contemptus, & ignominie, pauperis causæ patrocinari apud Barbarum, non dubitavit. Rari enim inveniuntur, qui suam dignitatem, dignitatisque iacturam, ut alteri profint, ludibriis, conviciisque obiectent.

6
D E
SALVIANO
JUDICIA

*Ex variis Ecclesiasticis Scriptoribus
collecta.*

SALVIANUS Presbyter, & postea Episcopus Massiliensis aequalis fuit Sancto Eucherio Episcopo Lugdunensi, & eius filijs (quippe qui Eucherius habuit duos filios ante Episcopatum, qui etiam ipsi fuerunt Episcopi) Veranio, & Salonio, quos Salvianus dicitur sacris literis, ritu, & Ecclesiastica norma instituisse, & ideo à Gennadio in libro de viris illustribus, Episcoporum magister appellatus. Porro Salvianus plura opera scripsisse fertur; sed nunc extant solummodo, quod ego sciam, libri octo de Providentia, & iudicio Dei, & quatuor de Ecclesia Catholica, sub nomine Timothei, in quibus ita exaggerat vitia Christianorum, & maxime clericorum sui temporis, ut nimius videri posset, nisi ex vero zelo gloriæ Dei, & salutis animarum oratio eius profisceretur. Ita Bellarmin. in lib. de Scriptor. Ecclesiast. fol. 197. scriptor. 460.

SALVIANUS magni nominis Episcopus sui temporis, laudaturque ab Eucherio Episcopo Lugdunensi simul eum Vincentio Litinensi, quos Sanctos viros eloquentia, & doctrina eminentes fuisse, tradit in præfatione ad libros, de quæstionibus veteris, ac novi testamenti, quos ad Salonium inscripsit Viennensem Episcopum, cui direxit Salvianus suos de vero iudicio Dei. Ita Victor historicus de Persecut. Vandal. in præfatione suæ historiæ, quem

quem refert, & citat Baronius ann. Christi 438. fol. 386: qui Baronius Salvianum summum virum appellat ubique, ubi eiusdem in Annalibus meminisse usu venit, ut patet ex eodem Baron. loc. cit.

Sixtus Senensis in sua Bibliotheca Sancta lib. 4. fol. 465 loquens de Salonio Episcopo Viennensi Sancti Eucherij Lugdunensis Episcopi filio, hæc ait. Salonius Episcopus Viennensis in Gallia a Sanctissimo, & eruditissimo viro Salviano, per omnes spiritualium rerum disciplinas deductus.

Idem Sixtus Senensis: Salvianus, inquit, Massiliensis Episcopus divina, & humana literatura copiose instructus, Episcoporum sui temporis magister scripsit latino. candido, & succincto sermone multa laudatissima opuscula. Inter alia verò de principio Geneseos, usque ad conditionem primi hominis librum elegantissimum carmine composuit. Itemque in extremam partem Ecclesiastæ ad Claudianum Viennensem Episcopum. Commentariorum librum unum. Composuit etiam locorum contrapositionum ex utroque testamento librum unum. Claruit sub Zenone Imperatore anno Domini 480.

Sanctus Hilarius Episcopus Arelatensis vocat Salvianum egregium, & in Christo beatissimum, ac inter ceteros Sancti Honorati Arelatensis præcipuum.

Saussaius in supplemento Martyrologij Gallicani Salvianum Sanctorum catalogo inserit; quamvis Massiliæ, nec colatur, nec vulgo Sanctus habeatur. Sanctus tamen Eucherius in præfatione libr. de quæst. veter. & nov. testament. Salvianum, & Vincentium Lirinensem Sanctos appellat. Hæc apud Bollandum in vitis Sanctorum tom. 3. die 16. Januar. in vita Sancti Honorati cap. 4. in fine.

Ad Salvianum nostrum, immo tuum potius redeo, in cuius laudibus, quæ sunt amplissimæ, ordine prædicandis; liceat nobis iisdem verbis uti, quibus Chrysostomus usus est in eruditissimo illo Sancti Ignatii martyris encomio. Quid enim in eoprimus (inquit) admirer? quid postea comprobem? quid postremo laudibus in æstimandis.

de dicendum arbitror? planè sum a nimì dubius; nisi factis laudatum existimet: Ita ille, & ego ad amussim de Salviano; cuius si ad vitæ sanctimoniam, & inculpatissimam integritatem respicias, quid illo sanctius, vel incorruptius? de omnibus rebus, quas maximè conveniebat, e medio esse sublatas, scripsit. Quis christianos sibi perversè blandientes, ita nominis sui rationem habere, admonuit? Quis ita probabilibus argumentis docuit; nos omnes tandem calamitates, pericula; excidia; non à Deo pati, sed nostro vitio, atque perversitate mala; tanquam coactas nubes in nostrum caput avorare? Iam quis platiùs ostendit, nullos omnino homines ita summi sui Imperatoris præcepta, vel minima illa pro nihilo ducere, atque christianos Christi? Quis certius probavit, nos esse reliquis omnibus, utcumque barbaris, & inculis gentibus improbiore; qui Deum etiam ipsum, incredibili pietate singulis expositum, invitum, & nolentem (adeo perditum) in perniciem nostram excitamus? Omitto, quàm graviter ille divites, ac potestates in ordinem redigat; quàm illos de Cælo detrahat; quàm officij sui meminisse doceat? quando ex ijs turpissima vivendi exempla, si sint impotentes, & improbi, in universos omnium mores defluant. Rursus quàm sollicitè pauperum; hoc est innocentium causam agit? & ut in castigando mirus est artifex; ita & in dicendo; formandoque magister est acerrimus. Atque hæc ad iudicium, integritatemque summi scriptoris attinent. Sic Ioannes Alexander Brasicanus ad Episcopum Augustensem in Epistola de laudibus Salviani conscripta; ut in Biblioth. P.P. & Theatr. vit. human. tom ult.

Salvianus Gallicæ gentis Episcoporum magister de Christo scripsit, rebusque Christianis; ut nihilominus historias plurimas, resque temporum illorum gestas ejdem, & coniunxerit, & inter differendum explicaverit; dum enim Dei optimi maximi res, mysteriaque admirabilia comprobare nititur; & suorum, & præteritorum temporum res in exemplum adducit. Hæc Iovianus Poptanus,

Pla

Placet hic postremum adducere Gennadij testimonium, qui de viris Illustribus: Salvianus, inquit, Massiliensis Presbyter, divina, & humana literatura instructus, & ut absque invidia loquar, Episcoporum Magister, scribit scholastico, & aperto sermone multa, ex quibus ista legi.

De Virginitatis bono ad Marcellum Presbyter. lib. III.

Adversus Avaritiam libri III.

De Presenti Iudicio libri VIII.

Et pro eorum merito satisfactionis ad Salonium Episcopum lib. I.

Expositionis extremæ partis Ecclesiastæ ad Claudianum Episcopum Viennensem lib. I.

Epistolarum lib. I.

In morem Græcorum de Principio Genesis, usque ad conditionem hominis composuit versu. quasi Hexametro lib. I.

Homilias Episcopus factus multas. Sacramentorum verò quantas, nec recordor, vivit usque hodie in senectute bona.

10
BRASSICANI
DE
SALVIANI
Opusculis

HEXDECASYLLABI.

Salvus, incolumisque Salvianus,
Magnus Scriptor, Episcopus probatus,
Antiquum reparatus in decorem,
In lucem venit omine auspicato,
Vita Regula, Episcopon Magister;
Dignus nomine, & hoc honore dignus.
Scriptorum decus elegantiorum;
Dignus, quem studiis, modisque cunctis
Mirentur, celebrent, legant frequentes,
Quot sunt, aut aliis erunt in annis.
Hunc, lector, precor, accipe explicata
Fronte, hunc delicias tuas putabis.
Illum plus oculis tuis amabis,
Meras delicias, meros lepores,
Inscriptum simul, & tibi dicatum,
Salvum, incolumenque Salvianum.

SALVIANI

MASSILIENSIS EPISCOPI

*De vero Iudicio, & Providentia Dei,
& ipsius gubernatione hominum,
& rerum mundi huius*

LIBRI VIII.

Ad S. Salonium Episcopum Viennensem.

P R O O E M I V M.



SANCTO Episcopo Salonio SALVIANVS Episcopus in Domino salutem.
Omnes admodum homines, qui pertinere ad humani officij culturam, existimant, ut aliquod linguarum opus studio ingeniorum excuderent, id speciali cura elaborarunt, ut siue utiles ac probas, siue inutiles, atque improbas materias sibi delegissent, seriem tantum rerum nitore verborum illustrarent, causisque ipsis, quas loqui vellent, loquendo lucem accenderent. Itaque ad hanc se partem ex utroque genere litterarum scriptores mundialium negotiorum plurimi contulerunt, non satis considerantes, quam probabilibus materiis se impenderent, dummodo ea quacumque dicerent, aut compro, & blando carmine canerent, aut luculenta oratione narrarent. Omnes, n. in scriptis suis causas tantum egerunt suas, & propriis magis laudibus, quam aliorum utilitatibus consulentes, non id facere adnisi sunt, ut
salu-

4 salubres, ac salutiferi, sed ut scholastici, ac discreti
 haberentur. Itaque scripta eorum, aut latinitate
 5 sunt tumida, aut falsitate infamia, aut verborum
 fœdantibus sordida, aut rerum obscœnitate vi-
 tiosa: ut vere cum ingeniorum tantum laudem em-
 pientes, tam indignis rebus curam impenderent,
 non tam illustrasse mihi ipsa ingenia, quam dam-
 nasse, videantur. Nos autem, qui rerum magis
 quam verborum amatores, utilia potius, quam
 plausibilia sectamur, neque id quarimus, ut in
 nobis inania seculorum ornamenta, sed ut salu-
 bri rerum emolumenta laudentur: in scriptiun-
 culis nostris non lenocinia esse volumus, sed reme-
 dia, quæ scilicet non tam otiosorum auribus pla-
 ceant, quam agrotorum mentibus prosint, ma-
 gnum ex utraque re cœlestibus donis fructum re-
 portaturi. Si enim hac salus nostra sanaverit
 quorundam non bonam de Deo nostro opinionem,
 fructus non paruus erit, quod multis profui. Sin
 autem id non prouenerit, & hoc saltem ipsum in-
 fructuosum non erit, quod prodesse tentavi. Mens
 enim boni studij, ac p̃ij voti, etiam si effectum non
 inuenerit cepti operis, habet tamen præmium vo-
 luntatis. Hinc ergo exordiar.

SALVIANI

MASSILIENSIS EPISCOPI

De vero Iudicio, & Providentia Dei

LIBER PRIMUS.

ARGUMENTVM.

Primo loco ab ipsa etiam Ethnicorum Philosophia, & auctoritate, Deum nobis ubique præsentem demonstrat, omniumque tam actuum, quam consiliorum rimatorem, & inspectorem intimum ostendit, quem nihil unquam effugit, ne minima quidem nostri animi cogitatio. Hoc fundamento statim jacto, vel Deus, inquit, malis mala accidere sinit, & quis mirabitur unquam, ad malos supplicia destinari, cum hoc ob ipsum miserissimi esse debent, ut mali esse desistant, vel hæc eadem mala ad bonos properare, connivet: & cum boni iis ipsis malis, quibus vulgus eos affligi putat, se confidant, fore felices, præclare cum iis agi, credendum est. Exemplum petit à Curiis, à Cincinnatis, & Fabiis olim Romanæ Curie Senatoribus, qui agrestem, & laboribus exercitam, & pauperem vitam, delicatæ, luxuriöse, & illecebris affluentem, ut beatiorum præferrebant. Quod validius probat de Sanctis Viris, qui ea, quæ nobis videntur mala, tanquam sibi potissimum bona amplectuntur, & cariora quibusvis deliciis ambiunt. Ulterius tamen, & fortius progreditur; ostendendo à mundi exordio usque ad sua tempora, nihil à Deo Rectore, Iudice, & Governatore prætermisum; sive dum primos parentes à paradiso expulit, sive dum Cainum Abelis Parricidam extorrem, vagumque ablegavit; & sic Genesim, Exodumque percurrit, peculiarem Dei providentiam erga bonos, improbosque describens; quam sententiam Psalmi versiculo admi-

niculatur. Ecce oculi Domini super inſos, & aurēs ei-
ad preces eorum; vultus autē Domini ſuper facientes
mala, ut perdat de terra memoriā illorum; ibi ut no-
xios perimat; hic ut innoxios muneretur, perpetuū
excubat DEUS.

Necurioſus à quibuſdam & quaſi ne-
gligens humanorum actuum Deus
dicitur, utpote nec bonos custo-
diens, nec coercens malos, & ideo
in hoc ſeculo bonos plerumque miſeros, malos
beatos eſſe. Sufficere quidem ad reſellenda hæc,
quia cum chriſtianis agimus, ſolus deberet ſer-
mo divinus. Sed quia multi incredulitatis pa-
ganicæ aliquid in ſe habent, etiam paganorum
forſitan, electorum, atque ſapientum, testi-
moniis delectentur. Probamus igitur, ne illos qui-
dem de incurioſitate, ac negligentia iſta ſenſiſ-
ſe, qui veræ religionis expertes, nequaquam uti-
que Deum noſſe potuerunt, quia legem, per
quam Deus agnoſcitur, nescierunt. Pythagoras
philophus, quem quaſi magiſtrum ſuum phi-
loſophia ſuſpexit, de natura ac beneficiis Dei
1 differens, ſic locutus eſt: *Animus per omnes
mundi partes commens, atque diffuſus, ex quo*
2 *omnia, quæ naſcuntur animalia, vitam capiunt.*
Quomodo igitur mundum negligere Deus, di-
citur, quem hoc ipſo ſcilicet ſatis diligit, quod
ipſum ſe per totum mundi corpus intendit? Pla-
to, & omnes Platonicoꝝ ſcholæ moderato-
rem rerum omnium conſtitentur Deum. Stoici
eum gubernatoris vice intra id, quod regat ſem-
per manere, teſtantur. Quid potuerunt de aſſe-
ctu

Pythago-
ras.

Plato in
Timæo:

At ac diligentia Dei rectius religiosiusque sentire, quàm ut eum gubernatori similem esse, dicerent? Hoc utique intelligentes, quod sicut navigans gubernator nunquam manum suam à gubernaculo, sic nunquam penitus curam suam Deus tollit à mundo. Ac sicut ille & auram captaus, & saxa vitans, & astra suspiciens, totus sic simul tam corporis, quàm cordis officio operi suo deditus: ita scilicet Deum nostrum ab universitate omnium rerum, nec munus dignantissimæ visionis auertere, nec regimen providentix suæ tollere, nec indulgentiam benignissimæ pietatis auferre. Unde etiam illud mysticum autoritatis exemplum, quo se non minus philosophum, Maro probare voluit, quàm Poetam, dixit: *Deum namque ire per omnes Terrasque tractusque maris, cælumque profundum.* Tullius quoque: *Nec vero Deus ipse, inquit, qui intelligitur à nobis, alio modo intelligi potest, quàm mens soluta quedam, & libera, & segregata ab omni concreione mortali, omnia sentiens, & movens.* Alibi quoque: *nihil enim, inquit, præstantius Deo: igitur mundum regi, necesse est. Nulli igitur naturæ obediens, aut subiectus Deus: omnem ergo regit ipse naturam; nisi fortè nos videlicet sapientissimi ita sentiamus, ut eum à quo omnia regi dicimus, & regere simul, & negligere credamus. Cum ergo omnes etiam religionis expertes, vi ipsa, & quadam necessitate compulsi, & sentiri omnia à Deo, & moveri, & regi, dixerint: quomodo nunc eum iacuriosum quidam, ac negligentem putant, qui & sentiat omnia per subtilitatem, & moveat*
per

Gubernatori simili-
lis Deus.

Maro in
Georgicis
Tullius
de natura
deorum.

per fortitudinem, & regat per potestatem; & custodiat per benignitatem. Dixit, quid de maiestate, ac moderamine summi Dei principes, & philosophia, simul & eloquentia iudicavint. Ideo autem nobilissimos utriusque artis magistros protuli, quo facilius, vel omnes alios idem sensisse, vel certe sine autoritate aliqua dissensisse monstrarem. Et sanè invenire aliquos, qui ab istorum iudicio discrepaverint, præter Epicureorum, vel quorundam Epicurizantium deliramenta, non possum: qui sicut voluptatem cum virtute, sic Deum cum incuria, ac torpore iunxerunt, ut appareat, eos, qui ita sentiunt, sicut sensum Epicureorum, atque sententiam, ita etiam vitia sectari. Non puto, quod ad probandum nunc rem tam perspicuam, etiam divinis uti in hoc loco testimoniis Dei debeamus; maxime quia sermones sacri ita abunde, & evidenter cunctis impiorum propositionibus contradicunt, ut nedum sequentibus calumniis eorum satisfacimus, etiam ea quæ supradicta sunt plenius refutare possimus. Ajunt igitur, à Deo omnia prætermitti, quia nec coerceat malos, nec tueatur bonos, & ideo in hoc seculo deteriorem admodum statum esse meliorum: bonos quippe esse in paupertate, malos in abundantia: bonos in infirmitate, malos in fortitudine: bonos semper in luctu, malos semper in gaudiis: bonos in miseria & abiectione, malos in prosperitate & dignitate.

Primum igitur ab iis, qui ita hoc esse, vel dolent, vel accusant, illud requiro: de sanctis, hoc est de veris, ac fidelibus Christianis, an de falsis

& im-

& impostoribus doleant . Si de falsis,superfluis dolor , qui malos doleant,non beatos esse: cum utique quicunque mali sunt,succesu rerum,de-
 teriores fiant: gaudentes, sibi nequitia studium bene succedere . Et ideo,vel ob hoc ipsum miserrimi esse debent, ut mali esse desistant, vindican-
 tes improbissimis quaestionibus nomen religio-
 nis, & praeferentes ad sordidissimas negotiatio-
 nes titulum sanctitatis: quorum .s. nequitias si mi-
 seria comparentur,minus sunt miseri,quam me-
 rentur: quia in quibuslibet mileriis constituti ,
 non sunt tamen tam miseri,quam mali . Nequa-
 quam ergo pro his dolendum, quod non sunt
 divites, ac beati: multo autem pro sanctis mi-
 nus: quia quamvis videantur ignorantibus esse
 miseri, tamen non possunt esse aliud,quam be-
 ti . Superfluum autem est, ut eos quispiam vel
 infirmitate vel paupertate, vel aliis istiusmodi
 rebus existimet,esse miseros, quibus se illi confi-
 dunt esse felices . Nemo enim aliorum sensu mi-
 ser est, sed sup. Et ideo non possunt cuiusquam
 falso iudicio esse miseri, qui sunt verè sua con-
 scientia beati . Nulli enim, ut opinor, bea-
 tiores sunt, quam qui ex sententia sua, atque
 voto agunt. Humiles sunt religiosi, hoc volunt:
 pauperes sunt, pauperie delectantur: sine ambi-
 tione sunt, ambitum respuunt: inhonori sunt,
 honorem respuunt: lugent,lugere gestiunt: infir-
 mi sunt, infirmitate latantur . Cum enim, inquit
 Apostolus, *infirmor, tunc potens sum* . Nec im-
 merito sic arbitratur, ad quem Deus ipse
 sic loquitur: *Sufficit tibi gratia mea, nam virtus*
in infirmitate perficitur . Nequaquam ergo

Suo sen-
 tu quisq;
 miser .

2 Cor.12

B

nobis

*Afflictio
infirmi-
tatum.*

*Animus
tolerantis*

4
*Labiij .
Fabri ij .
Cincin-
nati .*

nobis dolenda est hæc afflictio infirmitatum, quam intelligimus, matrem esse virtutum. Itaque quicquid illud fuerit, quicumque vere religiosi sunt, beati esse dicendi sunt: quia inter quantumlibet aspera nulli beatiores sunt, quam qui hoc sunt, quod volunt. Solent quamvis esse nonnulli, qui turpia, atque obscena sectantes, etsi iuxta opinionem suam beati sunt, quia adipiscuntur quod volunt, re tamen ipsa beati non sunt, quia quod volunt, nolle debuerunt. Religiosi autem hoc cunctis beatiores sunt, quia & habent hoc quod volunt, & meliora quam quæ habent, omnino habere non possunt. Labor itaque, ieiunium, & paupertas, & humilitas, & infirmitas non omnibus sunt onerosa tolerantibus, sed tolerare nolentibus. Sive enim gravia hæc, sive levia, animus tolerantis facit. Nam sicut nihil est tam leve, quod ei grave non sit, qui invitus facit, sic nihil est tam grave, quod non ei, qui id libenter exequitur, leve esse videatur, nisi forte antiquis illis priscæ virtutis viris, Fabiis, Fabritiis, Cincinnatis grave fuisse existimamus, quod pauperes erant, qui divites esse volebant, cum omnia scilicet studia sua, omnes conatus suos ad communia emolumenta conferrent, & crescentes Reipublice vires privata paupertate ditarent. Nunquid parcam illam tunc, agrestemque vitam cum gemitu, & dolore tolerabant? cum viles, ac rusticos cibos ante ipsos, quibus exercebantur focos, sumerent, eosque ipsos capere, nisi ad vesperam non liceret. Nunquid agre ferebant, quod avara illos à divite conscientia auri talenta non preme-

rent

rent, cum etiam argenti usum legibus coerce-
rent? Nunquid illecebre, & cupiditatis pœnam
putabant, quod distenta aureis nummis marsu-
pia non haberent, cum patritium hominem,
quod ad decem usque argenti libras dives esse
voluisset, indignum curia judicarent? Non
despiciebant tunc, puto, pauperes cultus, cum
vestem hirtam, ac brevem fumerent, cum ab
aratro arcesserentur ad fasces, & illustrandi ha-
bitu consulari, illis fortasse ipsis, quas assumptu-
ri erant, imperialibus togis, madidum sudore
pulverem detergerent. Itaque tunc illi paupe-
res magistratus opulentam, Rempublicam habe-
bant: nunc autem dives potestas pauperem facit
esse Rempublicam. Et quæ, rogo, infania est, aut
quæ cæcitas, ut egestuosa, ac mendicante Re-
publica, divitias posse, credant, stare privatas?
Tales ergo tunc veteres Romani erant; & sic illi
tunc contemnebant divitias, nescientes Deum,
sicut nunc non spernunt, sequentes Dominum.
Quamquam, quid ego de illis loquor, qui cura
imperij propagandi, contemptum propriæ fa-
cultatis ad publicas opes conferebant: & licet
privatim pauperes essent, divitiis tamen abun-
dabant communibus: cum etiam Græci, qui-
dam sapientiæ sectatores sine ullo publicæ utili-
tatis affectu, propè omni se rei familiaris usu,
assequendæ gloriæ aviditate nudaverint? Nec
solum hoc, sed etiam usque ad contemptum
doloris, ac mortis, doctrinæ suæ culmen erexe-
runt, dicentes scilicet, etiam in catenis, atque
suppliciis beatum esse sapientem. Tantam vim
virtutis esse voluerunt, ut non possit esse un-

*Cornelius
Ruffinus.*
5

*Dives
potestas.*

Crates.

6

B 2 quam

quam vir bonus, nisi beatus. Si ergo illi à quibusdam nunc etiam sapientibus viris miseri non putantur, qui nullos laboris sui fructus, nisi ex presenti tantum laude capiebant: quanto magis religiosi, ac sancti viri miseri non putandi sunt, qui & presentis sæculi oblectamenta capiunt, & beatitudinis future præmia consequentur? Dixit quidam ex istis, de quibus querimur cuidam sancto viro, secundum veritatis regulam sentienti, id est, quod Deus omnia regeret, ac pro humano genere necessariam moderationem suam, & gubernaculum temperaret. Quare ergo, inquam, tu ipse infirmus es, hoc utique iudicio? hoc est, si Deus, ut putas, in hac presenti vita omnia regit, si Deus cuncta dispensat, qua ratione fortis, & sanus est homo, quem peccatorem scio, & tu infirmus, quem sanctum esse, non ambigo? Quis tam profundum cordis virum non admiretur, qui merita religionis, atque virtutes, tam magnis retributionibus dignas putat, ut in presenti hac vita carnes, ac fortitudines corporum, præmia putet, esse debere sanctorum? Respondeo igitur non unius tantum religiosi nomine, sed universorum. Quæris igitur, quisquis ille es, qua ratione infirmi sunt sancti viri? Respondeo breviter, quia ideo sancti viri infirmiores se esse faciunt, quia si fortes fuerint, sancti vix esse possunt. Opinor .n., omnes omnino homines, cibis, ac potibus fortes esse, infirmos autem abstinencia, ariditate, jeuniis.

Fortes, & infirmi. Non ergo mirum est, quod infirmi sunt, qui usum earum rerum respuunt, per quas alii fortes fiunt. Et est ratio, cur respuant, dicente Paulo apostolo.

Io de se ipso: *Castigo corpus meum, & in servitutem redigo, ne forte cum aliis predicaverim, ipse reprobus efficiar.* Si infirmitatem corporis appetendam, sibi etiam Apostolus putat, quis sapienter evitat? Si fortitudinem carnis Apostolus metuit, quis rationabiliter fortis esse presumit? Hec ergo ratio est, quæ homines Christo dediti & infirmi sunt, & volunt esse. Absit autem, ut hoc argumento, religiosos putemus à Deo negligi, per quod confidimus plus amari. Legimus, Timotheum apostolum carne infirmisimum fuisse, nunquid negligebatur à Domino, aut ob infirmitatem Christo non placuit, qui ad hoc infirmus esse voluit, ut placeret? quemque etiam ipse apostolus Paulus, licet nimis iam infirmitatibus laborantem, non tamen, nisi pauxillum vini sumere, ac delibare permisit. Hoc est, ita eum voluit, infirmitati suæ consulere, quod noluit tamen ad fortitudinem pervenire. Et hoc cur ita? Cur? Absque dubio nisi quia, ut ipse dicit: *Caro concupiscit adversus spiritum, spiritus autem adversus carnem.* Hec enim, inquit, sibi invicem adversantur, ut nō quacunque vultis, illa faciat. Non imprudenter quidam hoc loco dixit: quod si repugnante corporis fortitudine, quæ optamus, facere non possumus, infirmandum nobis sit carne, ut optata faciamus. *Infirmitas enim carnis,* inquit, *vigorem mentis exacuit: ut affectis artibus vires corporum in virtutes transferantur animorum.* nō turpibus flammis medullæ estuent, non male sanam mentem latentia incentiva succendant, non yagi sensus per varia oblectamēta lasciviāt;


2 Cor. 9

1 Tim. 5

Gal. 5

9
Infirmitas carnis.

B ; sed



*Captivi-
tas.*

Tormēta.

*Guberna-
tio est iu-
diciū.*

*Ratione
probat.*

sed sola exultet anima, læta corpore affecto, quasi adversario subiugato. Hæc ergo, ut dixi, religiosis viris causa infirmitatis est, eamque esse nec tu, ut arbitror, iam negas. Sed sunt fortasse, inquis, alia maiora, id est quod multa in vita ista aspera, atque acerba patiuntur, quod capiuntur, quod torquentur, quod trucidantur. Verum est. Sed quid facimus, quod & prophetæ in captivitatem abducti sunt, & apostoli etiam tormenta tolerarunt? Et certe dubitare non possumus, quod tunc Deo maximè curæ erant, cùm pro Deo ista paterentur. At forsitan hoc ipso magis probare te dicis, quod Deus in seculo isto omnia negligat, & futuro totum iudicio reservaverit, quia semper boni omnia mala passi sunt, & fuerunt. Non infidelis quidem videtur assertio, maxime quia futurum Dei iudicium confitetur: sed nos ita iudicandum humanum genus, diximus, ut tamen etiam nunc omnia Deum, pro ut rationabile putat, regere, ac dispensare, credamus: & ita in futurum iudicaturum, affirmemus, ut tamen semper etiam in hoc seculo iudicasse, doceamus. Dum enim semper gubernat Deus, semper iudicat: quia gubernatio ipsa, est iudicium. Quot modis hoc vis probemus? ratione, an exemplis, an testimoniis? Si ratione, quis tam expers humanæ intelligentiæ est, & huius ipsius, de qua loquimur, veritatis alienus, qui non agnoscat, & videat pulcherrimum mundi opus, & inæstimabilem supernarum, infernarumque rerum magnificentiæ ab eodem regi, à quo creata sit: quemque elementorum fabricatorem, eundem etiam gubernatorem.

bernatorem fore : qui cuncta scilicet, qua potestate, ac maiestate condiderit, eadem etiam providentia, ac ratione moderetur. Præsertim etiam cum in his, quæ humano actu administrantur, nihil penitus sine ratione consistat, omniaque ita à providentia incolumitatem, quasi corpus ab anima vitam trahant. Ideoque in hoc mundo non solum imperia, atque provincias, atque rem civilem, & militarem, sed etiam minora officia, & privatas domos, pecudes denique ipsas, & minutissima quæque domesticorum animantium genera, non nisi humana ordinatione, atque consilio, quasi quadam manu, & gubernaculo contineri. Et hæc omnia sine dubio voluntate, ac iudicio summi Dei, scilicet ut eo exemplo omne genus humanum, particulas rerum, & membra regeret, quo ipse summum totius mundani corporis gubernaret. Sed in principio, inquis, creaturarum hæc sunt à Deo statuta, atque disposita. Cæterum patrara universitate rerum, atque perfecta, removit à se cunctam terrestrium curam, & ablegavit: laborem videlicet fortè fugiens, à suo loco amandavit, & molestiam fatigationis evitans, aut occupatus negotiis aliis, partem rerum reliquit, quia totum obire non possit. Removet igitur à se, inquis, curam mortalium Deus. Et quæ ergo nobis divinæ religionis est ratio, quæ vel causa Christum colendi, vel spes propitiandi? Si enim negligit Deus in hoc sæculo genus hominum, cur ad cælum quotidie manus tendimus, cur orationibus crebris misericordiam Dei quærimus, cur ad ecclesiasticas domos currimus,

1 Tim. 2

Ibidem.

cur ad altaria supplicamus? Nulla est enim nobis ratio precandi, si spes tollitur impetrandi. Vides ergo, quàm stulta, atque inanis sit huius persuasionis assertio, quæ utique si recipitur, nihil penitus de religione servatur. Sed ad illud fortè confugas, ut dicas, nos metu futuri iudicii Deum colere, & ideo omnium præsentium officiorum cultu elaborare, ut in die futuri sæculi mereamur absolvi. Quid ergo sibi vult apostolus Paulus, præcipiens quotidie in Ecclesia, ac iubens, ut offerantur iugiter Deo nostro orationes, obsecrationes, postulationes, gratiarum actiones? & hæc omnia; quam ob causam? quam utique, nisi ut ipse dicit, *ut quietam, & tranquillam vitam agamus in omni castitate*. Pro præsentibus, ut videmus, domino supplicari iubet, & orare; quod utiq. non iuberet, nisi ex oratione confideret. Quomodo ergo aliquis pro obtinendis futuri temporis bonis, apertas Dei aures: pro præsentibus autem, clausas, atque obstructas putat? Aut quomodo nos in ecclesia supplicantes, præsentem nobis salutem à Deo poscimus, si audientes nos penitus, non putamus? Nulla ergo nobis vota pro incolumitatibus, ac prosperitatibus nostris facienda: quin potius, ut modestia supplicationis vocem conciliet postulantis, dicendum nobis est fortasse: Domine non prosperitatem vite istius petimus, nec pro bonis præsentibus supplicamus: scimus enim, aures tuas his obsecrationibus clausas esse, & auditum te ad preces istiusmodi non habere: sed pro his tantummodo petimus, quæ sunt futura post mortem. Esto igitur postulatio talis utilitate non careat, quomodo

moderatione subsistit ? Si enim Deus à respectu huius seculi curam removit , & postulantium precibus aures suas clausit ; absque dubio , qui non audit nos pro presentibus , non audit etiam pro futuris : nisi fortè credamus , pro precum diversitate aures suas Christum , vel tribuere , vel negare : id est , ut claudat eas , cùm rogantur presentia , aperiat , cùm futura . Sed de his dicendum amplius non est . Tam stulta enim sunt , & tam frivola , ut cavendum sit , ne id ipsum , quod pro Dei honore dicitur , iniuria Dei esse videatur . Tanta quippe est maiestatis sacræ , & tam tremenda reverentia , ut non solum ea , quæ ab illis contra religionē dicuntur horrere , sed etiam ea quæ pro religione nos ipsi dicimus , cum grandi metu , ac disciplina dicere debeamus . Igitur si stultè , atque impiè creditur , quod curam humanarum rerum pietas divina despiciat , ergo non despicit . Si autem non despicit , regit . Si autem regit , hoc ipso quod regit , iudicat ; quia regimen esse non potest , nisi fuerit iugiter in rectore iudicium . Sed parum esse fortasse quispiam putet , quod hæc ratio declarat , nisi probetur exemplis . Videamus qualiter mundum à principio Deus rexit , & ita eum omnia semper gubernasse , monstrabimus . ut simul etiam iudicasse , doceamus . Quid enim Scriptura dixit ? *Formavit igitur Deus hominem de limo terræ , & inspiravit in eum spiraculum vitæ .* Et quid postea ? *Posuit eū , inquit , in paradiso voluptatis .* Quid deinceps ? Dedit . s. legem , præceptis imbuivit , institutione formavit . Quid autem post hoc secutum est ? Præterit homo mandatū sacrū , sententiam subiit ,

Maiestatis sacræ reverentia .

Hoc ipso quod regit , iudicat .

Probat ab exemplis .

Gen. 2

subiit, paradifum perdidit, pœnam damnationis excepit. Quis non in iis omnibus gubernatorem Deum videat, & iudicem? Constituit enim Adam in paradifo innocentem, expulit reum. In constitutione ordinatio est, in expulfione iudicium. Quando enim eum in loco voluptatis pofuit, ordinavit: quando autem reum de regno expulit, iudicavit. Ergo hoc de primo homine, hoc est de patre. Quid de fecundo, id est de filio? *Factum est*, inquit Scriptura facra, *post multos dies, ut offerret Cain de fructibus terra munera Domino. Abel quoque obtulit de primitiis gregis fui, & de adipibus eius. Et respexit Dominus Abel, & munera eius; ad Cain verò, & ad munera ejus non respexit.* Priusquam de evidentiori iudicio Dei dicam, puto etiam, quod in his, quæ iam diximus, quædam censura iudicii est. In hoc enim quod unus sacrificium Deus suscepit, alterius exclusit, evidentiffimè utique, & de unius iustitia, ac de iniquitate alterius iudicavit. Sed hoc parum est. Cùm igitur futuro facinori viam sternens, fratrem in solitudinem trahit, secretis patrocinantibus scelus peragit, impiiffimus pariter, & stultiffimus, qui ad perpetrandum maximum nefas fufficere fibi, credidit, si aspectus vitaret hominum, fratricidium, Deo teste, factururus. Unde puto, quod hæc in illo iam tunc opinio fuerit, quæ nunc in multis est, Deum terreftria non respicere, & actus sceleratorum hominum non videre. Nec dubium est, cùm post facinus admissum, Dei sermone conventus, nihil se de fratris cede fcire, responderit: adeò infcium facti fui Deum

arbitrabatur, ut crederet, feralissimum nefas regi posse mendacio, At aliter expertus est quam putabat. Nam Deum, à quo non existimavit, videri scelera, cum occideret, sensit videre, cum damnaretur. Hinc nunc requirere volo ab illis, qui negant, res humanas, vel respici à Deo, vel regi, vel iudicari, an cuncta in his, quæ diximus, è diverso sint. Puto enim, quod præsens est, qui sacrificio interest, & regit, qui Cain post sacrificia castigat; sollicitus est, qui ab interfectore interfectum requirit, & iudicat, qui percussorem impium iusta animadversione condemnat. In quo quidem etiam illud non incommodè, verum ne miremur, nunc sanctos homines quædam aspera pati, cum videamus, quæ iam tunc Deus etiam per maximum nefas primum sanctorum finit occidi. Quæ quidem quæ ratione patiat, neque humanæ imbecillitatis est, plena indagine cognoscere, neque nunc temporis disputare. Item probare satis est, omnia istiusmodi, non negligentia, aut incuria Dei fieri, sed consilio, ac dispositione permitti. Nequaquam enim iniustum possumus dicere in quo divinum esse iudicium, non possumus deneigare: quia summa iustitia est, voluntas Dei. Neque enim ideo iniustum est, quod divinitas agit: quia capere vim divinæ iustitiæ homo non valet. Sed ad propositum revertamur. Videmus ergo in his, quæ dicta sunt, nihil de incuria actum, sed quia quædam ex his dispositio divina ordinavit, quædam patientia substinuit, quædam sententia iudicavit. Sed non satis forte quidam existimant, hæc, quæ dicimus, nos probasse

Gen. 6

Sermo
divinus
humano
quoddam
affectu
nobiscum
loquitur.
Gen. 6.

basle per paucos, videamus, an idipsum manifestare possimus etiam per universos. Aucta igitur, ac multiplicata humani generis multitudine simul, & iniquitate, *Videns Deus*, inquit scriptura sacra, *quod multa malitia esset in terra, & cuncta cogitatio cordis intenta esset ad malum omni tempore, pœnituit Deum, quod hominem fecisset in terra, & tactus dolore cordis intrinsecus, Delebo, inquit, hominem, quem creavi à facie terra.* Consideremus quemadmodum in his omnibus, & sollicitudo Domini pariter, & severitas indicetur. Primum enim ait: *Videns autem Deus*: secundò, *tactus dolore cordis intrinsecus*: tertio, *delebo, inquit, hominem quem creavi.* In hoc siquidem quod videre omnia Deus dicitur, cura eius ostenditur. In hoc, quod dolet, terror irati: In hoc quod punit, severitas iudicantis. *Pœnituit ergo, inquit scriptura, Deum, quod hominem fecisset in terra*: non quod Deus sit obnoxius huic motui, aut ulli subiaceat passioni, sed sermo divinus ad insinuandam plenius nobis veram scripturarum intelligentiam, quasi humano affectu nobiscum loquens, sub nomine pœnitentis, Dei, vim demonstravit irati. Ira est autem divinitatis, pœna peccantis. Quid ergo post hoc secutum est? *Cum, inquit, vidisset Deus, terram esse corruptam, dixit ad Noe: Finis universæ carnis, venit coram me, repleta est terra iniquitate à facie eorum, & ego disperdam eos cum terra.* Et quid postea? *Rupti sunt inquit, omnes fontes abyssi magni, & cataraçtæ cæli aperte sunt, factaque est pluvia super terram quadraginta diebus, & quadraginta noctibus.*

Et

Et paulò post: *Consumpta est omnis caro, quæ movebatur super terram* Et deinceps: *Remansit autem solus Noe, & qui cum eo erant in arca.* Hic nunc requirere volo ab illis, qui incuriosum rerum humanarum appellant Deum, an illo tempore, vel curasse eum terrestria, credant; vel iudicasse? Puto enim, non iudicavit tantum, sed etiam dupliciter iudicavit. Nam & dum servat bonos, pium se retributorem: & dum condemnat malos, severum iudicem comprobavit. Sed hæc forsitan apud Multos, quia ante diluvium, id est, quasi alio quodam sæculo gesta sunt, minus autoritatis habere videantur; quasi verò aut alius Deus tunc fuerit, aut postea eandem mundi curam habere noluerit. Possum quidem divino munere per singulas post diluvium, generationes probare, quæ dico; sed & enormitas vetat, & tamen certa quædam, & maiora sufficiunt: quia cum idem sit absque dubio, maiorum pariter, & minorum Deus, id profectò intelligendum est in minoribus, quod in maioribus comprobatur. Igitur cum post diluvium generationi hominum benedixisset Deus, immensamque hominum multitudinem benedictio ipsa generasset: loquitur ad Abraham Dominus de cælo, iubens, ut deferat terram suam, inquirat alienam. Vocatur, sequitur, adducitur, collocatur, fit de paupere locuples, de ignoto potens, infimus peregrinatione, excellentissimus dignitate. Sed ne hæc tamen, quæ ei data à domino fuerant, muneris tantum videretur fuisse, non meriti, qui letabatur

Gen. 7.

Gen. 12.

tur prosperis, probatur adversis. Sequitur quippe labor, periculum, timor, vexatur commigratione, fatigatur exilio, contumelia afficitur, uxore privatur: immolari sibi filium, Deus iussit; pater obtulit, & quantum ad defunctionem cordis pertinet, immolavit. Rursum exilia, rursum metus, Philistinorum invidia, Abimelech rapina, multa quidem mala, sed tamen paria solatia. Nam etsi a plurimis afficitur, tamen de omnibus vindicatur. Quid igitur in cunctis istis quæ memoravimus, num Deus non est, & inspector, & invitator, & ductor, & sollicitus, & sponsor, & protector, & munerator, & probator, & sublimator, & ultor, & iudex? Inspector quippe est, dum ex omnibus unum elegit, quem meliorem vidit; invitator, dum vocat; ductor, dum ad ignota perducit; sollicitus, dum ad ilicem visitat; sponsor, dum futura promittit; protector, quia inter gentes barbaras protexit; munerator, quia locupletavit; probator, quia tentari asperis voluit; sublimator, quia potentiores omnibus fecit; ultor, quia eum de adversariis ultus est; iudex, quia dum ulciscitur, iudicavit. Subiungit autem huic historię Deus, dicens: *Clamor Sodomorum, & Gomorrhæ multiplicatus est, & peccatum eorum aggravatum est nimis. Clamor, inquit, Sodomorum, & Gomorrhæ multiplicatus est.* Pulchre, clamorem, dixit, in se habere peccata. Grandis absque dubio peccantium clamor est, qui à terra ascendit ad cælum. Quare autem peccata hominum quasi clamare testatur? Scilicet quia cædi aures suas Deus, dicit, clamoribus peccatorum, ut non differatur pœna pec-

Dei varia nomina, & munera.

Gen. 18.

Peccata hominum clamant.

peccantium. Et vere clamor & grandis clamor est, quando pietas Dei peccatorum clamoribus vincitur, ut peccantes punire cogatur. Ostendit ergo Dominus quàm invitus puniat etiam gravissimos peccatores, dicens, quod clamor Sodomorum ad se ascenderit: hoc est dicere: Misericordia quidem mea mihi suadet, ut parcam, sed tamen peccatorum clamor cogit, ut puniam. Cùm ergo ista dixisset, quid consecutum est? Mittuntur angeli Sodomam, proficiscuntur, introeunt, bonorum fovetur officio, malorum vexantur iniuria, cæcantur improbi, salvantur probi. Loth cum affectibus pijs urbe educitur, urbs cum habitatoribus concrematur impijs. Interrogo hic, utrumnam Deus ex iudicio malos, an sine iudicio concremarit? Qui sine iudicio Sodomitas punitos à Deo dicit, iniquum Deum arguit. Si autem cum iudicio malos perdidit, iudicavit utique. Et quidem iam quasi ad instar futuri iudicij iudicavit. Cùm enim ad supplicium malorum, gehennam in futurum arsuram esse, manifestum sit, Sodomam, & vicinas eius urbes cœlesti flamma consumpsit. In præsentem autem illud, quod futurum est, Deus voluit declarare iudicium, quando super impium populum gehennam misit è cœlo. Sicut etiam Apostolus dicit, quod Deus civitates Sodomam, & Gomorrhâ everisione damnarit, exemplum ponens impie acturis: quamvis id ipsum quod ibi actum est, plus habuerit misericordiæ, quàm severitatis. Quod enim pœnam eorum tam diu distulit, misericordiæ fuit: iustitiæ, quod aliquando punivit. Et ideo cùm angelos Sodomam

*Gen. 19.**2. Pet. 2.*

*Malos
invitus
punit.*

Exod. 13

nam Deus mitteret, hoc nobis probare voluit, quod etiam malos puniret invitus. Scilicet, ut cū legeremus quæ à Sodomitis angeli pertulissent, & videremus scelerum immanitatem, criminum turpitudinem, libidinum obscenitatem; probaret utique nobis Deus, quod ipse eos noluerit perdere, sed ipsi extorserint, ut perirent. Possum innumera proferre, sed vereor, ne dum satis rem probare nitimur, historiam texuisset videamur. Moyses in deserto positus, gregem pascit, rubum ardere conspicit, Deum ex rubo audit, præcepta accipit, potestate exaltatur, ad Pharaonem mittitur, venit, loquitur, contemnitur, vincit. Ægyptus percutitur, Pharaonis inobedientia verberatur, & quidem non uno modo: sed ut plus sacrilegus torqueatur diversitate supplicii. Et quid postremo? decies rebellat, decies verberatur. Quid ergo dicimus? Puto, quod in his omnibus, & curare pariter res humanas Deum, & iudicare cognoscas. In Ægypto quippe: tunc enim non simplex tantum, sed multiplex constat, Dei fuisse iudicium. Quotiescunque enim rebellantes Ægyptios percussit, toties iudicavit. Sed post ista, quæ diximus, quid secutum est? Israel dimittitur, Pascha celebratur, Ægyptios spoliatur, dives abscedit, Pharaonem pœnitet, exercitum contrahit, ad fugientes pervenit, castris iungitur, tenebris separatur, siccatur pelagus, Israel graditur, officiosa undarum patientia liberatur, Pharo sequitur, mare super eum volvitur, fluctu operiente deletur. Puto iam non obscurum, in his, quæ acta sunt, Dei esse iudicium. Et quidē
non

non iudicium tantum, sed etiam moderatio-
nem, atque patientiam. Patientiae enim fuit,
quod Aegyptij rebellantes saepe percussi sunt;
iudicij, quod contumaciae pertinaces morte
damnati. Igitur post hunc rerum gestarum or-
dinē, victrix ingreditur eremum sine bello gens
Hebraeorum. Agit iter sine itinere, viatrix sine
via, praevio Deo, divino commilitio honorabi-
lis, ductu celesti potens, sequens mobilem co-
lumnā, nubilam diē, igneam nocte congruas
colorum diversitates pro temporum diversitate
sumentem; scilicet, ut diei lucem lutea obscu-
ritate distingueret, & caliginem noctis flāmeo
claritatis splendore irradiaret. Adde huc fon-
tes repente natos, adde medicatas aquas, vel
datas, vel immutatas, speciem servantes, naturā
relinquentes. Adde aperta erumpentibus rivis
montium capita, adde scaturientia novis pulve-
rulenta arva torrentibus, adde illatos itineran-
tium castris alitum greges Dei pietate indulgen-
tissima, non usibus tantum hominum, sed etiam
illecebris servientes; datum per quadraginta
annos, astris quotidie famulantibus, cibum, ro-
rantes jugiter escis dulcibus polos, non ad victū
tantum, sed etiam ad delicias perfluentes. Adde
homines in nullis membrorum suorum partibus
accessus, & decessus humanorum corporum
nescientes, ungues non auctos, dentes non
imminutos, capillos semper aequales, non
attritos pedes, non scissas vestes, calcea-
menta non rupta, redundantem hominum,
honorem usque ad induviarum vilium digni-
tatem. Adde huc erudiendae gentis officio,

Exodi 19

descendentem ad terras Deum, accommodantem se terrenis visibus Dei filium, innumeræ multitudinis plebem in consortium divinæ familiaritatis admissam, sacre amicitie honore pollentem; Adde huc tonitrua, adde fulgura, terribiles buccinarum cœlestium sonos, tremendum undique totius aeris fragorem, polos sacris clangoribus mugientes, ignes, caligines, nebulas Deo plenas, loquentem comminus Dominum, legem divino ore resonantem, incisas Dei digito literas, rupices paginas, faxeum volumen, discentem populum, & docentem Deum, ac mixtis penè hominibus, atque angelis, unam cœli, ac terræ scholam. Sic enim scriptum est, quod cum retulisset Moyses verba populi ad Dominum, dixit ei Dominus: *Iam nunc veniam ad te in caligine nubis, ut audiat populus me loquentem ad te.* Et paulo post, ecce cœperunt audiri tonitrua, ac micare fulgura, & nubes densissima operire montem. Et iterum: *Descenditque Dominus super montem Synai in ipso montis vertice, ac deinceps: loquebaturq. cum Moyse videntibus universi, quod columna nubis staret ad ostium tabernaculi, stabantque & ipsi, & adorabant per fores tabernaculorum suorum. Loquebatur Dominus ad Moysen facie ad faciem, sicut loqui solet homo ad amicum suum.* Quæ cum ita sint, videturne hominis habere curam Deus, hæc tanta tribuens, hæc tanta præstans, participem sermonis sui homunculum vilem faciens, & quasi in consortium sacre sodalitatis admittens, aperiens ei plenas divitijs immortalibus palmas suas.

Quas, alens eos nectaris poculo, pascens cœlesti cibo? Quam, rogo, maiorem eis gubernaculi sui præstare curam, quem maiorem præstare potuit affectum, quam, ut cum præsentis seculi vitam agerent, spem iam futuræ beatitudinis possiderent? Sed respondeatur forte hoc loco, habuisse quondam hanc hominum curam Deum, cæterum nunc penitus non habere. Unde hoc ita credimus? forsitan quia, ut illi tunc mannam quotidie non comedimus, cum agros triticeos plenos messibus demetamus, quia cornices humanis se manibus ingerentes non apprehendimus, cum omnia avium, pecudum, bestiarum genera devoremus: quod salientes rupibus aquas apertis oribus non accipimus, cum vinarias domos vinearum fructibus irrigemus. Addo ego amplius aliquid, quod nos ipsi qui illos tunc Deo fuisse curæ, & nos ideo negligi dicimus, si accipere pro præsentibus bonis præterita possemus, respueremus penitus conditionis istius optionem. Nolemus enim hæc, quæ nunc habemus, amittere, ut possemus ea, quibus tunc illi usi sunt, possidere: non quod nos nunc meliora habeamus, quam gens illa tunc habuit, sed quia & illi, qui quotidiano tunc cœli, ac Dei ministerio pascebantur, anti-quam ventris ingluviem bonis præsentibus præferebant: turpissima scilicet ciborum carnalium recordatione mœsti, & fœtidissimo ce-parum, atque alliorum amore ægrescentes: non quod potiora essent, quibus antea usi erant: sed quia quod nunc à nobis fit, hoc tunc ab illis, illi horrebant quæ erant; & quæ non erant de-

Mimus
Publia-
nus .

Exo. 19,

Ex. 32.

siderabant . Nos magis laudamus illa, quæ tunc fuerunt , quàm ista , quæ nunc sunt : non quia , si eligendi facultas esset , semper habere illa malle-
mus , sed quia usitatum hoc est humanæ mentis vitium , illa magis semper velle , quæ desunt . Et quia , ut ille ait , *aliena nobis , nostra plus aliis placent* , accedit quoque illud , quod generale fermè est omni homini , ut Deo semper ingratus sit , insitque hoc , & quasi nativo malo se cuncti invicem vincunt , ut beneficiis Dei detrahant , ne debitores se esse , cognoscant . Sed hæc hactenus . nunc ad negotii dudum cepti ordinem revertamur . Quamvis , ut reor , non mediocriter probaverimus , quæ proposuimus , addamus tamen adhuc , si placet , quippiam , quia melius est plus probare aliquod , quàm necesse est , quàm minus forsitan , quàm negotio debeatur . Liberatus quondam de Pharaonis iugo populus Hebræorum , ad Syna montem prævaricatus est ; & statim à Domino pro errore percussus . Sic enim scriptum est : *Percussit ergo Dominus populum pro errore vituli , quem fecit Aaron* . Quod potuit maius , & evidentius de peccatoribus Deus ferre iudicium , quàm , ut statim consequeretur pœna peccantes . Et tamen , cum omnis populus reus fuerit , cur non est in omnes missa damnatio ? quia pius scilicet Dominus partem percussit sententiæ suæ gladio , ut partem corrigeret exemplo , præberetque omnibus simul & coer-
cendo censuram , & indulgendo pietatem . Censura enim fuit , quod castigavit , pietas , quod pepercit , quamvis utrumque impari modo . Plus si quidem tunc pietati datum est ,
quàm

severitati . Ideò utique , quia cum indulgentissimus dominus propiorem se semper miserationi præstet , quàm ultioni , licet in coercenda tunc Iudaici exercitus parte , iudicio , & severitati censura divina aliquid attribuerit , maiorem tamen sibi populi portionem pietas vindicavit : specialiter quidem hoc , & peculiari tunc indumere plebis misericordia , ne omnes scilicet , quos reatus complectebatur , pœna consumeret , Cæterum erga quasdam personas , ut legimus , ac familias censura Dei inexorabilis est : sicut illud , ubi otiante sabbatis populo , is , qui colligere ligna usurparat , occidi iubetur : quamvis enim opus ipsum hominis videretur innoxium , faciebat tamen eum diei observatio criminofum : vel cum duobus lite certantibus , unus , qui blasphemarat , morte mulctatur . Sic enim scriptum est : *Ecce autem filius mulieris Israelitidis , quæ pepererat de viro Aegypcio , inter filios Israel irgatus est in castris cum viro Israelite . Cumque blasphemasset Nomen Domini , & maledixisset ei , adductus est ad Moysen , & paulò post . Miserunt , inquit , eum in carcerem , donec viderent , quid iuberet Dominus , qui locutus est ad Moysen , dicens : Educ blasphemum extra castra , & ponant omnes , qui audierunt , manus super caput eius , & lapidet eum populus uniuersus : Nunquid non præsens Dei est , manifestumque iudicium , & prolata , quasi iuxta humani examinis formam , cœlesti disceptatione sententia ? Primum enim , qui peccaverat , comprehensus est . Secundò , quasi ad tribunal adductus . Tertiò , accusatus , deinde*

*Deuser -
ga quos-
dā inexo-
rabilis .
Nu. 15.*

Lev. 24.

in carcerem missus. Postremò cœlestis iudicii
 autoritate punitus. Porro autem non punitus
 tantum, sed punitus sub testimonio, ut dam-
 nare scilicet videretur reum iustitia, non pote-
 stas: exemplo scilicet ad cunctorum emendatio-
 nem proficiente, ut ne quis postea admitteret,
 quod omnis in uno populus vindicasset. Hac
 igitur ratione atque iudicio omnia Deus &
 nunc agit, & semper egit, scilicet, ut corre-
 ctioni omnium proficeret, quicquid singuli per-
 tulissent. Sicut etiam & illud fuit cum Abiu, &
 Nadab, sacerdotalis sanguinis viri, cœlesti
 igne consumpti sunt. In quibus utique non iu-
 dicium tantum, sed præsens Deus ostendere
 voluit, impendensque iudicium; sic enim scrip-
 tum est. Quod cum egressus *ig is à Domino de-*
vorasset holocaustum, arreptis Nadab, & Abiu
filij Aaron turibulis, posuerunt ignem, & incen-
sum desuper, offerentes coram Domino ignem
alienum, quod eis praeceptum non erat. Egressus-
que ignis a Domino, devoravit eos, & mortui
sunt coram Domino. Quid enim aliud, quàm ex-
 tentam super nos dexteram suam, & imminen-
 tem iugiter gladium voluit ostendere, qui er-
 rorem supradictorum statim in ipso opere puni-
 vit: nec per actum prius penè est facinus peccan-
 tium, quàm ulcisceretur pœna peccatum: quam-
 vis non tantum hoc in hac re actum sit, sed
 etiam multa alia. Cum enim in illis tunc non
 mens impia, sed facilitas nimium inconsulta
 punita sit: declaravit profecto Dominus, quo
 supplicio digni essent, qui contemptu divini-
 tatis aliquid admitterent, quando etiam illi à
 Deo

Num. 26.
 Levit. 10
 1. Paral.
 24.

Deo percussi essent, qui sola mentis inconsideratione peccassent: aut quàm rei essent, qui contra iussionem Domini sui facerent, cum etiam illi taliter plecterentur, qui iniussa fecissent. Porro autem etiam ex hoc consulere Deus voluit nostram correctioni per censuram salubris exempli, ut omnes laici intelligerent, quantum iram Dei timere deberent, cum à presenti pœna filios sacerdotis nec meritum parentis eriperet, nec ministerij sacri privilegium vindicaret. Sed ego quid de his dico, quorum inconsiderantia quodammodo Deum tetigit, & ad cœlestem iniuriam redundavit? Maria contra Moysen loquitur, & punitur, nec punitur tantum, sed more iudicii punitur. Primum ad iudicium vocatur. Deinde arguitur. Tertio verberatur. In obiurgatione excipit vim sententię. In lepra autem patitur piaculum criminosa, quamvis coercitio istiusmodi non Mariam tantum, sed etiam Aaronem humiliavit. Quia etsi deformari lepra summum Antistitem, non oportuit, & ipsum tamen domini castigatio flagellavit, nec solum hoc; sed in pœna, quam Maria patitur, Aaron etiam, quasi culpæ particeps, coercetur: Maria enim supplicio afficitur, ut Aaron confusione multetur. Porro autem, ut inexorabilem in quibusdam agnosceremus, formam divini esse iudicii, ne illius quidem intercessu, qui lesus fuerat, indulgit. Sic enim legimus ad Aaronem, & Mariam dixisse Dominum. *Quare igitur non timuistis detrabere seruo meo Moysi, iratusque abiit, & ecce Maria apparuit candens lepra, quasi nix, clamavitque ad*

Laici.

Num. 12.

Domnum Moyses, dicens: Obsecro, Domine, sana eam. Cui Dominus respondit: Si pater eius spuisset in faciem illius, non debuerat saltem decem dierum rubore suffundi? Separetur septem diebus extra castra, & postea reuocabitur. Sufficiant igitur de hoc genere divisionis, & de parte sermonis, ista, quæ diximus. Infinitum enim est, de omnibus disputare; quæ nimis longum est, etiā sine disputatione numerare. Sed adhuc tamen

Exo. 16 *aliquid addamus: pœnitet gentem Hebræorum de Ægypto recessisse, percutitur, dolet, deinde se fatigari labore itineris, affligitur: carnes desiderat, verberatur. Et quia quotidie manna edens, explere ex illecebris ventris cupit ingluviem, optata quidem cupiditate saturatur, & in ipsa tamen saturitate torquetur. Adhuc*

Ps. 77. *enim, inquit Scriptura, escaerat in ortis foram, & ira Dei ascendit in eos, & occidit plurimos eorum, & electos Israel impedivit. Og contra Moysen rebellat, extinguitur: Core conviciatur, obruitur: Datan & Abiron murmurant, devorantur. Aperta est enim, inquit, terra, & deglutiuit Datan, & operuit synagoga Abiron. Ducenti quoque, & quinquaginta, ut sacer sermo testatur, principes viri, qui tempore Concilii per nomina vocabantur, surrexerunt contra Moysen. Cumque stecissent aduersus Moysen, & Aaron, dixerunt: Sufficiat vobis, quia omnis multitudo sanctorum est, & in ipsis est Dominus, cur elevamini super populum Domini? Et quid post hæc? Ignis, inquit, egressus a Domino, interfecit ducentos quinquaginta viros, qui offerrebant incensum. Sed cum hæc tanta fierent,*

coelestis cura non profuit: adhibita est sepius
 edercitio, sed emendatio non est secuta. Sicut
 enim nos, cum assidue flagellamur, non corri-
 gimur: ita & illi, cum caderentur sapissime, non
 emendabantur. Quid enim scriptum est? *Mur-*
muravit autem omnis multitudo filiorum Israel
sequenti die contra Moysen, & Aaron, dicens: Vos
interfecistis populum Domini. Et quid postea?
 Percussa sunt statim, & divino igne consumpta
 quattuordecim milia hominum, & septingenti.
 Cum omnis ergo tunc populi multitudo pecca-
 verit, cur non est in omnibus vindicatum? pre-
 fertim, cum ex illa, quam supra dixi, seditione
 Core, nullus evaserit. Cur ibi cunctum pec-
 cantium cœtum interfici Deus voluit, hic tan-
 tummodo portionem? scilicet quia plenus & iu-
 stitia, & misericordia Dominus, & pietati suæ
 multa donat per indulgentiam, & severitati per
 disciplinam. Et ideo ibi præstitit disciplinæ, ut
 proficeret cunctorum emendationi, pœna om-
 nium noxiorum. Hic autem misericordiæ sue
 tribuit, ne universus populus deperiret. Et ta-
 men cum tam misericorditer egerit, quia in
 parte plebis castigatio toties repetita non pro-
 fuit, ad ultimum omnes morte damnavit: quæ
 res & timori, & emendationi nostræ simul pro-
 ficere deberet, scilicet, ne qui illorum exemplo
 penitus non corrigimur, illorum fortasse exitu
 puniamur. Non enim dubium, est, quid
 actum de eis fuerit: nam cum universa gens He-
 breorum ad hoc de Ægypto exierit, ut terram
 repromissionis intraret, præter duos tantum san-
 ctos, nullus intravit. Sic. n. scriptum est: *Locutus est*

Num. 16

Do-

Dominus ad Moysen, & Aaron, dicens : Usquequo multitudo hec pessima murnatur contra me ? Vino ego, ait Dominus, sicut locuti estis, audiente me. hodie, sic faciam vobis. In solitudine hac iacebunt cadauera vestra. Et quid postea ? Paravolos, inquit, uestros, de quibus dixistis, quod prada hostibus forent, introducam, ut videant terram, qua vobis displicuit. Vestra cadauera iacebunt in solitudine. Et quid deindè ? Omnes, inquit, mortui sunt, atque percussi in conspectu Domini. Quid est quod in his omnibus non sit ? vis videre rectorem ? Ecce, & præsentia corrigit, & futura disponit. Vis videre justum, & severum iudicem ? ecce noxios punit. Vis videre justum, & pium ? ecce innocentibus parcit, Vis videre in omnibus iudicem ? ecce ubique iudicium est. Nam & ut iudex, arguit : & ut iudex, regit. Iudex præmisit sententiam, iudex noxios punit, iudex innoxios munerat.



LIBER SECVNDVS.

43

ARGVMENTVM.

Petit hic exempla è libris Regum, ex quibus ostendit accu-
ratam Dei in omnibus, quæ committebantur vi-
gilantiam, & præsens ipsius de omnibus iudicium,
vel supplicia decernendo, vel præmia pro rectè
factis dividendo.

Sufficiunt igitur de exemplis ista, quæ dixi-
mus, quibus utique iugiter Deus noster, &
contemplator sollicitissimus, & gubernator
piissimus comprobatur. Sed cogitat de impe-
ritioribus fortè aliquis: Si sic aguntur nunc à
Deo omnia, ut tunc acta sunt, quid est, quòd
mali prevalent, affliguntur boni, & tunc cum
iram mali senserint, & misericordiam boni,
nunc videtur sentire quodammodo boni iram;
& mali gratiam? Paulo post ad ista respondeam:
Nunc, quia tria hæc, idest præsentiam Dei, gu-
bernationem, atq. iudicium, tribus his probatur-
um me, promissi, hoc est ratione, exemplis, ac
testimoniis: quia ratione, & exemplis iam sa-
tisfecimus, superest, ut testimoniis declaremus.
Quamvis exempla ipsa, quæ diximus, haberi pro
testimoniis debeant, quia rectè testimonium
esse dicitur, quo rerum veritas approbatur.
Quid igitur ex illis rebus, quæ supra dicta sunt,
per testimonia sacra primùm probari debet,
præsentia, an gubernatio, an ne iudicium? Præ-
sentia opinor, quia qui vel recturus est, vel iudi-
caturus, presens absque dubio esse debet, ut vel

regere quicquid illud est, vel iudicare possit. Loquens in suis voluminibus sermo divinus sic ait: *In omni loco oculi Domini contemplantur bonos, & malos.* Ecce habes presentem, ecce intuentem, ecce in omni loco, cura, ac provisione vigilantem. Idcirco enim bonos ab eo considerari, & malos, dixit, ut probaret scilicet, nihil ab eo negligi, quem ostenderet universa rimari. Quod ut plenius capias, audi, quod in alio scripturarum loco idem testatur Spiritus Sanctus. *Oculi, inquit, Domini super timentes eum, ut eripiat a morte animas eorum, & aliat eos in fame.* Ecce cur aspicere justos homines Deus, dicitur. ut que ut conservet, ut protegat. Aspectus enim Divinitatis propitię, munus est conservationis humane. Nā, & alibi idē divinus Spiritus Sanctus: *Oculi, inquit, domini super iustos, & aures eius in preces eorum.* Vide, qua benignitate agere cum suis Deum, scriptura dicit. In hoc si quidem, quod ait, oculos domini super iustos esse, affectus aspicientis ostenditur. In hoc autem, quod aures in precibus paratas, semper exaudientis largitas demonstratur. Quamvis per id, quod dicit, divinas aures in precibus semper esse iustorum, non audientia tantum Dei, sed quædam quasi obedientia Dei designetur. Quomodo enim in precibus iustorum divinę aures sunt? Quomodo? nisi ut semper audiant, nisi ut semper exaudiant, nisi ut promptē audita tribuant, nisi ut illico exaudita concedant. Semper ergo ad audiendas sanctorum preces paratę Domini nostri aures, semper attentę sunt. Quam beati essemus omnes, si quā promptam erga nos Dei audientiam le-

legimus, tam promptè ipsi Deum audire vellemus. Sed forsitan dicis, hoc, quod aspicere Deus legitur iustos, parum prodesse causæ: quia non sit generalis divinitatis intuitus, qui iustis tantum speciali benignitate tribuatur. Iam quidè superius sacer sermo testatur, quia oculi Domini contemplantur malos, & bonos. Sed si hoc etiam nunc vis, plenius probari, respice, quid sequatur: hoc enim subditur: *Vultus autem Domini super facientes mala, ut perdat de terra memoriam eorum.* Vide absque dubio, quia non potest quæri, quod non aspiciat etiam iniustos Deus: quippe cum intelligit generalem quidem esse in omnes Dei visionem, sed meritorum fieri disparilitate diversam: boni quippe aspiciuntur, ut conserventur; mali, ut disperdantur: cum quibus utique partem & ipse habens, qui homines à Deo aspici, negas, non solum videri te à Domino, evidenter intellige, sed periturum quoque indubitanter agnosce. Nam cum ad hoc sit vultus Dei super facientes mala, ut perdat de terra memoriam eorum de generatione omni: necesse est, ut qui aspicere Dei vultum perfidia negas, aspicientis iram perditione cognoscas. Igitur de præsentia, ac de aspectu Dei ista sufficiunt. Videamus, an qui nunc respicit, regat, cum utique ipsa ratio aspiciendi, causam in se habeat gubernandi: quia ad hoc non respicit, ut cum aspexerit, negligat, qui scilicet per id ipsum non negligere intelligitur, quia respicere dignatur: præsertim cum superius sacer sermo testatus sit, malos ad perditionem à Deo aspici, bonos ad salutem. Hoc ipsa

Psal. 33.

uti-

Ps. 79.

Sap. 12

utique dispensatio divini gubernaculi demōstratur, hoc est enim iusta gubernatione regere, & singulos quosque homines pro meritorum diversitate tractare. Sed accipe tamen de hac re plenius testimonium: dicit ad Deum patrem in Psalmo Spiritus Sanctus: *Qui regis Israel intende.* Israel videns Deum interpretatur: quem utique cum Christiani fide, & corde videant, qui fideliter credunt, licet gubernator omnium sit Deus, illis tamen peculiariter regimen præstari à Deo, dicitur, qui regi peculiariter à divinitate, mereantur. Vnde & tu quicumque illes, si Christianus es, necesse est, ut regi te à Deo, credas. Si autem gubernari te à Deo cum ceteris Christianis, omnino non putas, necesse est, extra omnes Christianos te esse cognoscās. Sed si illud, ut supra iam diximus, magis quæris, quod ad homines omnes, non quod ad solos pertineat Christianos: ecce evidenter dicit volumen sacrum, cuncta quotidie nutu divinitatis regi, & incessabiliter à Deo omnia gubernari. *Ipsa enim*, inquit, *diligit consilium, & disciplinam.* Nec est enim alius Deus, cuius cura est de omnibus. *Cum sis ergo*, inquit, *iustus, iuste omnia disponis, & cum magna reverentia disponis nos.* Ecce habes iugiter disponentem Deum, iugiter gubernantem: quamvis in isto scripturæ loco non gubernatio tantum sacra, sed etiam dignitas declaretur humana. In hoc enim quod ait, *disponis nos*, vis divinæ gubernationis: In hoc autem, *quod cum magna reverentia*, culmen humanæ ostenditur dignitatis. Alibi quoque, in propheta: *Nunquid non cæ-*
lum,

lum, inquit, & terram ego impleo? Cur autem cuncta impleat, ipse declarat. *Quia vobiscum sum*, inquit, *ut salvos faciam vos*. Ecce enim non modo regimen suum Dominus, & impletionem, sed etiam vim, ac beneficium ipsius adimpletionis ostendit. Hunc enim fructum in se habet divinitatis impletio, ut salvet ea, quæ adimplentur. Et ideo in Apostolorum Actibus beatissimus Paulus: *In ipso*, inquit, & *vivimus*, & *mouemur*, & *sumus*. Plus absque dubio, quàm gubernator est vitæ, in quo motus ipse v. ventis est. Non enim dixit, *ab ipso nos*, sed *in ipso moveri*, docens scilicet, insitam intra virtutes sacras omnium nostrum esse substantiam: quia in ipso profecto vivimus, à quo hoc ipsum ducimus, quod sumus. Sed & Salvator ipse in Evangelio: *Ecce ego*, inquit, *vobiscum sum omnibus diebus usque ad consummationem sæculi*. Non solum nobiscum se esse, dixit; sed etiam omnibus diebus esse nobiscum. Tu eum ò ingrâtissime homo, qui sine cessatione nobiscum est, nec curam, nec respectum nostri habere dicis? Quid facit ergo nobiscum? Nunquid ad hoc nobiscum est, ut non respiciat, & negligat? Et quomodo sibi utrumque convenit, ut qui pietati præstat præsentiam, impietati tribuat incuriam? *Ecce enim*, inquit, *vobiscum sum omnibus diebus usque ad consummationem sæculi*. Præclare scilicet affectum Dei interpretamur, si nos calumniatur, ab eo iugiter negligi, cum ille nos à se testetur, iugiter non relinquere. Ille per hoc ostendere voluit, quod à nobis affectu, & protectione iugiter non

Hier. 23.
& 42.

Act. 17.

Matt. 28.

non discederet, quia à nobis etiam *præsentia* non abesset: nos in contemptum nostri, divinam vertimus charitatem, nos amoris testimonia in odij argumenta mutamus. Hoc enim quod præsentem se esse, dicit, odij magis testimonium esse volumus, quàm amoris. Nam si absentem se Dominus futurum esse dixisset, minus causari forsitan de incuria poteramus absentis: maioris contemptus res est, atque fastidij, si nos iugiter negligit, qui à nobis iugiter non recedit: & plus in se odij nostri habet, si ad hoc nobiscum semper permanet, ut qui nos præsentia nunquam deserit, semper repudiet affectu. Sed absit hoc de piissimo, ac misericordissimo Deo credi, ut ad hoc semper nobis voverit assistere, ut nos maiore fastidio negligere videretur assistens. Absit hoc scelus dici. Nemo enim, puto, vel in toto humano genere tam malus est, qui ideo cum ullo hominum velit esse, quia non amet, & ad hoc tantum uti præsentia sua cupiat, ut maiore odio possit despiciere præsentem. Ipsa, vel doceat nos humana natura, vel vincat: si non ideo cum quocumque homine esse cupimus, quia eum, cum quo esse cupimus, diligimus. Et quia utique diligimus, prodesse ei præsentiam nostram cupimus, quem amamus. Quod ergo etiam malo homini auferre non possumus, à Deo tollimus, & peiorem pessimis hominibus Deum facimus, qui ad hoc futurum nobiscum se esse, dixerit, ut fastidiosius nos negligeret, cum fuisset. Sed hæc hætenus: superest, ut quia testimoniis sacris & respici, ac regi à Deo omnia, iam probavi-

bavimus, etiam iudicari plurima in hoc seculo à divinitate, doceamus. David sanctus cum à Nabale Carmelio contumeliæ pertulisset iniuriam, quia se ipse ulcisci distulit; ultionem statim Deo executore percepit. Extincto itaque paulò post adversario suo, & manu cœlesti obruto sic locutus est: *Benedictus Dominus, qui iudicavit causam opprobrii mei de manu Nabal*. Eundem quoque cum fugasset è regno filius persecutor, iudex in brevi Dominus vindicavit. Nec vindicavit tantum, sed cumulatius vindicavit, quàm ipse voluit, qui vindicabatur: ut ostenderet scilicet Deus, graviolem sibi esse iniuriam iniusta tolerantium, quàm tolerantibus suam. Nam qui supra votum eius vindicat, qui vindicatur, quid aliud vult intelligi, quàm se ipsum in eo, quem sic ulciscitur, vindicare? Acto itaque in crucem non manufactam filio parricida, vindictam ei divinitus attributam, sic nunciatam refert sermo divinus: *Bonum apporto nuncium domine mi rex: indicavit enim pro te hodie Dominus de manu omnium, qui surrexerunt contra te*. Vides quomodo non rebus tantum, ut supra diximus, & exemplis, sed ipso nomine, atque appellatione iudicii, Deum etiam præsentì saculo iudicare, divinæ per sacros testes literæ probant. Sed forsitan, dices, id specialiter sancto viro à Deo præstitum, ut de adversariis eius protinus iudicaret. Dies me deficiet, si de præsentibus in hoc mundo sententiis Dei, atque iudiciis dicere velim. Sed tamen, ut evidenter agnoscas,

1. Reg. 25

Iniusta
toleranti-
um ini-
uria Deo
gravis.

1 Reg. 18

censuram suam, & examen sacrum, non tam
 personis præstare, quàm causis, audi, quod iu-
 dex Deus, qui pro David servo suo sententiam
 assiduè evidentem dedit, contra David ipsum
 sepius vindicavit. Et quidem hoc non in mul-
 torum hominum negotio, aut quòd forsitan
 potuisset Deum magis movere, sanctorum, sed
 in causa, & unius hominis, & barbari: & ubi tan-
 tum virum persona penitus aggravaverat, nisi
 causa mulctasset: interfecto Vria Etheo, homi-
 ne gentis impiæ, & nationis inimicæ, statim fit
 ad David sermo divinus: *Vriam Etheum per-*
 2. Reg. 11 *cussisti gladio, & uxorem illius accepisti uxorem*
tibi, & interfecisti eum gladio filiorum Ammon.
Quàm ob rem non recedet gladius de domo tua us-
que in sempiternum. Itaque hac dicit Dominus:
Ecce ego suscitabo super te malum de domo tua, &
tollam uxores tuas in oculis tuis, & dabo proxi-
mo tuo. Tu enim fecisti abscondite. Ego vero fa-
ciam verbum istud in conspectu omnis Israel, & in
conspectu solis huius. Quid dicisti tu, qui non so-
 lum non iudicari quæcunque agimus, sed nec
 respici à Deo omnino, credis? Vides ne etiam à
 secreto illo, quo David semel lapsus, est, ne-
 quaquam Dei oculos abfuisse? Vnde & tu, qui,
 ad solatium, arbitror, peccatorum tuorum, cōsi-
 derari actus nostros, à Deo, non putas, ex hoc
 ipso, & aspici te à Christo, semper intellige, &
 punier eum forsitan propediem esse, cognosce,
 quia etiam David sanctum vides, unum erro-
 rem suum, nec secreto occultorum penetrantium
 potuisse contegere, nec à præsentibus pœnis
 privilegio saltem maiorum operum, vindicare.

Quid

Quid enim ait ad eum Dominus? *Tollam uxores tuas in conspectu tuo, & gladius non recedet à domo tua usque in sempiternum.* Vides quàm præsens accipiat tantus vir pro uno tantum errore iudicium: protinus culpam damnatio est secuta, & damnatio statim puniens, nihil reservans, atque illico coercens reum, non in futurum differens reatum. Et ideo non dixit, quia fecisti hoc, venturum iudicium Dei senties, & futuro gehennæ igne torquere: sed præsentia, inquit, tormenta senties, atque imminentem iam cervicibus tuis divinæ severitatis gladium sustinebis. Et quid post hæc? agnoscit scilicet reus culpam, humiliatur, compungitur, confitetur, luget, pœnitet: gemmas regias abdicat, crepantia auro textili indumenta deponit, purpura exuitur, diademate exoneratur, cultu & corde mutatur: totum regem cum ornatibus suis abiicit: providum pœnitentem cum patrocinio ambitiosi squaloris assumit, ieiunio excitatur, ariditate siccatur, fletu effunditur, solitudine carceratur. Et tamen rex tanti nominis, sanctitate maior, quàm potestate, prærogativis meritorum antecedentium supereminens, cum tanto ambitu supplicet, non evadit. Et hic tantus, tam grandis fructus pœnitentiæ est, quòd æternis quidem piaculis non addicitur, sed in præsentia tamen veniam non meretur. Denique quid pœnitenti propheta ait? *Quia blasphemare fecisti inimicos nomen Domini, propter verbum hoc, filius, qui ex te natus est, morietur.* Præter pœnam acerbæ orbitatis, etiam hunc addi piissimo patri intellectum summi

Pœnitentia fructus.
2. Reg. 12.

2. Reg. 13

supplicii, Deus voluit, ut dilectissimo filio causa mortis pater ipse existeret, qui doleret, cum utique natum ex crimine puerum, crimen ipsum occideret, quod creasset. Hoc ergo primum est divinæ animadversionis exordium. Primum, utique non solum: secuta namque est ærumnarum longa series, atque à dono eius iugis admodum malorum continuatio non recessit. Thamar Ammonis furore corumpitur, Ammon ab Absalone iugulatur. Scelus quidem grande ab uno fratre committitur, sed peius tamen ab alio vindicatur. Inter hæc pater David facinore utriusque punitur: duo filii peccant, sed tres duorum scelere perduntur. In Thamar enim virginitas amittitur, in Ammone etiam Absalonis perditio lugetur. Et quidem nescias, quem de filiis duobus tam bonus pater potissimum amiserit, illum qui manu fratris occisus est in hoc seculo, an illum, qui sua perit in futuro. Iam verò hinc juxta verbum Dei inestimabilis mali cumulus: insidias diu pater à filio patitur, regno pellitur, & ne occidatur, profugus abscedit. Impurior nescias, an eruentior filius, quia interficere patrem non potest parricidio, scædat incestu, & quidem incestu, præter incesti nefas, per industriam accumulandi sceleris elato: cum utique facinus, quod etiam secreta abominabile facerent, persecutor parentis publicè perpetraret: scilicet ut feralissimo crimine non pater tam absens deformaretur, quàm oculi etiam totius orbis publico scdarentur incestu. Iam si addenda est, & ipsius fugæ facies, quale illud fuit, cum tantus Rex, & tanti

no-

hominis cunctis regibus altior, mundo maior, omnes admodum suos cum paucissimis suis fugeret, in comparatione dudum sui egestuosus, in comparatione sui solus: fugiens cum metu, cum dedecore, cum luctu, *operto*, inquit scriptura, *capite, & nudis pedibus incedens*: superstes prioris status à se ipso exulans, pœnæ iam post se vivens: deiectus usque in servorū suorū, vel quod grave est, contumeliam, vel quod gravius, misericordiam, ut vel Siba eū pasceret, vel maledicere Semei publicè nō timeret. Ita Dei iudicio à se alter effectus, ut ei, quem timuerat totus orbis, unus in faciem insultaret inimicus. Vbi sunt, qui à Deo respici res humanas negant? Ecce quoties testes sacri in personam unius hominis, non respexisse tantummodo Deum, verū etiam iudicasse, docuerunt. Et cur hæc omnia? cur utique, nisi ut intelligeremus, eandem futuram semper in mundo censuram, & coercionē Dei, quæ fuisset, & ideo etiam sanctos homines quodam iudicio Dei legimus castigatos, ut iudicandos nos, Deo iudice, etiam præsentī sæculo, nosceremus: quia sicut Deus semper est; sic iustitia Dei semper: sicut omnipotentia Domini indeficiens, sic censura inevitabilis, sicut Deus iure perpetuus, sic iustitia perseverans: & ideo omnes admodum sancti in libris sacris inter discriminum imminantium motus, & persecutorum gladios, constituti, præsens iudicium Dei postulant. Sic enim iustus dicit in Psalmo: *Iudica me Deus, & discerne causam meam de gente non sancta*. Quod ne ad futurum Dei iudicium trahi

2. Reg. 15

Sancti etiam castigati.

Psal. 42

Psal. 34.

trahi possit, subdit statim: *Ab homine iniquo, & doloso eripe me.* Præsens utique iudicium, Dei postulat, qui liberari se de manu persecutoris, implorat. Et bene pro conscientia bonæ causæ non tam suffragium Domini, quam iudicium deprecatur, quia bonæ causæ semper optimum suffragium tribuitur, si cum iustitia iudicetur. Alibi quoque hoc evidentissimè indicat, *Iudica Domine nocentes me, expugna impugnantes me. Apprehende arma & scutum, & exurge in adiutorium mihi.* Vides etiam; hoc loco non futuri examinis severitatem, sed censuram præsentis iudicii postulari. Hoc est enim quod ait: *Apprehende scutum, & corripe gladium,* scutum scilicet, ad protectionem, gladium ad ultionem. Non quia hoc iudicans Deus, egeat apparatu, sed quia in hoc sæculo hæc terribilium rerum nomina, terribilium iudiciorum sunt instrumenta, ad humanam intelligentiam humanarum rerum significationibus loquens: quia iudicari, ac vindicari se de aduersariis precabatur, per instrumenta terrenæ istius ultionis, iram divinæ animadversionis expressit. Denique alibi propheta idem, quid inter præsens & futurum iudicium, Dei esset, ostendit. Quid enim de censura præsentis examinis dicit ad Dominum? *Sedes super thronum, qui iudicas equitatem.* Quid autem de futuro æternoque iudicio? *Iudicabit,* inquit, *orbem terra in equitate.* Et iterum: *Iudicabit populos cum iustitia:* ipsis scilicet verbis præsentis temporis, & futuri, tempus iudicii utriusque distinxit. Ut enim præsens iudicium ostenderet, *iudicas* posuit: ut

au-

autem futurum distingueret à præsentibus, subiecit postea, *iudicabit*. Hæc igitur de cura erga nos Dei, & gubernaculo, & iudicio, ratione, exemplis, testimoniis, satis est probasse, maxime quia etiam, quæ post hoc secutura sunt, ad id ipsum omnia pertinebunt. Nunc si à Deo, cuius negotium agimus, vires ad agendum acceperimus, ea quæ contra hæc ab adversariis dici solent, & proferre simul, & refutare tentabimus.

LIBER TERTIVS.

ARGVMENTVM.

Exorditur à Dei adorandis quidem, non examinandis iudiciis; nam si gubernatorem, & Iudicem satis demonstravit rerum nostrarum non incuriosum, sequitur, ut Deo reservetur omnium, quæ hic geruntur, arcana ratio, nobis nullatenus exploranda. Quia tamen vulgi, & quidem christiani, murmur vult componere, dolentis, deteriorem apud Deum conditionem suam, quam Paganorum; qui fidelibus, filiorum instar indulgere, tanquam amantissimus pater deberet, & infidelibus, ut insensissimis divinitatis hostibus, calamitates, excidia, ruinasque immittere; Hinc Vir Dei sancta iracundia, & zelo percitus, ostendit, christianos de nomine duntaxat religionis oblandiri sibi, quando vita, & moribus deteriores sunt paganis; adeoque neque ex hoc titulo ullam ipsos mereri, tam boni patris, & provisoris vigilantissimi, indulgentiam.

BEne se res habet, iacta sunt fundamenta operis pia monitione cœpti, & divini officii amore suscepti. Et ideo non sunt solubili luto

posita, nec tēporali lapide constructa, sed sacram expensarum confectioe valida, & divini magisterii arte firmata. Quę ut ipse in Evangelio Deus dicit, nec ventis possint furentibus concuti, nec alluvione fluminum subruī, nec pluviarum infusione dissolvi. Cū enim hoc opus manus quodammodo divinorū voluminū instruxerit, & celestiū scripturarū compago solidarit, necesse est tā firma hęc per Dominū Iesum Christū esse, quę facta sunt, quā firma illa sunt, quę fecerunt ēdificiū. Itaque hoc naturam status sui de stirpe sumet, & labefactari salvis autoribus suis non potest. Sicut enim in terrenis ēdificiis deicere parietes nullus potest, nisi prius lapides, & camenta deiecerit: sic ēdificiū, quod struximus, dissolvere nullus valet, nisi id, unde structum est, & consummatum, ante dissolverit. Quod quia labefactari nūquā nequaquam potest, rectē etiam à nobis incolumitas ēdificiī pręsumitur, cuius status subsidiis immortalibus continetur. Quæritur itaque, cū hęc ita sint, si totum, quod in hoc mundo est, cura, & gubernaculo, & iudicio Dei agitur, cur melior multo sit barbarorum conditio, quā nostra. Cur inter nos quoque ipsos fors bonorum durior, quā malorum, cur probi iaceant, improbi convalescant, cur iniquis, vel maxime potestatibus universa succumbant. Possum quidem rationabiliter, & satis constanter dicere: Nescio secretum, & consilium divinitatis ignoro: sufficit mihi ad causę huius probationem dicti cœlestis oraculum.

Deus

Deus à se, ut libellis superioribus iam probavimus, omnia dicit aspici, omnia regi, omnia iudicari. Si scire vis, quid tenendum sit, habes literas sacras: perfecta ratio est hoc tenere, quod legeris. Quæ causa autem Deus, hæc, de quibus loquimur, ita faciat, nolo à me requiras. Homo sum, non intelligo secreta Dei, investigare non audeo, & ideo etiam attentare formido: quia & hoc ipsum genus quasi sacrilegæ temeritatis est, si plus scire cupias, quàm sinaris: sufficit quod tibi Deus, à se agi, ac dispensari cuncta, testatur. Quid me interrogas, quare alter maior sit, alter minor? alter miser, alter beatus? alter fortis, alter infirmus? quæ causa quidem hæc Deus faciat, non intelligo, sed ad plenissimam rationem abunde sufficit, quod à Deo agi ista, demonstro. Sicut enim plus est Deus, quàm omnis humana ratio: sic plus mihi videri debet quàm ratio, quod à Deo agi cuncta, cognosco. Nihil ergo in hac re opus est, novum aliquid audire, satis sit pro universis rationibus auctor Deus: nec licet, ut de his, quæ divino aguntur arbitrio, aliud dicas iustum, aliud iniustum: quia quicquid à Deo agi, vides, atque convinceris, necesse est plus quàm iustum esse, fatearis. Hæc ergo de gubernaculo Dei, atque iudicio expedirissimè, ac fortissimè dici possunt. Neque enim necesse est, ut argumentis à me probetur, quod hoc ipso, quia à Deo dicitur, comprobatur. Itaque cum legimus dictum à Deo, quia aspiciat iugiter omnem terram, hoc ipso probamus, quod aspiciat, quod aspicere, se dicit. Cum legimus, quod regat cuncta, quæ fecit, hoc

*Homo si
Sacile
ga teme
ritas.*

hoc ipso approbamus quod regit, quia se regere, testatur. Cum legimus, quod presenti iudicio universa dispenset, hoc ipso est evidenter, quod iudicat, quia se iudicare, confirmat. *Humana dicta testibus egēt* Alia enim omnia, id est humana dicta, argumentis, & testibus egent: Dei autem sermo ipse sibi testis est: quia necesse est, quicquid incorrupta veritas loquitur, incorruptum sit testimonium veritatis. Sed tamen cum per scripturas sacras scire nos quasi de arcano, animi & mentis suæ quædam, voluerit Deus noster, quia ipsum quodammodo scripturæ sacræ oraculum Dei mens est, quicquid vel agnosci per suos, vel prædicari Deus voluit, non tacebo: unum quamvis prius, quàm loqui ordiar, scire cupiam: cum Christianis mihi loquendum, an cum paganis sit. Si enim cum Christianis, probaturum me quod ago, esse non dubito. Si autem cum paganis, probare contemno: non quia deficiam in probatione, sed quia pro futurum quod loquor esse, despero. Infructuosus quippe est, & inanis labor, ubi non recipit probationem *Pravus auditor.* pravus auditor. Sed tamen, quia esse nullum omnino, arbitror, Christiani nominis hominem, qui non se Christianum videri, velit: ego cum Christiano agam. Quamvis enim quis impiæ, ac paganicæ infidelitatis sit, mihi tamen fatis est, à Christiano probari quod dico. Causaris igitur, quid sit istud, quod Christiani, qui Deum credimus, omnibus inferiores sumus. Sufficere mihi ad respondendum hoc loco poterat, quod Apostolus ad ecclesias dicit: *Nemo moveatur in tribulationibus istis, ipsi*

ipsi enim scimus, quod in hoc positi sumus.
 Et ideo cum in hoc positos nos esse, Apostolus dicat, ut ærumnas, ut misérias, ut tristitias perferamus: quid mirum est, si mala cuncta perferimus, quid ad toleranda adversa omnia militamus? Sed quia multi ista non sapiunt, & putant homines Christianos, hæc, quasi stipendia fidei sue à Deo capere debere, ut quia sint cunctis gentibus religiosiores, sint cunctis etiam fortiores, acquiescamus opinioni eorum, atque sententiæ. Sed videamus, quid sit Deum fideliter credi. Qui enim tam magnam credulitatis, & fidei mercedem in hoc seculo esse, volumus, qualis credulitas, aut fides esse debeat, considerare debemus. Quid est igitur credulitas, aut fides? opinor, hominem fideliter Christo credere, id est fidelem Deo esse, hoc est, fideliter Dei mandata servare. Sicut enim servi hominum, divitum, aut procuratores, quibus vel supellectilis copiosa, vel cellaria opulenta creduntur, fideles absque dubio dici non queunt, si res traditas devorarent: sic profecto etiam Christiani homines fideles non sunt, si bona sibi à Deo assignata, corrumpere. Queritur forsitan, quæ sunt bona, quæ Deus Christianis hominibus assignet? quæ? nisi omnia, per quæ credimus, id est per quæ omnia Christiani sumus. Primum scilicet legem, deinde prophetas, tertio Evangelium, quarto apostolicas lectiones. Postremum generationis novæ munus, sancti baptismatis gratiam, divini chrismatis unctionem: scilicet, ut sicut apud Hebræos quondam, id est peculiarem, ac propriam

Rom. 5
 Thessa.
 Ion. 3.

Deum
 fideliter
 credi.

Bona Christi-
 anis at-
 tributa.

priam Dei gentem, cum iudiciarius honor in potestatem regiam descendisset, probatissimos, ac electissimos viros per primogenitum regum vocavit in regnum: sic omnes homines Christiani, cum post christum ecclesiasticum omnia Dei mandata fecissent, ad capiendum laboris premium vocarentur ad cælum. Cum ergo ista sint omnia, per quæ fides constat, videamus, qui tanta hæc fidei sacramenta custodiat, ut fidelis esse videatur: quia infidelis, ut diximus, sit necesse est, qui fidei commissa non servat. Et quidem non quæro, ut cuncta faciat, quæ testamenta duorum temporum iubent, remitto censuram legis antiquæ, remitto has prophetarum minas, etiam quæ omnino remitti non possunt, vel apostolicorum librorum severissimam institutionem, vel Evangelicorum voluminum plenam omni perfectionis genere doctrinam. Paucissimis saltem præceptis Dei quis obsequatur interrogo, nec illa dico, quæ ita multi refugiunt, ut penè execrentur: tantum apud nos honor, & reverentia Dei proficit, ut quæ in devotione non facimus, etiam odio digna esse, dicamus. Denique hoc, quod Salvator cogitare nos de crastino, prohibuit, quis audire dignatur? quod contentos singulis tunicis iubet esse, quis recipit? quod ambulare excalceatos præcipit, quis non modo faciendum, sed vel ferendum arbitratur? Itaque, & ego ista prætereo. In hoc enim fides, per quam confidimus recidit, ut quæ Dominus nobis salutaria esse, voluit, nos superflua iudicemus. *Diligite, inquit Salvator, inimicos vestros, benefacite his*

Dei præcepta vel minima neminem observare

Mat. 10.

Mat. 5

qui

qui vos oderunt, & orate pro persequentibus & calumniantibus vos. Quis hæc omnia facit? quis pro inimicis suis orat, istaque quæ Deus iussit, non dico votis, sed verbis saltem agere dignatur? Aut etiam si quis se cogit, ut faciat, facit tamen ore, non mente. Præstat quidem vocis officium, sed animi non mutat affectum: ac per hoc etiam si pro adversario suo orare, se cogit, loquitur, non precatur. Longum est de singulis dicere, sed adhuc tamen aliquid addam, ut intelligamus, nos non modo non omnibus Dei obtemperare verbis, sed nullis penè illius obedire mandatis. Et ideo Apostolus clamat: *Nam qui se existimat, aliquid esse, cum nihil sit, se ipsum seducit.* Hoc enim ad crimina nostra addimus, ut cum in omnibus rei simus, etiam bonos nos, & sanctos esse credamus; ac si in nobis cumulentur iniquitatis offensæ, etiam presumptione iustitiæ. *Qui odit, inquit Apostolus, fratrem suum, homicida est.* Intelligere ergo possumus, multos esse homicidas, qui se innoxios putant, quia, ut videmus, homicidium non sola tantummodo occidentis manu, sed etiam odientis animo perpetratur. Vnde est, quod Salvator mandati huius normam censura adhuc severiore cumulavit, dicens. *Qui irascitur fratri suo sine causa, reus erit iudicio.* Ira mater est odij. Et ideo Salvator excludere iram voluit, ne ex ira odium nasceretur. Si ergo non solum odium, sed etiam ira nos videri iudicio reos faciet, evidenter agnoscimus, quod sicut nullus omnino est immunis ab iracundia, sic nullus omnino immunis esse poterit à reatu. Prosequitur autem

Gal. 6.

1 Io. 3

Mat. 5

tem

Ibidem.

Racha
conviciū.

Lucę 14.

1. Io. 2

Crucem
portare.

tem Dominus, quasi fibras præcepti istius, & omnes penitus frutices, ac ramusculos secans, ait: *Qui autem dixerit, fatue, reus erit gehennæ ignis. Qui dixerit fratri suo, racha, reus erit concilio.* Racha, quod genus sit contumeliæ mulci nesciunt: fatuitas autem quam iniuriose obiciatur, optime norunt. Et ideo scientia sua potius homines, quam ignorantia utentes, malunt reatus suos per id convicium, quod sciunt divinis signibus: quam per id, quod nesciunt, humanis conciliis expiari. Quæ cum ita sint, & cum hæc omnia quę iubentur à Domino, non modo à nobis omnino non fiant, sed penè in diversum omnia fiant, quando maiora illa faciemus? *Qui enim, (inquit Salvator) non renuntiaverit omnibus quæ possidet, non potest meus esse discipulus. Et qui non tulerit crucem suam, & secutus me fuerit, non est me dignus. Et qui se Christianum dicit, debet quemadmodum Christus ambulavit sic & ipse ambulare,* quę non modo illos, qui voluptates, & pompas sæculi sequuntur, sed ne illos quidem implere certum est, qui sæcularis amoris ius derelinquunt. Nam & qui renunciare divitiis videntur, non sic renunciant, ut penitus renunciassent videantur. Et qui putantur crucem portare, sic portant, ut plus habeant in crucis nomine dignitatis, quam in passione supplicij. Et omnes tamen isti, etiam si aliquid horum bona fide implerent, illud absque dubio nullus efficeret, ut per viam vitæ istius sic incederet, sicut Salvator incessit. *Qui se enim, inquit Apostolus, dixit in Christo manere, debet quemadmodum Chri-*

Christus ambulavit, sic & ipse ambulare . Sed dura quidam forsitan putant, apostolorum esse præcepta . Dura planè existimanda sunt , si plus ab aliis officiorum exigunt , quàm sibi sumunt . Porro autem si multo minus cæteris imperatur quàm sibi , non modò non graves magistri , sed parentes indulgentissimi iudicandi sunt , qui onera , quæ cervicibus filiorum per amoris indulgentiam detrahunt , sibi per affectum religionis imponunt . Quid enim ab uno ex ipsis ad populos ecclesiasticos dicitur ? *Filioli , inquit , mei , quos iterum parturio , donec formetur Christus in vobis .* Et rursus : *Imitatores , inquit , mei estote , sicut & ego Christi .* Nobis hoc imperat , ut se imitemur : qui sibi hoc imposuerat , ut Christi esset imitator . Quod quidem ipse Christum imitatus sit , nullum dubium est : Christus enim se pro nobis subdidit mundo , & se ipse pro Christo . Christus pro nobis rædia , & labores gravissimos pertulit , & hoc ipse pro nobis , & pro Christo . Christus pro nobis contumelias passus est , & hoc ipse pro Christo : Christus pro nobis passionem , mortemque toleravit , & hoc ipse pro Christo . Et ideo non sine causa meritorum suorum conscius dicit : *Certamen bonum certavi , fidem servavi , de reliquo reposita est mihi corona iustitiæ .* Itaque cum ille Christum sic imitatus sit , videamus , quis nostrum Apostoli imitator appareat . Scribit enim de seipso primum , quod nulli unquam dederit offensionem , sed in omnibus exhibuerit se , sicut Dei ministrum , in patientia multa , in tribulationibus , in necessitatibus , in plagis , in carceribus

Gal. 4
1. Cor. 11.

2. Tim 4.

2. Cor. 6.

Cor. 11

*Naufragamus
ubique
nos Christiani.*

*Deus nunc
minora à
nobis exigit.*

bus, in lacerationibus. Et alibi dum se aliis comparat, sic ait: *In quo quis audeat, in insipientia dico, audeo & ego: ut minus sapiens dico, plus ego, in laboribus plurimis, in carceribus abundantius, in plagis supramodum, in mortibus frequenter. A Iudeis quinque quadragevas una minus accepi. Ter virgis casus sum, semel lapidatus sum, ter naufragium feci.* Sanè etsi de cæteris, quas dicit virtutibus apostolicis nihil facimus, in hoc tamen uno, ubi Apostolus ter naufragasse se, dicit, etiam vincere possumus. Non enim ter tantummodo naufragavimus, quorum penè omnis vita naufragium est. Intantum quippe vitiose ab omnibus vivitur, ut prope nullus christianorum sit, qui non iugiter naufragare videatur. Sed dicit fortasse aliquis, non id esse nunc temporis, ut pro Christo perferamus, quæ tunc apostoli pertulerunt. Verum est, non enim sunt principes pagani, non tyranni persecutores, non sanguis sanctorum funditur, nec fides suppliciis comprobatur. Contentus Deus noster est, ut ei pax nostra serviat, ut sola ei immaculatum actuum puritate, & vitæ incontaminabilis sanctitate placeamus. Quo plus ei fides & devotio nostra debet, quia minora à nobis exigit, & maiora concessit. Et ideo cum & principes Christiani sint, & persecutio nulla sit, & religio non inquietetur, qui ad probandum fidem experimentis durioribus non compellimur, inferioribus saltem officiis Domino plus placere debemus. Probat enim etiam in maioribus, si res exigat, executorem se idoneum fore, à quo minora complentur. Dimittamus ergo

ergo illa quæ beatissimus Paulus pertulit, imò
 quæ in libris postea de religione conscriptis om-
 nes admodum Christianos legimus, pertulisse:
 qui ad cœlestis regis ianuam gradibus pœna-
 rum suarum ascendentes, scalas sibi quodam-
 damodo de eculeis, catastisque fecerunt. Videamus
 si in illis saltem religiosa devotionis obsequiis,
 quæ minora atque communia in summa
 quiete & omni tempore omnes Christiani obire
 possumus, præceptis dominicis respondere tenta-
 mus. Iubet Christus, ne litigemus. Quis iu-
 benti obtemperat? Nec solum iubet, sed in-
 tantum hoc iubet, ut ea ipsa nos, de quibus lis
 est, relinquere iubeat, dummodo litibus exua-
 mur. *Si quis enim, inquit, voluerit tecum iudicio
 contendere, & tunicam tuam tollere, relinque ei
 & pallium.* Interrogo, qui sint, qui spolianti-
 bus aduersariis cedant, imò qui sint, qui aduer-
 sarios suos non spoliare conentur! Tam procul
 enim abest, ut cum tunicis etiam alia relinqua-
 mus, ut si quo modo possumus, pallium simul
 aduersariis tunicasque tollamus. Tam devote
 enim mandatis dominicis obedimus, ut non
 sufficiat nobis, qui aduersariis nostris etiam
 minima vestimentorum nostrorum parte non
 cedimus, nisi eis quantum in nobis est, si res
 sinat, cuncta rapiamus. Iungitur autem præ-
 cepto huic par, & consimile mandatum, quo
 ait Dominus: *Qui percusserit te in dextram ma-
 xillam, præbe ei & alteram.* Quantos putamus
 esse, qui dicto huic vel aures modeste præbeant,
 vel certe etiam si id facere videntur, animis ac-
 quiescant? Aut quotus quisque est, qui si ictum

Mathi 5

Ibidem.

Mat. 5,

Luc. 12,

1. Cor. 10.

Boni Do-
mini bo-
nus fa-
mulus .

unumacceperit , non multos pro uno reddat : tantū ab illo abest , ut cedēti maxillam , præbeat alteram ; ut tum se vincere putet , non quando adversariū vapulando , sed quando cedendo superaverit . *Que. vultis , inquit Salvator , ut faciant vobis homines , eadem & vos facite illis similiter .* Huius sententię partem tam bene novimus , ut nunquam prætereamus : partem sic prætermittimus , quasi penitus nesciamus . Nam quid ab alijs præstari nobis velimus , optime novimus : quid autem ipsi alijs debeamus præstare , nescimus . Atque utinam nesciremus , minor esset ignorantie reatus , secundum illud : *Qui nescit voluntatem Domini sui , vapulabit paucis : qui autem scit & non facit eam , vapulabit multis .* Nunc autem maior in hoc offensa est , quod partem sententię sacrę pro commodorum nostrorum utilitate deligimus , partem pro Dei iniuria præterimus . Exaggerat quoque hoc Dei verbum officio prædicationis suę apostolus Paulus dicēs : *Nemo quod suum est quarat , sed quod alterius .* Et iterum : *Non quæ sua sunt , inquit , singuli cogitantes , sed ea , quæ aliorum .* Vides , quā fideliter præcepta Christi fuerit executus , ubi cum Salvator sic nos pro alijs , sicut pro nobis , iusserit cogitare , ille plus aliorum nos commodis iussit consulere , quā nostris : boni scilicet domini bonus famulus , & singularis magistri præclarus imitator , qui in vedigijs domini sui ambulans , patentiora quodammodo , & expressiora pedibus suis fecit domini sui esse vestigia . Quid ergo horum facimus Christiani , quod Apostolus jubet ? Puto omnino , quod neutrum

trum . Tantùm abest , ut aliorum commodis aliquid cum propria incommoditate prestemus, ut omnes vel maximè nostris commodis cum aliorum incommodo consulamus . Sed eligere forsàn maiora quæque videmur, quæ nullus impleat, & ut ipsi putant implere omninò non possit , & præterire alia, quæ & impleri queant , & ab omnibus impleantur . Sed primum illud considerandum est, quia nulli servorum licet, ex his, quæ dominus suus imperat, eligere pro arbitrio, & insolentissima abusione, quod placuerit, assumere, quod displicuerit, repudiare: maxime cum & terrestres domini nequaquam æquo animo tolerandum putant, si iussiones suas servi ex parte audiant, & ex parte contemnant, & pro libidine sua, quæ putaverint faciendâ, faciant, quæ putaverint conculcandâ, conculcent . Si enim pro arbitrio suo servi dominis obtemperant, ne in ijs quidem, in quibus obtemperaverint, obsequuntur . Quando enim servus ex domini sui iussu, ea facit tantummodo, quæ vult facere, iam non dominicam voluntatem implet, sed suam . Si ergo nos, qui homunculi imbecilli sumus, contemni tamen à servis nostris omnino, nolumus: quos etsi nobis servitutis conditio inferiores, humana tamen fors reddit æquales: quàm iniquè cælestem dominum contemnimus, qui cum homines ipsi simus, contemnendos nos tamen à nostræ conditionis hominibus, non putamus: nisi tanti fortasse consilii, ac tam profundæ intelligentiæ sumus, ut qui pati iniurias servorum nolumus, subditum iniuriis nostris Deum esse, velimus: & quod ipsi toleratu

humano indigna credimus, Deum à nobis dignè hæc tolerare credamus. At per hoc, si qui sunt, ut ad superiora redeamus, qui de maioribus nos Dei præceptis dicere existiment, & minora reticere, superflue queri, intelligendi sunt. Neq. .n. iusta causatio est, cur præferantur aliqua, ubi facienda sunt omnia. Sicut enim dominorum carnalium servis eligere, ut iam dixi, omnino non licet, quæ ex præceptis servilibus faciant, aut quæ non faciant. Sic nos, qui servi nostri Domini sumus, illicitum omnino existimare debemus, ut vel illa, quæ placent, pro animi oblectatione sumamus, vel illa, quæ displicent, pro superbiæ abusione calcemus. Sed acquiescamus tamen iis, qui ex præceptis dominicis idcirco forsitan nos nolunt maiora dicere, quia se putant minora complere: non quia sufficiat ad salutem, si maioribus spretis, minora faciamus, secundum illud: *Quicumque totam legem servaverit, offendat autem in uno, factus est omnium reus*: ac per hoc licet nobis non sufficiant parva, ac minima quæque facere, acquiesco tamen ego minora dicere, ut ostendam maximam Christianorum omnium partem, ne exigua saltem, ac minima fecisse. Iussit Salvator noster, ut Christiani non iurarent. Plures invenies, qui sapius peierent, quam, qui omnino non iurent. Iussit quoque, ut nemo malediceret. Cuius sermo non maledictio est? Prima enim semper tela irarum maledicta sunt, & quidquid non possumus imbecilli, optamus irati, ac si in omni animorum indignantium motu, votis malis pro armis utimur. Vnde unusquisque hominum evidentissi-

mè probat, quidquid fieri adversariis suis optat, totum se velle facere, si posset. Sed videlicet, quia omnes hac improbitate linguarum facile utimur, qui iussis dominicis non obtemperamus, idcirco etiam apud Deum facile hoc putamus esse, qui iussit. *Maledici*, inquit sermo divinus, *regnum Dei non possidebunt*. Hinc ergo intelligere possumus, quàm gravis sit, & perniciofa maledictio, quando etiam si alia bona adfuerint, sola excludit à cœlo. Invidiam iussit procul esse nobis: at nos econtrà, non extraneis tantùm, sed etiam proximis invidemus. Nec solùm inimicos, sed etiam amicos livore perfundimus, adeò propè in omnium sensu hoc malum regnat, adeò esuriendi libido terminum habet, detrahendi libido terminum non habet. Nam sæpè admodum cibo, nunquam detractiōe saturamur. Sed forsitan levis pœna istius labi est? *Detrahens*, inquit scriptura sacra, *eradicabitur*. Gravis profectò, & tremenda animadversio, sed tamen nulla correctio. Dummodo enim unusquisque hominum, alium lacerare non desinat, tanti putat, ut etiam sibi ipse non parcat, sed digna planè mali istius retributio est, quæ solùm persequitur autorem, illi enim nihil nocet penitus, cui detrahit, tantummodo illum punit, à cuius ore procedit. Sed delirare, opinor, videmur ista repetendo, & fero, ut nos delirare videamur. Nunquid deliravit Dominus, qui præcepit: *Omni enim*, inquit per Apostolum suum, *clamor auferatur a vobis cum omni malitia*? Vtrumque quidem hoc in nobis iugiter perseverat, sed tamen magis malitia,

Eph. 5

1. Cor. 6.

Rom. 1

Invidia
solum au-
torē per-
sequitur.

Ephes. 4

Phil. 2.

quàm clamor. Clamor quippe non semper est in oribus nostris, malitia autem semper in cordibus nostris, ac per hoc puto, quod etiam si in nobis clamor desineret, tamen malitia permaneret. Sine murmuratione quoque, & querela nos Deus noster esse, præcepit. Quando hæc in humano genere non fuerunt? Si æstus est, de caliditate causamur: si pluvia, de inundatione conquerimur. Si infœcundior annus est, accusamus sterilitatem: si fœcundior, vilitatem adipisci abundantiam cupimus, & eandem adepti accusamus. Quid dici hac re improbius, quid contumeliosius potest? etiam in hoc de misericordia Dei querimus, quia tribuat, quod rogamus. Abesse à servis suis omne omnino, etiam oculorum, scandalum Deus præcepit. Et ideo

Mat. 15

si quis, inquit, viderit mulierem ad concupiscendum, iam mæchatus est eam in corde suo. Hinc intelligere plenè possumus, quàm castos nos esse, Salvator iusserit, qui etiam licentiam visionis abscidit. Sciens enim, fenestras quodam-

Oculi fenestra.

modo esse nostrarum mentium, lumen oculorum, & omnes improbas cupiditates in cor per oculos, quasi per naturales cuniculos, introire, extinguere eas penitus foris, voluit, ne intus orirentur, & lethaliter crescentibus fibris, convalescerent fortasse in animo, si germinassent in visu. Idcirco itaque, ait, Dominus, petulcos impudicorum hominum intuitus noxa adulterij non carere, scilicet, ut qui bona fide fugeret adulterium, custodiret aspectum. Perfectæ siquidem ac syncerissimæ sanctitatis volens cultores suos facere, Salvator iussit, ab iis cautissi-

mè

*Minimā
etiam vi-
tanda.*

mē etiam minima vitari : & ut quā purā est pupilla oculi , tam purā esset Christiani hominis vita : & sicut salva intuitus incolumitate , pulveris labem in se oculus non reciperet : sic vita nostra labem in se penitus impuditiæ non haberet . Vnde est illud etiam , quod in sequentibus ait Dominus : *Si scandalizat te oculus tuus , erue eum . Et si scandalizat te manus tua , abscinde eam . Expedit tibi , ut pereat unum membrum tuorum , quā totum corpus tuum mittatur in gehennam .* Si igitur iuxta Dei verbum in gehennam scandalis trahimur , rectē profecto , ut gehennam vitare possimus , etiam manibus nostris , oculisque mutamur : non quod membris suis quis privare se debeat : sed quia tam necessaria nobis sunt quādam domesticorum obsequiorum necessitudines , ut his quasi oculis , interdum autem quasi manibus utamur , rectē nobis præsentium ministeriorum officia subtrahimus , ne æterni ignis tormenta patiamur . Vbi enim de ministerio agitur , & vita , rectius profecto Christiano est , ministerio carere , quā vita . Itaque cum in omnibus his quæ diximus , obedire nos sibi Dominus noster , iusserit , ubi sunt , qui aut in universis mandatis Deo , aut certē vel in paucissimis obsequantur ? ubi sunt , qui aut inimicos diligant , aut persequentibus beneficiant , aut malos in bono vincant , qui maxillas cadentibus præbeant , qui spoliantibus res suas sine lite concedant ? Quis est , apud quem delectationi penitus nihil liceat , qui convitio suo neminem lædat , qui silentio os coerceat , ne in amaritudinem maledictionis erumpat ,

Mar. 9.

quis est, qui faciat hæc minima? ut non dicam illa, de quibus diximus paulò ante, maiora. Quæ cum ita sint, & cum à nobis nil penitus dominicæ iussionis fiat, quid est, quòd nos queramur de Deo, cū queri magis Deus de nobis omnibus possit? Quæ ratio est, ut doleamus, nos non audiri à Deo, cum ipsi Deum non audiamus: & susurremus, non respici à Deo terras, cum ipsi non respiciamus ad cælum: & molestum sit, despici à Domino preces nostras, cum præcepta eius despiciantur à nobis. Fac nos pares Domino nostro esse, quis est iustæ quærimoniæ locus, hoc pati quemquam, quod fecerit? salvo eo, quod probare faciliè possum, nequaquam nos pati illa, quæ facimus, & mitius multò nobiscum Deum agere, quàm nos cum Deo. Sed interim tamen hac agamus lege, qua cœpimus. Sic enim etiam ipse Dominus dicit: *Clamavi ad vos, & non audistis me, & vos clamabitis ad me, & non exaudiam vos*. Quid enim dignius, aut quid iustius? non audivimus, non audimur: non respeximus, non respicimur. Quis, rogo, ex carnalibus dominis hac cū suis lege agere contentus est, ut contemnat tantummodo servos suos, qui fuerat ab eis ipse contemptus? quamquam nos non hac solùm iniuria contemnamus Deum, qua contemni à servis suis curiales solent; quia servorum hic contemptus est maximus, si non faciant, quod iubentur. Porro autem nos omni studio, omni nisu, non solùm iussa non facimus, sed contra id facimus, quod iubemur. lubet enim Deus, ut omnes nobis invicem chari simus, omnes autem nos mutua infestatione la-

ce.

Prou. 1.

Mich. 3.

Psal. 17.

ceramus . Iubet Deus , ut cuncti egentibus sua tribuant , cuncti admodum aliena pervadunt . Iubet Deus , ut omnis , qui Christianus est , etiam oculos castos habeat : quotus quisque est , qui non se luto fornicationis involvat? & quid plura? grave , & luctuosum est , quod dicturus sum . Ipsa Dei ecclesia , quę in omnibus debet esse placatrix Dei , quid est aliud , quàm exacerbatrix Dei? aut præter paucissimos quosdam , qui mala fugiunt , quid est aliud penè omnis cœtus Christianorum , quàm sentina vitiorum . Quotum . n . quemque invenies in Ecclesia non , aut ebriosum , aut helluonem , aut adulterum , aut fornicatorem , aut raptorem , aut ganeonem , aut latronem , aut homicidam? & quod omnibus peius est propè hæc cuncta sine fine . Interrogo enim Christianorum omnium conscientiam , ex his vel flagitiis , vel sceleribus , quæ nunc diximus , quotus quisque hominum non aliquid est eorū? aut quotusquisque non totum? facilius quippe invenias , qui totum sit , quàm qui nihil . Et quod diximus nihil , nimis forsitan gravis videatur esse cœsuræ . Plus multò dicam , facilius invenias reos malorum omnium , quàm omnium : facilius maiorum criminum , quàm minimorum : id est facilius , qui & maiora crimina cum minoribus , quàm qui minora tantum sine maioribus perpetrarint . In hanc enim probrositatem morum propè omnis Ecclesiæ plebs redacta est , ut in cuncto populo Christiano genus quodammodo sanctitatis sit , minus esse vitiosum . Itaque Ecclesias , vel potius Tempia , atque Altaria Dei minoris reverentiæ qui-

*Ecclesia
Dei ex-
acerbatrix*

*Templo-
rum con-
temptus.*

quidam habent, quàm cuiuslibet minimi ac municipalis iudicii domum. Siquidem intra ianuas non modò illustrium potestatum, sed etiam præsidum, aut præpositorum, non omnes passim intrare præsumunt, nisi quos aut iudex vocaverit, aut negotium traxerit, aut ipsa honoris proprii dignitas introire permiserit: ita ut si quispiam ingressus insolenter fuerit, aut cædatur, aut propellatur, aut aliqua verecundia, atque existimationis suæ labe mulctetur. In templa autem, vel potius in altaria, atque in sacraria Dei, passim omnes sordidi, ac flagitiosi sine ulla penitus reverentia sacri honoris irrum-punt: non quia non omnes ad exorandum Deum currere debeant, sed quia qui ingreditur ad placandum, non debet egredi ad exacerbandum. Neque ejusdem officii est, indulgentiam poscere, & iracundiam provocare. Novum siquidem monstri genus est, eadem penè omnes jugiter faciunt, quæ fecisse, se plangunt. Et qui intrant ecclesiasticam domum, ut mala antiqua defleant, exeunt, & quid dico exeunt, in ipsis penè hæc orationibus suis, ac supplicationibus moluntur. Aliud quippe ora hominum, aliud corda agunt: & dum verbis præterita mala plangunt, sensu futura meditantur, ac si oratio eorum rixâ est magis criminû, quàm exoratrix, ut verè illa in eis scripturæ maledictio compleatur, ut de oratione ipsa exeant condemnati, & oratio eorum fiat in peccatum. Denique si vult quispiam scire, quid in templo huiusmodi homines cogitaverint, videat, quid sequatur. Siquidem consummatis solemnibus sacris, statim
ad

ad consuetudinaria omnium studia discurrunt, alii scilicet ut furentur, alii ut inebrientur, alii ut fornicentur, alii ut latrocinentur: ut evidenter appareat, hoc eos esse meditados, dum intra templum sunt, quod postquam egressi fuerint, exequuntur. Sed videlicet hæc cuncta mala, & omnium vitiorum probrositatem, quam supra dixi, ad servos fortasse quidam, & ad abiectissimos quosque homines referendam putant: cæterum nomen ingenuum hac flagitiorum labe non pollui. Quid autē aliud est cunctorū negotiantiiū vita, quā fraus, atque periurium? Quid aliud est curialium, quā iniquitas? Quid aliud officialium, quā calumnia? Quid aliud militantium, quā rapina? Sed putas forsitan, quod hoc etiam de personis istiusmodi fieri possit. Hic est, inquis enim, eorum actus, quæ & professio, ac per hoc nihil mirum est, si agunt, quod profitentur: quasi verò, aut agere ullum Deus res malas velit, aut profiteri, aut nulla sit penitus sacræ maiestatis offensa, si maximū scelus minores videantur agere persone: præsertim cum in hac hominum multitudine, quo maior est peccantium turba, eo maior est divinitatis iniuria. Sed omnis, inquis, nobilitas ab his sceleribus immunis est. Parū est id quidē, quia non aliud videtur nobilitas in toto mundo, quā unus homo in grandi populo. Sed videamus tamē, si vel id ipsum parū sit carens crimine: ac primum consideremus, quid de huiusmodi hominibus sermo dicat divinus. Arguens quippè Apostolus Dei populum, sic ait: *Audite fratres mei dilectissimi: Nonne Deus elegit pauperes in hoc mundo, divi-*

Vitia ad servos relegata.

Negotiatores.

Nobilitas.

Iaco. 2

tes in fide, & heredes regni, quod repromisit Deus diligentibus se: vos autem exhonorastis pauperem. Nonne divites per potentiam opprimunt vos, nonne ipsi blasphemant bonum nomen, quod innocatum est super nos. Grande hoc testimonium Apostoli est, nisi fortè immunes le ab eo nobiles putent, quia sunt soli divites nominati. Sed aut iidem sunt nobiles, qui & divites: aut si sunt divites, præter nobiles, sunt tamen & ipsi quasi iam nobiles, quia tanta est miseria huius temporis, ut nullus habeatur magis nobilis, quam, qui est plurimum dives. Sed si de alterutris, si de utrisque Apostolus dixerit, facile de hoc componi potest. Non enim interest, de qua hoc potissimum parte dictum sit, quod utrique certum est convenire. Quis enim est, vel nobilium omnium, vel divitum, horrens criminum? quamvis in hoc fefellerim. Multi horrent: sed paucissimi evitant. In aliis quippe horrent quod in se semper admittunt, mirum in modum & accusatores eorundem criminum, & excusatores. Execrantur publicè, quod occultè agunt: ac per hoc, dum damnare se ceteros, putant, ipsos se magis propria animadversione condemnant. Sed relinquamus istos, qui magis rei sunt. Quis est omnino vel dives, vel nobilis, aut innocentiam servans, aut à cunctis sceleribus manus abstinens? quamquam superflue à cunctis dixerim. Vtinam vel à maximis, quia volunt, sibi id fortè, quasi maiores privilegium dicare, ut iure suo crimina vel minora committant. Itaque de peccatis facilioribus nihil dico. Videamus, an à duobus illis, quasi

quasi capitalibus malis ullus immunis sit, id est, vel ab homicidio, vel à stupro. Quis enim est, aut humano sanguine non cruentus, aut cœnosa impuritate non sordidus? unum quidem ex his ad pœnam æternam sufficit, sed propè nullus divitum non utrunque commisit. Sed cogitat fortè aliquis de hoc numero: Ego iam ista non facio. Laudo, si non facis, sed tamen fortè ante fecisti, & non est, nunquam omnino fecisse, facere cessasse. Quod si ita esset, quid prodesset tamen, unum à scelere desistere, & multos in sceleribus permanere? Non sanat unius conversio crimina plurimorum: nec sufficit ad placandum Deum, quòd unus peccata deserit, quem universitas totius humani generis offendit: prefertim, cum is, qui convertitur, ut mortem æternam possit evadere, magnos profectò conversionis sue fructus capiat, si evadat, nedum contingere ei possit, ut ab aliis pœnam damnationis avertat: quia & hoc intolerabilis superbia, atque immanis piaculi est crimen, si tam bonum se aliquis esse credat, ut etiam malos existimet, per se posse salvari. Loquens Deus de terra quadam, vel de populo peccatore, sic dicit. *Eze. 14.*
Si fuerint tres viri iusti in medio eius, Noe, & Daniel, & Iob, non liberabunt filios, & filias: ipsi soli salvi erunt. Neminem reor, tam impudentem fore, qui se his talibus viris audeat comparare: quia quamvis nunc placere aliquis Deo studeat; hoc ipsum tamen genus maximæ iniustitiæ est, si se iustum præsumat: ac per hoc sublata est omnis spes falsæ opinionis, qua credimus, innumeram perditorum

ho-

Innume-
res perdi-
tos non
posse suf-
fragiis
paucorum
bonorum
subleva-
ri.

Filii mē-
bra pa-
rentum.

Christia-
norum
nomen.

hominum multitudinem suffragio paucorum bonorum à presentibus malis posse defendi. Cum enim nullus ipsis, quos supra diximus par sit, quæ esse spes illis potest, quod liberari, & extranei, & innumerari, & mali à paucissimis bonis possint? cum illi familiarissimi Deo sancti, ne hoc quidem à domino promeruerunt, ut in filiis suis sua membra salvarent. & rectè. Nam licet omnes admodum filii membra parentum esse videntur, non putandi tamen sunt membra eorum esse, à quibus affectu cœperint discrepare, quia morum degenerantium pravitate pereunt in talibus beneficia naturæ. Quo fit, ut etiam nos, qui nos Christianos esse dicimus, perdamus vim tanti nominis vitio pravitatis. Omnino enim nihil prodest nomen sanctum habere sine moribus, quia vita à professione discordans, abrogat illustris tituli honorem per indignorum actuum vilitatem. Vndè cum penè nullam Christianorum omnium partem, penè nullum ecclesiarum omnium angulum non plenum omni offensione, & omni lethali peccatorum labe videamus, quid est, in quo nobis de Christiano nomine blandiamur? Cum utique hoc ipso magis per nomen sacratissimum rei simus, quia à sancto nomine discrepamus. Nam & ideo plus sub religionis titulo Deum lædimus, quia positi in religione peccamus.

LIBER QVARTVS.

ARGVMENTVM.

Hic evidenter concludit, nihil mirum, si Christiani, paganis deteriores, suppliciis, & flagellis à Deo afficiantur; nam hæc (inquit) testimonia sunt mali servi, & boni domini. Digreditur deinde ad comparationem servorum, quos ipsi statim, ac remissos, ac negligentes in re familiari custodienda, advertimus, plectimus, & verberamus; & nos præcepta dominica passim violantes, intactos, & impunitos à Deo prætermitti, volumus. Homunculos nos flagellari à Deo, nolumus, cum ipsi conditionis nostræ homines flagellemus: Hinc percurrit cathedras omnium graduum, & exquirat, ut se gerat dives christianus cum paupere, mercator cum collega, Patronus cum cliente, Dux cum militibus, Princeps cum subditis; & si irà Deum sibi propitium ambiant, ut ipsi se cæteros erga gerunt christianos; unde obiter adulteria, stupra, rapinas, & sexcentas alias proximo illatas iniurias enumerat. Illud demum vehementer scelus Christianorum exaggerat, quod scelus patraturi, sacrilega Christi invocatione, se id facere iurati affirmant, & quod dum ipsi peccant, nomen Dei blasphemis aliorum obnoxium reddunt.

Discedatur itaque ab illa, quam supra diximus Christiani nominis prerogativa, ut putemus, quia sumus cunctis gentibus religiosiores, debere nos esse fortiores. Nam cum, ut diximus, hæc sit hominis Christiani fides, fideliter Christum credere; & hoc sit, Christum fideliter credere, Christi mandata servare: sit absque dubio, ut nec fidem habeat, qui infidelis est, nec
Christiani qui.
 Chri-

Christum credat, qui Christi mandata concu-
cat: & apertè hoc totum in id revolvitur, ut qui
Christiani nominis opus non agit, Christianus
non esse, videatur. Nomen .n. sine actu, latque
officio suo, nihil est. Nam sicut ait quidam in
scriptis suis: Quid est aliud principatus sine me-
ritorum sublimitate, nisi honoris titulus sine
nomine? Aut quid est dignitas in indigno, nisi
ornamentum in luto? Itaque ut iisdem verbis
etiam nos utamur, quid est aliud sanctum voca-
bulum sine merito, nisi ornamentum in luto?
Sicut etiam per divinas literas sacer sermo te-
status est, dicens: *Circulus aureus in naribus suis*
mulier pulchra, & fatua. Et in nobis itaq. Chri-
stianum vocabulum, quasi aureum decus est: quo
si indignè utimur, fit, ut sues cum ornamento esse
videamur. Denique, qui vult plenius scire, voca-
bula nihil esse sine rebus, respiciat quomodo in-
numerabiles populi, cessantibus meritis, etiam
nomina perdiderunt. Duodecim Hebræorum
tribus cùm electæ quondam à Deo essent, duo
nomina sacrosancta acceperunt: Populus enim
Dei, & Israel appellatæ sunt. Sic quippe legimus:
Audi populus meus, & loquar: Israel, & testifica-
bor tibi. Ergo Iudei aliquando utrumque, nunc
neutrum. Nam nec populus Dei dici potest; qui
cultum Dei iam olim reliquit: nec videns Deum,
qui Dei filium denegavit, sicut scriptum est: *Israel*
verò non me cognovit, & populus meus me non in-
tellexit. Propter quod alibi etiam Deus noster
de Iudeorū plebe loquitur ad prophetam, dicēs:
Voca nomen eius non dilecta. Et iterum ad Iu-
deos ipsos: *Vos non estis populus meus, & ego non*
sum

Prou. 11

*Vocabula
nihil sūt
sine rebus*

Esa. 1.

Osea 1

sum Deus vester . Cur autem hæc de eis ipse diceret , ipse alibi evidenter ostendit . Sic quippe ait : *Dereliquerunt venam aquarum viventium, Dominum* , Et iterum : *Verbum* , inquit *Dominici proiecerunt , & sapientia nulla est in illis* . Quod quidem timeo , ne non magis tunc de eis dici potuerit , quàm de nobis nunc dici possit : quia nec verbis dominicis obtemperamus , & qui verbis Domini non obsequimur , sapientiam profectò in nobis penitus non habemus , nisi fortasse credimus , sapienter nos Deum spernere . Et hoc ipsum , quòd Christi mandata contemnimus , summam prudentiam iudicamus . Et quidem causa est , cur ita existimare credamur . Nam tanto consensu omnes peccata sequimur , quasi summi consilii conspiratione peccemus . Quæ cum ita sint , quæ ratio est , ut ipsi nos falsa opinione fallamus , existimantes scilicet , quia Christiani esse dicamur , quòd opitulari nobis inter mala , quæ agimus , nomen bonum possit . cū Spiritus sanctus , nec fidem quidem dicat , hominibus Christianis sine operibus bonis posse prodesse , & utique multò plus est , habere fidē , quàm nomē , quia nomē est vocabulū hominis , fides autē fructus est mentis . Et tamē hunc ipsum fidei fructū , infructuosū , Apostolus sine operib⁹ bonis esse testatur , dicēs : *Fides sine operibus mortua est* : Et iterum : *Sicut enim corpus sine spiritu , sic fides sine operibus mortua est* : addit quoque asperiora quedam ad confundēdos eos , qui sibi præsumptione Christianæ fidei blandiuntur . Sed dicit aliquis : *Tu fidem habes , & ego opera habeo* . *Ostende mihi sine operibus fidem*

Hier. 2

Hier. 8

*Ipsi nos
falsa opi-
nione fal-
limus .*

*Plus est
habere
fidē , quā
nomen .*

Iac. 2

tuam, & ego ostendam tibi ex operibus fidem meam.
 Quo utique hoc indicat, actus bonos, Christianæ
 Fidei quasi testes esse: quia Christianus nisi ope-
 ra bona fecerit, fidem suam penitus approbare
 non possit: ac per hoc quod probare non valeat,
 quia sit, sic omnino habendum esse, quasi non sit.
 Nam, quod pro nullo hoc habendum existima-
 ret, in subditis, statim ipse demonstrat, dicens
 ad Christianum: *Tu credis, quia unus est Deus,*
benefacis, & daemones credunt & contremiscunt.
 Consideremus, quid voluerit hoc loco Apostolus
 dicere, ne irascamur divinis testimoniis, sed
 acquiescamus: ne contradicamus, sed proficia-
 mus. *Tu credis,* inquit ad Christianum sermo
 divinus, *quod Deus unus est, benefacis, & da-*
mones credunt, & contremiscunt. Nunquid er-
 ravit Apostolus, ut hominis Christiani fidem
 dæmoni compararet? non utique, sed ostende-
 re illud volens, quod supra dictum est: quia sine
 operibus bonis nihil sibi per fidei supercilium
 usurpare deberet. Idcirco, ait, à dæmonibus
 Deum credi, scilicet, ut sicut dæmones cum
 Deum credant, tamen in perversitate perdu-
 rant: ita & quosdam homines, quasi credulita-
 tem dæmoniacam habere, qui cum se Deum cre-
 dere asserant, tamen à malo opere non cessant.
 Subiungit autem ad pudorem, & condemnatio-
 nem hominum peccatorum, non credere solum
 dæmones Dei nomen, sed etiam timere, &
 contremiscere: hoc est dicere, Quid tibi blan-
 diris, ò homo, quisquis es, credulitate, quæ sine
 timore, atque obsequio Dei nulla est? aliquid
 plus dæmones habent. Tu enim unam rem ha-
bes

Iacobi 2

Creduli-
tas dæmo-
niaca.

bestantummodo, illi duas. Tu credulitatem habes, non habes timorem: illi credulitatem, habent pariter, & timorem. Quid miraris ergo, si cadimur? quid miraris ergo si castigamur, si in ius hostium tradimur, si infirmiores omnibus sumus? siue miseriæ nostræ, siue infirmitates, siue everisiones, siue captivitates, & penè improbæ servitutis, testimonia sunt mali servi, & boni domini. Quomodo mali servi? quia patior scilicet, vel ex parte, quod mereor. Quomodo boni domini? quia ostendit, quid mereamur: etsi non irrogat, quæ mereamur: clementissima enim, ac benignissima castigatione mavult, nos corrigere, quàm perire. Nos siquidem quantum ad crimina nostra pertinet, lethalibus suppliciis digni sumus: sed ille plus misericordie, quàm severitati tribuens, maluit nos clementis censuræ temperamento emendare, quàm plaga iustæ coercionis occidere. Ingratum nobis esse quod cadimur, satis certus sum. Sed quid miramur, si peccantes nos Deus verberat, cum ipsi peccantes servulos verberemus? Iniusti iudices sumus: homunculos nos flagellari à Deo, nolumus, cum ipsi conditionis nostræ homines flagellemus. Sed nec miror, quod tam iniqui in hac re sumus, natura in nobis, & nequitia servilis est; volumus delinquere, & nolumus verberari, ipsi in nobis mores sunt, qui in servulis nostris, omnes volumus impunè peccare. Denique si mentior, cunctos consulo. Nego, ullum esse quantumlibet magni criminis reum, qui se acquiescat, debere torqueri. Hinc ergo cognosci potest, quàm iniqui, & pravi su-

mus: aliis severissimī sumus, nobis indulgentissimī: aliis asperi, nobis remissi. In eodem crimine punimus alios, nos absolvimus. Intolerabilis prorsus, & contumaciā, & præsumptionis, nec agnoscere volumus in nobis reatum, & audemus de aliis usurpare iudicium. Quid esse iniustius nobis, aut quid perversius potest? Id ipsum scelus in nobis probabile esse ducimus, quod in aliis severissimè vindicamus. Et ideo non sine causa ad nos Apostolus clamat: *Propter quod inexcusabilis es, o homo omnis, qui indicas. In quo enim alium indicas, teipsum condemnas. Eadem enim agis, quā indicas.* Sed non eadem, inquit aliquis ex divitibus, nos agimus, quæ servi. Ex servis enim fures, ac fugitivi sunt, ex servis enim gulæ, ac iugiter ventri servientes. Verum est, esse hæc vitia servorum, sed plura tamen sunt, ac maiora dominorum, quamvis non omnium. Excipiendi quidam enim sunt, sed paucissimi: quos ideo non nomino, ne non tam eos nominando laudare, quā alios non nominando videar publicare. Ac primū servi, si fures sunt, ad furandum forsitan egestate coguntur: quia etiam si eis stipendia usitata præstentur, consuetudini hæc magis, quā sufficientiæ satisfaciunt: & ita implent canonem, quod non explent satietatem. Ac per hoc culpam ipsam inopia minus culpabiles facit, quia excusabilis furti reus est, qui ad furtum cogi videtur invitus. Nam & scriptura ecclesiastica quasi subexcusare quodammodo miserorum omnium noxas videtur, dicens: *Non grandis est culpa, cum quis furatus fuerit, furatur .n., ut esurienti impleat.*

Rom. 2

In divites.

Servi defenduntur.

I

servorum furta.

Prov. 6

ani-

animam. In Salomone autē additur: *furatur, ut expleat animā suā*: ac per hoc non satis à nobis accusandi sunt, qui divino sermone excusantur. Quod autem de furtis servorum dicimus, hoc etiam de fuga: immo hoc rectius de fuga, quia ad fugam servos non miseriæ tantum, sed etiam supplicia compellunt. Pavent quippe actores, pavent silentiarios, pavent procuratores, prope ut inter istos omnes nullorum minus servi sint, quàm dominorum suorum, ab omnibus ceduntur, ab omnibus conteruntur. Quid amplius dici potest? multi servorum dominos suos fugiunt, dum conservos timent. Vnde illorum fugam non tam ad eos debemus referre, qui fugiunt, quàm ad eos, qui fugere compellunt. Vira patiuntur infelicissimi, famulari optant, & fugere coguntur: discedere à servitio dominorum suorum omnino nolunt, & conservorum suorum crudelitate non permittuntur, ut serviant. Mendaces quoque esse dicuntur. Ad mendacium nihilo minus atrocitate præsentis supplicii coartantur. Siquidem dum tormentis se volunt eximere, mentiuntur. Quid autē mirum est, si positus in metu servus mentiri mavult, quàm flagellari? Accusantur etiam gula, & ventris avidi: nec hoc novum est, magis desiderat satietatem, qui famem sepe toleravit. Sed estò non perferat famem panis: certè perfert deliciarum, & ideo ignoscendum est, si avidius expetit, quod ei, vel iugiter deerat. Tu verò nobilis, tu verò dives, qui omnibus bonis affluis, qui hoc ipso Deum sanctis operibus honorare plus debes,

Servorū

fuga.

Servorū

mēdacia.

*In nobi-
les, &
divites.*

quod beneficiis illius sine cessatione perfrueris: videamus si actus, non dico sanctos, sed vel innoxios habes. Et quis, ut superius dixi, divitum, præter paucos, non cunctis criminibus infectus est? Et quod paucos excipio, utinam plures, atque omnes excipi liceret. Salus erat omnium; innocentia plurimorum. Neque ego de ullo dico nunc, nisi de eo tantum, qui in se id quod dico, esse agnoscit. Si enim extra conscientiam suam sunt, quæcunque dico, nequaquam ad iniuriam ejus spectant cuncta, quæ dico. Si autem in se esse novit, quæ loquor, non à mea sibi hoc lingua, dici existimet, sed à conscientia sua. Ac primum, ut de vitis servilibus dicam, si fugitivus est servus, fugitivus es etiam tu dives, ac nobilis. Omnes enim Dominum suum fugiunt, qui legem Domini derelinquunt. Quid ergo dives culpas in servo? hoc facis, quod & ille. Ille fugitivus est domini sui, & tu tui. Sed hoc culpabilior es tu, quam ille, nam ille fugit forsitan malum dominum, & tu bonum. Incontinentiam ventris, quam in servo arguis, in illo rara est per indigentiam, in te quotidiana per copiam. Vides ergo, apostolica sententia, te potissimum verberari: immo te solum, quia in quo alium iudicas, temetipsum condemnas; eadem enim agis, quæ iudicas: immo non eadem agis, sed maiora multò, ac nequiora. In illo quippe etiam infrequentem ventris intemperantiam punis, & tu assidua cruditate distenderis. Furtum quoque, ut putas, servile vitium est: & tu furtum dives facis, quando à Deo verita præsumis. Omnes siquidem

*Divitum
farium.*

bonp

cl

dem

dem furta faciunt, qui illicita committunt. Sed quid ego tam minutè, & quasi allegoricè de hoc loquor, cùm facinoribus apertissimis non furta tantùm divitum, sed latrocinia, comprobentur? Quotus quisque enim juxta divitem pauper, aut intactus, aut tutus est? Siquidem persuasionibus præpotentum, aut sua homines imbecilli, aut etiam seipsos cum suis pariter amittunt, ut non immeritò de utrisque personis facer sermo testetur, sic dicens: *Venatio leonis, onager in eremo*; sic pascua sunt divitum pauperes. Quamvis tyrannidem hanc non pauperes tantùm, sed penè universitas patiatur generis humani. Quid est omnium aliud dignitas sublimium, quàm præscriptio civitatum: aut quid aliud quorundam, quos taceo, præfectura, quam præda? Nulla siquidem maior pauperum est depopulatio, quàm potestas. Ad hoc enim honor à paucis emitur, ut cunctorum vastatione satietur. Quo quid esse indignius, aut iniquius potest? Reddunt miseri dignitatum pretia, quas non emunt. Commercia nesciunt, & solutionem sciunt. Ut pauci illustrentur, mundus evertitur. Vnius honor, orbis excidium est. Denique sciunt hoc Hispaniæ, quibus solum nomen relictum est. Sciunt Africæ, quæ fuerunt. Sciunt Galliæ devastatæ, sed non ab omnibus, & ideo in paucissimis adhuc angulis vel tenuem spiritum agentes, quia eas interdum paucorum integritas aluit, quas multorum rapina vacuavit. Sed evagati longius sumus dolore compulsi: Ergo ut ad superiora redeamus; quid est, in quo non servilibus vitiis,

Eccl. 13

*Dignitas
subl. miñ*

*Homici-
dia divi-
tum.*

*Divites
impuris-
simi.*

Hiere. 5.

*Genus
castitatis*

etiam nobiles polluantur, nisi fortè ideo, quia illa, quæ in servis peccata puniunt, ipsi quasi licita committunt. Denique ad has persuasiones, quas, ut supra dixi, nobiles agunt, servis nec aspirare permittitur: quamvis mentiar. Quidam enim ex servis nobiles facti, aut paria, aut maiora fecerunt. Sed hoc tamen imputari servis nequaquam potest, quòd quibusdam servilis conditio tam feliciter cessit. Homicidia quoque in servis rara sunt, terrore, ac metu mortis. In divitibus assidua, spe, ac fiducia impunitatis, nisi fortè iniqui sumus, hoc quod divites faciunt ad peccatum referendo: quia illi cum occidant servos suos, ius putant esse, non crimen. Non solum hoc, sed eodem privilegio etiam in exercendo impudicitiae cæno abutuntur. Quotus enim quisque est divitum connubii sacramenta observans, quem non libidinis furor rapiat in præceps? cui non domus, ac familia sua scortum sit, & qui non in quamcunque personam cupiditatis improbæ calor traxerit, mentis sequatur insaniam? secundum illud scilicet, quod de talibus dicit sermo divinus: *Equi insanientes in foeminas facti sunt*. Quid enim aliud, quàm de se dictum hoc probat, qui totum pervadere vult concubitu, quicquid concupierit aspectu: Nam de concubinis quippiam dici forsitan etiam iniustum esse videatur: quia hoc in comparatione supradictorum flagitiorum, quasi genus est castitatis, uxoribus paucis esse contentum, & intra certum conjugii numerum frenos libidinum continere. Coniugium dixi, quia ad tantam res impudentiam venit, ut

an.

ancillas suas multi uxores putent : atque utinam sicut putantur esse quasi coniuges , ita solæ haberentur uxores . Illud magis tetrum , ac detestabile , quòd quidam matrimonia honorata fortiti , alias sibi rursus servilis status coniuges sumunt , deformantes sancti connubii honorè , per degeneris contubernii vilitatem , non erubescerent , maritos se fieri ancillarum suarum , præcipitantes fastigium nobilium matrimoniorum , in cubilia obscæna servarum , digni prorsus etiam illarum statu , quarum se putant , dignos esse consortio . Non dubito ex iis plurimos , qui aut sunt nobiles , aut videri nobiles volunt , superbè , & aspernanter accipere , quod dum consideramus hæc talia , quæ locuti sumus , minus flagitiosos diximus , servos quosdam esse , quàm dominos . Sed cum hoc ego non de omnibus , sed de his , qui tales sunt prædicaverim , nullus irasci omnino debet , qui nequaquam se talem cognoscit , ne hoc ipso , quod irascitur , de cætu ipsorum esse videatur . Quin potius quicumque ex nobilibus hæc mala horrèt , irasci talibus debent , quòd facinoribus sordidissimis nobilitatis nomen infament : quia licèt hi , qui tales sunt , omnem gravent populū Christianum , specialiter tamen illos sordibus suis polluant , quorum pars esse dicuntur . Diximus itaque , nobiles quosdam esse servis deteriores : quod diximus , cōprobamus . Ecce . n . ab hoc scelere vel maximo propè omnis servorū numerus immunis est . Nunquid . n . aliquis ex servis turbas concubinarū habet ? nūquid multarum uxorum labe polluitur , ut canum vel suū more , tantas putet coniuges suas esse , quātas

po-

*Canis est
suus mos .*

potuerit libidini subiugare? Sed ad hæc responderi potest, quòd facere servis ista non liceat. Nam profectò facerent, si liceret. Credo; sed quæ fieri non video, quasi facta habere non possum. Quantumlibet enim in eis improbæ mentes, quantumlibet malæ cupiditates sint, nullus pro eo quod nō admittit, scelere punitur, Malos esse servos, ac detestabiles, satis certum est, sed hoc utiq. ingenui, ac nobiles magis execrandi, si in statu honestiore, peiores sunt. Quo fit, ut ad illum perveniri exitum rei huius necesse sit, non ut servi sint à reatu nequitix suæ absolvendi, sed ut plurimi divites magis sint servorum comparatione damnandi. Nam illud latrocinium, ac scelus, quis dignè eloqui possit, quod cum Romana Respublica, vel iam mortua, vel certè extremum spiritum agens, in ea parte, qua adhuc vivere videtur, tributorum vinculis, qua si predonum manibus strangulata moriatur; inveniuntur tamen plurimi divitum, quorum tributa pauperes ferunt. Hoc est, inveniuntur plurimi divitum, quorum tributa pauperes necant: & quod inveniri dicimus, plurimos: timeo, ne verius dixerim, omnes. Tam pauci enim mali huius expertes sunt, si tamen ulli sunt, ut in ea parte, quàm multos diximus, omnes penè divites possimus reperire. Ecce enim remedia pridè nonnullis urbibus data, quid aliud egerunt, quàm ut cunctos divites immunes redderent, miserorum tributa cummlarent: ut illis demerentur vectigalia vetera, istis ut adderentur nova: illos ut etiam accessio minimarum functionum locupletaret, istos ut accessio maximarum affli-

ge-

*Romana
Respub.
Tributo-
rum vin-
cula.*

*Remedia
urbibus
data.*

Seres? Illi, ut eorum, quæ leviter ferebant, imminutione ditescerent, isti, ut eorum, quæ etiam ferre non poterant multiplicatione morentur: ac si remedium illud alios iniustissime erigeret, alios iniustissime necaret: aliis esset sceleratissimum præmium, aliis sceleratissimū venenum. Vnde advertimus, quod nihil esse, & divitibus sceleratius potest, qui remediis suis pauperes perimunt: & nihil pauperibus infelicius, quos etiam illa, quæ pro remedio cunctis dantur, occidunt. Iam verò illud quale, quam sanctum, quod si quis ex nobilibus ad Deum, converti ceperit, statim honorem nobilitatis ammittit: aut quantus in Christiano populo honor Christi est, ubi religio ignobilem facit? Statim enim ut melior quis esse tentaverit, deterioris abiectioe calcatur: ac per hoc omnes quodammodo mali esse coguntur, ne viles habeantur. Et ideò non sine causa Apostolus clamat: *Saculum totum in malo positum est*. Merito enim totum esse in malo dicitur, ubi boni locum habere non possunt. Siquidem ita totum iniquitatibus plenum est, ut, aut mali sint, qui sunt in illo, aut qui boni sunt, multorum persecutione crucientur. Itaque, sicut diximus, si honoratior quispiam religioni se applicuerit, illico honoratus esse desistit. Vbi .n. quis mutaverit vestem, mutat protinus dignitatē. Si fuerit sublimis, fit despicibilis. Si fuerit splendidissimus, fit vilissimus: Si fuerit totus honoris, fit totus iniuriæ. Et mirantur mundani quidam, & infideles, si offensam Dei, aut iracundiam perferunt, ubi Deum in sanctis omnibus persequuntur. Per-

versa

Religio
quosdam
facit igno-
biles.

1. Ioan. 5.

versa enim sunt, & in diversum cuncta mutata. Si bonus est quispiam, quasi malus spernitur. Si est malus, quasi bonus honoratur. Nihil itaque mirum, si deteriora quotidie patimur, qui deteriores quotidie sumus. Et nova enim quotidie mala faciunt, & vetera non relinquunt. Surgunt recentia crimina, nec repudiantur antiqua. Quis ergo est causationis locus? quamlibet aspera, & adversa patiamur, minora patimur, quam meremur. Quid querimus, quam dure agat nobiscum Deus? multo nos durius eum Deo agimus. Exacerbamus quippe Deum impuritatibus nostris, & ad puniendos nos trahimus invitum. Cumque ejus naturæ sit mens Dei, atque maiestas, ut nulla iracundiæ passione moveatur, tanta tamen in nobis peccatorum exacerbatio est, ut per nos cogatur irasci. Vim, ut ita dixerim, facimus pietati suæ, ac manus quodammodo afferimus misericordiæ suæ. Cumque ejus benignitatis sit, ut velit nobis iugiter parcere, cogitur malis nostris, scelera, quæ admittimus, vindicare. Ac sicuti illi solent, qui munitissimas urbes obsident, aut firmissimas arces urbium capere, & subruere conantur, omnibus absque dubio eas, & telorum, & machinarum generibus oppugnant: ita nos ad expugnandam misericordiam Dei, omni peccatorum immanium scelere, quasi omni telorum genere pugnamus: & iniuriosum nobis Deum existimamus, cum ipsi iniuriosissimi Deo simus. Omnis siquidem Christianorum omnium culpa, Divinitatis iniuria est. Nam cum illa quæ facere à Deo vetamur, admittimus, vetantis iussa calcamus, ac per hoc impiè

in

Simile

Divinitatis iniuria.

In calamitatibus nostris severitatem divinam accusamus. Nos quippe nobis, nos accusandi sumus. Nam cum ea quibus torqueamur, admittimus, ipsi tormentorum nostrorum sumus autores. Quid ergo de pœnarum acerbitate querimur? unusquisque nostrum ipse se punit. Et ideo propheticum hoc ad nos dicitur: *Ecce omnes vos ignem accendistis, & vires præbulistis flamma, ingredimini in lucem ignis vestri, & flamma, quam accendistis.* Totum namque humanum genus hoc ordine in pœnam æternam ruit, quo scriptura memoravit. Primùm enim ignem accendit, postea vires ignibus præbet, postremò flammam ingreditur, quam paravit. Quando igitur sibi primùm homo æternum accendit ignem? scilicet cum primùm peccare incipit. Quando autem vires ignibus præbet? cum utique peccata peccatis cumulavit. Quando verò ignem æternum introibit? Quando irremediabile iam malorū omnium summam crescentium delictorum nimietate compleverit, sicut Salvator noster ad Iudæos principes ait: *Implete mensuram patrum vestrorum, serpentes, progenies viperarum.* Non longè à plenitudine peccatorum erant, quibus ipse dicebat Dominus, ut peccata cōplerent. Ideò absq. dubio, ut quia iam digni salute non essent, impleverint iniquitatum numerum, quo perirent. Vnde, & cum lex vetus peccata Ammorrhœorū cōpleta esse, memorasset, sic locutos esse ad sanctū Loth angelos refert: *Omnes, qui tui sunt edue de urbe hac, delebimus. n. locū istū, eo quod increverit clamor eorū corā Domino, qui misit nos, ut perdamus illos.* Diu profectò flagi-

Esa. 50.

Homines,
quo ordi-
ne in pœ-
nā ruāt.

Mat. 23.

Gen. 19

*Evange-
lii contēp-
tores .
Lucæ 10.*

flagitiosissimus ille populus ignem illum accēderat, quo peribat . Et idēd, completis iniquitatibus suis, arsit flammis criminum suorum . Tam malē enim de Deo meruit, ut gehennam quæ in futuro iudicio datur, etiā in hoc sæculo sustineret . Sed nulli sunt, inquit aliquis, illorum exitu digni, quia nulli illorum impunitatibus cōparandi . Verū fortasse est, ut sit, attamen quid facimus, quod Salvator ipse, omnes qui Evangelium suum spernunt, peiores esse memoravit ? Denique ad Capharnaum sic ait : *Si in Sodomis factæ fuissent virtutes, quæ factæ sunt in te, fortē mansissent in hunc diem . Veruntamen dico vobis, quia Sodomis remissius erit in die iudicii, quā tibi .* Si Sodomitas minus dicit esse damnabiles, quā cunctos Evangelia negligentes, certissima ergo ratio est, qua & nos, qui in plurimis Evangelia negligimus, peius timere aliquando debeamus : præsertim cū in utilitatis iam, & quasi facilioribus malis esse contenti nolumus . Non sufficiunt enim multis consuetudinarii reatus, non sufficiunt lites, non rapinæ, non calumniæ, non sufficiunt vinolentiæ, non sufficiunt commestationes, non sufficiunt falsitates, non sufficiunt perjuria, non sufficiunt adulteria, non sufficiunt homicidia, non sufficiunt denique cuncta ista, etsi atrocitate inhumanissima, re tamen ipsa ad humanas iniurias pertinentia, nisi blasphemia furiosarum mentium manus iniciant etiā in Deum . Posuerunt . n. sicut de impiis scriptum est, *in cælum os suum, & lingua eorum transiit super terram, & dixerunt : Quomodo scit Deus, & si est scientia in*

ex-

Psal. 72.

excelfo : Et illud : *Non videbit, nec intelliget Deus Jacob* . Ad quos utique tales rectissime propheticum illud referri potest : *Dixit insipiens in corde suo, non est Deus* . Nā qui nihil à Deo aspici affirmant, propè est, ut cui aspectū adimūt, & substantiam tollant : & quē dicant, omnino nil cernere, dicant etiam omnino nō esse. Equidē licet nullū admodū malum facinus rationē subsistat, quia rationi nō possunt scelera conjungi : nullū tamē est, ut puto, vel irrationabilius, vel insanius. *Nullum malū ratione subsistit.* Quid enim tam furiosum, quàm ut aliquis cum Deum creatorem omnium rerum non neget, & gubernatorem neget : & cum factorem esse fateatur, dicat negligere quæ fecit? quasi nulla hæc ei faciendorum omnium cura fuerit, ut quæque fecisset, negligere creatorem. *Deus priusquam creavit curam creaturarum habuit.* Ego autem in tantum eum curam creaturarum suarum habere, dico, ut probem, priusquā etiam crearet, habuisse. Res quippe ipsa hoc evidenter ostendit. Nihil enim faceret, nisi curam faciendi habuisset antequam faceret : præsertim cum etiam in ipso humano genere, nullus sit fermè hominum tam hebes, qui ad hoc aliquid agat, atque perficiat, ut quæ perfecta sint non curet. Nam & qui agrum excolit, ad hoc colit, ut culta conservet : & qui vineā plantat, ad hoc plantat, ut plantata custodiāt. Et qui initia gregū præparat, ad hoc parat, ut curam multiplicandis gregibus impendat. Et qui domum ædificat, vel fundamentum locat, etsi necdum habitationem paratam habeat, jam tamen ipsa, quæ adhuc facere molitur, spe futuræ habitationis amplectitur. Et quid de homine hic loquar, cum etiam mini-

- minima animalium genera futurarum affectu omnia agant. Formicę in subterraneis latibulis varia frugum genera condentes, ad hoc cuncta contrahunt, ac reponunt, quia affectu vitę suę diligunt, quę recondunt. Apes, cüm fundamina mellis ponunt, vel cüm è floribus natos legunt, qua causa vel thymo, nisi studio, & cupiditate mellis, vel flosculis quibusdam, nisi futurę sobolis charitate lætantur? Deus ergo, qui etiam minimis animantibus hunc affectum proprii operis inseruit, se tantummodo solum creaturarum suarum amore privavit. Præsertim cüm omnis in nos rerum bonarum amor, ex illius bono amore descenderit. Ipse enim fons, & origo cunctorum: & quia *in ipso*, ut scriptum est, *vivimus, movemur, & sumus*, ab ipso utique affectum omnem, quo pignora nostra amamus, accepimus. Totus namque mundus, & totum humanū genus, pignus est creatoris sui. Et ideo ex hoc quoque affectu, quo amare nos fecit pignora nostra, intelligere nos voluit, quantum ipse amaret pignora sua. Sicut enim, ut legimus, *invisibilia eius per ea, quę facta sunt, intellecta conspiciuntur*: ita amorem erga nos suum, per eum, quem nobis erga nostros dedit amorem, voluit, intelligi. Et sicut omnem, ut scriptum est, paternitatem in cœlo, & in terra à se ipso voluit nominari, sic à nobis patris in se affectum voluit cognosci. Et quid dicam patris? imò benignissimi Patris. Probat quippe hoc vox Salvatoris in Evangelio dicentis: *Sic Deus dilexit hunc mundum, ut filium suum unicum daret pro mundi salute*. Sed & Apostolus dicit: *Deus, inquit,*
- Formicę.*
- Apes.*
- Act. 17.*
- Rom. 1.*
- Ephes. 3.*
- Ioan. 3.*
- Rom. 8.*

quit, filio suo non pepercit, sed pro nobis omnibus
tradidit illum: quomodo non etiam cum illo no-
bis omnia donavit? Hoc est ergo illud, quod su-
pra dixi, quia plus nos amat Deus, quàm filium
pater. Evidens quippe res est, quòd super affe-
ctum filiorum nos Deus diligit, qui propter nos
filio suo non pepercit. Et quid plus? Addo:
& hoc filio iusto: & hoc filio unigenito:
& hoc filio Deo. Et quid dici amplius po-
test? hoc pro nobis, id est pro malis, pro
iniquis, pro impiissimis. Quis estimare hunc
erga nos Dei amorem queat, nisi quòd iustitia
Dei tanta est, ut in eum aliquid iniustum cadere
non possit. Nam quantum ad rationem huma-
nam pertinet, iniustam rem homo quilibet fe-
cerat, si pro pessimis servis filium bonum occi-
disset. Vtique hoc magis inestimabilis pietas &
hoc magis mirabilis Dei virtus est, quòd intelli-
gi ab homine magnitudo iustitiæ suæ non po-
test: ut quantum ad imbecillitatem humanam
pertinet, penè iniustitiæ speciem, magnitudo
iustitiæ habere videatur: & ideo Apostolus ad
indicandam nobis aliquatenus misericordiæ
divinæ immensitatem, sic ait: *Ut quid enim Chri-*
stus, cum adhuc impij essemus secundum tem-
pus pro impijs mortuus est? Vix enim pro iusto
quis moritur. Ostendit profecto nobis una
hac sententia pietatem Dei. Nam cum vix
ullus pro summa iustitiam mortem suscipiat,
probavit Christus quantum præstiterit pro
nostra iniquitate moriendo. Sed hoc cur
fecerit Dominus, statim in subditis docet,
dicens: *Commendat autem suam charitatem*

*Plus nos
amat De-
us, quàm
filium pa-
ter.*

Rom. 5

Ibidem.

Deus in nobis: nam si tum adhuc peccatores es-
semus, secundum tempus Christus pro nobis mor-
tus est; multo magis igitur iustificati nunc in
sanguine ipsius, salvi erimus ab ira per ipsum.
 Hoc ipso ergo gratiam commendat; quia ob
 impios mortuus est. Maioris enim pretii est be-
 neficium, quod præstatur indignis. Ideo ita-
 que ait: *Commendat suam charitatem Deus in*
nobis. Quomodo commendat? scilicet quia non
 merentibus præstat. Si enim sanctis, & beneme-
 ritis præstitisset, non videatur, quæ non debue-
 rat præstitisse, sed quæ debuérat reddidisse.
 Quid ergo nos pro his omnibus retribuimus, vel
 potius, quid retribuere debemus? Primum scil.
 illud, quod beatissimus propheta ei debere se,
 & redditurum esse, restatur, dicens: *Quid retri-*
buam Domino, pro omnibus, quæ retribuit mihi?
Calicem salutis accipiam, & nomen Domini
inuocabo. Prima ergo hæc retributio est, ut mor-
 tem morte reddamus, ac pro eo, quod mortuus
 pro nobis est, nos moriamur omnes, tametsi mi-
 noris multo pretii mors nostra est, quam sua.
 Quo fit, ut etiam si mortem suscipiamus, debi-
 ta tamen non exoluamus. Sed tamen, quia ma-
 ius referre non possumus, totum reddere vider-
 eam, si totum quod possumus, reddere curamus.
 Itaque prima, ut dixi, hæc retributio est. Secun-
 da autem, ut si debitum morte non solvamus, vel
 amore solvamus. Nam ipse Salvator ideo, ut ait
 Apostolus, moriendo pro nobis, commendare
 voluit omnibus charitatem suam, ut nos ad red-
 dendam pietatem tanta vicissitudine pietatis suæ
 traheret: sicut illas naturæ admirabilis gem-
 mas

3
Simile.

mas ferunt, quæ ferro propius admotæ, durissimum licet calybem, affectu quasi spirante, suspendunt: ita etiam ille, id est summa, & clarissima negotiorum cœlestium gemma, hoc scilicet voluit: ut dum se licet durissimis nobis descendens de cœlo propius adiungeret, affectui suo nos quasi amoris sui manibus admoveret, ut agnoscere utique dona sua, ac beneficia, intelligeremus, quid nos pro domino tam bono facere conveniret, cum ille pro malis servis tanta fecisse, comperiretur. Hoc quod Apostolus dicit, ut mortificemur charitate illius tota die, & neque tribulatio, neque angustia, neque persecutio, neque fames, neque nuditas, neque gladius posset nos separare à charitate Dei, quæ est in Christo Iesu Domino nostro. Cum ergo hæc à nobis deberi Domino, satis certum sit: videamus, quid pro his cunctis reddimus, quæ debemus. Quid scilicet, nisi totum, quod supra diximus: quicquid indecens, quicquid indignum, quicquid ad iniuriam Dei pertinens, actus improbos, morsus flagitiosos, ebrias commensationes, cruentas manus, fœditates libidinis, rabidas cupiditates, & quicquid illud plus potest conscientia habere, quam sermo. *Que enim*, inquit Apostolus, *in occulto sunt ab eis, turpe est etiam dicere.* Nec hoc solum: nam hoc vetus est, & tam presentium temporum, quam præteritorum: illud gravius, & lugubrius, quod peccatis veteribus nova addimus. Nec solum nova, sed quædam paganica, ac prodigiosa, & in Ecclesia Dei ante non visa: iactantes scilicet prophanas in Deum voces, & contu-

Rom. 8.

Ephes. 5.

melias, blasphemantes, dicentes, Deum incuriosum, Deum non intendentem, Deum negligētem, Deum non gubernantem, ac per hoc immisericordem, & impræstabilem, inhumanum, asperum, durum. Nam qui non respiciens, & incuriosus & negligens esse dicitur, quid superest, nisi ut asper, & durus, & inhumanus esse dicatur? O cecam imprudentiam, o sacrilegam temeritatem! Non sufficit enim nobis, quod peccatis innumerabilibus involuti, rei in omnibus Deo sumus, nisi & accusatores Dei simus? Et quæ rogo, homini spes erit, qui ipsum accusat iudicem iudicandus? Si ergo, inquirunt, respicit res humanas Deus, si curat, si diligit, si gubernat, cur nos infirmiores omnibus gentibus, & miseres esse permittit? Cur victi à barbaris patitur? Cur juri hostium subiugari? Brevissimè, ut ante dixi, ideò nos perferre hæc mala patitur, quia meremur, ut ista patiamur. Respiciamus omnes ad turpitudines, ad flagitia, ad scelera illa Romanæ plebis, quæ supra diximus, & intelligemus, si protectionem mereri possumus, cum in tanta impuritate vivamus. Itaque quia hoc argumento, plurimi non respicere res humanas Deum, dicunt, quod miseri, quod imbecilles sumus, quid miremur? Si enim in tantis vitiis, in tanta improbitate viventes, fortissimos, florentissimos, beatissimosque esse pateretur, suspicio fortasse aliqua esse poterat, quod non respiceret scelera Romanorum Deus, qui tam malos, qui tam perditos, beatos esse pateretur. Cum verò tam vitiosos, tam improbos, infirmos, ac miserrimos esse iubeat, evidentissimè patet,
& as-

& aspici nos à Deo, & iudicari, quia hoc patimur quod meremur, sed mereri nos absque dubio non putamus: & hinc est, quod magis reus, & criminosis sumus, quia non agnoscimus, quod meremur. Maxima quippe accusatrix hominum noxiorum, est, usurpatrix innocentiae, arrogantia. Inter multos, siquidem eorundem criminum reos, nullus est criminosior, quam qui se putat, non criminose: itaque, & nos hoc solum malis nostris addere possumus, ut nos innoxios iudicemus. Sed est, inquit, aliquis peccator, & malignissimus, certè quidem negari non potest, quod meliores barbaris sumus. Ex hoc itaque ipso manifestum est, quod non respicit res humanas Deus, quia cum meliores sumus, deterioribus subiugamur. An meliores simus barbaris, iam videbimus. Certè, quod non est dubium, meliores esse debemus. Ex hoc utique deteriores sumus, si meliores non sumus, qui meliores esse debemus. Criminosior enim culpa est, ubi honestior status: si honoratior persona peccantis, peccati quoque maior invidia. Furtum quidem est in omni homine malum facinus, sed damabilius, si senator furatur aliquando. Cunctis fornicatio interdicatur, sed gravius multò est, si de clero aliquis, quam si de populo fornicetur. Ita & nos, qui Christiani catholici esse dicimur, si simile aliquid barbarorum impuritatis facimus, gravius erramus. Atrocius in sub sancti nominis professione peccamus. Vbi sublimior est prerogativa maior est culpa, & ipsa etià errores nostros, religio, quā profiteamur accusat. Criminosior est eius impudicitia, qui promiserit castitatem.

Usurpatrix innocentiae arrogantia.

An meliores simus barbaris.

Sancti nominis professio.

Fedior inebriator, sobrietatem fronte preten-
dens. Nihil est Philosopho turpius, vitia ob-
scena sectante, quia prater eam deformitatem,
quam vitia in se habent, sapientiae nomen plus
notatur. Et nos igitur in omni humano genere
Philosophiam Christianam professi sumus, ac
per hoc deteriores nos cunctis gentibus credi,
atque haberi necesse est: quia sub tam magnae
professionis nomine vivimus, & positi in religio-
ne peccamus. Sed scio plurimis intolerabile
videri, si barbaris esse deteriores dicamur. Et
quid facimus, quod causae nostrae hoc nihil pro-
ficat, si intolerabile id nobis esse videatur. Imò
causam nostrā hoc magis aggravat, si deteriores
sumus, & meliores nos esse credamus. *Qui n.*
inquit Apostolus, se existimat aliquid esse, cum
nihil sit, se ipsum seducit. Opus autem suum
probet homo: operi autem nostro debemus
credere, non opinioni: rationi, non libidi-
ni, veritati, non voluntati. Igitur non feren-
dum quidam existimant, ut deteriores, aut non
multo etiam meliores barbaris iudicemur. Vi-
deamus autem, quomodo meliores simus, aut
quibus barbaris. Duo n. genera in omni gente
omnium barbarorum sunt, id est, aut haeretico-
rum, aut paganorum. His ergo omnibus, quan-
tum ad legem divinam pertinet, dico, nos sine
comparatione meliores: quantum autem ad
vitam, & ad vite actus, doleo, ac plango, esse
peiores, quamvis id ipsum tamen, ut ante iam
diximus, non de omni penitus Romani populi
universitate dicamus. Excipio enim primum
omnes religiosos, deinde nonnullos etiam secu-
lares

Gal. 6.

Duo gene-
ra barba-
rorum.

Iares, religiosis parēs, aut si id nimis grande est,
 aliqua tamen religiosis actuum honestiorum
 probitate consimiles. Ceteros verò, aut omnes,
 aut penè, magis reos esse, quàm barbaros. Hoc
 est autem deterius esse, magis reum esse, multa
 quia nonnulli irrationabile, atque absurdum
 arbitrantur, ut aut deteriores, aut non multum
 etiam meliores iudicemur; videamus, ut dixi,
 aut quomodo, aut quibus barbaris. Ego enim,
 præter eos tantummodo Romanorum, quos
 paulo ante nominavi, ceteros, aut omnes, aut
 penè omnes maioris reatus dico, & criminosis
 ris vita esse, quàm barbaros. Ita sceris forsitan,
 qui hæc legis, & condemnas in super, quæ legis?
 Non refugio censuram tuam, condemnes, si
 mentior, condemnes, si non probavero, con-
 demnes, si id quod assero, non etiam scripturas
 sacras dixisse, monstraverò. Igitur qui melio-
 res nos multum, cunctis, quæ sunt in mundo, gen-
 tibus iudicamus, nec ipse, quod Romanos dico
 in plurimis deteriores, abnego, in quibusdam
 esse meliores. Vita enim, ut dixi, & peccatis
 sumus deteriores, lege autem catholica sine
 comparatione meliores. Sed illud consideran-
 dum est, quia quod lex bona est, nostrum non
 est, quod autem male vivimus, nostrum est,
 & nihil utique nobis prodest, quod lex est bo-
 na, si vita nostra, & conventus non est bona.
 Lex enim bona, est munus Christi, vita autem
 non bona, criminis nostri, in quo hoc magis
 culpabiles sumus, si legem bonam colimus, si
 mali cultores sumus. Quin potius nec cultores,
 si mali, quia cultor dei non potest malus cultor.

Magis
reus esse.

21. 10. 10. 10.

2. 10. 10.

Lex bona

Malus
cultor.

Neq. in colit, qui rem sanctam non sanctè colit.
 An per hoc accusative nostri est lex ipsa, quam
 colimus. Remota igitur legis prerogativa, quæ
 nos aut nihil omnino adiuvat, aut etiam iusta
 animadversione condemnat, vitam barbarorū,
 atque nostrorum studia, mores, vicia compare-
 mus. In iusto sunt barbari, & nos hoc sumus :
 avari sunt barbari, & nos hoc sumus : infideles
 sunt barbari, & nos hoc sumus : cupidi sunt
 barbari, & nos hoc sumus : impudici sunt bar-
 bari, & nos hoc sumus : omnium denique im-
 probitatum, atque impuritatum pleni sunt bar-
 bari, & nos hoc sumus. Sed responderi fortasse
 possit : Ergo si pares vitiositate barbaris sumus,
 cur non sumus etiam viribus pares ? Cum enim
 similis sit improbitas, atque idem reatus, aut tam
 fortes deberemus esse nos, quàm sunt illi : aut
 certè tam invalidi, quàm nos sumus : illi esse de-
 berent. Verum est, ac per hoc superest, ut illi
 nocentiores sint, qui infirmiores. Quomodo hoc
 probamus ? Scilicet quia, ut superius locuti su-
 mus, omnia ex iudicio Deum facere, monstra-
 vimus. Si enim, ut scriptum est, *in omni loco oculi*
Domini speculantur bonos, & malos, & iuxta
Rom. 2 Apostolum : *Iudicium Dei est secundum verita-*
tem in omnes malos : videmus nos, qui non
 desinimus mala agere, ex iudicio iusti Dei
 pœnas malitiæ sustinere. Sed eadem, inquis,
 mala etiam barbari agunt, & non sunt tamen
 tam miseri, quàm nos sumus. Hoc ergo in-
 tereft, quòd etsi eadem agant barbari, quæ &
 nos agimus : nos tamen maiore offensione pec-
 camus. Possunt enim nostra, & barbarorum

vitia esse paria, sed in his tamen vitis est
 necesse, peccata nostra esse graviora. Nam cum
 omnes, ut ante iam diximus, barbari, aut pa-
 gani sint, aut hæretici, de paganis, quia peior
 illorum error est, prius dicam. Gens Saxonum
 fera est, Francorum infidelis, Gepidarum inhu-
 mana, & Hunnorum impudica. Omniū deniq;
 gentium barbarorum vita vitiosa, sed nunquid
 eundem reatum habent illorum vitia, quem
 nostra? nunquid tam vitiosa est Hunnorum
 impudicitia, quam nostra? nunquid tam ac-
 cusabilis Francorum perfidia, quam nostra?
 aut tam reprehensibilis ebrietas Alemanni,
 quam ebrietas Christiani? aut tam damnabilis
 rapacitas Albani, quam rapacitas Christiani?
 Si fallat Hunnus, vel Gepida, quid mirum
 est? qui culpam falsitatis penitus ignorat. Si
 periuret Francus, quid ni faceret? qui periurium
 ipsum, sermonis genus, putat esse, non crimi-
 nis. Et quid mirum, si hoc barbari ita credunt,
 qui legem, & Deum nesciunt, cum maior ferè
 Romani nominis portio ita existimet, quæ
 peccare se novit? Nam ut de alio hominum
 genere non dicam, consideremus solas nego-
 tiatorum, & Siricorum omnium turbas, qui
 maiorem ferè civitatum universam partem
 occupaverunt: si aliud est vita istorum omnium,
 quam meditatio doli, & tritura mendacii, aut si
 nō perire admodum verba existimant, quæ nihil
 loquentibus profunt. Tantus apud hos Dei ho-
 nor est prohibentis, etiam iusiurandum, ut sin-
 gularem existiment fructuum omniū periurium.

Quid

Francorū
periuria.

6
Negotia-
torū vita

*Sacra-
mentum
per Chri-
stum.*

*Exo. 20
Dent. 5*

Quid ergo mirum barbaros fallere, qui falsitatis crimen ignorant? Nihil enim contemptu agunt celestium praeceptorum, praecepta Domini nescientes; quia non facit aliquid contra legem, legis ignarus. Noster ergo hic peculiariter reatus est, qui legem divinam legimus, & legalia semper scripta violamus; qui Deum nosse nos dicimus, & iussa ipsius, ac praecepta calcamus: ac per hoc cum spernamus, quem coli à nobis credimus, atque iactamus, id ipsum, quod cultus Dei videtur, iniuria est. Denique, ut de peccatis aliis nihil dicam, quis est, oro, hominum secularium, praeter paucos, qui non ad hoc semper Christi nomen in ore habeat, ut peieret? Vnde etiam parvulum hoc ferè, & apud nobiles, & apud ignobiles sacramentum est, *per Christum*: quia ago per Christum, quia hoc facio per Christum, quia nil aliud dicturus sum per Christum, quia nil aliud acturus sum. Et quid plura? in id penitus deducta est res, ut sicut de paganis barbaris prius diximus, Christi nomen non videtur iam sacramentum esse, sed sermo. Nam intantum apud plurimos nomen hoc parvipenditur, ut nunquam minus cogitent quippiam facere, quam cum se iurant per Christum, esse facturos. Et cum scriptum sit: *Nomen Domini tui non nominabis in vanum*, in id reverentia Christi decidit, ut inter coeteras saeculi vanitates, nihil penè iam inanius, quam Christi nomen esse videatur. Denique multi, non otiosas tantummodo res, & aniles, sed etiam scelera quaedam se iurant, per Christi nomen esse facturos. Hic enim loquendi usus est

est talibus: per Christum . quia tollo illud : per Christum , quia cado illum : per Christum , quia occido illum : ad hoc res cecidit , ut quod Christi nomine iuraverint , putent , se scelera etiam religiosè esse facturos . Denique quid mihi evenerit , dicam . Cùm ante aliquantulum tempus , victus cuiusdam pauperis prece , præpotentiori cuidam supplicarem , obsecrans , ne homini misero , & egestuoso , rem , ac substantiam suam tolleret , ne subsidium , ac stipem suam , qua paupertas illa nitebatur , auferret : tamen ille , qui eius rebus siti rabida inhiaverat , ac prædam iam spe , & cupiditate ardentissima devoraverat , respiciens , ac vibrans in os meum truces oculos , ut potè qui tolli sibi à me putaret quicquid ipse alteri non tulisset , nequaquam hoc , quod peterem facere se posse , respondit : quasi verò iussu , aut scripto id sacro faceret , quod penitus præterire non posset . Cumq. ego causam , qua hoc fieri non valeret , quærerem , dixit rem violentissimam , & cui contradici penitus non deberet , iuravi , inquit , per Christum , res illius à me esse tollendas : vide ergo , an possim , vel debeat non efficere , quod etiam interposito Christi nomine , me iuravi , esse facturum . Tum ego , quid enim amplius facerem , cùm res tam iusta obtendebatur , & sancta , audita religiosissimi sceleris ratione , discessi . Hic nunc interrogo omnes , qui sanæ mentis sunt : Quis unquam crederet , usque in hanc contumeliam Dei progressuram esse humanæ cupiditatis audaciam , ut id ipsum , in quo iniuriam Christo faciunt , dicant , se ob Christi nomen facturos ? O

*Quid sibi
ipsi consi-
gerit*

inestimabile facinus, & prodigiosum. Quid non ausa sint improbae mentes, armant se ad latrocinandum per Christi nomen, autorem quodammodo suo sceleri Deum faciunt: ut cum interdictor, ac vindex malorum omnium Christus sit, dicant se scelus, quod agunt, agere pro Christo. Sed de hostili iniquitate conquerimur, & paganicam barbariem peierare causamur. Quanto minori peccato illi per daemonia peierant, quam nos per Christum? Quanto minoris res criminis est, Iovis nomen ludificare, quam Christi: ibi homo mortuus est, per quem iuratur, hic Deus vivus, qui peieratur: ibi nec homo ullus, nec Deus summus, hic cum maximi sacramenti sit deieratio, necesse est maximi sit reatus, & peieratio: ibi cum prope nullum sit sacramentum, nullum constat esse periurium. Nam cum Deus non sit per quem iuratur, non est periurium, cum peieretur. Denique, qui vult scire, quam verum sit, audiat beatum Apostolum Paulum, ipsa, quae nos dicimus predicantem. Sic quippe ait: *Scimus autem quoniam quacumque lex loquitur, his, qui in lege sunt loquitur.* Et iterum: *Vbi, inquit, non est lex, nec praevaricatio.* Duabus his sententiis, duas evidenter exposuit partes generis humani, extra legem positos, & in lege viventes. Qui sunt igitur nunc in lege positi, qui scilicet nisi Christiani, sicut ipse Apostolus fuit, qui de se ait? *Sine lege Dei non sum, sed in lege sum Christi?* Qui igitur sine lege Christi? nisi pagani homines, legem dominicam nescientes; & deo de his dicit: *Vbi non est lex, nec praevaricatio.* Quo dicto utique ostendit, Christia-

Rom. 2

c. 4

Rom. 6

rianos tantum cum peccaverint, legis prevaricatores esse. Paganos autem, qui legem nesciant, sine pravaricatione peccare: quia nullus potest esse rei prevaricator, quam nescit. Nos ergo tantum prevaricatores divinæ legis, qui, ut scriptum est: *legē legimus, & non facimus ea*: ac per hoc nihil est aliud sciētia nostra, quā culpa, qui ad hoc tantummodo legē novimus, ut maiore offensione peccemus: quia quod lectione, & corde novimus, libidine, ac despectione calcamus. Et ideo rectissime apostolicū illud ad omnē dicit Christianus: *Qui in lege gloriari, per pravaricationē legis Deū inhonorat; nomē .n. Dei per vos blasphematur inter gentes*. Cuius ergo criminis rei sint Christiani, ex hoc uno intelligi potest, quia Dei nomen infamant. Et cum scriptum sit nobis, ut omnia faciamus in gloriam Dei, nos ē diverso cuncta in Dei faciamus iniuriam. Cumq. ipse Salvator noster ad nos quotidie clamet: *Sic luceat lux vestra corā hominibus, ut videant filii hominum opera vestra bona, & magnificent patrem vestrum, qui in cælis est*. Nos ita vivimus ē contrario, ut filii hominum videant opera nostra mala, & blasphement patrē nostrum, qui est in cælis, Quæ cum ita sint, magna videlicet nobis prerogativa de nomine Christianitatis blandiri possumus: quia ita agimus, & vivimus, ut hoc ipsū, quod Christianus populus esse dicimur, opprobriū Christi esse videamur. At ē diverso in paganis, quid horū simile, quæ dicimus? Nūquid dici de his potest: Ecce quales sūt, qui Christiani esse dicuntur? Nunquid de Saxonibus, aut Francis, ecce quæ faciunt, qui se asserunt Christi esse

Rom. 2.

Ibidem.

1. Cor. 10.

Mat. 5.

esse cultores? Nunquid propter Maurorum efferos mōres lex sacrosancta culpatur? Nunquid Scytharū, aut Gepidarum inhumanissimi ritus, in maledictum, atque blasphemiam nomen Domini Salvatoris inducunt? Nunquid dici de ullis istorum potest, ubi catholica est lex, quam credunt, ubi sunt pietatis, & castitatis praecepta, quae discunt? Evangelia legunt, & impudici sunt: Apostolos audiunt, & inebriantur: Christum sequuntur, & rapiunt: vitam improbam agunt, & probam legem habere se, dicunt. Nunquid haec de ulla istarum gentium dici queant? Non utique: de nobis quippe omnia ista dicuntur. In nobis Christus patitur opprobrium, in nobis patitur lex Christiana maledictum: de nobis enim illud, quod supra diximus, dicitur. Ecce quales sunt, qui Christum colant: falsum planè illud est, quod aiunt se bona discere, quod iactant, se sanctae legis praecepta retinere. Si enim bona discerent, boni essent. Talis profecto secta est, quales, & sectatores: hoc sunt absque dubio, quod docentur. Apparet itaque, & prophetas, quos habent, impuritatem docere, & apostolos, quos legunt nefaria sensisse, & Evangelia quibus imbuuntur, haec quae ipsi faciunt, praedicare. Postremò sancta à Christianis fierent, si Christus sancta docuisset. Aestimari itaque de cultoribus suis potest ille, qui colitur. Quomodo enim bonus magister est, cuius tam malos videmus esse discipulos? Ex ipso enim Christiani sunt, ipsum audiunt, ipsum legunt: promptum est omnibus Christi intelligere doctrinam. Vide Christianos, quid agant, & eviden-

center potes de ipso scire, quid doceat: Denique quam prave, & nefarie pagani semper de sacris dominicis opinati sint, docent persecutorum immanum cruentissimæ quæstiones, qui in sacrificiis Christianis nihil aliud, quam impura, quædam fieri, atque abominanda credebant. Siquidem initia ipsa nostræ religionis non nisi à duobus maximis facinoribus oriri arbitrantur. Primum scilicet homicidio, deinde, quod est homicidio gravius, incestu. Nec homicidio solum, & incestu, sed quod sceleratius quiddam est, incestu ipso, & homicidio. Incestu matrum sacrosanctarum, & homicidio innocentium parvulorum: quos non occidi tantum à Christianis, sed quod magis abominandum est, etiam vorari existimabant: & hæc omnia ad placandum Deum; quasi ullo facinore magis possit offendi: ad purgandum piaculum; quasi ullum aliud maius esset: ad commendandum sacrificium; quasi ullam rem magis Deus possit horrere: ad promerendam vitam æternam; quasi verò etiam si possit his rebus accipi, tanti esset, ad eam per scelera tam immania perveniri. Intelligere possumus autem, quales esse pagani crediderint Christianos, qui talibus sacrificiis Deum colerent, aut qualem sollicitet Deum ipsum, qui hæc sacra docuisset. Et hoc cur? utique, nisi ob eos, qui Christiani esse dicuntur: & non sunt, qui per flagitia, ac turpitudines suas nomen religionis infamant, qui, ut scriptum est, confitentur se nosse Deum, factis autem negant, cum sint abominabiles, & increduli, ad omne autem opus bonum reprobi, per quos, ut legimus, via veri-

7
Initia
Christiane
religionis.

Tit. 1.

2 Pet. 2.

tatis

Nomen
divinitatis
in blas-
phemiam
gentium
illate.

Reg. 12

Fortiss.
petentibus
adiumē-
tum.

tatis blasphematur, & sacrosanctum nomen Domini Dei sacrilegorum hominum maledictione violatur. Quam gravis autem ac singularis piaculi malum sit, nomen divinitatis in blasphemiam gentiū dare, etiam David beatissimi edocemur exemplo, qui per suffragia iusticiarū suarum, æternam pro offensionibus suis pœnam per unam tantum confessionem meruit evadere: huius tamen criminis veniam, nec per pœnitentiam patrocinantem potuit imperare. Nam cum ei errores proprios confitenti Nathan propheta dixisset: *Transtulit Deus peccatum tuum, non morieris*, subdidit statim: *Verumtamen, quia blasphemare fecisti inimicos nomen Domini, propter verbum hoc, filius qui ex te natus est, morietur*. Et quid post hæc? deposito scilicet diademate, projectis gemmis, exutis purpuris, remota omni splendoris regij dignitate, cum pro his omnibus solitarius, gemens, clausus, sacco squalidus, fletu madidus, cinere sordidatus, vitam parvuli sui tot lamentationum suffragiis peteret, & piissimum Deum tanta precum ambitione pulsaret: sic rogans, & obsecrans obtinere non potuit, cum tamen quod fortissimum petentibus adiuumentum est, & impetraturum se, quod sic à Deo peteret, credidisset. Ex quo intelligi potest, quòd nullum penitus maioris piaculi crimen est, quàm blasphemandi causam gentibus dare. Quicumq. .n. sine blasphemia aliorum graviter erraverit, sibi tantum affert damnationem: qui autem alios blasphemare fecerit, multos secum præcipitat in mortem, & necesse erit, ut sit pro tantis reus, quantos secum traxerit in reatum.

Nec

Nec solum hoc, sed quicumque peccator ita peccat, ut alios tamen peccato suo blasphemare non faciat, peccatum suum ipsi obest tantummodo, quod peccaverit: sacrosanctum autem Dei nomen sacrilega blasphemantium maledictione non lædit. Qui verò blasphemare alios peccans fecerit, necesse est, peccatum huius supra criminis humani esse mensuram, quia per convitia plurimorum inestimabilem Deo facit iniuriam. Hoc autem, ut dixi, malum peculiari-ter tantum Christianorum est, quia per eos tantummodo blasphematur Deus, qui bona discunt, & mala faciunt: qui, ut scriptum est, Deum verbis confitentur, & factis negant. Qui, ut idem Apostolus ait, acquiescunt legi, & sciunt voluntatem ejus, & probant, quæ potiora sunt: qui habent formam scientiæ, & veritatis in lege: qui prædicant, non furandum, & furantur: & qui legunt, non mæchandum, & mæchantur: qui in lege gloriantur, & per prævaricationem legis Deum in honorant. Et ideo hoc ipso Christiani deteriores sunt, qui meliores esse deberet. Non enim probant, quod confitentur; & impugnant professionem suam moribus suis: magis .n. damnabilis est malitia, quam titulus bonitatis accusat: & reatus impii est, pium nomen. Vnde etiam Salvator in Apocalypsi ad tepidum Christianum ait: *Vtinam, aut calidus esses, aut frigidus. Nunc autem, quia tepidus es, incipiam te evomere ex ore meo.* Omnem Christianum Dominus fide, ac spiritu jubet esse ferventem. Sic enim scriptum est: *Vt simus spiritu ferventes, Domino servientes.* In hoc

*Malum
peculiare
christia-
nis*

Rom. 2

*Malitia
sub titulo
bonitatis.
Apoc. 3*

Rom. 12

H

ergo

ergo fervore spiritus fidei religioſe ardor oſtenditur, de quo ardore, qui plurimum habet, fervens eſſe agnoſcitur, & fidelis. Qui nihil omnino habet, & frigidus eſſe intelligitur, ac paganus. Qui verò inter utrumque, vel neutrum eſt, tepidus, atque exoſus eſt Domino Chriſtianus, & ideo ad eum dicitur: *Vtinam, aut calidus eſſes, aut frigidus, nunc quia tepidus es, incipiam te vomere ex ore meo*, hoc eſt dicere: Vtinam aut calorem, ac fidem haberes bonorum Chriſtianorum, aut certè frigus, & ignorantiam paganorum: aut enim fides te calida Deo inſinuaret, aut certè ad præſens adhuc legis ignorantia aliquatenus excuſaret. Nunc autem, quia Chriſtum iam agnoviſti, & negligis, quem agnoviſti, qui ſuſceptus eſt quaſi intra os Dei per Fidei agnitionem, proſicies per teporem. Quod quidem etiam beatus apoſtolus Petrus evidenter expoſuit, dicens de vitioſis, & tepidis, id eſt malè viventibus Chriſtianis: *Melius erat illis, non cognoscere veritatem, quàm cognoscētibz reſuſcitum reſpecti à tradito ſibi mandato*. Contingit illis res veri proverbii: *Canis reverſus ad ſuum vomitum, & ſus lota in volutabro luti*. Quod ut evidenter de his dictum intelligamus, qui ſub Chriſtiano nomine in ſordibus mundi, atq. impuritatibus vivunt, audi, quid eiſdem in eodè loco dicat: *Si enim, inquit, reſugiētes coinquinationem mundi, in agnitionem Domini noſtri, & conſervatoris Ieſu Chriſti, his ruruſus impliciti ſuperantur, facta ſunt illis noviffima peiora prioribus*. Quod quidem, & beatus apoſtolus Paulus eodem modo dicit: *Circumciſio quidem prodeſt*

E vomere
quid.

2. Pet. 2

Prover-
bium.

Rom. 2

si legem custodias: si autem pravaricator legis sis, circumcisio tua praputium facta est. Circuncisionem autem Christianitatem intelligendam ipse evidentissime docet, dicens: Nos enim sumus circumcisio, qui spiritu Dei servimus, & non in carne confidimus. Ac per hoc videmus, quod malos Christianos paganis comparat: nec comparat tantum, sed penè postponit, dicens: Si autem praputium legis iustitias custodiat, nonne praputium illius in circuncisionem reputabitur, & indicabit id, quod ex natura est praputium, legem consummans te, qui per literam, & circuncisionem pravaricator legis es? Ac per hoc intelligimus, ut supra dixi, culpabiliores multo plus nos esse, qui legem Dei habemus, & spernimus, quàm illos, qui nec habent omnino, nec norunt. Nemo. n. ignota contemnit. Concupiscentiam quippe, Apostolus, nesciebam, inquit, nisi lex diceret, non concupisces. Neque enim pravaricantur à lege, quam non habent, quia, ut scriptum est, ubi non est lex, nec pravaricatio. Ac per hoc, si non pravaricantur à lege, quàm non habent, ergo non contemnunt legis scita, quæ non habent: quia nemo, ut dixi, potest despiciere, quod nescit. Nos ergo & contemptores pariter, & pravaricatores sumus: ac per hoc paganis deteriores, quia illi non norunt Dei mandata, nos novimus: illi ea non habent, nos habemus: illi inaudita non faciunt, nos lecta calcamus. Et ideo apud illos ignorantia est, apud nos pravaricatio, quia minoris criminis reatus est, legem nescire, quàm spernere.

Circumcisio est Christianitas. Phil. 3.

Rom. 2

& 7.

Nemo contemnit quod nescit

LIBER QUINTVS.

A R G V M E N T V M.

Occurrit huic argumento Christianorum querentium, se Deo magis inuisos paganis, & hæreticis, cum tamen licet scelesti, nunquam aut paganos, aut hæreticos impietate vincant. Occurrit, inquam imminuendo paganorum scelera, & hæreticorum; cum instituti à suis maioribus hoc, vel illo dictamine, si fallunt, falluntur à regula ipsis præscripta. Christiani vero semper sunt inexcusabiles, si sanctam legem colunt, & impiam vitam vivunt. Hinc pariter ansam arripit invendi in Iudicum iniquissimas leges, & sententias; in divites pauperum oppressores, & in magnates ingenuis, vi, ac potestria jugum servitutis imponentes; leviter etiam perstringit clericos, & regulares magis, à professionis norma non parum desciscentes.

SCIO infidelissimos quosque, & veritatis divinæ incapaces dicere adversum hæc posse, quæ diximus. Si tantus sit Christianorum infidelium reatus, ut plus peccent prætermittentes mandata Domini, quæ sciant, quàm paganæ gentes, quæ nesciant: salubriorem his fuisse ignorantiam, quàm agnitionem, & contra eos esse admodum, quod agnoverint veritatem. Quibus hoc respondendum est, non veritatem his obesse, sed vitia: nec legem nocere, sed mores: da mores bonos, & legis scita pro nobis sunt. Tolle vitia, & lex prodest: *Scimus enim*, inquit *1. Tim. 1* Apostolus, *quia bona est lex, si quis ea legitimè utatur.* Legitimè itaque lege utere, & legem tibi bonam ipse fecisti. *Scimus enim*, inquit, *quia*

quia lex est bona, si quis ea legitime utatur, sciens hoc, quod iusto non est lex posita: ac per hoc iustus esse incipe, & eris liber à lege: quia non potest venire lex contra mores, quæ iam habetur in moribus. Scimus ergo, inquit, quia lex bona est, si quis ea legitime utatur, sciens hoc, quod iusto non est lex posita, sed iniustus: & non subditis, sed sceleratis, & impiis, & peccatoribus, & si quod aliud sana doctrina adversatur. Ac per hoc non tam lex tibi, ò homo, quam tu legi adversaris: nec lex contra te bene præcipiendo, sed tu contra legem malè vivendo, agis; imò illa pro te est, tu contra illam: illa enim tibi consulit, sancta dicendo, tu contra illam venis, prava faciendo: nec contra illam tantum, sed etiam contra te: hoc ipso enim, quod contra illam, & contra te; quia in illa salus, & vita tua est. Ac per hoc dum legem divinam deferis, salutem propriam relinquis. Non aliter ergo nos de dominica lege querimus, quam queri de optimo medico impatiens egrotus solet? qui cum ingravescere sibi morbos fecerit vitio suo, imperitiam medentis accusat; quasi verò curare ullam infirmitatem præcepta possint, si ei non obedierit infirmus: aut sanare quempiam observantia valeat, quam medicus ei imperat, si eam sibi ægrotus ipse non præstat. Quid juvant stomachum abstinthia, si statim dulcia subsequantur? Quid conferunt phrenetico silentia circumstantium, quæ statim suus clamor occidit? aut quid prodesse poterit antidotum, cui superfunditur venenum? Et nobis itaque lex est antidotum, sed vitio sitas venenum. Sanare nos non potest legis antidotum,

quos occidunt venena vitiatorum. Sed iam de his
 & antea satis diximus, & si ita res postulaverit,
 etiam post hæc, iuvante Deo, aliqua dicemus.
 Interim, quia duo superius barbarorum genera,
 vel sectas esse memoravimus, paganorum, atq.
 hæreticorum, quia de paganis iam, ut arbitror,
 satisfecimus, de hæreticis quoque, ut causa po-
 scit, subiiciamus. Potest enim quispiam dicere:
Hæretici. Etiam si à paganis lex divina nõ exigit, ut man-
 data faciant, quæ non sciunt, certè ab hæreticis
 exigit, qui sciunt: eadem enim etiam illos lege-
 re, quæ nos legimus, eosdẽ apud illos prophe-
 tas Dei, eosdẽ Apostolos, eosdẽ Evangelistas
 esse, ac per hoc, aut non minus ab illis legem ne-
 gligi, quàm à nobis, aut etiam multò magis:
 quia cum eadem legant scripta, quæ nostri, mul-
 ta faciunt deteriora, quàm nostri. Vtrumque
 ergo videamus. Eadem, inquis, legunt, quæ à
 nobis leguntur. Quomodo eadem, quæ ab auto-
 ribus quondam malis & malè sunt interpolata,
 & malè tradita. Ac per hoc iam non eadẽ, quia
 non possunt penitus dici ipsa, quæ sunt in aliqua
 sui partè vitiata. Incolumitatem enim non ha-
 bent, quæ plenitudinem perdiderunt: nec sta-
 tum solum omnino servant, quæ sacramentorum
 virtute privata sunt. Nos ergo tantum scriptu-
 ras sacras plenas, inviolatas, integras habemus,
Ministeriũ puræ qui eas, vel in fonte suo bibimus, vel certè de
et æt. trasla- purissimo fonte hausas per ministerium puræ
tionis traslationis haurimus: nõs tantummodo benè
 legimus, atquẽ utinam quàm benè legimus, tam
 benè implemẽs. Sed vereor, quòd qui non
 benè observamus, nec benè lectitemus, quia
 mi.

minor reatus est, sancta non legere, quàm lecta violare. Ceteræ quippe nationes, aut non habent legem Dei, aut debilem, aut convulseratam habent, ac per hoc, ut diximus, non habent quæ sic habent. Nam etsi qui gentium barbararum sunt, qui in libris suis minus videantur scripturam sacram interpolatam habere, vel laceram: habent tamen veterum magistrorum traditionem corruptam, ac per hoc traditionem potius, quàm scripturam habent: quia hoc non retinent, quod veritas legis suadet, sed quod pravitas malæ traditionis inseruit. Barbari quippe homines, Romanæ, immo potius humanæ eruditionis expertes, qui nihil omnino sciunt, nisi quod à Doctoribus suis audiunt: quod audiunt, hoc sequuntur, ac sic necesse est, eos, qui totius literaturæ, ac scientiæ ignari, sacramentum divinæ legis doctrina magis, quàm lectione cognoscunt, doctrinam potius retinere, quàm legem. Itaque traditio eis magistrorum suorum, & doctrina inveterata, quasi lex est, qui hoc sciunt tantummodo quod docentur: hæretici ergo sunt, sed non scientes. Denique apud nos sunt hæretici, apud se non sunt. Nam intantum se catholicos esse iudicant, ut nos ipsos titulo hæreticæ appellationis infament. Quod ergo illi nobis sunt, hoc & nos illis. Nos eos iniuriam divinæ generationi facere certi sumus, quod minorem patre filium dicant. Illi nos iniuriosos patri existimant, quia æquales esse, credamus. Veritas apud nos est, sed illi apud se esse, præsumunt. Honor Dei apud nos est, sed illi hoc arbitrantur honorem divinitatis.

tis esse, quod credunt. Inofficiosi sunt, sed illis hoc est summum religionis officium. Impij sunt, sed hoc putant, veram esse pietatem. Errant ergo, sed bono animo errant, non odio, sed affectu Dei, honorare se Deum, atque amare credentes. Quamvis non habeant rectam fidem, illi tamen, hoc, perfectam Dei existimant charitatem. Qualiter pro hoc ipso falsæ opinionis errore in die iudicii puniendi sint, nullus potest scire, nisi index. Interim idcirco eis, ut reor, patientiam Deus commodat, quia videt eos, et si non rectè credere, affectu tamen piæ opinionis errare: maximè cum sciat, eos ea facere, quæ nesciunt, nostros autem negligere, quod credunt: ac per hoc illos magistrorum peccare vitio, nostros suo: illos ignorantes, nostros scientes: illos facere, quod putent rectum, nostros quod sciant esse perversum. Et ideo iusto iudicio illos patientia Dei sustinet, nos animadversione castigat: quia ignosci aliquatenus ignorantia potest, contemptus veniam non meretur. Sic enim scriptum est: *Servus, qui nescit voluntatem Domini sui, & non facit eam, vapulabit paucis: qui autem scit eam, & non facit, vapulabit multis.* Non ergo miremur, quod multis cædimur, quia non inscientia, sed rebellionem peccamus. Scientes enim bona, non bene agimus, discretionem recti, ac pravi intelligentes, prava sectamur: legem legimus, & legitima calcamus: & ad hoc tantum præceptorum sacrorum scita cognoscimus, ut gravius post interdicta peccemus. Deum colere dicimus nos, & diabolo obtemperamus. Et post hæc volumus, ut bona à Deo

Lucæ 2

Deo accipiamus , cùm mala semper malis addamus : fieri voluntatem nostram à Deo cupimus , cùm Dei nos facere nolumus , quasi nos superiores Deo essemus , agimus . Volumus , ut voluntati nostræ Deus iugiter pareat , cùm omnes nos voluntati eius iugiter repugnemus . Sed ille iustus est , licet nos simus iniusti . Castigat enim quos castigandos putat , patitur , quos putat esse patiendos . Vtrunque ad unam rem vult proficere , ut & castigatio in catholicis peccandi refrenet libidinem , & quandoque hæreticos patientia Dei faciat plenam fidei noscere veritatem : maximè cùm sciat , eos forsitan catholica non indignos fide , quos videat catholicis vitæ comparatione præstare . Omnes autem isti , de quibus loquimur , aut Vvandali sunt , aut Gothi . Nam de Romanis hæreticis , quorum innumera multitudo est , nihil dicimus , neque aut Romanis eos , aut barbaris comparamus , quia & infidelitate Romanis sunt deteriores , & scæditate vitæ barbaris turpiores . Sed hæc nos non solum non iuvant , sed etiam supra id , quod à nobis ipsis est gravamen , gravant , quia , & ij , quos tales causamur esse , Romani sunt . Vnde intelligere possumus , quid mereatur omnis Romana Respublica , cùm pars Romanorum offendat Deum vita , pars & infidelitate pariter , & vita , salvo eo , quod etiam ipsæ quondam hæreses barbarorum de Romani magisterij pravitate fluxerunt . Ac perinde etiam hoc nostrum crimen est , quod populi barbarorum hæretici esse ceperunt . Porro autē quantum
ad

Ioan 13

Inestimabile malū

ad conversationem Gothorum, aut Vvandalarum pertinet: quid est in quo eis, aut præponere nos, aut etiam comparare possimus? Ac primum, ut de affectu & charitate dicam, quam præcipuam Dominus, docet, esse virtutem, & quam non solum per omnes scripturas sacras, sed etiam per se ipse commendat, dicens: *In hoc sciatur, quod discipuli mei estis, si vos invicem diligatis.* Omnes se ferè barbari, qui modò sunt unius gentis, & regis, mutuo amant. Omnes penè Romani se mutuo persequuntur. Quis enim civis non invidet civi? Quis enim plenam vicino exhibet charitatem? Omnes quippe à se, etsi loco non absunt, affectu absunt: etsi habitatione junguntur, mente disiuncti sunt. Atque utinam hoc, licet sit pessimum malum, utinam cives tantum, atque vicini: illud est gravius, quod nec propinqui quidem propinquitatis iura conservant. Quis enim se proximis suis proximum reddit? Quis solvit charitati, quod se cognoscit debere, vel nomen? Quis hoc est nomine, quo vocatur? quis tã propinquus corde, quàm sanguine, in quo non lividus malevolentix zelus ardet, cuius non sensum livor invasit, cui non prosperitas aliena supplicium est? Quis non bonum alterius, malum suum credit? Cui ita sufficit felicitas sua, ut etiam alium velit esse felicem? Novum, & inestimabile nunc in plurimis malum est. Parum alicui est, si ipse sit felix, nisi alter fuerit infelix. Iam verò illud quale, quàm sævum, ex hac ipsa impietate descendens, quàm alienum à barbaris, quàm familiare Romanis, quod se invicem

exa-

exactione proscribunt : immo non invicem ;
nam hoc tolerabilius fermè esset , si pateretur
quisque , quod fecerat : illud est gravius , quòd
plurimi proscribuntur à paucis , quibus exactio
publica peculiaris est praeda , qui fìscalìs debiti
titulos , faciunt quæstus esse privatos : & hoc non
summi tantum , sed penè infimi . Non iudices
solum , sed etiam iudicibus obsequentes . Quæ
enim sunt , non modò urbes , sed etiam mu-
nicipia , atque vici , ubi non quot curiales
fuerint , tot tyranni sint ? quanquam fortè
hoc nomine sibi gratulentur , quia potens , &
honoratus esse videtur . Nam & latrones fermè
omnes gaudent , & glorientur , si atrociòres ad-
modum , quàm sunt , esse dicantur . Quis ergo , ut
dixi , locus est , ubi nò à principalibus civitatum ,
viduarum , & pupillorum viscera devorentur , &
cum his fermè sanctorum omnium ? Nam & hos
quasi viduas , & pupillos habent , quia tueri se ,
aut pro studio professionis suæ nolunt , aut in-
nocentia , atque humilitate non possunt . Nemo
itaque tutus horum est , nec ullus admodum ,
præter summos , à vastatione latrocinii popu-
lantis immunis , nisi , qui ipsìs latronibus par
est in hac conditione : immo in hoc scelus rei
devoluta est , ut nisi quis malus fuerit , salvus
esse non possit . Sed videlicet cum tot sint , qui
bonos vastant , sunt fortasse aliqui , qui in hac
vastatione succurrant , qui , ut scriptum est , eri-
piant egenum , & pauperè de manu peccatoris ?
Non est , qui faciat bonum , non est penè usque
ad unum . Ideo dixi penè usque ad unum , quia
tanta est raritas bonorum , ut penè unus esse vi-
dea-

Exactiones.

Sancti.

*Mali san-
cti salvi.*

*Psal 81
Psal 52
Bonorum
raritas.*

deatur. Quis enim vexatis, atque laborantibus opem tribuat, cum improborum hominum, violentiæ, etiam Sacerdotes Domini non resistent? Nam, aut tacent plurimi eorum, aut similes sunt tacentibus, etiam si loquantur, & hoc multi non inconstantia, sed consilio, atque ratione. Exertam enim veritatem proferre nolunt, quia eam aures improborum hominum sustinere non possunt: nec solum refugiant, sed etiam oderunt, & execrantur: & non modo auditâ non reverentur, aut metuunt, sed maiore etiam superbientis pervicaciæ perduellione contemnunt. Et ideo tacent etiam, qui loqui possunt, dum ipsis interdum malè parciunt: nec volunt eis vim aperte promere veritatis, ne faciant eos ingesta acrius veritate peiores. Interea vastantur pauperes, vidue gemunt, orphani proculcantur intantum, ut multi eorum, & non obscuris natalibus editi, & liberaliter instituti ad hostes fugiant, ne persecutionis publicæ afflictione moriantur: quærentes scilicet apud barbaros Romanam humanitatem, quia apud Romanos barbaram inhumanitatem ferre non possunt. Et quamvis ab his, ad quos confugiunt, discrepent ritu, discrepent lingua, ipso etiam, ut ita dicam, corporum, atque induviarum barbaricarum fœtore dissentiant, malunt tamen in barbaris pati cultum dissimilem, quàm in Romanis iniustitiam sævientem. Itaque passim, vel ad Gothos, 2 vel ad Bacaudas, vel ad alios ubique dominantes barbaros migrant, & commigrasse non pœnitet. Malunt enim sub specie captivitatis vivere

vere liberi, quàm sub specie libertatis, esse captivi. Itaque nomen civium Romanorum aliquando non solum magnò æstimatum, sed magnò emptum, nunc ultrò repudiatur, ac fugitur: nec vile tantum, sed etià abominabile penè habetur. Et quod esse maius testimoniù Romanæ iniquitatis potest, quàm quòd plerique, & honesti, & quibus Romanus status summo & splendori esse debuit, & honori, ad hoc tamen Romanæ iniquitatis crudelitate compulsi sunt, ut nolint esse Romani. Hinc est etiam, quòd hi, qui ad barbaros non confugiunt, barbari tamen esse coguntur, scilicet ut est pars magna Hispanorum, minima Gallorum. Omnes denique, quos per universum Romanum orbem fecit Romana iniquitas, iam non esse Romanos. De Bacaudis nunc mihi sermo est, qui per malos iudices, & cruentos spoliati, afflicti, necati, postquam jus Romanæ libertatis amiserant, etiam honorem Romani nominis perdiderunt. Et imputatur his infelicitas sua, imputamus his nomen calamitatis suæ, imputamus nomen, quod ipsi fecimus. Vocamus rebelles, vocamus perditos, quos esse compulimus criminosos. Quibus enim aliis rebus, Bacaudæ facti sunt, nisi iniquitatibus nostris, nisi improbitatibus iudicum, nisi eorum proscriptionibus, & rapinis, qui exactionis publicæ nomen in quæstus proprii emolumenta vertebant, & indictiones tributarias, prædas suas etià fecerunt: qui in similitudinem immanium bestiarum non rexerunt traditos sibi, sed devoraverunt: nedù spoliis hominum, ut plerique latrones solent,

sed

*Civium
Romanorum
nomen*

sed laceratione etiam, & ut ita dicam, sanguine pasciebantur: ac sic actum est, ut latrociniiis indicum strangulati homines, & necati, inciperent esse quasi barbari quia non permittebantur esse Romani: acquieverunt enim esse, quod non erant, quia non permittebantur esse, quod fuerant: coactique sunt saltem vitam defendere, quia iam libertatem videbant penitus perdidisse. Aut quid aliud etiam nunc agitur, quam tunc actum est, id est, ut qui adhuc Baecaudæ non sunt, esse cogantur: quantum enim ad vim, atque iniurias pertinet, compelluntur, ut velint esse, sed imbecillitate impediuntur, ut non sint. Sic sunt ergo, quasi captivi iugo hostium pressi: tolerant supplicium necessitate, non voto: animo desiderant libertatem, sed summam sustinent servitutem: ita ergo, & cum omnibus ferme humilioribus agitur. Vna enim re ad duas diversissimas coarctantur: summa servitus exigit, ut aspirare ad libertatem velint, sed eadem vis posse non sinit, quæ velle compellit. Sed imputari his posset forsitan, quod hoc velint homines, qui nihil magis cuperent, quam ne cogerentur hoc velle. Summa enim infelicitas est, quod volunt. Nam multò cum his melius agebatur, si non compellerentur, hoc velle. Sed quid possunt aliud velle miseri, qui assiduū, imò continuum exactionis publicæ patiuntur excidium, quibus imminet semper gravis, & indefessa proscriptio, qui domos suas deserunt, ne in ipsis domibus torqueantur? Exilia petunt, ne supplicia sustineant. Leviores his hostes, quam exactores sunt; & res ipsa hoc indicat:

ad

ad hostes fugiunt, ut vim exactionis evadant. Et quidem hoc ipsum, quamvis durum, & inhumanum, minus grave tamen, atque acerbum erat, si omnes æqualiter, atque in commune tolerarent. Illud indignius, ac pœnalius, quod omnia non omnes sustineant: imò quòd pauperculos homines tributa divitum premant, & infirmiores ferunt sarcinas fortium: nec alia causa est, quod sustinere non possunt, nisi quia maior est miserorum sarcina, quàm facultas. Res diversissimas dissimillimasque patiuntur, invidiam, & egestatem. Invidia est enim in solutione, egestas in facultate. Si respicias quod defendunt, abundare arbitreris: si respicias quod habent, egere reperiēs. Quis existimare rem huius iniquitatis potest? Solutionem sustinent divitum, & indigentiam mendicorum: plus multo est, quod dicturus sum, indictiones tributarias ipsi interdum divites faciunt, pro quibus pauperes solvunt. Sed dicas, cùm ipsorum maximus census sit, & ipsorum maxima pensiones, quomodo id fieri potest, ut ipsi sibi augeri debitum velint? neque ego id dico, quòd sibi angeant. Nam & ideo augent, quia non sibi augent. Dicam quomodo: Veniunt plerumq; novi nuncii novarum epistolarum à summis sublimitatibus missi, qui commendantur illustribus paucis ad exitia plurimorum, decernuntur his nova munera, decernuntur novæ indictiones, decernunt potentes, quòd solvant pauperes, decernit gratia divitum, quòd pendat turba miserorum: Ipsi enim in nullo sentiunt, quod decernunt. Sed non possunt, inquis, non honorari, & libera-

lius

Lius accipi, qui fuerint à maioribus missi. Estote ergo vos divites primi in conferendo, qui estis primi in decernendo. Estote primi in largitate rerum, qui primi estis in liberalitate verborum. Qui das de meo, da & de tuo: tametsi rectissimè quisquis ille es, qui solus vis capere gratiam, solus patereris expensam. Sed acquiescamus pauperes vestræ, divites, voluntati, quod pauci iubetis, solvamus omnes. Quid tam iustum, quid tam humanum? gravant nos novis debitis decreta vestra, facite saltem debitum ipsum vobis nobiscū esse commune. Quid .n. iniquius esse, aut indignius potest, quàm ut sol sitis immunes à debito, qui cunctos facitis debitores? Et quidem miserrimi pauperes sic totum hoc quod diximus, solvunt, quod qua re, vel qua ratione solvant penitus ignorant. Cui enim licet discutere, cur solvatur, aut cui permittitur, explorare, quod debeat? sed tunc id evidentissimè proditur, cum invicem sibi divites irascuntur, cum indignantur aliqui eorum, quod sine consilio, ac tractatu suo aliqua decreta sint: tunc à quibusdam eorum audias dici, ò facinus indignum! duo aut tres statuunt quod multos necet, à paucis potentibus decernitur, quod à multis miseris dependatur. Honori enim suo unusquisque, divitum hoc præstat, ut nolit aliquid, se absente, decerni: non iustitiæ, ut iniqua nolit, se præsentem, constitui. Denique quod in aliis reprehendunt, ipsi postea, aut pro contemptus præteriti ultione, aut pro potestatis præsumptione, constituunt. Ac per hoc infelicissimi pauperes sic sunt, quasi inter concertantes procellas in medio

in medio mari positi, nunc istorum scilicet, nunc illorum fluctibus obruuntur . Sed videlicet, qui in hac parte iniqui sunt , in alia moderati inveniuntur, & iusti : ac pravitatem unius rei, alterius probitate compensant . Nam sicut in onere novarum indictionum pauperes gravant , ita in novorum remediorum opitulatione sustentant . Sicut tributis novis minores maximè deprimuntur ; sic remediis novis maximè sublevantur . Imò par est iniquitas in utroque . Nam sicut sunt in aggravatione primi pauperes , ita in relevatione postremi . Si quando enim , ut nuper factum est , defectis urbibus, imminuendas in aliquo tributarias functiones potentes summè existimaverunt, illico remedium cunctis datum, soli inter se divites patiuntur . Quis tunc pauperum meminit ? quis ad communionem beneficii humiles, & egestuosos vocat ? quis eum , qui primus est semper in sarcina , vel ultimo esse loco patitur in medela ? Et quid plura ? tributarii omnino pauperes non putantur , nisi cum his tributi cumulus imponitur . Extra numerum autem tributariorum sunt , cum remedia dividuntur . Et putamus , quòd pœna divinæ severitatis indigni sumus , cum sic nos semper pauperes puniamus ? aut credimus , cum iniqui nos iugiter simus , quòd Deus iustus in nos omnino esse non debeat ? Vbi enim , aut in quibus sunt , nisi in Romanis tantùm hæc mala ? quorum iniustitia tantùm , nisi vestra ? Franci enim hoc scelus nesciunt, Hunni ab his sceleribus immunes sunt . Nihil horum est apud Vandalos, nihil horum

apud Gothos . Tàm longè enim est, ut hæc inter Gothos barbari tolerant, ut ne Romani quidem, qui inter eos vivunt, ista patiantur . Itaq. unum illic Romanorum omnium votum est, ne unquam eos necesse sit, in ius transire Romanum . Vna & consentiens illic Romanæ plebis oratio, ut liceat eis, vitam, quam agunt, agere cum barbaris . Et miramur, si non vincantur à nostris partibus Gothi, cùm malint apud eos esse, quàm apud nos Romani . Itaque non solum transfugere ab eis ad nos fratres nostri omnino nolunt, sed ut ad eos confugiant, nos relinquunt . Et quidem mirari satis non possum, quòd hoc non omnes omnino faciunt tributarii pauperes, & egestuosi, nisi, quòd una causa tantum est, qua non faciunt, quia transferre illuc reculas, atque habitatiunculas suas, familiasque non possunt . Nam cùm plerique eorum agellos, ac tabernacula sua deferant, ut vim exactionis evadant : quomodo non, quæ compelluntur, deferere, vellēt, sed secum, si possibilitas pateretur auferrent : ergo quia hoc non valent, quòd fortè mallent, faciunt, quod unum valent . Tradunt se ad tuendum, protegendumque maioribus, & dedititios, se divitum faciunt, & quasi in ius eorum, ditionemque transcendunt . Nec tamen grave hoc esse, aut indignum arbitrari, imò potius gratulari potentum magnitudinem, quibus se pauperes dedunt, si patrocinia ista non venderent, si quod se dicunt humiles defendere, humanitati tribuerent, non cupiditati . Illud grave, ac peracerbum est, quòd hac lege tueri pauperes videntur, ut spolient : hac lege defendunt

mi-

miseros, ut miseriores faciant defendendo . Omnes enim hi, qui defendi videntur, defensoribus suis omnem ferè substantiam suam, priusquam defendantur, addicunt: ac sic, ut patres habeant defensionem, perdunt filii hæreditatem . Tuitio parentum mendicitate pignorum comparatur . Ecce, quæ sunt auxilia, ac patrocinia maiorum . Nihil susceptis tribuunt, sed sibi hoc etiam pacto aliquid à parentibus temporariè attribuitur, ut in futuro totum filiis auferatur . Vendunt utique, & quidem gravissimo pretio vendunt, maiores quidam, cunctaque præstant . Et quid dixi: vendunt? utinam venderent usitato more, atque communi, aliquid forsitan remaneret emptoribus . Novum qui ppe hoc genus venditionis, & emptionis est . Venditor nihil dat, & totum accipit . Emptor nihil accipit, & totum penitus amittit . Cumque fermè omnis contractus, hoc in se habeat, ut invidia penes emptorem, inopia penes venditorem esse videatur: quia emptor emit ad hoc, ut substantiam suam augeat, venditor ad hoc vendit, ut minuatur, inauditum hoc commercii genus est, venditoribus crescit facultas, emptoribus nihil remanet, nisi sola mendicitas . Nam illud quale? quàm non ferendum, atque monstrigerum? & quod non dicam pati humanæ mentes, sed quod audire vix possunt? quòd plerique pauperculorum, atque miserorum spoliati reculis suis, & exterminati ab agellis suis, cùm rem amiserint, amissarum tamen rerum tributa petuntur: cùm possessio ab his recesserit, capitatio non recedit . Proprietatibus carent, & vectigalibus obruun-

*Novum
genus vè
ditionis,
& em-
ptionis.*

tur . Quis estimare hoc malum possit ? rebus eorum incubant invasores , & tributa miseri pro pervasoribus solvunt . Post mortem patris nati , obsequiis iuris sui posthumi, iuris sui agellos non habent , & agrorum munere enecantur . Ac per hoc , quid aliud sceleribus tantis agitur , nisi , ut qui privata pervasione nudati sunt , publica afflictione moriantur : & quibus rem depredatio tulit , vitam tollat exactio ? Itaque nonnulli eorum de quibus loquimur , qui aut consultiores sunt , aut quos consultos necessitas fecit , cum domicilia , atque agellos suos , aut pervasionibus perdunt , aut fugati ab exactoribus deserunt , quia tenere non possunt , fundos maiorum expetunt , & coloni divitum fiunt . Ac sicut solent hi , qui hostium terrore compulsi , ad castella se conferunt , aut qui perditio ingenue incolumitatis statu , ad asylum aliquod desperatione confugiunt : ita & isti , qui habere amplius , vel sedem , vel dignitatem suorum natalium non queunt , iugo se inquilinæ abiectionis addicunt : in hanc necessitatem redacti , ut extorres non facultatis tantum , sed etiam conditionis suæ , atque exulantes , non à rebus tantum suis , sed à se ipsis , ac perdentes secum omnia sua , & rerum proprietate careant , & ius libertatis amittant . Et quidem quia ita infelix necessitas cogit , ferenda utcumque erat extrema fors eorum , si non esset aliquid extremius . Illud gravius , & acerbius , quod additur huic malo servilius malum . Nam suscipiuntur ut advenæ , fiunt præiudicio habitationis indigenæ , exemplo quodam illius maleficæ potentis , quæ transferre ho-

homines in bestias dicebatur. Ita & isti omnes, qui intra fundos divitum recipiuntur, quasi Circei poculi transfiguratione mutantur. Nam, quos suscipiunt, ut extraneos, & alienos, incipiunt habere quasi proprios: quos esse constat ingenuos, vertunt in servos. Et miramur, si nos barbari capiunt, cum fratres nostros nos faciamus esse captivos. Nil ergo mirum est, quod vastationes sunt, atque excidia civitatum. Diu id plurimorum oppressione elaboravimus, ut captivando alios, etiam ipsi inciperemus esse captivi. Sentimus enim, etsi tardius multo, quam merebamus, sentimus tandem illa, quæ fecimus, & iuxta sermonem sacrum, labores manuum nostrarum, manducamus, ac iusto iudice Deo, solvimus, quæ debemus. Miserti quippe exulum non sumus, ecce ipsi exules sumus: peregrinos fraude cepimus, ecce ipsi peregrinamur. Præiudiciis temporum ingenui status homines circumvenimus, ecce ipsi nuper quidem in alieno solo vivere cœpimus, sed præiudicia iam timemus. Et ô quanta est infidelissimarum mentium cœcitas! damnationem perferimus iudicantis Dei, & necdum nos agnoscimus, iudicari. Et mirantur aliqui sanctorum, quod exemplo nostro cæteri non emendentur, qui nihil adhuc tale tolerarunt, cum tormentis nostrarum iniquitatum nec ipsi quidem, qui iam à Deo plectimur, corrigamur. O superbiam non ferendam, plurimi pœnas peccatorum suorum perferunt, & intelligere causas pœnarum nemo dignatur. Sed est causa evidens, quæ hanc superbiam

Ps. 126.

Rom. 2

facit: scilicet quia etsi aliqua iam patiamur, nondum tamen peritimus, qualia meremur. Tanta est enim misericordia Dei, ut & si nos vult pati aliqua de piaculis nostris, nolit tamen cuncta tolerare, quia castigat malos, non reddit mala: agnoscere nos peccatis nostris magis vult, quam sustinere: scilicet ut & piis, ac salubribus flagellis ostendat nobis, quæ terre mereamur, sed tamen non inferat, quæ meremur, iuxta illud scilicet beati Apostoli dictum, quod ait: *Ignoras, quoniam bonitas Dei ad penitentiam te adducit? secundum duritiam tuam, & impœnitens cor thesaurizas tibi iram in die iræ.* Et verè ita agimus, ut dicit Apostolus: Deus enim vocat nos ad penitentiam sed nos thesaurizamus iram: Deus nos invitat ad veniam, sed nos quotidie cumulamur offensam. Vim Deo facimus iniquitatibus nostris, ipsi in nos iram divinitatis armamus. Cogimus ad ulciscendas criminum nostrorum immanitates nolentem Deum. Propè est, ut eum non permittamus, ut parcat. Nam, cum in eum nullum unquam iniustitiæ signum cadere, aut apparere possit, sic agimus, ut si enormitates nostrorum scelerum non ulciscitur, iniustus esse videatur. Sed videlicet peccator fuit aliquando aliquis, fortasse iam non est; aut est ullus criminum modus, & non prius est, ut de vita homines, quam de iniquitate discedant. Quis enim non cum suis iniquitatibus moritur, & cum ipsis admodum, atque in ipsis sceleribus sepelitur? ut verè propheticum illud de his rectissime dici possit: *Sepultura eorum domus eorum in æternum, & comparati sunt iumentis insipientibus.*

*De vita
priusquã
de iniqui-
tate homi-
nes disce-
dunt.*

Ps. 48

pientibus, & similes sunt illis; atque utinam
 iumentis. Melius quippe fuerat, belluina impru-
 dentia deviasse. Illud peius, & criminosius, quia
 non ignorantia Dei, sed despectione peccarunt.
 Atque hoc videlicet laici tantummodò, non
 quidam etiam clericorum seculares, non multi
 religiosi, imò sub specie religionis vitis secula-
 ribus mancipati: qui scilicet post veterum fla-
 gitiorum probrosa crimina titulo sanctitatis
 sibi in scripto, non conversatione alii, sed
 professione nomen tantum demuravere, non vi-
 tam: & summam divini cultus habitum magis,
 quam actum existimantes, vestem tantummodo
 exuere, non mentem. Vnde illi se minore invi-
 dia criminosos putant, qui cum pœnitentiam
 quasi egisse dicant, sicut mores pristinos, ita
 etiam habitum non relinquunt. Nam taliter
 ferme omnia agunt, ut eos non tam putes antea
 pœnitentiam criminum egisse, quam postea ip-
 sius pœnitentiæ pœnitere: nec tam prius pœni-
 tuisse, quòd malè vixerint, quam postea, quòd
 e promiserint, benè victuros. Sciunt, me verum
 loqui, & testimonium etiam conscientia sua
 dicunt, cum multi alii, tum præcipuè illi novo-
 rum honorum religiosi ambitores, & post acce-
 ptum pœnitentiæ nomen, amplissimæ, ac prius
 non habitæ potestatis emptores: adeò non sæcu-
 lares tantum, sed plus etiam, quam seculares
 esse voluerunt, ut non sufficeret eis, quod ante
 fuerant, nisi plus essent, quam fuissent. Quo-
 modo igitur tales istos pœnitentiam se egisse
 non pœnitet? sicut etiam illos de conversione ac
 Deo aliquid cogitasse, qui à coniugibus propriis

Religiosi

*Vestem
exuunt,
non men-
tem.*

abstinentes, à rerum alienarum pervasione se non abstinuerunt: & cum profiteantur continentiam corporum, in incontinentiam debacchantur animorum. Novum prorsus est conversionis genus, licita non faciunt, illicita committunt. Temperant à concubitu, & non temperant à rapina. Quid agis stulta persuasio? peccata interdixit Deus, non matrimonia; non conveniunt vestris studiis facta vestra: non debetis esse amici criminum, qui dicitis vos sectatores esse virtutum. Preposterum est quod agitis, non est conversio, sed averſio: qui iam pridem, ut fama est, opus etiam honesti matrimonij reliquistis, tandem à scelere cessate. Et quidem iustum est, ut ab omni scelere: sed tamen si non ab omni, quia hoc fortasse durum, & impossibile esse creditis, certè vel à maximo, & prodigioso. Esto iuxta te, quicumq. illes, vicini manere non valeant. Esto pauperes habitare non possint. Esto sis persecutor multorum inopum, vastatorque miserorum. Esto sis afflictor omnium, dummodo extraneorum. Tandem, quæso, vel tuis parce, & si non omnibus tuis, quia etiam hoc forsitan onerosum tibi, & grave iudicas, si omnibus tuis parcas: parce saltem vel illis tuis, qui te non affinibus tantum, aut aliis propinquis, sed personis etiam devinctissimis, & pignoribus charissimis prætulerunt. Et quid dicam pignoribus, ac filiis? prætulerunt te etiam animabus penè, ac spebus suis: non quidem laudabiliter, & errorem suum, qui ita egit, ipse cognoscit. Sed quid ad te tamen, cui ipsum hoc præstitit, quod erravit. Hoc enim plus ei debes, quia dilectionis
nis

nis tua nimietate peccavit. Cæcus quidem factus est affectu tuo, & notatur à cunctis, atque reprehenditur. Sed tu tamen hoc magis ei obnoxius factus es, quia se ab omnibus fecit tuo amore culpari. Quid ergo simile apud barbaros Gothos? quis eorum amantibus nocet? quis diligentem insequitur? quis chari sui mucrone iugulatur? tu amantes persequeris, tu offerentibus munera manus amputas, tu diligentes proximos necas: non metuis, non expavescis? Quid faceres, si iudicium Dei præsens in proxima flagellatione non sensisses? Addis insuper, & adiungis malis prioribus nova crimina. Considera, quæ te maneant graviora facientem, cum minora soleant etiam per demones vindicari. Contentus esto iam, quæsumus, amicorum tuorum, & sodalium latrociniiis, sufficiat vexatos fuisse pauperes, sufficiat spoliatos à te fuisse mendicos: penè iuxta te nullus intrepidus, nullus potest esse securus: faciliùs præcipitati ex alpina rupe torrentes, aut incendia ventis agitata tolerantur: non sic pereuntes, ut ita dixerim, nautæ charybdis voracitate, aut scylleis, ut aiunt, canibus devorantur. Exturbas possessiunculis suis, vicinos tuos, habitatione, ac facultate proximos tuos. Nunquid, ut scriptum est, super terram solus habitabis? Hoc unum quippe est, quod obtinere non poteris: quamlibet enim cuncta pervadas, vicinum semper invenies. Respice, quæso, alios, quos velis nolis, & ipse suspicis. Respice alios, quos velis nolis, etiam ipse miraris: altiores sunt cæteris dignitate, & æquales dignatione: maiores sunt potestate, & minores humilitate.

Scis

Esā. 5.

*Vicinum
semper
invenies.*

Scis profecto etiam ipse, ad quē nunc loquimur, de quo loquamur: & idem de quō nunc querimur, debes agnoscere, quē hac laude veneramur: atq. utinam multi essent, qui laudarentur, salubritas esset omnium, generositas plurimorum. Sed esto nobis ille sit laudabilis, cur tu vis esse, quāso, damnabilis? Cur inimicitia nil amicus? cur avaritia nil iucundius, cur rapacitate nil carius? Cur nil iudicas pretiosius, quā nequitiam? Cur nil prāstantius, quā rapinam? Disce vel à pagano homine virum bonum, *Charitate enim, inquit, & benevolentia septum oportet esse, non armis.* Fallunt te itaque opiniones tuæ, fallit pravæ, & cœcæ mentis improbitas. Si vis probus, si vis potens, si vis magnus esse, honestare debes cæteros, non malignitate superare. Legi quondam in quodam loco, *Nemo malus, nisi stultus, si enim saperet, bonus esse mallet.* Et tu ergo, tamen redire adhuc ad sanitatem potes, exue nequitiam, si vis habere sapientiam. Si enim optas, vel sapiens omnino esse, vel sanus, exuendus tibi omnino, & commutandus es. Abdicare itaque à te ipso, ne abdiceris à Christo. Repudia te, ut recipiaris à Christo. Perde te ipse, ne pereas. *Qui enim, Salvator inquit, perdidit animam suam propter me, inveniet eam.* Dilige itaque hanc tuam salubrem perditionem, ut assequaris veram salutem. Liberandus enim à Deo ipso omnino non eris, nisi te ipse prius damnaveris.

Herodianus lib 1
Historiar.
de Marco
Imper.

Ex Stoi-
corū pla-
citis.

Lucę 9

LIBER SEXTVS.

ARGVMENTVM.

Perpendit quasi per transfennam, quantò pauci degenē-
res à sua professione, nocumento sint verè Christia-
nis : malus tamen deplorat malum ; neminem non
consentire criminosis , addòque omnes , nullo discre-
pante, improbos esse ; quia omnes Christiani more pa-
ganorum , & spectaculis interfunt , & superstitionibus
augurum, divinatorumque student : pantomimorum
supra cæteras, exprobrat scditates, quæ si in nonnullis
Christianorum urbibus obsoleverant, beneficium fuit
miseriæ, non disciplinæ . Expendit etiã nullam à
Christianis ob Dei supplicia ipsis irrogata , morum
mutationem factam , immo deteriores inter mis-
erias evasisse ; & deinde more suo sapienter concludit,
summa nobiscum Deum sua Providentia agere , qui
calamitatibus intactos exerceat , quos si delitiis cu-
mulet , statim sentiat contumaces .

Personanter diu locuti sumus , & excessisse i
videmur regulam disputandi . Cogitat .n.
absque dubio is, qui legit (si fuerit tamen aliquis, 2
qui hæc Christi amore conscripta, ob Chri-
stum legat) cogitat . De me fortè ille dicit. Cum
causa generalis sit , quam exequitur, quid nego-
tio huic contulit , quod in personam unius tan-
ta congescit ? Esto enim ille , de quo locutus est,
talis sit : sed num quid officit bonitati unius, cri-
men alterius ? aut quod fortius multò est, nun-
quid læditur scelere personali , causa cuncto-
rum ? Possum quidem evidentibus testimoniis
approbare, quia læditur . Achar enim quondam *Iosue 7.*
de

2. Reg. 24

Es. 36.

1. Cor. 5.

3
 Unus im-
 probus
 perditior
 multorum.

4

Act. 5.

1. Cor. 5

de anathemate quippiam furto abstulit, & cri-
 men unius hominis, plaga omnium fuit. David
 numerari plebem Israeliticam iussit, & errorem
 illius, Dominus clade totius populi vindicavit.
 Rabfaces locutus quedam est in contumeliam
 Dei, & centum octogintaquinque millia homi-
 num stragem pertulerunt, quod unius prophani
 hominis procax lingua maledixit. Et ideo non
 immerito etiam beatus apostolus Paulus eici
 de ecclesia pestilentem, iubet, & cur iubeat, of-
 tendit, dicens: *Quia modicum fermenti totam*
massam corrumpit. Inde evidenter cognosci-
 mus, etiam unum sapissimè malum hominem,
 perditorem esse multorum. Nec iniuria. Intel-
 ligere is, quicumque legerit debet, non superflue
 me superius de uno malo aliqua dixisse, cum sci-
 licet frequentissimè divina maiestatis iracundia
 etiam per unum legatur accensa. Sed ego non
 ago hac distinctione, quæ dico. Neque enim
 necesse est, ut unum obesse omnibus putem, cum
 omnes mutuò sibi obsint. Non convenit, ut per
 unum cunctos periclitari putem, cum per se cun-
 cti periclitentur. Omnes enim admodum in
 perditione ruunt, aut certè, ut aliquid dicam le-
 nius, penè omnes. Vnde enim hoc bonum po-
 pulo Christiano, ut aut certè minor, aut cer-
 tè, vel idem esset malorum numerus, qui bo-
 norum? O miseriam lachrymabilem! O mise-
 riam luctuosam! quàm dissimilis nunc est à se-
 ipso populus Christianus, id est ab eo, qui
 quondam fuit! Tunc princeps apostolorum,
 Petrus, Ananiam, & Saphyram, quia mentiti es-
 sent, morte multavit. Beatissimus quoq. Paulus
 etiam

etiam unum de ecclesia malum expulit, ne contactu suo plurimos inquinaret. Nunc nos etiam pari utriusque partis numero contenti sumus. Et quid contenti, dicam? Exultare nos potius, ac tripudiare gaudio conveniret, si parilitas nobis ista contingeret. Ecce in quid recidimus, ecce in quid post illam Christiani populi puritatem, qua omnes quondam immaculati erant: Ecce in quid redacti sumus, ut beatam fore ecclesiam iudicemus, si vel tantum in se boni habeat, quantum mali. Nam quomodo beatam non arbitremur, si mediam plebis partem haberet innoxiam, quam penè totam nunc esse plangimus criminofam? Vnde superflue dudum de uno malo locuti sumus, superflue unius scelera delevimus: aut omnes enim, aut omnes penè flendi, atque lugendi sunt. Nam aut plurimi tales sunt, aut certè, quod non minùs criminofum est, cupiunt tales esse, & laborant actu malorum, operum non impares videri: ac per hoc etiam minora mala faciunt, quia minùs possunt, non minùs tamen mali sunt; quia nollent minus esse, si possent. Denique, quod unum possunt, vel voto tales sunt, ac voluntate non cedunt: & in quantum facultas suppetit, superare contendunt. Est enim, licet in dissimillimis rebus, hæc illorum æmulatio, quæ bonorum, ut sicut boni optant cunctos honestate mentium vincere, sic mali cupiant pravitate superare. Nam sicut hæc bonorū gloria est, ut quotidie meliores sint, sic malorum omnium, ut deteriores: & sicut optimi cūpiunt virtutum universarum culmen ascendere, sic pessimi optant palmas sibi uni-

nni verforum scelerum vendicare . Et hoc utique in malum nostrum , maximè nostri , hoc est Christiani , qui scilicet , ut iam diximus , malitiā , sapientiam putant . Et de quibus Deus specialiter dixit : *Perdam sapientiam sapientum , & intellectum prudentum reprobabo* . Cumque Apostolus clamet : *Si quis videtur sapiens , stultus fiat , ut sit sapiens* , hoc est dicere : Si quis vult esse sapiens , sit bonus , quia nemo , verè sapiens est , nisi verè bonus . Nos è diverso malarum mentium vicio , & ut Divinitas ait : improbo sensu , bonitatem pro stultitia repudiantes , & nequitiam pro sapientia diligentes , tantò quotidie prudentiores esse nos credimus , quantò peiores sumus . Et quæ tandem , rogo , spes emendationis in nobis est , qui non terrore opinionis ad malum ducimur , sed studio malæ voluntatis adnitimur , ut semper peiores esse videamur ? Et hinc est , quòd dudum questus sum , deteriores nos multò esse , quàm barbaros , quia illos ignorantia legis excusat , nos scientia accusat . Illi per imperitiam veritatis , quia quæ sunt bona nesciunt , mala pro bonis diligunt . Nos cum scientiam veritatis habeamus , quæ sunt bona optimè novimus , & hoc multis modis . Primum , quòd nihil fermè , vel criminum , vel flagitiorum est , quòd in spectaculis non sit : ubi summum deliciarum genus est , mori homines , aut quod est morte gravius , acerbiusque , lacerari , expleri ferarum alvos humanis carnibus , comedi homines , cum circumstantium læticia , conspicientium voluptate : hoc est non minus pene hominum aspectibus , quàm bestiarum dentibus de-

1. Cor. 1

ibidem .

adversus
spectacu-
lorum in-
commoda

devorari . Atque ut hoc fiat, orbis impendium est . Magna enim cura id agitur, & elaboratur : adeuntur enim loca abdita , lustrantur invii saltus , peragrantur sylve inexplicabiles , conscenduntur nubiferæ alpes , penetrantur niviferæ valles . Et ut devorari possint à feris viscera hominum , non licet naturam rerum aliquid habere secretum . Sed hæc , inquis , non semper fiunt . Certum est , & præclara est erroris excusatio , quia non semper fiunt , quasi verò unquam fieri debeant , quæ Deum ledant : aut ideo, quæ mala sunt bene fiant, quia non iugiter fiant . Nam & homicide homines non semper occidunt, & homicidæ tamen sunt, etiam quando non occidunt, quia interdum polluuntur homicidio : & latrones non semper latrocinantur, sed latrones tamen non esse desinunt : quia etiam cum rebus ipsis latrocinia non agunt, animis tamen à latrocinio non recedunt . Sicutiq. omnes hi, qui spectaculis huiusmodi delectantur, etiam quando non spectant, innoxii tamen à spectaculorum piaculis mente non sunt , quia semper vellent spectare, si possent . Nec solum hoc, sed sunt etiam alia maiora . Quid enim ? nunquid non consulibus , & pulli adhuc gentilium sacrilegiorum more pascuntur , & volantis pennæ auguria quærantur , ac penè omnia fiunt , quæ etiam quondam pagani veteres , frivola , atque irridenda duxerunt ? Et cum hæc omnia ipsi agant , qui annis nomina tribuunt, & à quibus anni ipsi exordium sumunt : credimus nobis bene annos posse procedere, qui à rebus omnibus potius, quàm à Deo ordiuntur ? Atque utinam
sicut

Consules: sicut hæc propter consules tantum fiunt, ita illos tantum incestarent propter quos fiunt. Illud est feralissimum, & gravissimum, quod dum consensu publico aguntur, honor paucissimorum, fit crimen omnium: ac sicut singulis annis bini inaugurentur, prope est, ut in omni mundo nullus evadat. Sed de his putamus hoc satis dictum esse, quod ea quoque, ut ipsi excusatis, non semper fiunt. De quotidianis tamen obscœnitatibus loquamur, quas tales, ac tam innumeras legiones dæmonum excogitaverunt, ut etiam honestæ, ac probæ mentes, etsi nonnullas earum spernere, ac calcare possint, omnes tamen penitus superare vix possint. Sicut enim exercitus

Simile.

6

pugnaturi, ea loca, per quæ venturas hostium turmas sciunt, aut foveis intercludere, aut sudibus præfigere, aut tribulis infestare dicuntur, scilicet ut etiam si non in omnia ea quispiam incidat, nullus tamen penitus evadat. Ita etiam dæmones tam multas in vita ista humano generi illecebrarum insidias prætenderunt, ut etsi plurimas earum aliquis effugiat, tamen quacunque capiatur. Equidem quia longum est nunc dicere de omnibus, amphitheatris scilicet,

7

8

9

odeis, lusoriis, pompis, athletis, petaminariis, pantomimis, cæterisq. portentis: quæ piget dicere quia piget malum tale, vel nosse; de solis circumcorum, ac theatrorum impuritatibus dico. Talia enim sunt, quæ illic fiunt, ut ea non solum dicere, sed etiam recordari aliquis sine pollutione non possit. Alia quippe crimina singulas sibi fermè in nobis vendicant portiones: ut cogitationes sordidæ animum, ut impudici aspectus

Theatrorum impunitas.

oculos, ut auditus improbi aures: ita ut cum ex his unum aliquid erraverit, reliqua possint carere peccatis. In theatris verò nihil horum reatu vacat, quia & concupiscentiis animus, & auditu aures, & aspectu oculi polluuntur. Quæ quidem omnia tam flagitiosa sunt, ut etiam explicare ea quispiam atq. eloqui, salvo pudore, non valeat. Quis enim integro verecundiæ statu dicere queat illas rerum turpium imitationes, illas vocum, ac verborum obscenitates, illas motuum turpitudines, illas gestuum sceditates? quæ quanti sint criminis, vel hinc intelligi potest, quod & relationem sui interdicunt. Nonnulla quippe etiam maxima scelera, incolumi honestate referentis, & nominari, & argui possunt, ut homicidium, latrocinium, adulterium, sacrilegium, ceteraque in hunc modum. Solæ theatrorum sunt impuritates, quæ honestè non possunt vel accusari: ita nova in arguenda harum turpitudinum probrositate res evenit arguenti: ut cum absque dubio honestus sit, qui accusare ea velit, honestate tamen integra, ea loqui, & accusare non possit. Alia quoque omnia mala agentes polluunt, non videntes, vel audientes. Siquidem etsi blasphemum quendam audias, sacrilegio non pollueris, quia mente dissentis. Etsi intervenias latrocinio, non inquinaris actu, quia abhorres animo. Solæ spectaculorum impuritates sunt, quæ unum admodum faciunt, & agentium, & aspicientium crimen. Nam dum spectantes hæc comprobant, ac libenter vident, omnes ea visu, atq. assensu agunt, ut verè in eos apostolicum illud

Rom. 1.

peculiariter cadat: quia digni sunt morte non solum qui faciunt ea, sed etiam qui consentiunt facientibus. Itaque in illis imaginibus fornicationum omnis omnino plebs animo fornicatur. Et qui fortè ad spectaculum puri venerant, de theatro adulteri revertuntur. Non enim tunc tantummodo quando redeunt, sed etiam quando veniunt, fornicatur. Nam hoc ipso quod aliquis rem obscenam cupit, dum ad immunda properat, immundus est. Quæ cum ita sint, ecce qualia, aut omnes, aut penè omnes Romani agunt. Et cum hæc ita sint, qui talia agimus, negligi nos à divinitate, causamur; relinqui nos à Domino nostro, dicimus, cum ipsi Dominum relinquamus. Fingamus enim, quòd respicere nos Dominus noster velit, etiam non merentes, videamus, si potest. Ecce innumera Christianorum millia in spectaculis quotidie rerum turpium commorantur. Potest ergo Deus illos respicere, qui tales sunt? Potest ad eos respicere, qui bacchantur in circis, qui mœchantur in theatris? An fortè hoc volumus, & hoc dignum putamus, ut cum in circis nos, & in theatris Deus videat, ea quæ nos aspicimus, aspiat quoque ipse nobiscum, & turpitudines, quas nos cernimus, cernat & ipse nobiscum? alterum enim fieri necesse est: quia si nos videre dignatur, consequens est, ut etiam illa ubi nos sumus, videat: aut si ab illis, quod non dubium est, avertit oculos, etiam à nobis, qui illic sumus, pariter avertat. Et cum hæc ita sint; facimus hæc tamen, ac sine cessatione, quæ dixi. An fortè in morem veterum paganorum, theatro

trorum, & circorum nos Deum habere arbitramur? Faciebant enim hæc illi quondam, quia has idolorum suorum delicias esse, credebant. Nos quomodo hæc facimus, qui odisse Deum nostrum hæc, certi sumus? Aut certè si placere has turpitudines, Deo novimus, non prohibeo, quin sine cessatione faciamus. Si verò in conscientia nostra, hoc est, quòd Deus horret, quòd execratur, quòd sicut in his sit pastus diaboli, ita offensus Dei: quomodo nos in ecclesia Dei Deum colere dicimus, qui in obscenitate ludorum semper diabolo deservimus, & hæc generaliter, ac scientes, de consilio, & industria? Et quæ nobis, quæso, quæ spes erit apud Deum, qui non casu, aut imprudentia Deum lædimus, sed exemplo illorum quondam gigantum, quos

10
Gigantes.

infans conatibus superna tentasse, & quasi in nubes gradum tulisse, legimus. Sic nos per iniurias, quas in omni mundo Deo semper inferimus, quasi consensu publico cælum oppugnamus. Christo ergo (ò amentia monstruosa!) Christo circenses offerimus, & mimos, & tunc hoc maxime, cum ab eo aliquid boni capimus, cum prosperitatis aliquid ab eo attribuitur, aut victoria de hostibus à divinitate præstatur. Et quid aliud hac re facere videmur, quàm si quis homini beneficium largienti iniuriosus sit, aut blandientem conviciis cædat, aut osculantis vultum mucrone transfigat? Interrogo enim omnes potentes, ac divites mundi hujus, cujus piaculi reus sit servus ille, qui probo, ac bono Domino malum cogitat, qui bene merenti convicium faciat, & pro libertate, quam accipit,

contumeliam reddat : absque dubio maximi criminis reus creditur, qui malum pro bono reddit, cui etiam malum pro malo reddere non liceret. Hoc ergo etiam nos, qui Christiani dicimur, facimus: irritamus in nos misericordem Deum impuritatibus nostris, propitiantem foribus lædimus, blandientem iniuriis verberamus. Christo ergo, ò amentia monstruosa, Christo circenses offerimus, & mimos, Christo pro beneficiis suis theatrorum obscœna reddimus, Christo ludicrorum turpissimorum hostias immolamus. Videlicet hoc nos pro nobis in carne natus Salvator mundi noster edocuit: Hoc vel per seipsum, vel per apostolos prædicavit. Propter hoc humanę nativitatis verecundiam subiit, & contumeliosa terreni ortus principia suscepit. Propter hoc in præsepio iacuit, cui servierunt angeli, cùm iaceret. Propter hoc involui se pannorum crepundiis, voluit, qui cœlum regebat in pannis. Propter hoc in patibulo pependit, quem pendentem mundus expavit. *Qui propter nos, inquit Apostolus, pauper factus est, cum dives esset, ut illius inopia vos honestaremini. Et cum in forma Dei, inquit, esset, humiliavit semetipsum usque ad mortem, mortem autem crucis.* Iis nos videlicet Christus imbuat, cùm pro nobis ista toleraret. Præclarani passioni eius reddimus vicissitudinem, qui cùm morte ipsius redemptionem acceperimus, vitam ei turpissimam repensamus. *Apparuit enim, inquit beatissimus Paulus, gratia Domini nostri Iesu Christi, erudiens nos, ut abnegantes impietatem, & secularia desideria, sobriè, ac iustè,*

2 Cor 8

Phil. 2.

Tit. 1.

ac piè vivamus in hoc sæculo , expectantes beatam spem , & adventum gloriæ magni Dei , & salvatoris nostri Iesu Christi : qui dedit semetipsum pro nobis , ut nos redimeret ab omni iniquitate , & mundaret populum sibi acceptabilem , sectatorem bonorum operum . Vbi sunt , qui hæc faciant , propter quæ venisse Christum , Apostolus dicit ? Vbi sunt , qui non desideria sæculi faciant , ubi , qui vitam piè , ac iustè agant , ubi qui sperare se spem beatam bonis operibus , ostendant ? Et immaculatam vitam agentes , hoc ipso se perhibent regnum Dei expectare , quia merentur accipere . Venit , inquit , Dominus Iesus Christus , ut mundaret sibi populum acceptabilem , sectatorem bonorum operum . Vbi est populus ille mundus , ubi populus acceptabilis , ubi populus boni operis , ubi populus sanctitatis ? *Christus* , inquit scriptura , *pro nobis passus est , nobis exemplum relinquens , ut sequamur vestigia eius* . Videlicet vestigia Salvatoris sequimur in circis , vestigia Salvatoris sequimur in theatris . Tale nobis , scilicet Christus , reliquit exemplum , quem flevisse legimus , risisse non legimus . Et hoc utrumque pro nobis ; quia , fletus compunctio est animæ ; risus corruptio disciplinæ . Et ideo dicebat : *Va vobis , qui ridetis , quoniam flebitis . Et beati , qui fletis , quoniam ridebitis* . Nobis autem ridere , & gaudere non sufficit , nisi cum peccato , atque infania gaudeamus , nisi risus noster impuritatibus , nisi flagitiis misceatur . Quis , rogo , hic error est ? quæ stultitia ? Nunquid lætari assidue , & ridere non possumus , nisi risum nostrum , atque

1. Pet. 2

*Flevit
Christus;
non risit .*

Luce 6

letitiam scelus esse faciamus? An fortè infructuosum putamus gaudium simplex, nec delectat ridere sine crimine? Quod, rogo, hoc malum est, aut quis furor? Rideamus, quæso, quantumlibet immensuratum, latemur quamtūlibet iugiter, dummodo innocenter. Quæ vecordia est, & amentia, ut non putemus risum, & gaudium tanti esse, nisi Dei in se habeat iniuriam? Iniuriam utique, & maximam. In spectaculis enim quedam apostatatio fidei est, & à symbolis ipsius, & cœlestibus sacramentis letalis prævaticatio. Quæ est enim in baptismo salutari Christianorum prima confessio? quæ scilicet, nisi ut renunciare se diabolo, ac pompiseius, atque spectaculis, & operibus, protestentur? Nam spectacula, & pompæ, etiam iuxta nostram professionem opera sunt diaboli. Quomodo igitur, ô Christiane, spectacula post baptismum sequeris, quæ opus esse diaboli, confiteris? Renunciasti semel diabolo, & spectaculis eius, ac per hoc necesse est, ut prudēs, & sciens, dū ad spectacula remeas, ad diabolū redire te, cognoscas. Vtrique enim rei simul renunciasti, & unum utrunque esse, dixisti. Si ad unum reverteris, ad utrunque remeasti: *abrenuntio enim, inquis, diabolo, pompis, spectaculis, & operibus eius.* Et quid postea? *credo, inquis, in Deum patrem omnipotentem, & in Iesum Christum filium eius.* Ergo primum renunciasti diabolo, ut credatur Deo: quia qui non renunciat diabolo, non credit Deo: & ideo qui revertitur ad diabolū, relinquit Deum. Diabolus autē est in spectaculis, pompisque suis: ac per hoc cū redimus ad specta-

et aculum relinquimus fidem Christi. Hoc itaque modo omnia symboli sacramenta solvuntur, & totum quod in symbolo sequitur, labefactatur, & inquinatur. Nihil enim sequens stat, si principale non steterit. Dic mihi tu Christiane, quomodo tenere te sequentia symboli putas, cuius principia perdidisti? membra sine capite nihil profunt, & ad exordia sui cuncta respiciunt: quæ utique, si perierint, omnia pessum trahunt. Siquidem stirpe sublata, aut non sunt reliquæ: aut, si sunt, sine emolumento sunt, quia sine capite nihil constat. Si cui itaque leve spectaculorum crimen videtur, respiciat cuncta ista, quæ diximus, & videbit in spectaculis, non voluptatem esse, sed mortem. Quid enim est aliud quam mortem incurrere, vitæ originem perdidisse? Vbi enim fundamentum symboli evertitur, vita ipsa iugulatur. Rursum ergo necesse est, redeamus ad illud, quod sæpè diximus: Quid simile apud barbaros, ubi apud illos circenses, ubi theatra, ubi scelus diversarum impuritarum? Hoc est spei vestræ, ac salutis excidium, quibus illi, etsi utpotè pagani uterentur, minorem tamen culpa sacræ offensionis errabant: quia & si esset impuritas visionis, prævaricatio tamen non erat sacramenti. Nos verò quid respondere pro nobis possumus? tenemus symbolum, & evertimus, confitemur munus salutis pariter, & negamus. Ac per hoc ubi est Christianitas nostra, qui ad hoc tantummodo sacramentum salutis accipimus, ut maiore postea prævaricationis scelere peccemus? Nos Ecclesijs Dei ludicra anteponimus, nos altaria spernimus,

& theatra honoramus . Omnia denique amamus , omnia colimus , solus nobis in comparatione omnium Deus vilis est . Denique præter alia , quæ id probant , indicat etiam hoc res ipsa , quam dico . Si quando enim usu venerit , quod scilicet sepe evenit , ut eodem die , & festivitas ecclesiastica , & ludi publici agantur , quæro ab omnium conscientia , quis locus maiores Christianorum virorum copias habeat , caveane ludi publici , an atrium Dei ? & templum omnes magis sectentur , an theatrum ? dicta Evangeliorum magis diligant , an thymelicorum ? verba vitæ , an verba mortis ? verba Christi , an verba mimi ? Non est dubium , quin illud magis amemus , quod anteponimus . Omni enim feraliū ludicrorum die , quàm libet Ecclesiæ festa fuerint , non solum ad Ecclesiam non veniunt , qui Christianos se esse dicunt : sed si qui inscii fortè venerunt , dum in ipsa Ecclesia sunt , si ludos agi audiunt , Ecclesiam derelinquunt . Spernitur Dei templum , ut concurratur ad theatrum . Ecclesia vacnatur , circus impletur . Christum in altario dimittimus , ut adulterantes visu impurissimo oculos ludicrorū turpiū fornicatione pascamus . Sed videlicet , qui postea corrūpimur rebus prosperis , faciendū aliquid in principio putamus . Et ideo rectissimè ad nos Dominus Deus dicit : *Propter spurcitiam exterminati estis exterminio . Et rursum : Exterminabuntur* , inquit , *ara huius rufus* . Sed videlicet responderi ad hæc potest , non in omnibus hoc Romanorum urbibus agi . Verum est , etiam plus ego addo , ne illic quidē nunc agi , ubi semper sunt acta antea . Non enim hoc
agi-

agitur in Mogontiacensium civitate, sed quia excisa, & deleta est. Non enim Agrippina, sed quia hostibus plena. Non agitur in Trevirorum urbe excellentissima, sed quia quadruplici vastatione est prostrata. Non agitur denique in pluribus urbibus Galliarū, & Hispaniarum, & ideo vā nobis, atque impuritatibus nostris, vā nobis, atque iniquitatibus nostris. Quæ spes Christianorum plebibus est ante Deum? Quandoquidem ex illo tempore in urbibus Romanis hæc mala non sunt, ex quo in barbarorum iure esse ceperunt. Ac per hoc vitiositas, & impuritas, quasi germanitas quædam est Romanorū hominum, & quasi mens, atque natura: quia ibi præcipuè vitia, ubicumque Romani. Sed gravis forsitan, hæc, atque iniqua conquestio: gravis profectò, si falsa. At quomodo, inquis, quomodo non falsa, cū in paucis nunc ferme Romanis urbibus fiant ista, quæ diximus. Plurimas iam autem harum impuritatū labe non pollui subilicet sint loca ipsa, ac domicilia erroris antiqui, nequaquam tamen aguntur illa, quæ prius acta sunt. Considerandum ergo utrumque est, id est, quid sit, quòd adhuc loca ipsa, ac diversoria ludicrorum sint, ludicra autem esse cessaverunt: loca enim, & habitacula turpitudinum idcirco adhuc sunt, quia illic impura omnia prius acta sunt: nunc autem ludicra ipsa ideo non aguntur, quia agi iam præ miseria temporis, atque egestate non possunt. Et ideo quòd prius actum est, vitiositatis fuit, quod nunc non agitur necessitatis. Calamitas .n. fisci, & mendicitas iam Romani erarii non sinit, ut ubique

in res nugatorias perditæ profundantur expen-
 sa. Pereant adhuc quamlibet multa, & quasi
 in cœnum proiciantur; sed modo tamen peri-
 re iam tanta non queunt, quia non sunt tanta,
 quæ pereant. Nam quantum ad vofum nostræ
 libidinis, atque impurissimæ voluptatis attinet,
 optarem profecto, vel ad hoc tantummodo
 plus habere, ut possemus in hoc turpitudinis
 lutum plura convertere. Et res probat, quanta
 prodigere vellemus, si opulenti essemus, ac
 splendidi, cum prodigamus tanta mendici. Ea
 est enim labes præsentium morum, atque per-
 ditio, ut cum jam non habeat paupertas, quod
 possit perdere, adhuc tamen velit vitiositas
 plus perire. Non ergo quidem blandiri nobis
 aliquid in hac re possumus, ut dicamus, non in
 omnibus nunc urbibus agi illa, quæ acta sunt.
 Ideo enim non in omnibus jam aguntur, quod
 urbes, ubi agebantur illa, iam non sunt: & ubi
 quidem diu acta sunt, id effecerunt, ut ubi illa
 agebantur, diu esse non possent: sicut ipse Deus
 ad peccatores locutus est per prophetam, *quia*
horum recordatus est Dominus: & ascendit, inquit,
super cor eius, & non poterat ultra Dominus por-
tare propter malitiam studiorum vestrorum, &
propter abominationes, quas fecistis, & facta est
terra vestra in desolationem, & stuporem, & in
maledictum. Per hæc ergo jam factum est, ut
 maior pars Romani orbis in desolationem esset,
 & in stuporem, & in maledictum. Atque uti-
 nam acta tantummodo prius essent, & agere
 hæc Romana vitiositas aliquando cessaret, for-
 sitan, ut scriptum est, propitiaretur Deus pec-
 catis

Jerem. 44

Psal. 102

eatis nostris . Sed nequaquam ita agimus , ut propitietur . Mala enim malis incessabiliter addimus ; & peccatis peccata cumulamur : & cum maxima pars nostri iam perierit , hoc agimus , ut pereamus omnes : Quis , rogo , interfici alterum iuxta se videt , & ipse non metuit ? Quis domum vicini sui ardere cernit , & non efficere omnibus modis nititur , ne ipse incendio concremetur ? Nos non vicinos nostros tantum ardere vidimus , sed ipsi iam maxima ex parte nostrorum corporum arsimus . Et quid hoc (proh nefas !) mali est ? arsimus , & tamen flammæ , quibus iam arsimus , non timemus . Nam quod non ubique , ut dixi , quæ prius acta sunt , agantur , miseria est beneficium , non disciplina . Denique hoc facile probo . Da enim prioris temporis statum , & statim ubique sunt quæ fuerunt . Plus addo : quantum ad vota hominum pertinet , & si iam non ubique sunt , ubique adhuc sunt : quia ubique ea populus , vellet esse , Romanus . Cum enim ab homine mala res , sola necessitate non agitur , ipsa rei turpis cupiditas pro actione damnatur . Nam , sicut dixi , iuxta Domini nostri dictum : *Qui mulierem viderit ad concupiscendum , reus est adulterij corde concepti* . Intelligere possumus , quod etiam si res turpes , atque damnabiles necessitate non agimus , pro ipsa tamen rerum turpium voluntate damnamur . Et quid dicam de voluntate ? per omnes hæc ferme , cum possunt aguntur . Denique cujuslibet civitatis incolæ Ravennam , aut Romam venerint , pars sunt Romanæ plebis in circo , pars sunt populi Ravennatis in theatro . Ac per hoc

Mass. 5.
nemo

nemo se loco, aut absentia excusatum putet. Omnes turpitudine rerum unum sunt, qui sibi rerum turpium voluntate sociantur. Et blandimur nobis insuper de probitate morum, blandimur nobis de turpitudinum raritate. Ego amplius dico, non solum agi nunc illas ludicrorum infamium labe, quæ prius actæ sunt, sed criminosis multò agi, quàm prius actæ sunt. Tunc enim integra Romani orbis membra florebant, angusta esse horrea publica opes fecerant cunctarum urbium, cives divitiis, ac delitiis afluiebant, vix poterat religionis auctoritas inter tantam rerum exuberantiam, morum tenere censuram. Pascebantur tunc quidem passim in locis plurimis autores turpium voluptatum, sed plena, ac referta omnia erant. Nemo sumptus Reipub. cogitabat, nemo dispendia, quia non sentiebatur expensa. Quærebat quodammodo res ipsa publica, ubi perderet, quod penus posset jam vix recipere: & ideo cumulus divitiarum, qui iam ferè modum excefferat, etiam in res nugatorias redundabat. Nunc autem quid dici potest? Receperunt à nobis copiae veteres, recesserunt priorum temporum facultates. Miseri iam sumus, & necdum nugaces esse cessamus. Cumque etiam pupillis prodigis, vel prodigiosis soleat subvenire paupertas, simulque, ut destiterint esse divites, desinunt quoque esse vitiosi: nos tantum novum genus pupillorum, ac perditorum sumus, in quibus opulentia esse desiit, sed nequitia perdurat! adeo nos non ut alii homines causas corruptelarum in illecebris, sed in cordibus habemus: &

vitiositas nostra, mens nostra est, ut ad emendandos nos, non facultatum ablatione, sed malarum rerum amore peccemus . Quanta autem vitia Romanorum sint, quibus barbaræ gentes non coinquinantur, licet hæcenus satis dixerim, addam tamen multa, quæ defunt: sed illud admoneo tamen antequam dico, ne ullum penitus culpe genus, quod ad contumeliæ Dei pertinet, cuiquam leve esse videatur . Si enim illustrem, ac præpotentem virum nequaquam exhonoriari à quoquam licet, et si quisquam exhonorerit, decretis legalibus reus sistit, & iniuriarum auctor iure damnatur . Quanto utique maioris piaculi crimen est, iniuriosum quempiam Deo esse? Semper enim per dignitatem iniuriam perferentis, crescit culpa facientis: quia necesse est, quanto maior est persona, quæ contumeliæ patitur, tantò maior sit noxa eius, qui facit . Et hinc est, quòd legimus in lege, etiam eos, qui videntur contra mandatum sacrum leviter fecisse, severissimè tamè esse punitos, ut intelligeremus scilicet, nil ad Deum pertinens, leve esse ducendum: quia etiam quod videbatur exiguum esse culpa, grande hoc faciebat divinitatis iniuria . Denique Oza ille Levites Dei, quid contra mandatum cœlestis fecit? quòd vacillantem arcam Domini sustinere tentavit; nihil enim hinc erat lege præceptum, & statim dum sustinebat, extinctus est: nò quia, ut videtur ad speciem contumaci aliquid, aut inofficiosa saltè mète cômiserit, sed ipso officio inofficiosus fuit, qui iniussa præsumpsit . Homo Israeliticæ plebis cū ligna sabbatis collegisset, occisus est, & hoc iussu, & iudicio Dei, piissimi .f.

Exo. 31.

Num. 20

Ex. 25

1 Par. 13

Num. 15

ac

ac misericordissimi iudicis, & qui parcere absq. dubio, quā occidere maluisset, nisi rationē misericordie severitatis ratio vicisset: unus. n. incautus periit, ne multi per incautelā deperirent. Et quid de singulis dicam, universa gens Hæbreorum, cum per eremum iter ageret, quia consuetudinarias carnes desideravit, partem suæ plebis amisit. Et quidem interdictum nondum fuerat, ne desideraret, sed legali, ut reor, observantię, proficere Deus voluit, ut rebellem concupiscen-
tiam coerceret: quo facilius cunctus populus agnosceret, quantum evitare deberet, quæ Deus scriptis cælestibus interdiceret, quando etiam illa eum admissa læderent, quę necdum lege vetuisset. Laborem quoque se sustinere, idem populus ingemuit, & propter hoc plagis cælestibus verberatur; non quia laboranti gemere non liceat, sed ingratus scilicet fuit gemitus, dominum quasi autorem immoderati laboris accusans, ex quo intelligi convenit, quantum placere Deo debeat, qui rerum iucundarum beatitudine fruitur, quando etiam de his queri non licet, quę ingrata videantur. Queritur forsitan, quorsum ista pertineant? quorsum, absque dubio, nisi ut nihil leve existimetur, quo Deus læditur. De ludis enim publicis dicimus, ludibriis scilicet spei nostræ, ludibriis vitę nostræ. Nam dum in theatris, & circis ludimus, deperimus, secundum illud utique dictum sermonis sacri:

Pron. 10 Stultus per risum operatur scelus. Et nos ita-
dum turpia, ac dedecorosa ridemus, scelera committimus. Et quidem scelera non minima, sed in hoc ipso pœnalia: quia cum videantur
specie

specie esse proba, rebus sunt exitiosis pestilentissima. Nam cum duo sint maxima mala, aut si homo se perimat, aut Deum lædat, hoc utrunque in ludis publicis agitur. Nam per turpitudines criminosas æterna illic salus Christianæ plebis, extinguitur, & per sacrilegas superstitiones maiestas divina violatur. Dubium enim non est, quod lædunt Deum, utpotè idolis consecrate. Colitur namque, & honoratur Minerva in gymnasiis, Venus in theatris, Neptunus in circis, Mars in arenis, Mercurius in palæstris: & ideo pro qualitate autorum, cultus est superstitionum. Quicquid immunditiarum est, hoc exercetur in theatris, quidquid luxuriarum in palæstris. Quicquid immoderationis in circis, quicquid furoris in caveis. Alibi est impudicitia, alibi lascivia, alibi intemperantia, alibi insania, ubique dæmon, imò per singula ludicrorum loca, universa dæmonum monstra. Præsidet enim sedibus suo cultui dedicatis. At per hoc in spectaculis huiusmodi non sola est illecebra, nec sola vitiositas: admisceri enim huic Christianum hominem superstitioni, genus est sacrilegii: quia eorum cultibus communicat, quorum festivitacibus delectatur. Quod quidem licèt semper admodum grave sit, tunc tamen magis intolerabile, cum præter consuetudinarium vite usum, hoc vel adversa nostra faciunt criminosius, vel secunda, quia & magis placandus est in adversis Deus, & minus lædendus in prosperis. Placari quippe debet cum irascitur, lædi non debet cum placatur. Adversa enim nobis per iracundiam Dei veniunt, secunda per
gra-

gratiam . Nos autem è diverso omnia agimus .
 Dicis . Quomodo ? Accipe, ac primum si quando
 exoratus sua ipsius misericordia Deus (neque
 enim unquã nos ita vivimus , ut exorare mereamur) sed si quando , ut dixi , à seipso exoratus ,
 pacificos nobis dies , proventus uberes , divi-
 tem bonis omnibus tranquillitatem , & abun-
 dantiam dederit super vota crescentem : tanta
 secundarum rerum prosperitate corrumpimur ,
 tanta morum insolentium pravitate vitiamur ,
 ut & Dei penitus obliviscamur , & nostri : & cùm
 omnem fructum datæ à Deo pacis in hoc consi-
 1 Tim. 2 stere Apostolus dicat , ut quietam , & tranquil-
 lam vitam agamus in omni pietate , & castitate :
 ad hoc tantum à Deo data quiete utimur , ut in
 ebrietate , ut in luxuria , ut in flagitiis , ut in ra-
 pinis , ut in omni scelere , atque improbitate vi-
 vamus : quasi verò beneficium datæ pacis , va-
 catio sit probrositatis , & ad hoc inducias tran-
 quillitatis , Deo donante , capiamus , ut licentiùs ,
 atque securiùs peccemus . Indigni itaque cœle-
 stibus donis sumus , qui beneficijs Dei non benè
 utimur : qui facimus rem operum bonorum , ma-
 teriam tantum esse vitiorum : quo fit , ut ipsa pax
 contra nos sit , quia sic agitur à nobis , ne expe-
 diat , rem accipere , qua deteriores sumus . Quis
 hoc credere queat , mutamus naturam rerum
 iniquitatibus nostris : & quæ Deus bona fecit
 munere pietatis suæ , ea nos nobis facimus mala
 esse moribus malis . Sed videlicet , qui corrumpi-
 mur rebus prosperis , corrigimur adversis : &
 quos intemperantes pax longa fecit , turbatio
 facit esse moderatos . Nunquid populi civita-
 tum,

tum, qui impudici rebus prosperis fuerant, aspe-
ris, casti esse cœperunt? Nunquid ebrietas, quæ
in tranquillitate, & abundantia creverat, hosti-
li saltem depopulatione, cessavit? Vastata est
Italia tot iam cladibus: ergo Italorum vitia
destiterunt? Obsessa est urbs Roma, & expugna-
ta: ergo desierunt blasphemæ, & furiosi esse
Romani? Inundarunt Gallias gentes barbaræ:
ergo quantum ad mores perditos spectat, non
eadem sunt Gallorum crimina, quæ fuerunt?
Transcenderunt in Hispaniæ terras populi
Vandalorum: mutata quidem est fors Hispano-
rum, sed non mutata vitiositas. Postremo, ne
qua pars mundi ab exitiis malis esset immu-
nis, navigare, per fluctus bella cœperunt: quæ
vastatis urbibus, mari clausis, & everfis Sardinia,
ac Sicilia, id est, fiscalibus horreis abscissis, velut
vitalibus venis, Africam ipsam, id est, quasi
animam cœpere Reipub. Ecquid ingressis bar-
baris gentibus terram illam, forsitan, vel
metu vitia cessarunt, aut sicut corrigi ad præ-
sens etiam nequissimi quidam fervorum solent,
modestiam saltem, ac disciplinam terror ex-
torfit. Quis existimare hoc malum possit?
circumsonabant armis muros Cyrrhæ, atque
Carthaginis populi barbarorum: & Ecclesia
Carthaginensis insaniebat in Circis, luxuriabat
in theatris: alii foris iugulabantur, alii intus
fornicabantur: pars plebis erat foris captiva ho-
stium, pars intus captiva vitiorum. Cuius peior
fuerit captivitas, incertum est. Illi quidem erant
extrinsecus carne, sed isti intus mente captivi, &

L

ex

*Cartha-
go à bar-
baris ob-
sessa.*

Luce 9

ex duobus malis, ut reor, levius est captivitatem corporis, quàm captivitatem animæ sustinere, secundùm illud, quod docet Salvator ipse in Evangelio, graviolem multò animarum mortem esse, quàm corporum. An credimus fortè, quod captivus animus populi illius non fuerit, qui latus tunc in suorum captivitatibus fuit? captivus corde, & sensu non erat, qui inter suorum supplicia ridebat, qui iugulari se in suorum iugulis non intelligebat, qui se in suorum mori mortibus non putabat? Frigor, ut ita dixerim, extra muros, & intra muros, præliorum & ludicrorum; confundebatur vox morientium, voxque bacchantium: ac vix discerni forsitan poterat plebis eulatio, quæ cadebat in bello, & sonus populi, qui clamabat in Circo. Et cum hæc omnia fierent, quid aliud talis populus agebat, nisi ut cum eum Deus perdere adhuc fortasse nollet, tamen ipse exigeret, ut periret? Sed quid ego loquor de longè positis, & quasi in alio orbe summotis, cum sciam etiam in solo patrio, atque in civitatibus Gallicanis omnes fermè præcellentiore viros calamitatibus suis factos fuisse peiores? Vidi ego ipse siquidem Treveros domi nobiles, dignitate sublimes, licet iam spoliatos, atque vastatos, minùs tamen everfos rebus, quàm moribus. Quamvis enim depopulatis iam, atque nudatis aliquid supererat de substantia, nihil tamen de disciplina: adeo graviores in semet hostes externis hostibus erant, ut licet iam à barbaris everfi essent, à se tamè magis everterentur. Lugubre est, referre quæ vidimus, senes honoratos, decrepitos Christianos, imminen-

Salviani
patria.

te iam admodum excidio civitatis , gule , ac lasciviæ servientes . Quid primum accusandum est ? quòd honorati , an quòd senes , an quòd Christiani , an quòd periclitantes ? Quis enim hoc fieri posse credat , vel in securitate à senibus , vel in discrimine à pueris , vel unquā à Christianis ? Iacebant in conviviis obliti honoris , obliti ætatis , obliti professionis , obliti nominis sui . Principes civitatis cibo conferti , vinolentia dissoluti , clamoribus rabidi , bacchatione furiosi , nihil minus quàm sensus sui : immo quia propè iugiter tales , nihil magis , quàm sensus sui . Sed cum hæc ita essent , plus multò est quod dicturus sum , finem perditioni huic nec civitatum excidia fecerunt . Denique expugnata est quater urbs Gallorum Treveris opulentissima . Promptum est de quo dicam . Sufficere utiquè debuerat emendationi prima captivitas , ut instauratio peccatorum non instaurasset excidium . Sed quid plura ? Incredibile est quod loquor , assiduitas illic calamitatum , augmentum illic criminum fuit . Sicut enim anguinum illud monstrum , ut fabulæ ferunt , multiplicabat occisio , ita etiam in Gallorum excellentissima urbe ijs istis , quibus coerccebantur plagis scelera , ijs crescebant , ut putares penam ipsorum criminum non aliud , quàm matrem esse vitiorum . Et quid plura ? Ad hoc quotidie malorum pullulantium multiplicatione perventum est , ut facilius esset urbem illam sine habitatore , quàm ullum penè habitatorem esse sine crimine . Igitur hoc in illa . Quid in alia non longè , sed propè eiusdem magnificentia civitate ? nonne eadem ,

*Treueris
quater
expugna
ta .*

13

& rerum ruina pariter, & morum? Nam præter cætera, cum duobus illic præcipuis, & generalibus malis, avaritia, & ebrietate omnia concidissent, ad hoc postremò, rabida vini aviditate, perventum est, ut principes urbis ipsius, ne tunc quidem de conviviis surgerent, cum iam urbem hostis intraret: adeò etiam Deus ipsis evidenter, ut credo, manifestare voluit, cur perirent, cum per quam rem ad perditionem ultimam venerant, eam ipsam agerent, cum perirent. Vidi ego illic res lachrymabiles, nihil scilicet inter pueros differre, & senes. Una erat scurrilitas, una levitas, simul omnia luxus, potationes, perditiones, cuncta omnes pariter agebant: ludebant, inebriabantur, enecabantur, lasciviebant in conviviis, vetuli & honorati, ad vivendum propè iam imbecilli, ad vinum prævalidissimi. Infirmi ad ambulandum, robusti ad bibendum: ad gressum nutabundi, ad saltandum expediti. Et quid plura? In hoc per cuncta illa, quæ diximus, devoluti sunt, ut compleretur in eis dictum illud sermonis sacri: *Vinum, & mulieres apostatare faciunt à Deo*. Nam dum bibunt, ludunt, mœchantur, insaniunt, Christum negare cœperunt. Et miramur post omnia ista, si ruinam rerum suarum passi sunt, qui tanto ante mentibus corruerunt! Nemo itaque, urbem illam excidio suo tantum perisse credat. Vbi enim talia acta sunt,

Eccles.

19

sunt, prius iam perierant, quàm perirent. Dixi de urbibus præclarissimis: quid relique in diversis Galliarum partibus civitates? nunquid non consimilibus habitatorum suorum, vitis conciderunt? Non ita cunctos crimina sua presserant, ut nec metuerent periculum suum. Prænoscebatur captivitas, nec formidabatur: ablati quippe erat à peccatoribus timor, ne posset esse cautela. Itaque barbaris penè in conspectu omnium sitis, nullus metus erat hominum, non custodia civitatum. Tanta animorum, vel potius peccatorum cecitas fuit, ut cum absque dubio, nullus perire vellet, nullus tamen id ageret, ne periret. Totum incuria, & segnitie, totum negligentia, & gula, totum ebrietas, & somnolentia possidebant, secundum illud scilicet quod de talibus scriptum est: *Sopor Domini irruerat super eos*. Sopor quippe infunditur, ut perditio subsequatur. Cum enim, ut scriptum est, completis iniquitatibus suis, peccator quis meretur, ut pereat: providentia ab eo tollitur, ne periturus evadat. Sed hæc hæc hactenus. Satis, ut arbitror, quod proposui evidenter ostendi, ne in summo quidem rerum discrimine cessasse unquam vitia civium, usque ad excidia civitatum. Atque hæc fuerunt fortasse, iam non sunt, aut unquam esse cessabunt. Videlicet siqua adhuc hodie, aut civitas, aut provincia, vel plagis cælestibus afficitur, vel hostili

1. Reg. 26

Gen. 15

populatione vastatur, humiliatur, convertitur, emendatur. Et non cunctos ferme Romani nominis populos prius est interire, quam corrigi: non prius ipsos, quam in ipsis vicia non esse. Denique id breviter probari potest. Excisa ter continuatis everfionibus summa urbe Gallorum, cum omnis civitas bustum esset, malis & post excidia crescentibus. Nam quos hostis in excidio non occiderat, post excidium calamitas obruebat, cum id, quod in excidio evaserat morti, post excidium superesset calamitati: alios enim impressa altius vulnera longis mortibus necabant, alios ambustos hostium flammis etiam post flammam pœna torquebat. Alij interibant fame, alij nuditate, alij tabescentes, alij rigentes, ac sic in unum exitum mortis per diversa moriendi genera corruiebant. Et quid plura: unius excidio urbis affligebantur alię quoque civitates. Iacebant siquidem passim, quod ipse vidi, atque sustinui, utriusque sexus cadavera nuda, lacera, urbis oculos incessantia, avibus, canibusque laniata: lues erat viventium, fœtor funereus mortuorum, mors de morte exhalabatur, ac sic etiam qui excidiis supradictę urbis non interfuerant, mala alieni excidij perferabant. Et quid post hæc, inquam, quid post hæc omnia? quis æstimare hoc amentię genus possit? Pauci nobiles, qui excidio superfuerant, quasi pro summo deletę urbis remedio, circenses ab imperatoribus postulabant. Vellem mihi in hoc loco, ad exequendam rerum indignitatem, parem negotio eloquentiam dari, scilicet ut tantum virtutis esset in querimonia, quantum

tum doloris in causa. Quis enim existimare possit, quid primum in his, de quibus diximus, accusandum sit, irreligiositas, an stultitia, an luxuria, an amentia? totum quippe in illis est. Quid enim aut irreligiosius, quam petere aliquid in injuriâ Dei: aut quid stultius, quam quod peras non considerare: aut quid tam perditum luxuriam, quam in luctu res desiderare luxurię? aut quid amentius, quam in malis esse, & malorum intelligentiam non habere? Quanquam in iis omnibus nulla res minus culpanda est, quam amentia: quia voluntas crimen non habet, ubi furore peccatur. Quod magis hi, de quibus loquimur, accusandi sunt, quia sani insaniebant. Circenses ergo Treveri desideratis, & hoc vastati, hoc expugnati, post cladem, post sanguinem, post supplicia, post captivitatem, post tot eversę urbis excidia: quid lachrymabilius hac stultitia? quid luctuosius hac amentia? fateor, miserimos vos esse credidi, cum excidia passi estis: sed miseres vos video, cum & spectacula postulatis. Putabam enim vos in excidiis rem tantum, atque substantiam, nesciebam etiam sensum, atque intelligentiam perdidisse. Theatra igitur queritis, Circum à principibus postulatis? cui, quæso, statui, cui populo, cui civitati? urbi exusta, & perditæ, plebi captivæ, & interemptæ, quæ, aut periit, aut lugeat? De qua etiam si quid superest, totum calamitatis est: quæ cuncta, aut mœstitudine est anxia, aut lachrymis exhausta, aut orbitate prostrata: in qua nescias penè, cuius sit sors peior, ac deterior, interfectorum, aut viventium. Tanta enim miseriæ sunt superstitum, ut infelicitatem

tem vicerint mortuorum. Ludicra ergo publica Trevir petis, ubi quæso exercenda? an super busta, & cineres, super ossa & sanguinem peremptorum? Quæ enim urbis pars his malis omnibus vacat, ubi non cruor fusus, ubi non strata corpora, ubi non concisorum membra lacerata? Vbique facies captæ urbis, ubique terror captivitatis, ubique imago mortis. Iacent reliquæ

14 infelicissimæ plebis super tumulos mortuorum suorum, & tu Circenses rogas? Nigra est incendio civitas, & tu vultum festivitatis usurpas? Lugent cuncta, tu lætus es. Insuper etiam illecebris flagitiosissimis Deum provocas, & superstitionibus pessimis iram divinitatis iritas. Non miror planè, non miror, tibi evenisse mala, quæ consecuta sunt. Nam quia tria te excidia non correxerunt, quarto perire meruisti. Hæc autem omnia ideo copiosius paulò prolata sunt, ut probaremus scilicet, omnia, quæ pertulimus, non improvidentia nos Dei, atque neglectu, sed iustitia, sed iudicio, sed æquissima dispensatione, & dignissima retributione tolerasse. Neque ullam penitus Romani orbis, aut Romani nominis portionem, quamlibet graviter plagis cælestibus cæsam, unquam fuisse correctam. Et ideo nequaquam uti meremur prosperis, quia non corrigimur adversis, quamvis nobis etiam indignis interdum tribuantur bona, quia bonus Dominus, quasi indulgentissimus pater, & si nos nonnunquam finit pro peccatis nostris humiliari, non diu tamen patitur affligi: & ideo nunc asperis rebus castigat suos pro disciplina, nunc tranquillis fovet pro indulgentia. Sicut enim

opri-

optimi, ac peritissimi medici dissimilibus morbis curas dispares præstant, atque aliis per dulcia medicamina, aliis per amara succurrunt, & quosdam curant cauteriorum adustione, quosdam malagmatum placabilitate, aliis adhibent duram ferri sectionem, aliis blandam infundunt olei lenitatem, & tamen diversissimis licet curis eadem salus quæritur: Ita etiam Deus noster, si quando nos plagis austerioribus coercet, quasi cauteriis, & sectionibus curat: quando autem rebus prosperis refovet, quasi oleo, ac malagmatibus consolatur. Per diversam enim medicaminum opem, ad unam nos vult perducere sanitatem. Solent quippè, etiam nequissimos servos, quos supplicia non correxerunt, blandimenta corrigere: & quos dominis suis verbera non submisserint, beneficia submittuunt. Infantes quoque omnes ferè parvulos contumaces, quos morigeros minæ, ac ferula non efficiunt, interdum *panchresta*, atque blanditiæ ad obedientiam trahunt. Vnde intelligere debemus, nos & servis nequissimis nequiores, & insipientibus parvulis stultiores esse, quos nec quasi malos servos tormenta corrigunt, nec quasi infantes blandimenta convertunt. Et quidem quemadmodum nullam Romani nominis partem pœna correxerit, satis, ut arbitror, iam probavimus. Superest, ut quemadmodum nec munera, nec blandimēta nos Dei corrigant, cōprobemus. Munera autē Dei & blandimēta quænam sunt? quæ .i. nisi pax nostra, & quies nostra, & famulantes votis, ac voluptatib' nostris rerū secundarū tranquillitates. Aliquid ergo, quia res exigit, etiam

15

*Munera
Dei blā.
dimenta
quædam
sunt.*

etiam speciale dicamus. Igitur quoties in metu, in angustiis, in periculis sumus, cum aut civitates ab hostibus obsidentur, aut provinciæ populatione vastantur, aut quibuscunque rerum adversitatibus Reipub. membra caduntur, & operum cœlestis manus votis precamur, si quo sacre miserationis auxilio, aut servatæ urbes fuerint, aut finita populatio, aut hostiles exercitus fusi, & metus omnis dono divinitatis ablati, quid statim post hæc omnia facimus? compensare, credo, Domino Deo nostro, cultu, honore, reverentia, beneficia, quæ ab eo accepimus, adnitimur. Hoc enim est consequens, atque id etiam usus vitæ humanæ habet, ut referatur gratia sceneratoribus gratiarum, & recipiant vicem munerum munerantes: ita ergo nos forsitan facimus: atque humanis saltem cum Deo nostro retributionibus agentes, cum ab eo bona accepimus, bona reddimus: ad domos videlicet statim dominicas currimus, corpora humi sternimus, mixtis cum fletu gaudiis supplicamus. Illustramus donariis sacra limina, aras muneribus implemus. Et quia ipsi dono illius festi sumus, templum quoque ipsius vultu nostre festivitatis induimus: aut certè, quod ei non minus cordi est, prioribus ex ipso eorde vitiis renuntiamus, operum bonorum victimas cadimus, & pro gaudiis novis novæ conversationis hostias immolamus. Omnibus denique immunditiis bellum sanctum indicimus. Circorum insanias fugimus, scditates theatralium ludorum execramur. Vovemus Domino novam vitam, & ad obtinendam eius perpetuò protectionem, nosme-

nosmetipfos Deo sacrificamus. Cum hæc ergo, que diximus, pro recentibus beneficiis Dei debeant fieri, videamus que fiant: ad ludos protinus curritur, ad insanias convolatur, in theatris populus diffunditur, in Circis plebs tota bacchatur. Ille nobis ad hoc bona præstat, ut boni simus: nos è diverso quoties bona accepimus, mala nostra cumulamus: ille nos beneficiis suis vocat ad probitatem, nos ruimus in improbitatem: ille beneficiis suis provocat ad compunctionem, nos ruimus in dissolutionem: vocat ille ad castitatem, nos ruimus in impuritatem. Præclare, videlicet sacris muneribus respondemus. Præclare dona eius, vel agnoscimus, vel honoramus, qui quantum ab eo beneficii accepimus, tantum ei iniuriarum repensamus: aut iniuria Dei hoc fortè non est, aut esse indignior possit, aut mulcis, & magnis opus sit: sed in veterata in nobis malorum omnium labe, aliter jam non vitiosi esse non possumus, nisi ut omnino non simus. Quæ in nobis rogo, spes bonæ frugis est? Qui ignorantia peccant, errore agnito, corriguntur. Qui religionis expertes commutaverunt sectam, mutare incipiunt disciplinam. Postremo, ut dixi, qui, aut abundantia nimia, aut securitate vitiantur, desinunt esse perditæ, cum destiterint esse securi. Nos nec ignorantia labimur, nec religionis expertes sumus: nec prosperitate rerum, ac securitate corrumpimur. Omnia siquidem è diverso sunt. Religionem novimus, ignorantia non excusamur. Pacem, & divitias priorum temporum non habemus. Omnia, quæ fuerant, aut ablata, aut immuta-

*Sola vitia
creverunt.*

*Romani
quondam
fortes.*

ta sunt, sola tantum vitia creverunt. Nihil nobis de pace, & prosperitate pristina reliquum est, nisi sola omnino crimina, quæ prosperitatem non esse fecerunt. Vbi namque sunt antiquæ Romanorum opes, & dignitates? Fortissimi quondam Romani erant, nunc sine viribus. Terrebant Romani veteres, nos timemus: vectigalia illis solvebant populi barbarorum, nos vectigales barbaris sumus. Vendunt nobis hostes lucis usuram; tota admodum salus nostra commercium est. O infelicitates nostræ, ad quid devenimus? & pro hoc gratias barbaris agimus, à quibus nos ipsos pretio comparamus. Quid potest esse nobis, vel abjectius, vel miserius! & vivere nos post ista credimus, quibus vita sic constat? Insuper etiam ridiculos ipsi nos facimus; aurum, quod pendimus, munera vocamus. Dicimus, donum esse, quod pretium est, & quidem pretium conditionis durissimæ, ac miserrimæ. Omnes quippè captivi, cum semel redempti fuerint, libertate potiuntur: nos semper redimimur, & nunquam liberi sumus. Illorum more dominorum nobiscum barbari agunt, qui mancipia obsequiis suis non necessaria mercedibus dependendis locant. Similiter enim nonnunquam ab hac sumus liberi functione, quam pendimus. Ad hoc quippè mercedes iugiter solvimus, ut sine cessatione solvamus.

LIBER SEPTIMVS.

173

ARGVMENTVM.

Etiam hic sub initium solvit oppositam difficultatem ; & deinde, ut genio indulgeat, vitii irascitur , præsertim patratorum criminum impudentiæ Christianorum, qui quasi Sodoma, peccatum suum prædicaverunt . Addit in malis non tam patientiam, quam stuporem ab ipsis profectum, ut cum ipsis funeribus risus, & cachinnos permiscerent . Obiter perstringit Aquitanorum erga Deum largitorem ingrati animi labem ; qui cœli beneficiis super omnes Gallos aucti, Cœlo supra reliquos erant criminibus iniuriosi, cum adulteris præsertim patribus familias exposculat legitimi thori, per vernularum corruptellam, injuriam . Gradum hinc facit ad inanem confidentiã, qua omnia sibi prosperè succedentia, non iam divinæ opi, sed tantum propriis viribus, imò, & fortuitis, & Fato imputabant, & idè Rex hostiũ, qui à Deo victoriam auspicabatur victor, Dux noster suis viribus fretus, fractus, debellatusque abscessit . Refert Barbarorum testimonium, supernè se ad Christianorum excidium impelli asserentium ; undè providentiam, & præsens Dei iudicium statim eruit Salvianus . Ultimo loco Astorum scelera vivis coloribus exprimit, latronum gratsationes, impudicitias, & quod fœdus, masculorum abusus . Eadem prorsus aversatur vitia Romanorum ; qui dum in exteris talia nationibus ea vindicabant, vix ipsi ea patrare non metuerunt ; at Vvandali, quamvis barbari, Christianorum effrænatis abusibus per severas legum sanctiones obstiterunt .

CVM autem de infirmitate, ac miseria Romanorum nonnulla dixerim, contraria forsitan negotio, quod nunc agimus, dixisse videbi-

debimur. Scio enim, posse hoc loco subiici. Hinc maxime probari, quod non respiciat humanas res Deus: quia cum Romani quondam pagani, & vicerint, & regnaverint, nunc Christiani, & vincantur, & serviant. Sufficere quidem ad confutationem obiectionis istius poterant illa, quæ dudum de cunctis ferè paganis gentibus dicta sunt: id est, magis peccare eos, qui scientes negligant legem Dei, quàm qui non faciunt nescientes. Sed tamen, si Deus annuit, cum ad eam negocij partem accesserimus, ut de veteribus Romanis aliqua dicantur, evidenter divino munere approbamus, tam iustum tunc erga illos fuisse Domini favorem, quàm nunc erga nos justam severitatem. Et tam dignum illud fuisse, quòd Romanos tunc Deus auxilio suo extulit, quàm nunc dignum esse, quòd punimur. Atque utinam pena ipsa prodesset. Illud gravius, ac luctuosius multò, quòd post pœnam nulla correctio est: Curare nos vult castigationibus suis Dominus, sed curam, non remedia sequuntur. Quid hoc mali est? jumenta, ac pecudes sectione curantur. Et putrefacta mulorum, asinorum, porcorum viscera, cum adusta cauteriis fuerint, munus medicæ adustionis agnoscunt, statimque ubi, aut cremata, aut defecta fuerit vitiatorum corporum labes; in locum demortuæ carnis viva succedit. Nos, & urimur, & secamur; sed nec ferri defectione, nec cauteriorum adustione sanamur: imò, quod est gravius, cura ipsa deteriores sumus. Et ideo non frustra nobis evenit, quòd evenire pecudibus, & jumentis solent, quæ irremediabiles

mor-

*Post pœ-
nā nulla
correctio.*

morbos ferunt . Nam in omnibus partibus mundi, quia curis medicantibus non corrigimur, morte, atque occisione finimur . Ecce enim, ut non repetam, quæ multò ante dixi, hoc ipsum quale est, quod paulò ante memoravi, scilicet quia & miseri pariter, & luxuriosi sumus? Esto . n. sint vitia ista feliciū, quamvis nemo quidē probrosus possit esse, & felix: quia ubi nō est vera honestas, nō est vera felicitas. Sed modò, ut supra dixi, esto sint vitia ista feliciū, & longè flagitiosius laboraverunt ad exacerbandum . An fortè falsum est, & odiosè potiùs, quàm verè ista dicuntur? Non oratoria probatione, qua uti alii in causis solent; ut producam quoscumque ad probandum, aut paucos, aut extraneos, aut minùs idoneos testes: ipsos interrogemus, à quibus acta sunt: falsum sit, quod diximus, si negarint: fatentur etiam . Et quidem, quod est gravius, sic fatentur, ut in ipsa confessione non doleant: idem enim nunc est animus in fatentibus, qui in agentibus fuit . Sicut tunc non puduit flagitia committere, sic nunc omnino non pœnitet flagitiosa fecisse . Exceptis tamen per paucis fermè sanctis, atque insignibus viris, qui, ut quidam de numero ipsorum ait: *Sparsis redemerunt crimina nummis*. Exceptis inquam, his quos loquor, utique etiam in illa tunc generali admodum colluvione vitiorum, rectè minorum criminum reos fuisse credimus, qui corrigi à divinitate meruerunt . Non penitus enim dominum lædit suum, cui propitiatio reservatur: Et quid plura? puto, quòd semper, & in ipso errore respexerit, à quo hoc ob-

Vera felicitas .

*Lupana-
ria*

*Aquita-
ni*

obtinere potuit, ne diutiùs erraret. Ceteri autem, & plurimi fermè, ac nobilissimi, propè idem omnes: unus gurgès, omnium gula: penè unum lupanar, omnium vita. Et quid dicam de lupanaribus? minoris etiam criminis lupanar puto. Meretrices enim, quæ illic sunt, scædus connubiale non norunt, ac per hoc non maculant quod ignorant. Impudicitie enim piaculo sunt obnoxia, sed reatu tamen adulterij non tenentur. Adde huic, quod & pauca fermè sunt lupanaria, & pauca, quæ in his vitam infelicissimam vivunt.

2 Damnavere meretrices apud Aquitanos: at ubi ea civitas in locupletissima, ac nobilissima sui parte non quasi lupanar fuit? Quis potentum, ac divitum non in luto libidinis vixit? Quis non se barathro sordidissimæ colluvionis immerisit? Quis coniugij fidem reddidit? immo quantum ad passivitatem libidinis pertinet, quis non coniugem in numerum ancillarum redegit? & ad hoc venerabilis connubij sacramenta deiecit, ut nulla in domo eius vilior videretur in maritali despectione, quàm quæ erat princeps matrimonii dignitate. Cogitat fortè aliquis, non ita ad plenum esse, ut loquor, habuisse enim illic matres familias ius suum, & dominarum honorem, potestatemque tenuisse. Verum est, habuerunt quidem multæ integrum ius dominij, sed nulla fermè impollutum ius matrimonij: & nos modò non quærimus, quæ mulierum potestas, sed quàm virorum corrupta fuerit disciplina. Quamvis nec potestatem quidem illic matres familias integram habuisse dicam, quia quæcunque ius connubii in violatum, ac salvum non habet, nec domi-

dominium saluum habet . Haud multum enim matrona abest à vilitate seruarum, ubi paterfamilias ancillarum maritus est . Quis autem Aquitanorum diuitum non hoc fuit, quem non sibi ancille impudicissime, aut adulterum, aut maritum iure dixerunt ? *Equi enim emissarij*, ut propheta ait, *in faminas facti sunt* . Vnusquisque enim ad uxores proximi sui irruebat: atq. illi de quibus hæc scripta legimus, & minore fortasse crimine, & minore, ut reor, numero criminum, ac passivitate peccabant . Hi autem verè ut emissarij equi non ad paucas tantum, sed penè ad omnes vernulas suas, id est, ad greges proprios irruebant, & in morem eorum pecudum, qui mariti gregum appellantur, fervidæ libidinis debacchatione grassantes, in quamcumque eos primum fœminam ardens impudicitie furor traxerat, irruebant . Hic iam quaero à sapientibus, cùm hæc ita essent, quales putent, fuisse illic familias, ubi tales erant patres familias ? Quanta serorum illic corruptela, ubi dominorum tanta corruptio ? Morbido enim capite, nil sanum est: neque ullum omnino membrum officio suo fungitur, ubi quod est principale non constat . In domo autem sua pacis, & opulentie securitas . Cur, quaeso, illic sunt: ubi iam nulla pax, ubi nulla securitas ? In omni autem fermè urbe Romana, pax, & securitas non sunt . Cur sola vitia tantum perdurant ? quis, rogo, ferre possit in homine egestuoso, esse lasciviam ? criminiosior quippe est luxuriosa paupertas, & maioris est invidie miser nugator . Quis captivitatem expectans, de Circo cogitat ? Quis meruit

Ier. 5.

M

mor-

⁴
Risus
Sardonius.

Risum
lacryma
consequuntur.

mortem, & irridet? Nos, & in metu captivitas ludimus, & posci in mortis timore ridemus, Sardonice quodammodo herbis omnem Romanum populum putes saturatum. Moritur, & ridet, & ideo in omnibus fere partibus mundi risus nostros lacrymæ consequuntur, ac venit etiam in presenti super nos illud Domini nostri dictum: *Va vobis, qui rideris, quoniam flebitis.* Sed forsitan, cum de ludicris, ac fœditatibus publicis diutissime dixerimus, in hoc tantum deteriores esse nos putes barbaris, quia illi hæc non agunt, nos agimus: ceterum ipso carnalis libidinis scelere, & fornicationis finestæ cœno non ita pollui. Comparemus, si placet, ceteris nationibus etiam in hac parte Romanos: & quidem nescio, an ullis rectius comparentur, quam his, quos Deus in medio Reipub. suæ positos, possessores fecit, ac dominos soli esse Romani. Unde quamvis nihil disputari de iudicio Dei possit, tamen cum ablatam nobis iuris nostri optimam partem barbaris dederit, videamus, an id, quod nobis tulit, & illis tradidit, iusto Dei iudicio tradidisse videatur. Nemini dubium est, Aquitanos omnes populos, medullam fere omnium Galliarum, & uber totius fœcunditatis habuisse: nec solum fœcunditatis, sed quæ præponi interdum fœcunditati solent, voluptatis, iucunditatis, pulchritudinis: adeo illic omnis admodum regio, aut intertexta vineis, aut florulenta pratis, aut distincta culturis, aut confita pomis, aut amenata lucis, aut irrigata fontibus, aut interfusa fluminibus, aut circumdata messibus fuit: ut verè possessores, & Domini terre illius

lius, non tam soli istius portionem, quam Pa-
 radisi imaginem possedisse videantur. Quid er-
 go post ista omnia? officiosiores absque dubio
 Deo esse debuerant, quos specialiter Deus abun-
 dantissima beneficiorum suorum dote ditave-
 rat. Quid enim rectius, aut quid dignius, quam
 ut quibus per munera sua Dominus quasi specia-
 liter videbatur placere voluisse; idem quoque
 specialius Domino cultu, ac religione placuisset?
 presertim cum à nobis Deus, nil onerosum, nil
 grave exigat. Non enim nos ad aratra, aut ad
 ligones vocat, non ad scindendas terras, neque
 ad vineas pastinandas, non denique illa exigit
 à servis suis, quæ nos exigimus à nostris. Quid
 namque ait? *Venite ad me omnes, qui laboratis,*
& auerati estis, & ego reficiam vos. Tollite iugum
meum super vos, & discite à me, quia mitis sum,
& humilis corde, & inuenietis requiem animabus
vestris, iugum enim meum suave est, & onus me-
um leve. Non ergo nos ad laborem vocat Domi-
 nus, sed ad refectionem. Quid namque à nobis
 exigit, quid præstari à nobis iubet, nisi solam
 tantummodo fidem, castitatem, humilitatem,
 sobrietatem, misericordiam, sanctitatem? quæ
 utique omnia non onerant nos, sed ornant,
 nec solum hoc, sed adeò vitam præsentem ornant,
 ut futuram plus ornare possint. O pium, o in-
 estimabilis misericordie Dominum, qui ad hoc
 nobis in præsentis religionis munera tribuit,
 ut ipsa in nobis postea, quæ nunc dat munera,
 muneretur. Tales igitur etiam omnes absque
 dubio, Aquitani esse debuerant. Et quidem, ut
 diximus, specialius tales, quia specialia Dei

Matt. 11.

munera possidebant. Et quid post hæc omnia, quid secutum est? quid, nisi cuncta, quæ diversa sunt? in omnibus quippe Gallis sicut divitiis primi fuere, sic vitiis. Nusquam enim improbius voluptas, nusquam inquinatior vita, nusquam corruptior disciplina. Hanc pro muneribus sacris dederunt Domino retributionem: ut inquantum eos beneficiis suis ille ad se illexerat ad propitiandum, intantum illi ab eo recederent. In domo autem sua dominus, quasi corporis sui caput est, & vita eius cunctis quasi norma vivendi. Pessimumque est hoc in hoc negotio, quod libentius omnes deteriora sectantur: & facilius mala institutio depravat bonos, quam bona emendat malos. Porro autem cum etiam boni, atque honesti patresfamilias famulos bonos facere non possint, quantam illic putamus fuisse labem familiarum, ubi Domini erant impuritatis exemplum? Quamvis non exemplum illic tantummodo fuerit, sed vis, ac necessitas quædam: quia parere impudicissimis dominis famulæ cogebantur invicem: & libido dominantium, necessitas subjectarum erat. Ex quo intelligi potest, quantum cœnum impudicarum sordium fuerit, ubi sub impurissimis dominis, castas esse etiam si voluissent feminas, non licebat. Sed videlicet difficile hoc probari potest, & nulla omnino extant præteritarum turpitudinum, flagitiorumque vestigia. Ecce etiam nunc multi ex eis, licet patria careant, & in comparatione præteritarum opum pauperes vivant, peiores ferme sunt quam fuerunt. Peiores autem non uno modo, quia et si eadem faciunt, quæ

ante faciebant, hoc ipso tamen deteriores sunt, quia à scelere non cessant. Siquidem facinora eorum, & si genere ipso maiora non sunt, attamen plurà sunt: ac per hoc & si criminum novitate nō crescunt, pluralitate cumulantur. Adde autem quodd hęc, ut dixi, faciunt iam senes, adde quod pauperes. Vtrumque enim sceleris augmentum est: minus siquidem prodigiosum est, peccare iuvenes, peccare locupletes. Quæ autem in iis spes, aut remedium est, qui ab usitata impuritate, nec miseriarum egestate, nec vitæ extremitate revocantur? Esto enim quosdam aut stulta præsumptio longæ vitæ, aut spes quandoque agendæ pœnitentiæ consoletur: nōne novum hoc monstri genus est, esse aliquos etiam in morte viciosos? Quæ cum ita sint, nunquid est aliquid quod dici amplius possit? Sed adhuc tamen addamus, scilicet quod multi hęc agunt hodie, etiam inter hostes sici, & quotidiano discrimine ac timore captivi. Cumque ob impurissimam vitam traditi à Deo barbaris fuerint, impuritatem tamen ipsas, etiam inter barbaros non relinquunt. Sed tales forte hostes sunt inter quos agunt, ut eos ista delectent, & offendantur gravissimè, si cum impudici sint, videant castos esse Romanos, quodd si ita esset, nequaquam tamen facere nos, improbos improbitas deberet aliena: quia quemlibet hominum magis sibi præstare, convenit ut sit bonus, quàm alteri, ut sit malus, & plus id laborandum est, ut placeamus Deo per honestatem, quàm ut hominibus per impuritatem: ac proinde etiam si inter impudicos quis barbaros vivat, magis tamen pudicitiam sequi debet, quàm impudiciam.

quæ impuris hostibus placet. Sed quid accidit insuper ad mala nostra? Inter pudicos barbaros impudici sumus. Plus adhuc dico, offenduntur barbari ipsi impuritatibus nostris. Esse inter Gothos non licet scortatorē Gothum, soli inter eos præiudicio nationis, ac nominis permittuntur impuri esse Romani. Et quæ nobis, rogo, spes ante Deum est? impudiciā nos diligimus, Gothi execrantur; puritatem nos fugimus, illi amant; fornicatio apud illos crimen, atque discrimen est; apud nos, decus. Et putamus, nos ante Deum posse consistere? Putamus, nos posse salvos esse; quando omne impuritatis scelus, omnis impudiciæ turpitudine à Romanis admittitur, & à Barbaris vindicatur? Hic nunc illos requiro, qui meliores nos putant esse, quàm barbaros. Dicant, quid horum, vel paucissimi Gothi faciunt, vel quid non horum Romani omnes, vel penè omnes? & miramur, si terræ vel Aquitanorum, vel nostrum omnium à Deo barbaris datæ sunt: cum ea, quæ Romani polluerant fornicatione, nunc mudent barbari castitate? Sed fortè hoc in Aquitanicis tantum; transeamus etiam ad alias mundi partes, ne de solis tantummodo Gallis dixisset videamur, Quid? Hispanias nonne, vel eadem, vel maiora forsitan vitia perdiderunt? Quas quidem cælestis ira etiam si aliis, quibuslibet barbaris tradidisset, digna tamen flagitiorum tormenta toleraverunt puritatis inimici. Sed accessit hoc ad manifestandam illic impudentiæ damnationem, ut Vandalis potissimum, id est, pudicis barbaris traderetur. Dupliciter in illa Hispanorū capti-

vitate

vitae Deus ostendere voluit ; quantum & odisset acrius libidinem , & diligeret castitatem , cum & Vandalos ob solam maximè pudicitiam illis superponeret , & Hispanos ob solam vel maximè impudicitiam subiugaret . Quid enim ? Nunquid non erant in omni orbe terrarum barbari fortiores , quibus Hispaniæ traderentur ? multi absque dubio , imò , ni fallor , omnes . Sed ideo ille infirmis hostibus cuncta tradidit ; ut ostenderet scilicet , non vires valere , sed causam ; neque nos tunc ignavissimorum quorundam hostium fortitudine obrui , sed sola vitiorum nostrorum impuritate superari : ut verè in nos venerit dictum illud , quod ait ad Iudæos Dominus : *Secundum immunditias suas , & secundum iniquitates suas feci illis , & averti faciem meam ab eis* . Et alibi ad gentem ipsam . *Adducet Dominus super te gentem de longinquo , & ungulis , inquit , equorum suorum omnes plateas tuas concubunt , populum tuum gladio interficient* . Completa ergo in nos sunt omnia , quæ ait sermo divinus , & iura verborum celestium luit pœnæ cunctorum : sed tamen cum omnes ferè barbaræ gentes Romanum sanguinem biberint , omnes viscera nostra laceraverint , quid est , quòd Deus noster maximas Rēipub. opes , & locupletissimos Romani nominis populos in jus potissimum ignavissimorum quorundam hostium , dedit ? Quid ? nisi ut cognosceremus scilicet , quod supra dixi , meritum hoc fuisse , non virium , utque ipsum quoque hoc nobis in confusionem caderet , ac pœnam , quòd ignavissimis traderemur , & vel sic plagam celestis manus

Ezech.
39

Deut. 28

agnosceremus, quia nos non fortissimi sed ignavissimi subjugarent: Sic evidenter Deus intelligi voluit, magna opera sæpe patrari per paucos. Ita per infirmos res acta est, ne opus cœlestis dexterae virtuti assignetur humanæ, sed divinæ: siquidem & dux Sisara, quem Hebræus timebat exercitus, à muliere prostratus est. Et Abimelech civitatum expugnatorem fœminea manus percudit, & ferratæ Assyriorum acies, vidua opitulante, ceciderunt. Et ne de solis fœminis tantum loquar, Benadab regem Syriæ, cui præter innumera populi sui millia, & triginta duo reges, exercitusque eiusdem numeri serviebant, nonne ideo à paucis principum pedissequis Dominus vinci, voluit, ut qui esset autor talis victoriæ nosceretur? Contra Madianitas quoque, qui, ut liber Iudicum refert, instar locustarum cuncta compleverant: Gedeon iubetur pugnare cum paucis, non quia plures in exercitu non haberet, sed vetatur multos ad bellum ducere, ne multitudo sibi possit aliquid de victoria usurpare. Vnde cum triginta millia armatorum congregasset, sic ad eum Dominus locutus est: *Multus est tecum populus, nec traderur Madian in manus eius*. Et quid postea? homini adversum innumera barbarorum millia pugnaturo cœc. tantum viros reliquit. In eam quippe exiguitatem redigi agmen militum, iussit, ut sibi de patrato divinitus belli opere paucitas usurpare nihil posset. Denique cur hoc Dominus faceret, ita ipse evidentissimè declaravit, dicens: *Ne gloriatur contra me Israel, & dicat, viribus meis liberatus sum*. Audiant, inquam, hoc omnes

im-

*Judic. 4.
& 9.*

Reg. 20.

Judic. 7.

Ibidem.

improbi, audiant omnes præsumptuosi, audiant præpotentes, audiant cuncti, quid Deus dicit: *Ne glorietur, inquit, contra me Israel, & dicat: Meis viribus liberatus sum.* Audiant, inquam, omnes contraria, & blasphema iactantes, audiant hæc, spem suam in homine ponentes, loqui universos adversum se, Deus dicit, qui liberari se viribus suis posse, præsumunt. Quis autem est Romanorum non ita dicens? Quis est non ita feritens? Quis nostræ partis non propè iugiter in hac parte blasphemat? Nulla esse iam Reipub. vires, omnium conscientia est, & ne sic quidem agnoscimus; cuius hoc beneficiis, quod adhuc vivimus, debeamus. Si quando enim nobis prosperi aliquid præter spem nostram, & meritum Deus tribuit, alius ascribit hoc fortune, alius eventui, alius ordinationi ducum, alius consilio, alius magistro, alius patrocinio, nullus Deo. Et miramur, si nobis celestis manus aliqua non præstet, cui quicquid præstitèrit, derogamus. Quid enim aliud facimus, cum bona, quæ præstat, nos vel eventibus casuum, vel virtutibus ducum, vel quibuscumque aliis rebus frivolis deputamus? Hoc enim modo, & terris nos oportet gratias agere, quòd fruges annuas merimus, & vineis, quòd vindemiamus, & mari, quòd pisces capimus, & sylvis, quòd ligna cedimus, & ovibus, quòd veste tegimur, & pecudibus cæteris, quòd carne saturamur. Nam quæ ratio est, ut ei pro muneribus aliis grati esse velimus, cui maximorum beneficiorum gratiam derogamus? Aut quis contentus est homo nostræ conditionis, ut ei
quis

quis acceptum referat, cui de donis suis detraxerit summa? Ita & nos, licet Deo in nullo dignè gratias agamus, parùm tamen erat, si pro his tantummodo grati esse vellemus, quæ ad usum vivendi dedit. Cur hanc gratiam tollimus, quod nos in angustiis iuvat, & in periculis liberat, & in medio barbararum gentium suos iugi protectione conservat? At non ita Gothi, non ita Vvandali, malis licet Doctoribus instituti, meliores tamen in hac parte, quàm nostri. Offendi quosdam quamvis suspicor his, quæ diximus: sed quia veritas magis, quàm offensio cogitanda est, dicam, & sæpè dicam: non ita Gothi, non ita Vvandali, qui & in discrimine positi, opem à Deo postulant, & prosperitates suas munus Divinitatis appellant. Denique probavit hoc, bello proximo, infelicitas nostra. Cum enim Gothi metuerent, præsumpsimus nos: nos in viribus spem ponere, illi in Deo: cum pax ab illis postularetur, à nobis negaretur: illi episcopos mitterent, nos repelleremus: illi etiam in alienis sacerdotibus Deum honorarent, nos etiam in nostris contemneremus: prout actus utriusque partis, ita & rerum terminus fuit. Illis data est in summo timore palma, nobis in summa elatione confusio. Verè & in nobis tunc & in illis evidenter probatum fuit illud Domini nostri dictum, *Quoniam qui se exaltat, humiliabitur, & qui se humiliat, exaltabitur*. Illis enim exaltatio data est pro humilitate, nobis pro elatione deiectio. Namque agnovit hoc ille dux nostræ partis, qui eandem urbem hostium, quam eodem die victorem se intraturum esse,

pra-

Luc. 14.

præsumpsit, captivus intravit. Probavit scilicet, quod propheta dixit, *quia non est hominis via eius, nec viri est, ut ambulet, & dirigat gressus suos.* Nam quia viam suam iuris sui existimavit, nec gressum directionis habuit, nec viam salutis invenit. *Effusa est, ut legimus, abiectio super principem; seductus est in inuio, & non in via, & ad nihilum deductus est, velut aqua decurrens:* in quo quidem præter ipsam rerum infelicitatem, præsens iudicium Dei patuit, ut quicquid facturū se, usurparat, ipse pateretur. Nam quia sine Divinitatis auxilio, ac Dei ductu capiendum à se hostem credidit, ipse captus est: consilij, ac sapientiæ summam usurpavit: ignominiam temeritatis incurrit, vincula, quæ aliis paravit, ipse sustinuit. Et quod, rogo, evidentius Dei iudicium esse potuit, quam, ut habens predatoris fiduciam, præda fieret: triumphum præsumens, triumphus esset; circumdaretur, corriperebatur, alligaretur, retorta brachia tergo gereret, manus, quas bellicosas putabat, vinctas videret. Puerorum, ac mulierum spectaculum fieret, illudentes sibi barbaros cerneret, irrisum sexus promiscui sustineret: & qui maximum habuerat supercilium fortis viri, mortem subiret ignavi: atque utinam hoc ipsum breve remedium malorum esset, non diuturna toleratio. Ille autem, quantum ad penarum longitudinem pertinet, longo tempore, diuturna in ergastulo barbarorum tabe consumptus, in hanc miseriam reductus est, ut quod plerumque homines etiam penis ipsis gravius, atque acerbius putant, in miserationem

Prou. 16.
& 20.

Ps. 106.

7
ho-

hostium deveniret. Et hoc cur? absq. dubio, nisi quia, ut iam dixi, illi Deo humiles, nos rebelles, illi crediderunt, in manu Dei esse victoriā, nos in nostra, imò in sacrilega, atq. impla, quod est peius, nocentiusque, quàm nostra nativa. Deniq. ipse Rex hostium, quantùm res prodidit, ac probavit, usque ad diem pugnae stratus cilicio preces fudit, ante bellum in oratione, ad bellū de oratione surrexit. Priusquam pugnam manu capesseret, supplicatione pugnavit, & ideo fidenis processit ad pugnam, quia iam meruerat in oratione victoriā. Non dissimiliter autē illud etiā apud Vvandalos, ad quos cū in iis partib' sitos nostra pars pergeret, tantamque ad debellandos eos præsumptionis fiduciam ferret, quantam etiam proximè ad Gothos; pari superbix, pari fastus exitu corruerunt. Venitq. super exercitū nostrum prophetæ dictum: *Obruet Dominus confidentiā tuam, & nihil habebis prosperum.* Confidebamus .n. in sapientia nostra, & fortitudine, cōtra Dei mandata dicētis: *Nō gloriatur sapiēs in sapientia sua, nec fortis in fortitudine sua; sed in hoc gloriatur, qui gloriatur, scire, & nosse me, quia ego sum Dominus.* Non immerito itaq. victi sumus: ad meliora .n. se illi subsidia cōtulere, quàm nostri: nam cū armis nos, atq. auxiliis superbiremus, à parte hostiū nobis liber divinę legis occurrit. Ad hanc .n. præcipuè opē timor, & perturbatio tunc Vvandalica confugit, ut seriē nobis celestis eloquii opponeret, & adversus veniētes æmulos suos sacri voluminis scripta, quasi ipsa quodammodo divinitatis ora reseraret. Hic nūc requiro, quis hoc unquam ē nostris partibus fecerit, aut quis non

Ier. 2.

Ier. 9.

non irrisus fuerit, si putasset esse faciendum? ir-
 risus utiq. sicut à nostris omnia fermè religiosa
 ridentur. Et idè quid prodesse nobis præroga-
 tiva illa religiosi nominis potest, quòd catho-
 licos esse dicimus, quòd fideles esse iactamus?
 quòd Gothos, ac Vandalos hæretici nominis
 comprobatione despiciamus, cum ipsi heretica
 pravitate vivamus? Itaq. rectissimè nobis dicitur
 illud, quod Iudæis in lege fidentibus dixit
 sermo divinus: *Quamodo dicitis, sapientes sumus,* Ier. 9.
& lex Domini nobiscum est? Nolite, inquit, confi- & 7.
 dere in verbis mendaciy, dicentes, templum Do-
 mini, templū Domini est, quoniā si benedixeritis
 vias vestras, & studia vestra, ut advena, & pu-
 pillo, & vidua non feceritis calumniam, nec
 sanguinem innocentem effuderitis in loco hoc:
 habitabo vobiscum in loco isto à saculo usque
 in saculum. Quo utiq. ostenditur, quòd si ista
 non facimus, superflua nobis catholici nominis
 presumptione plaudamus. Sed hinc iam, & su-
 perius satis dictū est, & adhuc fortassè dicetur;
 nec opus est, ut de hoc amplius disseram, ubi Dei
 iuge iudiciū est. Quid, n. vel de Gothis, & Vvan-
 dalis Deus iudicet, res probat. Illi crescunt qua-
 tidie, nos decrescimus: illi proficiunt, nos deprava-
 mur: illi florescunt, nos arescimus, ut verè in
 nos veniat dictū illud, quod de Saul, ac David ait
 sermo divinus: *quia David erat proficiēs, & sēper*
seipso robustior, domus autem Saul decrescēs quo- 2. Reg. 3.
tidie: Iustus est .n., ut Propheta ait, *iustus est*
Dominus, & rectū iudiciū suū. Iudicamur itaq. Ps. 118.
 etiam præse te iudicio à Deo, & idè excitata est
 in perniciē nostram, ac dedecus gēs ignavissima,
 quæ

Eze. 24

E 26.

E 27.

quæ de loco in locum pergens, de orbe in orbem transiens, universa vastaret. Ac primum de solo patrio effusa est in Germaniam primam, nomine barbaram, ditione Romanam, post cuius exitum primum arsit regio Belgarum, deinde opes Aquitanorum luxuriantium. Et postea, quid fuit totum Africæ territorium, quam domus una viciorum, aheni illi similis, de quo propheta dicit: *He civitati sanguinum, olla, cuius rubigo in ea est, & rubigo eius non exiit de ea.* Civitatem, ut videmus, aheni, & iniquitatem sanguini compara vit, ut intelligamus scilicet, sic esse in civitate populi iniquitatem, sicut in aheni sanguinem bullientem. Non dissimile est autem huic illud sacri sermonis: *facti sunt mihi domus Israel commixti omnes aramenta, & ferro, & stanno, & plumbo, & in medio argentum permixtum est. Propterea sic dicit hac Dominus Deus: Pro eo, quod facti estis omnes in permutationem unam, conflabo vos, & insufflabo vos in igne ira.* Dissimillima inter se genera metallorum sacri sermo memoravit. Et quomodo in eodem conflatorio res diverse conflentur? scilicet, quod in diversitatibus metallorum dissimilitudo hominum designatur. Et ideo etiam argentum, id est, nobilioris materię metallum iisdem ignibus datur, quia naturæ nobilioris ingenium, vita degenerante, damnatur. Sicut etiam de principe Tyri dixisse legimus Deum, per prophetam: *Fili hominis accipe lamentum super principem Tyri, & dic illi: Hac dicit Dominus Deus, tu consignatio similitudinis, corona decoris in deliciis paradisi fuisti, omne la-*

pidem pretiosum indutus es, Sardonicem, & Topazium, & Smaragdum. Et iterum: Argento, inquit, & auro implesti thesauros tuos, à multitudine negotiationis implesti promptuaria tua. Quæ omnia numquid non talia sunt, ut vel specialiter de Africis dicta videantur: ubi enim maiores thesauri, ubi maior negotiatio, ubi promptuaria pleniora? Auro, inquit, implesti thesauros tuos à multitudine negotiationis tuæ. Ego puto, ad eò divitem quondam Africam fuisse, ut mihi, copia negotiationis suæ, non suos tantum, sed etiam mundi thesauros videatur implese. Et quid post hæc? Exaltatum est, inquit, cor tuum in decore tuo, propter multitudinem peccatorum tuorum in terram te proieci. Quomodo Africanæ potentia & hoc competit, aut quomodo projecta esse videtur in terram? Quomodo, nisi quando amisit potentia veteris altitudinem, quasi cœlestem perdidit dignitatem. Et educam, inquit, ignem de medio tui, hic te devorabit. Quid hac re verius? de media quippe eorum iniquitate ignis peccati exiit, qui felicitatem prioris temporis devoravit. Et omnes, inquit, qui te noverunt inter nationes, contristabuntur super te. Convenire illis hoc non putemus, si non eversio Africani soli, luctus est generis humani. Perditio, inquit, factus es, & non eris amplius in æternum. In perditionem illic iam deducta omnia satis constat. Superest, ne malorum præsentium pœnas etiam æternæ continuatione consequatur: non patitur hoc autem pro affectu suæ misericordiæ Deus. Nam quantum ad meritum nostrorum criminum pertinet,

tinet, ita se res habet, ut pati posse videatur. Quid enim piaculorum est non illic semper admissum? ne de omnibus dicam, quia & enormia ferè sunt, & sciri & dici tanta non possunt, de sola, vel maximè obscœnitate impuritatum loquor: & quod est gravius, sacrilegiorum, Prætermitto in aliquo rabiem cupiditatis, vitium totius generis humani, Prætereo avaritiæ inhumanitatem, quod proprium est Romanorum penè omnium malum. Relinquatur ebrietas, nobilibus, ignobilibusque communis. Taceatur superbia, & tumor, tam peculiare hoc divitum regnum est, ut aliquid forsitan de iure suo se putent perdere, si hinc sibi alius quicquam voluerit vindicare. Transeat denique propè omne fraudum, falsitatum, periuriorum nephas, nulla unquam his malis Romana civitas caruit, sed specialius hoc scelus Afrorum omnium fuit. Nam sicut in sentinam profundæ navis collusiones omnium fordium: sic in mores eorum, quasi ex omni mundo, vitia fluxerunt. Nullam enim improbitatem scio, quæ illic non redundaverit, cum utique etiam paganæ, ac ferinæ gentes, etsi habeant specialiter mala propria, non est tamen in his hoc corpus omnium Galliarum, sed paulatim id ipsum tamen, ut dum pars clade ceditur, pars exemplo emendetur. Sed ubi apud nos emendatio, aut quæ pars Romani orbis, quamvis afflictæ corrigitur? Omnes enim, ut legimus, *declinaverunt, simul inutiles facti sunt*, Et ideo propheta clamat ad Deum, & dicit: *Percussisti eos, & non doluerunt, attrivisti eos, & renuerunt accipere disciplinam. Induraverunt*

Psal. 52.

Ier. 5.

verunt facies suas super petram, & noluerunt reverti. Quàm verè autem etiam in nos hoc cadat, res ipsa indicat. Vastata est diu Gallia, ergo emendata est cùm vicina esset Hispania? Nec immeritò, quia nullus erat omnino timor, nulla correctio, Flammis, quibus arserant Galli, Hispani ardere ceperunt. In quo illud est, ut suprà dixi, sceleratissimum, & gravissimum: quòd cùm arserint, ut ita dicam, membra hominum peccatorum, curata non sunt vitia peccantium. Et ideò compulsus est criminibus nostris Deus, ut hostiles plagas de loco in locum, de orbe in orbem spargeret, & excitatas penè ab ultimis terræ finibus gentes etiam trans mare mitteret, quæ Afrorum scelera punirèt. Quid enim? Nunquid abductæ à solo patrio degere intra Gallias non potuerunt? aut ne degerent, quem timebant, cùm ille se à nobis usq. ad tempus illud cuncta vastaverint? Sed estò intra Gallias formidabant, quid in Hispania, ubi exercitus nostros etiam bellando contriverant? nunquid consistere, aut permanere metuebant, iam victores, iam triumphantes? quibus usq. ad hoc fortitudinis factum contingeret, ascendere, & post experimèta belli diu parati intelligerent, sibi Romanæ Reipub. vires, etiam cum barbarorum auxiliis, pares esse non posse. Potuerunt ergo illic degere, nec timebant: sed illa utiq. cœlestis manus, quæ eos ad punienda Hispanorum flagitia illuc traxerat, etiam ad vastandam Africam transire cogebat. Ipsi denique fatebantur, non suum esse, quod facerèt: agi. n. se divino iussu, ac perurgeri: ex quo intelligi potest, quanta sint mala nostra,

Iſa. 36.

Ierem. 5.

ad quos vastandos, atque cruciandos ire barbari cōpelluntur inviti, secundū illud .ſ. quod vastator terræ Israeliticæ rex Assyriorum ait: *Nunquid sine Domini voluntate ascendi in locum istum? Dominus dixit mihi: Ascende ad terrā hanc, & demolire eam.* Et alibi sacer sermo: *Hoc dicit Dominus exercituum Deus Israel: ecce ego mittam, & assumam Nabuchodonosor regem Babylonis servum meum, veniensq. percutiet terram Aegypti.* Vndē agnoscere possumus, cuncta quidem, quæ affliguntur, iudicio Dei percuti, sed tamen, ut sæpe memoravi, propter peccata subverti. Ac per hoc quicquid actum est, peccatis, non Deo ascribendum: quia rectē illi rei factum ascribitur, quæ, ut ita fieret, exegit. Nam & homicida cū à iudice occiditur, suo scelere punitur, & latro, aut sacrilegus, cū flammis exurit, suis criminibus concrematur. Vndē & quod Vandali ad Africā transferunt, non est divinæ severitati, sed Afrorum sceleri deputandum. Gravi enim eos antequam illuc pergerent, ac longā iniquitate traxerunt. Et ideo intelligere debemus, quia pietatis divinæ fuit, quod pœnam diu debitam distulit: piaculorum autem, & criminum, quod aliquando peccator populus, quæ merebatur, accepit: nisi fortē Afros hoc non meruisse, credimus, cū utique nulli magis, neputē in quos omnia simul improbitatum, atq. impuritatum genera confluxerint. Cæteri enim homines, etsi nonnullis flagitiorum vitiis obligati sunt, quibusdam tamen non implicantur: etsi vinolentia non carent, malivolentia carent: etsi libidine estuant, rapacitati non servant.

Mul-

Multos denique, etsi accusat incontinentia corporum, simplicitas commendat animorum. In Afris penè omnibus nihil horum est, quod ad utrumque pertineat, id est, bonum, equè, ac malum, quia totum admodum malum. Adeò exclusa naturæ originalis synceritate, aliam quodammodo in his naturam vitia fecerunt. Exceptis enim paucissimis Dei servis, ubi non omnia execratione digna? Gothorum gens perfida, sed pudica est: Alanorum impudica, sed minus perfida: Franci mendaces, sed hospitales: Saxones crudelitate efferi, sed castitate venerandi. Omnes denique gentes habent sicut peculiaria mala, ita etiam quædam bona. In Afris penè omnibus nescio, quid non malum. Si accusanda est inhumanitas, inhumani sunt. Si ebrietas, ebriosi sunt. Si falsitas, fallacissimi. Si dolus, fraudulentissimi. Si cupiditas, cupidissimi. Si perfidia, perfidissimi. Impuritas eorum, atque blasphemia his omnibus admiscenda non sunt: quia illi, quæ supra diximus malis, aliorum gentium vitia, his autem etiam sua ipsorum vicerunt. Ac primùm, ut de impuritate dicamus, quis nescit, Africam totam obscænis libidinum cædis semper arsisse: non ut terram, ac sedem hominum, sed ut Æthnam, putes, impudicarum fuisse flammaram. Nam sicut Æthna intestinis quibusdam naturæ ferventis ardoribus, sic illa abominandis iugiter fornicationum ignibus æstuavit. Nec volo in hac re, assertionibus meis credi, testimonium requiratur generis humani. Quis non omnes omnino Afros impudicos generaliter sciat, nisi fortè ad Deum conversos,

*Consula
in nota-
tionibus
ult. not.
cum hoc
asterismo*

id est, fide, ac religione mutatos. Sed hoc tam rarum est, ac novum, quàm rarum videri potest quemlibet Gaium non esse Gaium, aut quècumq. Seium non esse Seium. Tà infrequēs est. n. hoc, & inusitatum, impudicum non esse Afrum, quàm novum, & inauditum, Afrum non esse Afrum. Ita enim generale in eis malum impuritatis est, ut quicumque ex eis impudicus esse desierit, Afer non esse videatur. Nec discurrā per loca singula, aut cunctas discutiā civitates, ne studiosè videar querere, aut investigare, quæ dicam: una tantum universarum illic urbium princeps, & quasi matre contentus sum, illa scilicet Romanis arcibus semper æmula, armis quondam, & fortitudine, post splendore, & dignitate Carthaginem dico, & urbi Romæ maximè adversariam, & in Africano orbe quasi Romam, quæ mihi idèò in exemplum, ac testimonium sola sufficit: quia universa penitus, quibus in toto mundo disciplina Reipublice, vel procuratur, vel regitur, in se habuit. Illic enim omnia officiorum publicorum instrumenta, illic artium liberalium scholæ, illic philosophorum officinæ, cuncta denique, vel linguarum gymnasia, vel morum, illic quoque etiam copiarum militares, & regentes militiam potentes, illic honor proconsularis, illic quotidianus iudex & rector, quantum ad nomen quidem proconsul, sed quantum ad potentiam consul: illic quoque omnes rerum dispensatores, & differentes inter se tam gradu, quàm vocabulo dignitates, omnium ut ita dicam, platearum, & com-

& compitorum procuratores, cuncta ferme,
& loca urbis, & membra populi gubernantes.
Hac ergo tantum contenti sumus ad exemplum,
ac testimonium ceteratum, ut intelligamus
scilicet, quales illae fuerunt civitates, quae mi-
nores habuerunt probi officii procuraciones,
cum viderimus, qualis extiterit, ubi summi
semper fuere rectores. Quo loco prope est,
ut poeniteat me professionis meae, id est, quod
superius sponendi, cunctis prope Afrorum
criminibus praetermissis, de impuritatibus pra-
cipue, ac blasphemis eorum, me esse dictu-
rum. Video enim quasi scaturientem visis ci-
vitatem, video urbem omnium iniquitatum
genere furem: plenam quidem turbis, sed
magis turpitudinibus: plenam divitiis, sed
magis vitiis: vincentes se invicem homines ne-
quitia flagitiorum suorum, alios rapacitate,
alios impuritate certantes, alios vino languidos,
alios cruditate distictos, hos fertis redimitos, il-
los unguetis oblitos, cunctos vario luxus marcere
perditos, sed penè omnes una errorum morte pro-
stratos, non omnes vinolentia temulentos, sed
omnes peccatis ebrios. Populos putares non
sani status, non sui sensus, non animo incolumes,
non gradu, quasi in morem baccharum crapulae
catervatim inservientes. Iam verò illud cuius-
modi, aut quam grave, genere quidè dispar, sed
iniquitate, non dispar, nisi fortè in hoc dispar,
quia malus. Proscriptio es dico orphanorum,
viduarum afflictiones, pauperum cruces, qui in-
gemiscentes quotidie ad Deum, finem malorum

precantes, & quod gravissimum est, interdum vi nimix amaritudinis, etiam adventum hostium postulantes, aliquando à Deo impetraverunt, ut everisionem tandem à barbaris, in commune tolerarét, quam soli ante à Romanis toleraverant. Sed estò hæc omnia prætermittantur, quia, & in toto fermè aguntur orbe Romano, & spopondi, me de his malis, hoc loco pauca dicturum.. Quid ergo impudicitia, atque impuritas, de qua loquor, nunquid non ad everisionem Afrorum sola sufficeret? quæ enim fuit pars civitatis non plena sordibus? quæ intra urbem platea, aut semita non lupanar? Adeò penè omnia compita, omnes vias, quasi foveæ libidinum interceperant, aut quasi retia prætexerant, ut etiam, qui ab hac re penitus abhorrerét, tamen vitare vix possent. Latronum quodammodo excubias videres, commeantium viatorum spolia captantes, qui insidiarum frequentium densitate, ita admodum calles, omnes anfractus, ac diverticula sepsissent, ut nullus fermè tam cautus esset, qui non in aliquos insidiarum laqueos incurreret, etiam qui se de plurimis expedisset. Fœtebant, ut ita dixerim, cuncti urbis illius cives, cœno libidinis, spurcum sibi metipsis mutux impudiciæ nidorem exhalantes. Sed horri eistamen horrida ista non erant, quia idem omnes horror infecerat. Vnam illic putes, fuisse libidinum, fornicationumque sentinam, cœnum quasi ex omni platearum, & cloacarum labe collectum. Et quæ illic spes esse poterat, ubi præter id, quod in Domini tēplo erat, nihil videri penitus, nisi sordidū nō
lice-

licebat? Quamquam, quid dicam in Dei templo? hoc quippe totum ad sacerdotes tantum, & clerum pertinet, quos non discutio, quia Domini mei ministerio reverentiam servo: & quos ita solos puros, arbitror, fuisse in altario, sicut, pereuntibus Sodomis, solum Loth fuisse in monte legimus. Ceterum, quantum ad plebem pertinet, quis in illo numero castus fuit? Castum dico? quis non fornicarius, non adulter, & hoc sine cessatione, sine termino? Rursum clamitem itaque est, necesse. Quæ spes in illo populo esse poterat, ubi cum unus interdum adulter plebem ecclesiasticam polluat, ibi inter tot millia si diligentissime quæreret, castum, vel in Ecclesia, reperire vix posses. Plus multò dicam, utinam hæc essent sola, quæ diximus, & contenta illic virorum impuritas fuisset, solis sordidarum mulierum fornicationibus inquinari. Illud gravius, & scelestius, quòd illa, de quibus beatus apostolus Paulus cum summa animi lamentatione conqueritur, in Afris penè omnia fuerunt: scilicet quia masculi, relicto naturali usu foemine, exarserunt in desideriis suis in invicem, masculi in masculos turpitudinem exercentes, & mercedem, quam oportuit, erroris sui in semet ipsis recipientes. Et sicut non probaverunt, Deum se habere in notitia, tradidit illos in reprobum sensum, ut facerent, quæ non convenit. Nunquid hoc beatus Apostolus de barbaris, aut feris gentibus dixit? non utique, sed de nobis, id est specialiter de Romanis: quos quidem Afris, quia nequaquam olim vincere imperio, ac sublimitate valuerunt, quod potuerunt unum,

Gen. 19

Rom. 1

impuritate vicerunt. Quicumq. ergo iure, se mihi irasci, putat, magis Apostolo irascatur, scilicet quia quod dicimus nos, fuisse Afros, hoc ille dixit, dominos eorum esse Romanos. Sed fortè id vel occultum, quod loquimur erat, & saltem hoc providebant procuratores, ne publicæ passim disciplinæ oculos, civitatis scelera propalata polluerent. Quod si factum utique fuisset, quamvis multi extitissent opere ipso sordidi, non omnes tamen fuerant visu, atq. animo sordidati: & solet res flagitiosa, quando agitur occultè, fidem facinoris non mereri. Supra autem omnem monstruosi piaculi execrationem est, scelus summum admittere, & pudorem sceleris non habere. Quid, rogo, fieri illic prodigiosius potuit? in urbe Christiana, in urbe ecclesiastica, quam quondam doctrinis suis apostoli instituerant, quam passionibus suis martyres coronarant, viri in semetipsis scēminas profitebantur, & hoc sine pudoris umbraculo, sine ullo verecundiæ amictu, ac si parum quippe piaculi esset, si malo illo malorum tantum inquinarentur autores: per publicam sceleris professionem, fiebat etiam scelus integræ civitatis. Videbat quippe hæc universa civitas, & patiebatur: videbant iudices, & acquiescebant: populus videbat, & applaudebat: ac sic diffuso per totam urbem dedecoris, scelerisque consortio, etsi commune hoc omnibus non faciebant ætus, commune omnibus faciebat assensus. Sed finis aliquis forsitan mali, aut emendatio aliqua labis istius fuit? Quis credere, aut audire etiam possit, convertisse in muliebrem

tolerantiam viros, non usum suum tantum, atque naturam, sed etiam vultum, incessum, habitum, & totum quicquid penitus, aut in sexu est, aut in usu viri: adeò versa in diversum omnia erant, ut cum viris nihil magis pudori esse oporteat, quam si muliebre aliquid in se habere videantur: illic nihil viris quibusdam turpius videretur, quam si in aliquo viri viderentur. Sed paucorum hoc, inquis, dedecus fuit: & quod non à pluribus perpetratum est, cunctis nocere non potuit. Iam quidem supra dixi sæpissimè, in Dei populo etiam unius facinus pestem fuisse multorum: sicut ex furto Achar fugit populus, sicut ex zelo Saulis exorta est pestilentia, sicut ex David numeratione mortalitas: ita est enim Dei Ecclesia quasi oculus. Nam ut in oculum etiam si parva sordes incidat, totum lumen obcecat: sic in ecclesiastico corpore, etiamsi pauci sordida faciant, propè totum ecclesiastici splendoris lumen offuscant. Et ideò Salvator ipse principale Ecclesiæ partem, oculum nominavit, dicens: *Lucerna corporis tui, est oculus tuus. Si oculus tuus fuerit simplex, totum corpus tuum lucidum erit. Si autem oculus tuus nequam fuerit, totum corpus tuum tenebrosum erit.* Vnde & Apostolus: *Nescitis, inquit, quia modicum fermenti totam massam corrumpit:* quamvis ego illic non modicum de hoc malo, sed nimis, fuisse dicam, non quia molles plurimi fuerint, sed quia molities paucorum, labes est plurimorum. Nam etsi pauci sunt, qui dedecorosa sustineant, multi tamen sunt, qui paucorum sordibus polluantur. Quemadmodum enim una meretrix multos

Iosue 7.

1 Reg.

19.

2. Reg.

24.

Matt. 6

1. Cor. 5

for-

1. Cor. 6.

fornicatores facit, sic plurimam populi partem inquinat paucorum effeminatorum abominanda permixtio. Et nescio, qui eorum ante Deum deteriores sint, cum equali in scriptis sacris sorte damnentur. *Neque molles enim, inquit, neque masculorum concubitores regnum Dei possidebunt.* Illud ergo magis ingemiscendum, atque lugendum est, quod tale hoc scelus, crimen etiam totius Reipub. videbatur. Et universa Romani nominis dignitas, facinoris prodigiosi inurebatur infamia. Cum enim muliebrem habitum viri sumerent, & magis muliebrem gradum fingerent, cum indicia quedam sibi monstruose impuritatis innecterent, & femineis tegminum illigamentis capita velarent, atque hoc publice in civitate Romana, urbe illic summa, & celeberrima: quid aliud, quam Romani imperij dedecus erat, ut in medio Reipub. sinu execrandissimum nefas palam liceret admitti? Potestas quippe magna, & potentissima, que inhibere scelus maximum potest, quasi probat, debere fieri, si sciens patitur perpetrari. In cuius enim manu est, ut prohibeat, iubet agi, si non prohibet, admitti. Iterum quia dolor exigit, ab his, qui irascuntur, requiro, in quibus hæc barbaris gentibus, aut facta sint unquam, aut fieri publica impunitate, licuerit? Denique, ne longius de hac re ambigere, aut investigare necesse sit, ipsos illos Africæ vastatores, Afrorum populis comparemus. Videamus, quid simile à Vandalis factum sit, & certè barbari elatione tumidi, victoria superbi, deliciarum, ac divitiarum affluentia dissoluti: qui profectò, etiam si conti-

nen-

mentissimi, & castissimi semper fuissent, mutari
tamen tanta rerum obsecundantium felicitate
potuerunt: ingressi scilicet, ut divinis liceris
scriptum est, terram lacte, & melle manantem,
fecundam, opulentissimam, omnium delicia-
rum copiis, quasi ebriam; in qua utique minimè
mirum fuerat, si luxuriasset gens barbara, ubi
similis quodammodo luxurianti erat ipsa natu-
ra. Ingressos hæc loca Vandalos, quis non
putet, omni se vitiorum, atque impuritatum
œno immersisse, aut, ut levissimè dicam, saltem
illa fecisse, quæ ab Afris iugiter facta fuerant,
in quorum iura migrarant, & certè ob ea tan-
tùm continentissimi, ac modestissimi indicandi
erant, quos non fecisset corruptiores ipsa felici-
tas. Quotus enim quisque sapientium est, quem
secunda non mutant, cui non crescat cum pro-
peritate vitiositas: ac per hoc temperatissimos
fuisse Vandalos est certum, si quales illi fuerant,
qui capti, ac subiugati sunt, tales illi fuissent vi-
ctores. Igitur in tanta affluentia rerum, atque
luxuria, nullus eorum mollis effectus est. Nun-
quid parùm videtur? certè familiariter etiam hoc
nobiles fuere Romani. Sed quid adhuc addo?
in illis nullus, vel qui Romanorum illic mollium
pollueretur incestu. Certè hoc apud Romanos
iampridem tale existimatum est, ut virtus po-
tius putaretur esse, quàm vitium, & illi se magis
viribus præditos esse, crederent, qui maximè
viros fœminei usus probrositate fregissent. Vnde
etiam illud fuit, quòd lixis puerorum quondam
exercitus prosequentibus, hæc quasi benè meritis
expeditionibus stipendia laboris decerneban-

Exodi 32

10

11

tur,

12

tur, ut quia viri fortes essent, viros in mulieres demutarent. Proh nefas! & hoc Romani? plus addo: & hoc Romani non huius temporis: at- tamen, ne veteres accusemus, Romani, sed non antiqui, iam scilicet corrupti, iam dissoluti, iam sibi, & suis dispares, & Græcis, quàm Romanis similiores, ut quod iam diximus, minimè mirū sit, si Romana Respublica aliquando patitur, quod iamdiu meretur. Hæc ergo impuritas in Romanis, & ante Christi Evangelium esse cœ- pit, & quod est gravius nec post Evangelia ces- savit. Et quis post hæc non admiretur, populos Vvandalorum, qui ingressi urbem opulentissi- mam, ubi hæc omnia passim agebantur, ita de- litias corruptorum hominum adepti sunt, quo corruptelas morum repudiarent, & usum bono- rum possiderent, malorum inquinamenta vitan- tes. Sufficere igitur ad laudem eorum hæc pos- sunt talia, etiamsi alia non dicam: abominati enim sunt virorum impuritates. Plus adhuc addo; abominati etiam fœminarum, horruerunt lustra, ac lupanaria, horruerunt concubitus, contactusque meretricum. Nunquid hoc cre- dibile ullis videri potest, Romanos hæc admi- sisse, barbaros horruisse? aut nunquid est post ista, quæ dicimus, quod dici posse videatur? Sed est tamen, & multò plus est. Nam quòd vitasse eos res fœdas diximus, minus est. Potest enim quis in honesta horrere, non tollere: illud ma- gni, & singularis est meriti, non solum ipsum labe non pollui, sed providere etiam, ne un- quam alii polluantur. Procurator enim est quo- dammodo salutis humanæ, qui non tantum id agit

agit, ut ipse bonus sit, sed efficere hoc nititur, ut alii mali esse desistant. Grande est profectò, quod dicimus, grande ac supereminens. Quis credat, Vandalos in civitatibus Romanis ista fecisse? Remota quippe est illis omnis carnis impuritas. At quomodo remota? non sicut removeri aliqua à Romanis solent: qui statuunt, non adulterandum, & primi adulterant: statuunt, non furandum, & furantur: quamvis penè non possim dicere, quòd furentur: non enim sunt, quæ agunt, furta, sed latrocinia. Punit enim iudex in alio peculatum, cùm sit ipse peculator: punit rapinam, cùm sit ipse raptor, punit sicarium, cùm sit ipse gladiator: punit effractores claustrorum, & ostiorum, cùm sit ipse everfor urbium, punit expoliatores domorum, cùm ipse sit expoliator civitatum, atque provinciarum. Atque utinam illi tantùm, qui in potestate sunt positi, & quibus ius exercendorum latrociniorum honor ipse largitur. Illud gravius, ac magis intolerabile, quòd hoc faciunt, & privati iisdem ante honoribus functi. Tantùm eis adeptus semel honor dat beneficii, ut semper habeant ius latrocinandi. Aded etiam cùm destiterint ad ministrandum potestatem habere publicam, non desinunt tamen ad latrocinandum potestatem habere privatam, ac si levior est potestas illa, quam habuerunt iudices, quàm hæc, quam privati habent. In illa enim sæpè eis succeditur, in hac nunquam. Ecce quid valeant statuta legum, ecce quid proficit definitio sanctionū, quæ illi spernunt maximè, qui ministrant. Sanè ad parèdum

hu-

humiles, abiectique coguntur; compelluntur iussis obtemperare pauperuli: & nisi obtemperaverint, puniuntur. Eandem enim rationem habent in hac re, quàm in tributis. Soli iussis publicis serviunt, sicut soli tributa solvunt, ac sic in ipsis legibus & in ipsa iusta rerum præceptionem maximam iniustitiæ scelus agitur, cum ea minores, quasi sacra observare coguntur, quæ maiores iugiter, quasi nulla conculcant. Excessu paulisper cœptum sermonis ordinem, rerum indignitate compulsus. Nunc ad superiora redeamus. Diximus quippe plenas fuisse impuritatibus monstruosis Africæ civitates, & præcipue illic reginam, & quasi dominam. Vandalos autem iis omnibus non fuisse pollutos. Non tales ergo isti, de quibus loquimur, barbari ad emendandam nostrarum turpitudinum labem extiterunt; abstulerunt enim de omni Africâ sordes virorum mollium, contagiones etiam horruere meretricum; nec horruerunt tantum, aut temporariè submoverunt, sed penitus iam esse non fecerunt. O pie Domine, ò salvator bone, quantum efficiunt per te studia disciplinæ, per quæ mutari possunt vitia naturæ, sicut ab illis scilicet immutata sunt: at quomodo immutata? Interest enim non solum effectus rerum, sed etiam effectuum causas dicere. Difficile est quippe impudicitiam verbo, aut iussione tolli, nisi fuerit ablata: & difficile est, pudicitiam verbo exigi, nisi fuerit exacta. Quod isti utique scientes sic impudicitiam summovertunt, quod impudicas conservaverunt, non interficientes mulierculas infelices: ne vitiorum curam crudeli-

delitate respergerent, & dum peccata auferre cuperent, ipsi in peccatorum refecatione peccarent. Sed ita errantes emendaverunt, ut factum eorum medicina esset, pœna non esset: iusserunt siquidem, & compulerunt omnes ad maritalem thorum transire meretrices. Scorta in connubia verterunt, implentes scilicet Apostoli dictum atque mandatum. Et ut unaquæque mulier virum habeat suum, & unusquisque vir coniugem suam, ut quia cohiberi incontinentia sine hac carnalis usus permixtione non posset, ita legitimum usum calor corporalis acciperet, ut peccatum incontinentia non haberet. In quo quidem non id tantummodo provisum est, ut viros feminae haberent, quæ sine viris esse non possent, sed etiam ut per conservatores domesticos salva essent; quæ seipsas servare nescirent, & adherentes iugiter gubernaculo maritali, etiam si ad improbum eas facinus consuetudo anteactæ impuritatis illiceret, conjugalis tamen custodia ab improbitate prohiberet. Ad diderunt quoque ad libidinem comprimendam, severas pudicitia sanctiones, decretorum gladio impudicitiam coercentes, ut puritatem scilicet utriusque sexus, & domi connubij servaret affectus, & in publico metus legum: ac sic duplici præsidio castimonia niteretur, cum & intus esset quod amaretur, & foris quod timeretur. Leges autem illorum nequaquam illis sunt legibus consentaneæ, quæ ita partem improbitatis remonent, ut partem obscœnitatis admittant, ut Romana illa decreta, quæ scortatores quidem ab alienis uxoribus removerunt, ad omnes au-

tem

rem solitarias passim admiserunt; adulteria ventantes, lupanaria ædificantes. Timuerunt videlicet, ne nimis casti homines, ac puri essent, si ab omni eos penitus impuritate prohiberent. At non barbari, quoniam Romani non sunt. Parum est quod dicimus. Quæ nobis, rogo, ante Deum, aut vitæ esse, aut veniæ spes potest, quando castitatem in barbaris cernimus, & nos sic casti sumus? Erubescamus, quæso, & confundamur. Iam apud Gothos impudici non sunt; nisi Romani, iam apud Vandalos, nec Romani. Tantum apud illos profecit studium castimoniam, tantum severitas disciplinæ, non solum, quod ipsi casti sint, sed ut rem dicamus novam, rem incredibilem, rem penè etiam inauditam, castos etiam Romanos esse fecerunt. Si infirmitas id humana pateretur, exclamare super vires meas cuperem, ut toto orbe resonarem. Pudeat vos Romani ubique populi, pudeat vitæ vestræ, nullæ penè urbes lustris, nullæ omnino impuritatibus vacant, nisi illæ tantum in quibus barbari esse cœperunt. Et miramur, si miseri, qui tam impuri sumus, miramur, si ab hoste viribus vincimur, qui honestate superamur? Miramur, si bona nostra possident, qui mala nostra execrantur. Nec illos naturale robur corporum facit vincere, nec nos naturæ infirmitas vinci. Nemo sibi aliud persuadeat, nemo aliud arbitretur, sola nos morum nostrorum vitia vicerunt.

Vitia nos
vicerunt

LIBER OCTAVVS.

ARGVMENTVM.

Voluntatem a permissione dleina in supplicijs hominum non multum distare affirmat. Aforum blasphemias prius in Deum, & deinde servorum Dei irrisiones enumerat; feliciterque inceptum de Providentia opus absolvit.

ARbitror, imò certus sum, fastidiosam plurimis styli huius prolixitatem fore, maximè quia morum nostrorum vitia castigat. Omnes enim admodum se laudari, volunt. Nulli grata reprehensio est, imò, quod peius, multò est quamlibet malus, quamlibet perditus mavult mendaciter prædicari, quàm iure reprehendi, & falsarum laudum irrisionibus decipi, quàm saluberrima admonitione ferveri. Et cum hæc ita sint, quid agendum est? nunquid voluntati improborum hominum serviendum? aut si sibi illi etiam frivolas laudes deferri volunt, decet nos frivola, atque irridenda deferre? maximè cum à fidelibus viris, nec illi quidem irrideri debeant, qui se rideri volunt: sicut ne illi quidem mendaciter prædicari, qui se cupiunt titulo falsæ laudis orpari: quia non tam illud quod unusquisque eorum cupiat audire, quàm quid nos dicere, deceat, considerandum est: præcipuè cum propheta dicat: *Va illis, qui dicunt dulce, amarum, aut, amarum, dulce*: ac per hoc modis omnibus tenenda veritas, ut quod in re est, hoc & in verbis sit: quæ in se dulcedinem habent, dulciâ: quæ amaritudinem,

O

ama-

amara dicantur : præsertim nunc in negotio sacro, ubi à plurimis nostræ iniquitates, tamquam Deo dulces existimantur : & ne accusabiles ipsi esse videantur, Deum accusare præsumunt. Cum enim eum incuriosum, & negligentem, resque humanas, aut non ex iudicio gubernare, aut etiam nec gubernare, blasphemant : quid aliud utique Deum, quàm inertie, & abusionis, & iniquitatis accusant? O humanæ insipientiæ cecitatem! O insanæ temeritatis furorem! Deum ergo, ò homo, incuriosum, ac negligentem vocas. Si quemlibet ingenuorum hominum hac contumelia ledere, iniuriarum insolentium reus esses: certè si illustriorem quempiam, aut sublimiorem, etiam censuram iuris publici sustineres. Pupillis enim, vel maximè prodigis hæc obiiiciuntur opprobria, perditorum hoc adolescentium speciale convicium est, ut abusores scilicet, & incuriosi, ac negligentes rerum suarum esse dicantur. O sacrilegæ voces, O profanæ procacitates! Deum ergo hoc esse dicimus, quod etiam inter homines non nisi perditissimos nuncupamus, quamvis non sola ista dicantur. Nota quippe ei, ut ante iam dixi, etiam iniquitatis impingitur. Si enim nos, quæ patimur, non meremur, & indigni miseriarum præsentium tolerantia sumus, iniustum utiq. Deum dicimus, qui nos iubeat, mala indigna tolerare. Sed non tam, inquis, iubet, quàm permittit: acquiescamus, hoc ita esse: sed quàm longe, quæso, est à iubente permittens? qui enim sinit, nos ista perferre, & prohibere potest, ne perferamus, probat absq. dubio, debere perferre, & quæ-

& quæcunque patimur, sustinere. Vnde videmus, quia iudicij est, sed iusta permissio: ita isti, de quibus loquimur, qui sic inhibuerunt scorta, ut adulteria; qui & fœminas nullis, voluerunt esse fœminas, nisi maritis suis, & viros nullis, voluerunt, mulieribus esse masculos, nisi uxoribus suis. Qui evagari obscœnas libidines extra legitimum thorum non sinunt, leges suas scilicet ad divinę legis regulam dirigentes, ut nihil sibi in hac re crederent, licere, quod Deus voluit, non licere. Et ideo non putaverunt à se ulli homini permittendum, nisi quod fuisset omnibus à divinitate permissum. Scio, quàm intolerabilia quibusdam videantur ista, quæ diximus, sed ratione rerum agendum est, non libidine voluptatum. Dicat mihi quisquis ille est, qui indignatur, me ita dicere. Numquid non sapientissimus omnium Socrates semper existimatus testimonio .s. etiã Delphici demonis; qui, quasi princeps philosophorum, sic, ut demoniorum erat. Videamus ergo, quas Socrates de pudicitia leges sanxerit, & quas illi, de quibus loquimur. *Uxorem*, inquit Socrates, propriam nullus habeat, matrimonia enim cunctis debent esse communia: sic namque maior erit concordia civitatum, si omnes viri feminis sine discretionem omnibus misceantur, & omnes fœminæ se omnibus viris sine distinctione substernant: ac sic fiant omnes viri omnium mulierum mariti, omnes fœminæ virorum omnium uxores. Nunquid ullum unquam, aut freneticum, aut demoniacum varia insaniarum labe furiosum, tale aliquid locutum esse, agnovimus? Tu dicis maximè phi-

2

Socrates
de communibus
uxoribus

loſophorum hac ratione omnes viros eſſe fœminarum omnium maritos , & omnes fœminas virorum omnium uxores , & parvulos omnes omnium filios : at ego hac rationē dico , neque ullum virum ullius fœminæ maritum , neque ullam mulierem ullius mariti uxorem , neque ullum pignus ullius parentis filium . Vbi enim promiſcua omnia , & confuſa ſunt , nemo eſt qui ſuum poſſit aliquid vendicare . Nec ſuffecit ſapientiffimo , ut quidam aiunt , philoſopho docere hoc , niſi ipſe feciſſet , uxorem enim ſuam alteri viro tradidit . Scilicet ſicut etiam Romanus Cato id eſt , alius Italiæ Socrates . Ecce quæ & Romanæ , & Atticæ ſapientiæ exempla , omnes penitus maritos , quantum in iſtis fuit , lenones uxorum ſuarum eſſe fecerunt . Sed vicit tamen Socrates . qui de hac re , & libros condidit , & memoriæ hæc pudenda mandavit . Plus habet , unde gloriari præceptis ſuis poſſit . Quantum ad doctrinam ſuam pertinet , lupanar enim fecit mundo . Iniuſtè damnatus dicitur à iudicibus , & verum eſt . Rectius enim hæc eum talia prædicantem genus damnaret humanum , ſicut abſque dubio damnavit . Nam cùm in hac re doctrinam eius omnes repudiaverint , omnes eam non ſolùm ſententiæ autoritate , ſed quod multò maius eſt , vitæ electione damnaverunt , & rectè . Conferantur enim cum iis , quæ ille conſtituit , illa , quæ ſtatuerunt ij , quos dominari Africæ Deus iuſſit . Statuit ille , ut nullus penitus haberet uxorem ſuam , iſti , ut nullus penitus non ſuam : ille , ut omnis fœmina viris omnibus ſubiaceret , iſti , ut nulla fœmina alium ,
quàm

quàm suum virum nosceret, ille generationem mixtam, atque confusam, isti puram, & ordinatam: ille omnes domos scortari voluit, isti nullam: ille in cunctis habitaculis lupanaria est conatus ædificare: isti etiam civitatibus sustulerunt: ille prostare voluit omnes virgines: isti castas fecere meretrices: atque utinam hic Socratis tantum error fuisset, non & complurium Romanorum, ac penè omnium, qui etsi nequaquam Socratis vitam in cæteris, in hac re tamen Socratica instituta sectantur, quia, & complures viri uxores plurimas singuli, & innumere mulieres viros complures singule habent, omnes denique civitates, nunquid non lustris plenæ sunt, ac lupanaribus scortent? Et quid dixi omnes? certè nobilissimæ queq. ac sublimi adeò dignitate: quæ etiam prærogativa est honorum in magnis urbibus, ut quantum præcellunt ceteris magnitudine, tantum præstent impuritate. Et quæ esse, rogo, Romano statui spes potest, quando castiores ac puriores sunt, de quibus dixi? ex sententia superna certè est, quòd patimur. Cùm enim sint omnia ditionis sacre, & nutu Dei cuncta moderentur, quicquid malorum quotidie penarumque perferimus, censura est divinæ manus: quâ utiq. censuram nos inardescere facimus, & peccatis nostris jugiter commovemus. Nos celestis ire ignem accendimus, & excitamus incēdia, quibus ardeamus, ut rectè utique quoties mala ista perferimus, etiam ad nos dici illud propheticum possit: *Ite in flammā ignis, quam accendistis.* Ac per hoc iuxta sententiam sacram: Ipse sibi parat peccator quisque, quòd patitur. Nihil est itaq.

*Magnæ
urbes im-
puriores.*

Esai. 50.

Psal. 7.

quòd

quod de calamitatibus nostris Deo imputare
possimus. Nos calamitatum nostrarum autores
sumus. Deus enim pius est, & misericors, & qui,
1. *Ti* 2. ut scriptum est, neminem velit perire, vel lade-
re. Nos ergo adversum nos omnia facimus. Ni-
hilitaque, nihil est in nobis, crudelius nobis.
Nos, inquam, nos etiam, Deo nolente, crucia-
mur. Sed videlicet adversum meipsum dicere
arbitror, qui cum superius dixerim, ob peccata
nostra nos puniri à Deo, nunc dicam, nos pu-
niri à nobis ipsis. Vtrumque verum est, à Deo
quippe punimur, sed ipsi facimus, ut punia-
mur. Cum autem punire nos ipsi facimus, cui
dubium est, quin ipsi nos nostris criminibus pu-
niamus: quia quicumque dat causam, qua pu-
niatur, ipse se punit, secundum illud: Funibus
Psal. 11 peccatorum suorum unusquisque constringitur.
Ergo si funibus peccatorum suorum perversi ho-
mines alligantur, ipse se absque dubio alligat
peccator quisque, cum peccat. Sed quia de im-
punitate Aſrorum iam multa diximus, nunc de
blasphemiis saltem pauca dicamus. Professa
enim illic iugiter plurimorum paganitas fuit.
4. Habent quippe intra muros patrios intestinum
scelus: Cœlestem scilicet: Aſrorum da-
monem dico, cui ideo reor, veteres pagani tam
speciosæ appellationis titulum dederunt, ut
quia in eo non erat numen, vel nomen aliquod
esset: & quia non habebat aliquam ex potestate
virtutem, haberet saltem ex vocabulo dignita-
tem. Quis ergo illi idolo non initiatus, quis
non à stirpe ipsa, forsitan etiam à nativitate,
devotus? nec loquor de hominibus, sicut vita;
ita

ita etiam professione, ac vocabulo paganis, & qui sicut profani erant errore, sic nomine. Tolerabilior quippe est, & minus nefaria gentilitas in hominibus professionis suæ, illud perniciosius, ac scelestius, quod multi eorum, qui professionem Christo dicaverant, mente idolis serviebant. Quis enim non eorum, qui Christiani appellantur, Cœlestem illum, aut post Christum adoravit, aut quod est peius, multò antè quàm Christum? Quis non dæmoniacorum sacrificiorum nidore plenus, divinæ domus limen intravit, & cum favore ipsorum dæmonum Christi altare conscendit? ut non tam immanis criminis fuisset ad templum Domini non venire, quàm sic venire: quia Christianus, qui ad ecclesiam non venit, negligentia reus est: qui autem sic venit, sacrilegij. Minoris enim piaculi res est, si honor Deo non deferatur, quàm si irrogetur iniuria: ac per hoc quicunque ista fecerunt, non dederunt honorem Deo, sed derogarunt. Nam etiam ipsam quodammodo ecclesiæ salutationem idolo præstiterunt: quia secundi loci officiositas honori illius proficit, cui principalia deferuntur. Ecce, quæ Afrorum, & maxime nobilissimorum fides, quæ religio, quæ Christianitas fuit. Dicebantur Christiani ad contumeliam Christi, cum Apostolus declamaret: *Non potestis calicem Domini bibere, & calicem dæmoniorum. Non potestis mensa Domini participare, & mensa dæmoniorum.* Illis hoc satis non erat, ut cum calice Dei calicem biberent dæmoniorum, nisi illum etiam prætulissent: nec sufficiebat, ut mensam dæmonum mensa

1. Cor. x.

dominicę compararent, nisi post superstitionum nefarium cultum ad Dei templa venientes sacrosanctis Christi altaribus, ductu ipsius diabolici spiritus, spurcissimum nidorem inhalassent. At, inquis, non omnes ista faciebant, sed potentissimi quique, ac sublimissimi. Acquiescamus, hoc ita esse. Sed cum ditissime quęque, ac potentissimę domus turbam faciant civitatis, vides, per paucorum potentium sacrilega superstitione, urbem cunctam fuisse pollutam. Nemini autem dubium est, omnes dominorum familias, aut similes esse dominis, aut deteriores: quamvis hoc usitatus, ut deteriores: ac per hoc cum etiam domini boni servos vel maximę malos habeant, promptum est, intelligere, quales illic familię omnes fuerint, cum serviles animos iam per se malos, etiam dominorum faceret nequitia peiores. Est igitur illa, quę diximus, ad potentissimos quosque, ac nobilissimos pertinuerunt, nunquid illa leviora, quę nobilibus, ignobilibusque communia? odia scilicet, atque execrationes sanctorum omnium dico. Sacrilegij, quippe, genus est, Dei odisse cultores. Sicut enim, si servos nostros quispiam cadat, nos in servorum nostrorum cedit iniuria: Etsi à quocumque filius verberetur alienus, in supplicio filij pietas paterna torquetur: Itā, & cum servus Dei à quocumque leditur, maiestas divina violatur, dicente id ipsum ad apostolos suos Domino: *Qui vos recipit, me recipit, & qui vos spernit, me spernit*. Benignissimus, ac piissimus Dominus, communem sibi cum servis suis, & honorem simul, & contumeliam facit, ne quis cum

Matt. 10

cùm lederet Dei servum, hominem tantùm à se lædi, arbitrarètur: cùm absque dubio iniuriis fervorum dominicorum, Dei admiscetur iniuria, testante id suis Deo affectu indulgentissimo in hunc modum: *Quoniam qui vos tangit, quasi qui tangit pupillam oculi mei.* Ad exprimendam teneritudinem pietatis suę, tenerriam partem humani corporis nominavit, ut apertissimè intelligeremus, eum tam parvā sanctorum suorum contumelia lædi, quàm parvi verberis tactu humani visus acies lederetur. Insectabantur itaque Afri, atque oderant servos Dei, & in iis Deum. Sed quæritur forsitan, quibus modis, probetur odium illorum. Scilicet, quibus etiam Iudeorum odia comprobantur in Christum, cùm dicebant ad eum: *Samaritanus es, & demonium habes:* cùm irridebant, cùm maledicebant, cùm insufflabant in faciem eius, & frendebant dentibus super caput eius. Vnde etiā in Psalmis dicit Salvator ipse, qui pertulit: *Omnes, qui conspiciebant, aspernabantur me, & locuti sunt labiis, & moverunt caput.* Et alibi *Tentaverunt, inquit, me, & deriserunt derisu, frenduerunt in me dentibus suis.* Ita igitur, & in Monachis, id est sanctis Dei, Afrorum probatur odiū, quia irridebant scilicet, quia maledicebant, quia insectabantur, quia detestabantur, quia omnia in illos penè fecerunt, quę in Salvatorem nostrum Iudeorum impietas fecit, antea quàm ad effusionem ipsam divini sanguinis perveniret. Sed isti, inquis, sanctos non occiderunt, sicut Iudeos fecisse, legimus. An occiderint, nescio, non affirmo. Sed tamen magna defensio, si hoc tantum

Zach. 1

Ioan. 8.

Psal. 21.

Ierem. 20

in

1. Io. 3.

in eis de paganorum non fuit persecutio; quod habet persecutio ipsa postremum. Putamus ergo, occisos illic non esse sanctos, sed quid faciemus, quod non sunt longè ab occidentibus, qui animo occisionis oderunt? præsertim cum Dominus ipse dicat: *Qui odit fratrem suum sine causa, homicida est*, quamvis non sine causa persecuti sunt servos Dei. Nam quis dicere possit, quod sine causa, homines .s. omnibus à se vite, ac morū studiis discrepantes, in quibus nihil videbant suum, quoniam Dei totum. Maxima enim causa est discordiarum, diversitas voluntatum: quia fieri, aut omnino non potest, aut vix potest, ut eam rem in alio quisquam diligit, à qua ipse dissentit. Itaque eos non sine causa, ut dixi, oderunt, in quibus omnia sibi æmula, atque inimica cernebant. Illi enim vivebant iugiter in nequitia, isti in innocentia: illi in libidine, isti in castitate: illi in lustris, isti in monasteriis: illi propè iugiter cum diabolo, isti sine cessatione cum Christo. Non sine causa itaque istud fuit, quod intra Africæ civitates, & maxime intra Carthaginis muros palliatum, & pallidum, & recisis comarum fluentium iubis, ad cutem tonsum videre, tam infelix ille populus, quam infidelis sine convitio, atque execratione vix poterat. Et si quando aliquis Dei servus, aut de Ægyptiorum cœnobiis, aut de sacris Hierosolymorum locis, aut de sanctis eremi venerandisq. secretis ad urbem illam officio divini operis accessit, simul ut in populo apparuit, contumelias, sacrilegia, & maledictiones excepit.

Nec

Nec solum hoc , sed improbiſſimis flagitioſorum hominum cachinnis , & deteſtantiſſimis ridentiſſimis ſibilibus , quaſi taureis cadebatur , verè , ut ſi quæ ea inſcius rerum fieri videret , non aliquem hominem ludificari , ſed novum , inauditumque monſtrum abigi , atque exterminari arbitraretur . Ecce Afrorum , & præcipue Carthaginenſium fidem . Tutius quondam apoſtoliſ paganas urbes licuit intrare , & minus primum eorum adventum , atque conſpectum feri illi , atque barbari ſacrilegorum coitus deteſtabantur . Sanctum electionis vas Paulum apoſtolum de unius Dei cultu . & maiestate dicentem , ſuperſtitioſiſſimus licet Athenienſium populus , patienter audivit . Lycaonij autem intantum etiam admirati ſunt , ut cum apoſtoliſ divinas virtutes in eſſe cernerent , eſſe eos homines , non putaverint . Intra Carthaginem verò apparere in plateis & compitis Dei ſervos ſine contumelia , atque execratione , vix licuit . Perſecutionem hoc quidem fuiſſe , non putant ; quia non & ucciſi ſunt . Latrones hoc quidem proverbio uti ſolent , ut quibus non auferant vitam , dediſſe ſe , dicant . Sed in urbe illa non tam hominum fuerunt hæc beneficia , quàm legum . Interfici enim indemnatum quemcunque hominem , etiam duodecim tabularum decreta vetuerunt . Ex quo agnoſcitur , quòd magna illic prærogativa dominicæ religionis fuit , ubi ideo tantum ſervis Dei licuit evadere , quia à pagano iure deſenſi ſunt , ne Chriſtianorum manibus trucidarentur . Et miramur , ſi nunc barbaros illi perferunt , cum videamus quòd fan-

6

AR. 17

Act. 14

Gal. 6.

Jerem. 50

sancti viri in illis barbaros pertulerunt: iustus ergo est Dominus, & iustum iudicium suum. Quæ enim, ut scriptum est, seminarunt, hæc & metunt, ut vere videatur de improbitate illius gentis dixisse Dominum: Reddite ei secundum opus suum, iuxta omnia quæ fecit, facite illi, quia contra Dominum erecta est. Miremur itaque, aut indignemur, quod aliqua nunc illi ab hominibus mala perferant: multo illa maiora sunt, quæ ipsi in Deum antè fecerunt: si iuxta personarum diversitatem existimentur, quæ patiantur, & quæ fecerunt.

Octo Librorum
SALVIANI MASSILIENSIS
EPISCOPI
 De vero Iudicio, & Providentia **DEI**
F I N I S.

Claruit sub Zenone Imperatore
An. Dom. CCCC. LXXX.

SALVIANI

MASSILIENSIS ECCLESIAE

PRESBYTERI

EPISTOLÆ.

*
*
**Argumentum Epistolæ Primæ.*

Sodalibus, ut ex contextu apparet, commendat propinquum suum Adolescentem, Colonia in servitutem abstractum; cuius ope destituta mater Vidua, licet nobilis, barbaris operam suam diesim ad vitam tolerandam locabat.

O AMOR, quid te appellem? nescio: bonum, an malum: dulcem, an asperum: suavem, an jucundum? Ita enim utroque plenus es, ut utrumque esse videaris. Amari à nobis nostris honestum est, lædi acerbum: & tamen hoc eiusdem est interdum animi, eiusdemque pietatis; & cum specie dissentiat, ratione concordat. Amor quippe nos facit nostros amare, amor interdum cogit offendere, utrumque unum est, cum tamen aliud amoris habeat gratiam, aliud odii patiatur offensam. Quàm grave hoc, quæso, mi dilectissimi, aut quàm acerbum est, ut causa odii, amor esse cogatur? Quod quidè cum sæpe aliis, tum etiam mihi accidisse nunc satis vereor, ut dum adolescentem hunc, quem ad vos misi,

tra-

tradere individuis meis cupio, uni studens, multis molestus sum, & amor eius offensa sit ceterorum: quamquam hi, qui satis diligunt, non citò offendantur. Sed ego insinuationem meam minùs gratam fore quibusdam, timens, etiam imminutionem gratiæ, offensam puto. Placere enim dilectis meis plurimùm cupiens, molestiam illorum, reatum meum credo; & nisi eis satis placuero, supplicium displicentis fero. Quamquam hoc metuendum in vobis omnino non sit, qui totum me in vos recipientes, etiam apud alios pro me timeris. Tantùm enim abest, ut displicere ego charitati, ac sensui vestro possim, ut etiam illud mecum reformidetis, ne ego quibusdam fortè displiceam, mi dulcissimi, ac dilectissimi mei. Adolescens, quem ad vos misi, Agrippinæ cum suis captus est, quondam inter suos non parvi nominis, familia non obscurus, domo non despicabilis, & de quo aliquid fortasse ampliùs dicerem, nisi propinquus meus esset. Hoc enim fit, ut minùs dicam, ne de meipso dicere videar, de illo plura dicendo. Matrem ergo is, de quo dico, Agrippinæ viduam reliquit, probam, honestam, & de qua forsitan audacter dicere valeam, verè viduam. Nam præter cæteras castimoniæ, sapientiæque virtutes, est etiam fide nobilis, quæ omnibus semper ornatibus ornamento est: quia sine hac nihil tam ornatum est, quod ornare possit. Hæc ergo, ut audio, tantæ illic inopiæ, atque egestatis est, ut ei nec residendi, nec abeundi facultas suppetat: quia nihil est, quod, vel ad victum, vel ad fugam opituletur; solum est, quòd mer-

mercenario opere victum queritans, uxoribus barbarorum locatitias manus subdit: ita licet per Dei misericordiam vinculis captivitatis exempta sit, cum iam non serviat conditione, servit paupertate. Hęc igitur habere me hic nonnullorum sanctorum gratiam non falso suspicans (Nec enim nego, ne negator gratiæ ingratus siam: sed planè sicut habere me eam, non nego, ita non mereri me, certò scio; intantum, ut etiam si est aliqua in me illa, ego tamen illius causa non sim: quia si qua est in me gratia, obeos, ni fallor, maximè data est, quorum intererat, ut gratus essem: ut verendum forsitan mihi sit, ne negans his, quod propterea eos cœpi, non tam meam rem his negare videar, quam ipsorum.) Hęc igitur, aut id quod est, aut plus quàm est, in me esse existimans, misit ad me hunc, quem ad vos ego fore ut agente me & adjuvante amicorum meorum gratia, propinquorum meorum esset auxilium. Feci ergo id, quod rogatus sum, sed tamen parcè, & apud paucos, ne gratia ipsa ingrātè uterer. Commendavi hunc alijs, commendo vobis: licet non æquè alijs, ut vobis. Primùm quia commendari satis vobis eum, qui est meus, ita ut ipsum me, non necesse est: deinde, quia cum me portionem vestri existimetis, necesse est, eum, qui mei portio est, vestri quoque aliquatenus portionem esse ducatis. Postremò, quòd commendatio ipsa, sicut diversi generis, ita etiam excellentioris est charitatis. Alijs enim commendavi hunc corpore, vobis spiritu: alijs in emolumenta præsensium, vobis in spem futurorum: alijs obbre-

via

via, atque terrena, vobis ob sempiterna, atque divina, & rectè: ut quia carnalia vobis minùs quàm spiritalia dona suppetunt, illa ego magis à vobis peterè, quibus vos magis abundabatis. Suscipite ergo, quæso, hunc, ut mea viscera, & quantum in vobis est, vestra, facite, illicite, & adhortamini, docete, instruite, formate, gignite. Christi Domini misericordia tribuat, ut quia ei id magis expedit, qui nunc propinquus meus est, & cæterorum, vester esse incipiat potius, quàm suorum. Admittite, quæso, hunc in illas beatas, ac sempiternas domus, recipite in sacra horrea, aperite cœlestes thesauros, & ita agite, ac peragite, ut dum hunc in thesaurum vestrum conditis, partem thesaurorum ipsum esse faciatis. Potens est illa ineffabilis Dei pietas, ut dum eum in consortium spiritalium bonorum adoptatis, divitias, quas in ipsum effunditis, per ipsum angeatis. Et sanè si quid in ipso est bonæ indolis, non magnæ vobis difficultatis speseius, ac salus esse debebit, etiam si nihil ex vobis audiat: sufficere ei hoc ipsum convenit, quòd vos videt. Valete.

Argumentum Epist. Secunda.

Elandē cum Eucherio conqueritur Ecclesie Lugdunensis Episcopo, recens creato, non literis, sed voce tabellarii consalutationem abse Salviano suo impertitam. Occasionem hinc sumit suadendi animi demissionem in illo dignitatis culmine nuperrimē adeptō.

Ad Eucherium Epist. II.

EVcherio Episcopo Salvianus. Vrsicinus alumnus tuus salutationem tuam proximē ad me detulit. si non iussus, laudo sapientiam, licet non probem falsitatem: si iussus, miror, quod mandare amoris officium, quā scribere maluisti, hoc est, per servum potius, quā per te dare. Arguo itaque hoc, & emendare volo, si tamen negligentie est, non superbiæ. Pedisse quā enim plerūque novi honoris est arrogātia: licet in te, nec generalis vitii opinio admittenda sit, quia propē singularis est mens, ac benignitas tua. Vnde responderi à te antiquæ existimationi mee, etiam nunc iugiter cupio, ne si in quibusdam officiorum tuorum mos disrepavit, aliquid in te novis honoribus licuisse videatur.

Argumentum Epistola Tertia.

Sibi ignosci petit ab Agricio, sequere reum culpæ, quam negare non audet, accusat.

Ad Agriciū Epistola III.

Agricio Episc. Salvianus. Si excusare inofficiositatem meā apud sanctimoniam tuā cupiam, magis accusandus sim, qui inexcusabile me esse, vel nō agnoscam præ stoliditate, vel nolim præ superbiā confiteri. Nō excuso ergo: augmentū, n. reatus est, innocentiam jactare post culpam.

P

Quid

Quid igitur faciam , cui nec negandi delicti facultas suppetit , nec tuendi ? Negare enim manifesta non audeo , & excusare immodica non possum . Confugiendum mihi itaque ad divinarum est remedia litterarum , quæ maximorum criminum . ***

Argumentum Epistolæ Quartæ .

Hypatium socerum suum cum Quirita uxore lenire conatur in hac Epistola Salvianus , docens , non esse novum Christianis , suscepta una , vel altera per matrimonium prole , à coniugio , etiam voto castitatis de utriusque consensu coniugis nuncupato , abstinere .

Ad Socerum , & Socrum Epist. IV.

YPatio , & Quirita , parentibus Salvianus , Palladia , & Auspiciola Sal. Paulus Apostolus electionis vas , magister fidei , & receptaculum Dei , cum omnes epistolas suas , utpote eloquentissimus vir dictaverit , quibusdam tamen non suum tantum nomen inscripsit : siquidem in aliis Silvani , in nonnullis Timothei , in quibusdam verò utriusque nomini suum nomen adiunxit . Cur id ? primum credo , ut simul esse agnoscerentur , qui simul scriberent : deinde , ut ij , qui separatim ab unoquoque eorum edocti fuerant , scirent , omnium non discrepare sententiam : postremò , ut quos singulorum non movebat auctoritas , omnium saltem moveret assensus . Ita ergo & nos exemplorum ingenium parvi imitatores , ad vos , quos natura parentes , fide fratres , honore dominos habemus , non ut Apostoli illi auctoritate docentium scribimus ,

bimus, sed humilitate famulorum: ut qui hactenus singulorum nostrorum epistolis non moti estis, vel nunc omnium obsecratione moveamini; nosque filios vestros; neque ex superfluo metus sit, * & simul sciatis esse, & unum sentire pariter, & metuere, & æqualiter supplicare. Non quia sciamus, an vos omnibus irascamini, sed quia nos non possumus causa esse divisi. Idem enim nobis admodum metus est; etiam si non eadem videatur offensa. Charitas quippe mutua facit, ut licet vos non utrique forsan succenseatis, uno tamen ex nobis reo, alter sine tristitia reatus esse non possit. Illud sanè est, quod nos contendere in aliquo, & certare mutuo faciat, quod cum ambo filii vestri æqualiter rei simus, plus tamen unusquisque nostrum pro altero, quam pro se timet. Parentes carissimi, parentes reverentissimi, interrogari vos, quesumus, liceat. Ita possunt pignora sic amantia, non amari? Quid tantum mali commeruimus, vel affectus dilectissimi, vel domini reverentissimi, ut nobis hæc tanquam filiis reddatur gratia, nec tanquam famulis remittatur offensa? Septimus iam ferme annus est, ex quo nulla ad nos tam longè à vobis sitos, scripta misistis. Nullis præne in Deum delinquentibus tam longum lugendi tempus imponitur, nullos admodum maximorum criminum * ut plus amet, scilicet ut patris motus, non detrimenta amoris sint, sed profectus: cum quantum coercitio attulerit unius correctioni, tantum correctio reddat mutue charitati. Quamquam hoc illos magis parentes facere, conveniat, qui de nonnullis

negotiis veras irascendi filiis causas habent. Tu autem, quid succenses, qui ex quo Christianus factus es, etiam falsas habere desisti? Esto enim, conversiunculam nostram; paganus quondam, non æquanimiter acceperis, ferenda tunc fuit ex dissimilitudine studiorum etiam discrepantia voluntatum; quando nobis, etsi amor non succensebat, superstitio tamen adversabatur: nam licet pater non odisset filium, error tamen oderat veritatem. Nunc longe aliud est. Ex quo Dei cultum professus es, pro me pronunciaſti. Si præteritas irarum causas exqueris, imputa tibi, qui Christiano filiam tuam dedisti. Si id non est, quid mihi irasceris? Quia eam nunc in me religionem augere cupio, quam tu in te probare cœpisti? Cur, rogo, in me non diligas, quod es, qui in te, quod eras, ipse, damnaſti? Sed parcendum paullulum verbis est: quia etiam in bona causa, humilis esse, in quantum res ſinit, filii apud parentes, debet oratio. Indulgete affectus, carissimi; liberioſem me eſſe paullulo in negotio ſuo, Dei affectus facit. Si quæ ſunt vobis aliæ ſuccenſendi cauſæ, peccare me potuiſſe, non abnego. In hoc verò, quia ideo ſuccenſetis, quia Chriſtum amare videor, ignoſcite, quod dicturus ſum. Peto quidem veniam, quia irascimini, ſed non poſſum dicere, malum eſſe, quod feci. Hæc igitur apud vos meo nomine, & quaſi peculiari prece. Nunc tu o dilectiſſima, ac venerabiliſſima ſoror, quæ mihi tantò carior es, quàm priùs, quantò plùs à ſuis affectus convenit diligere, in quibus ſeipſum Chriſtus fecerit amari. Fungere partibus tuis ſimul, meiſq.

meisque. Ora tu, ut ego impetrem: tu postula, ut uterque vincamus: osculare, quia absens labiis non vales, saltem obsecratione, pedes parentum tuorum quasi ancilla, manus quasi alumna, ora quasi filia. Ne trepida veris, ne timueris: bonos iudices habemus, affectus ipse pro te orat, natura ipsa tibi postulat, suffragia causæ tuæ in tuorum mentibus habes; citò annunt, qui suo ipsi amore superantur. Obsecra ergo, & supplex dicito: Quid feci, quid commeri? ignoscite quidquid illud est: veniam peto, etsi delictum nescio; nunquam vos, ut ipsi scitis, in officiositate, aut contumacia, offendi: nunquam verbo asperiore lesi: nunquam vultu proterviore violavi, à vobis sum viro tradita, à vobis coniugi mancipata. Teneo, ni fallor, mandata vestra, hæret sensibus meis sanctum piæ præceptionis arcanum: morigeram me, ut puto, ante omnia viro esse, iussistis, vestræ voluntati obsecuta sum, vestræ iussioni obtemperavi: illi in omnibus parui, cui me parere, voluistis. Invitavit me ad religionem, invitavit ad castitatem: date veniam, turpe credidi reluctari; res mihi verecunda, res pudens, res sancta visa est: fateor, cum de tali negotio mecum ageret, erubui, quod non ante cepissem. Huc accessit etiam reverentia Christi, & affectus; honestè me facere, credidi, quicquid Dei amore fecissem. Advolvor vestris, o parentes carissimi, pedibus illa ego vestra Palladia, vestra gracula, vestra donnula; cum qua, his tot vocabulis, quondam

indulgentissima pietate lufistis: quę vobis per varia nomina, nunc fuit mater, nunc avicula, nunc domina: cūm eſſet ſcilicet unum vocabulum generis, aliud infantia, tertium dignitatis. En ego illa ſum, per quam vobis illa primum, & parentum nomina, & avorum gaudia contigerunt, & quod utroque præſtat, utrumque feliciter, cum fructu adipiſcendi, & beatitudine perfruendi, non quia hinc ego aliquid mihi de-putem, ſed tamen ingrata apud vos eſſe non debet, per quam vos, voluit Deus, eſſe felices. Ne, quaſo ergo, moleſtum vobis ſit, quòd referre aliquid Deo cupio, cui omnia repenſare non poſſum. Pleni eſtis ſolatiis iucundiſſimis, pleni pignoribus cariſſimis, pleni benedictione divina; præter peculiarem mei cauſam, veſtrum, negotium referre Deo gratiam iubet, debere ei, arbitror, quòd vobis tanta conceſſit. Sed hæc hæc hactenus. Sufficien-ter enim iam per nos, o cariſſima ſoror, precati ſumus, reliqua ſunt agenda per filiam. Utamur ergo (honeſtè enim pro reconciliando parètum affectu cuncta tentantur) utamur illorum more, & exemplo, qui ultimo cauſarum loco, aliqua nonnunquam ad commovendam iudicum miſericordiam profe-rebant laturis ſententiam diſceptatoribus, aut lamentantes matres familias, aut ſordidatos ſenes, aut plorantes parvulos ingerentes; ſcilicet ut qui ſuperiõra cauſæ verbis iam exoraverunt, poſteriora rebus ipsis perorarent. Offerimus ergo & nos vobis o cariſſimi parentes, pignus, pari quidem illorum, ſed tamen gratiore ſuffragio. Offerimus enim pignus, non incognitum,

tum, sed domesticum: non alienum, sed proprium: nec ut illi oratores, & sibi, & iudicibus extraneum, sed nobis simul, vobisque commune, quæ vos utique vestri sanguinis indoles non ad incognitorum hominum cogit dilectionem, sed ad vestrorum revocat charitatem: nec alienos vobis aliena, sed vestros vestra commendat: neque id orat, ut eos ametis, quos nunquam ante vidistis, sed ut eos non oderitis, quos, puto, non diligere non potestis. Vestrum ideo, parentes carissimi, negotium, vestra res est, vester id à vobis animus, vestra charitas deprecatur, ne, quæso, tantum nobis irascamini, ut nec vobis consulatis supplicante vobis * * * *

commune pignus per nos, simul, atque nobiscum, & primam penè ad vos vocem pro nostri emittit offensa. Infelix prorsus eius, & miseranda conditio, quæ avos suos ex parentum, primum reatu cœpit agnoscere. Misere mini, quæsumus, innocentia eius, misere mini necessitatis: cogitur quodammodo pro offensa suorum iam supplicare, quæ adhuc nescit, quid sit offendere. Læsus quondam Ninivitarum peccatis Deus, vagitu infantium, & ploratione mollitus est, nam licet totum legamus luxisse populum, præcipuam tamen misericordiam meruit sors, & innocentia parvulorum, dicente ad Ionam Deo, *si valde contristatus es super ecur-* Iona 4.
bitam: & paulò post: Ego non parcam super Ninive civitatem magnam, in qua morantur plus quàm centum viginti milia, qui non cognoverunt sinistram suam, aut dexteram: declarans scilicet propter sinceritatem innocentium,

se etiam culpis nocentium pepercisse. Sed quid ego de Dei misericordia loquor? qui non tantum postulata tribuit, sed interdum etiam non sperata largitur, tantòque, si dici licet, maior est hominibus humanitate, & benevolentia, quantò potestate, atque natura. Paratum, ut ait Livius, inter Romanos Sabinosque bellum, & quod difficilius sedari potest, cœptum, preces quondam, & interventus eorum pignorum sustulerunt: cumque una eorum gens esset natura ferox, alia dolore fervens, tantum tamen visio affectus mutui valuit, ut nec Romanus memor esse belli, nec Sabinus posset iniuriæ: & illi paulò ante feri, ac semibarbari, cognati sanguinis cupidi, sui prodigi, amplecti se mutuò inciperent, quia pignus mutuum iam habere cœpissent, fieretque unus uterque populus, quia unius utriusque esset affectus. Nos non in acie stamus, non arma sumimus, non vim inferimus, nec propulsare tentamus: impium fore arbitantes, si vel in hoc filij parentibus obviant, ne puniantur iniusti. Cur, rogo, quod illi quondam affectus pro suis obtinuerunt, nostri non queant impetrare pro nobis? an ideo infelicissimi penè omnium, ideo minus mereamur veniam, quia repugnare nescimus? quod vultis, nos pati, patimur: si irascimini, deprecamur: si puniendos creditis, acquiescimus. Quid, rogo, ultioni post ista superest? Certè etiam si iustas succensendi causas parentes habeant, nihil contingere eis felicius, nihil optatius potest, quàm ut sic eis pro reatu filii satisfaciant, ne necesse habeant vindicare. Quid

au-

autem est in quo magis possimus vobis nos satis-
facere? filij vestri sumus, qui vos rogamus:
neptis, per quam rogamus, parcite, indulge-
te illi: eorum parentes carissimi pro se rogant,
ob quorum soletis nomina, etiam extraneis
nil negare. Longum est de innumeris pietatis,
atque humanitatis exemplis dicere, & prepo-
sterum, ut de maioribus ad minora veniamus.
Sed tamen id, quod dicturus sum, specie
quidem minus est, sed tamen re, minus non est.
Perorans quondam pro periculo existimatio-
nis, atque incolumitatis suæ in Romano foro
Servius Galba, cum ob difficultatem negotii,
& invidiam facti sui, parum, non modò in-
causa, sed etiam in eloquentia spei poneret,
arte usus est, ut iudicum animos, quos infle-
ctere precum ambitione non poterat, rerum
tentaret affectu. Itaque consumptis iam admo-
dum cunctis oratoriæ artis, ingenique sub-
sidiis, cum parum se promovisse, intellexis-
set, parvulum, quem secum habebat, Galli,
ut illis temporibus videbatur, clarissimi, &
nuper mortui viri, filium, & parvas ante
subsellia auditorum, indoles suas, in confessu
iudicum, conspectuque produxit: quos cum
laturis sententiam disceptatoribus oratione
flebili commendaret, fractæ affectu omnium
mentes, & inclinatæ sunt. Quid plura? fa-
ctum est, ut inflexis cunctorum sensibus, daret
misericordia humanitati, quidquid ambitioni
veritas denegaret. O affectus humani quanti
estis! quantum valetis, qui etiam in iudicio jus
habere potuistis! Discite, o parentes carissimi,

ve.

venia vestri dictum sit, discite, vel hoc saltem, exemplo frangi, atq. molliori. Certè etiam illic misericordia valuit, ubi locū esse misericordiæ, non licebat: laturi sententiam iudices, qui nihil se, nisi ex veritatis officio pronunciaturus esse, iuraverant, excludere tamen misericordiam, nec post sacramenta potuerunt: intantum humanitate moti, ut dum alieno negotio consulunt, suum penè obliviscerentur. Nihil vos durum, nihil insolens deprecamur: vestris vos præstate pro vobis, quod præstiterunt illi extraneis contra se: certè nec causa illic iustior, nec persona carior, nec audientia humanior, nec orator gratior fuit. Illic agebatur pro crimine, hic pro affectu: illic pro extraneis, hic pro filiis: illic apud iratos iudices, hic apud iniratos parentes: illic per oratorem, qui circumscribere nitebatur, hic per neptem, quæ quò vos ipsa infantia suæ simplicitate plus moveat, adhuc rogare non novit. Quid est, quod causæ desit? quod novum inquirendum est, inauditumque suffragium? num extraneorum, apud vos precibus utendum est? semper in amore cautela est, nemo enim melius diligit, quàm qui maxime veretur offendere. Vnde ego nunc veniam peto, non quia offendisse me noverim, sed ut locum offensæ penitus non relinquam: nec conscientia culpæ, sed ratione, & officio charitatis: ut maiorem apud te affectus gratiam obsecratio mereatur innoxii, & amoris proficiat supplicatio reatu carens: habeasque plus in filii tui deprecatione, quod diligas, si non habes, quod remittas. Quamquam temerè fortasse nobis

bis de innocentia blandiamur, quid tu de nobis sentias, nescientes: tui enim nobis sensus magis, quàm nostræ opinionis ratio habenda est. Superest ergo, ut si quid aliud, & quidquid illud commissum à nobis est, tu, qui id offensa dignum putas, venia quoque non indignum arbitreris: pulchrè tibi ipse in tuorum reatu satisfacies, nihil de ultione perdit, filio ignoscens pater: quia scèlicius multò est, & laudabilius, suis aliquem etiam immeritò ignoscere, quàm in suos etiam meritò vindicare. Vale.

Argumentum Epistole Quintæ.

Post gratulationem recuperatæ valetudinis ostendit, quantum corporis agilitates in animum sospitatis inducant.

Ad Capturam Epistola V.

CAtturæ sorori Salvyanus. Etsi, docente Paulo Apostolo, quid conveniat, nos orare, nescimus; quo sit, ut interdum, quid vellet, aut gaudere oporteat, nesciamus; tamen ego pro communi humani generis affectu, quo omnes admodum homines, piè magis, quàm sapienter, eos, qui nobis curæ sunt, cupimus, quàm diutissimè esse nobiscum; gaudeo, quòd post gravem, diuturnumq. morbum spem etiam præsentis vitæ indeptæ es, quæ futuræ semper habuisti. Benedictus itaque Dominus Deus noster, qui semper spiritus tui custos, nunc præcipuè etiam carnis fuit, & in te manens, teque custodiens, manum suam ex interioribus tuis, usque ad exteriora porrexit; nec solùm sancta sanctorum, sed etiam vestibula templi sui, & circum-

Rom. 8

cum septa servavit, protectionemque suam latius fundens, fecit salutem animæ tuæ usque ad salutem corporis pervenire. Quamvis ego ne hanc quidem tibi, quam pertulisti, terrestris vasculi infirmitatem obfuisse, existimem, cuius fortitudo, ut scis, menti semper inimica est, ut te iure nunc tantò fortiores spiritu putem, quantò imbecillior carne esse cœpisti. Caro enim, in-

Galat. 5.

quit Apostolus, concupiscit adversus spiritum, spiritus adversus carnem: hæc enim invicem sibi adversantur, ut non quæ vultis, illa faciatis. Ergo si, repugnante corpore, quæ volumus, facere non possumus, infirmandum carne est, ut optata faci-

Videlib.

de Guber

nat. Dei I.

pag. 21.

119.

mentis vigorem exacuit, & affectus artubus, vires corporum in vires transferuntur animorum: non mihi genus quoddam sanitatis esse videatur, hominem interdum non esse sanum. Nulla enim ad-

modum cum spiritu cum corpore, id est, nulla divine indoli cum terreno hoste luctatio est: non turpibus flammis medullæ æstuant, non malefana mentem latentia incentiva succendunt, non vagi sensus per varia oblectamenta lasciviunt, sed sola exultat anima, læta, corpore affecto, quasi adversario subiugato. Gaude ergo, alumna Christi, sæper quidem simplicis, & quietæ, sed nunc magis defæcatæ tuæ mentis, & liberæ, ostium aperi, & attrahe, ut legis, spiritum sanctum. Nunquam, ut puto, habitatore Deo dignior extitisti; quantò imbecillior corpore, tantò purior sensu: vincentibus carnem tuam morbis, mente vicisti. Felix, si hanc semper corporis mortem in vitam spiritus conservaris, ex-

Pf 118.

Os meum

aperui, et

attraxi

spiritum

sanctum.

tin-

tinctis in te forsitan cunctis humanarum tentationum incentivis, habere quodammodo naturam animæ etiam in carne cepisti, ut mihi non solum magna Dei dispensatione, sed etiam magno munere, & antè ægrotasse, & nunc convalescere videaris. Ægrotasti .n. hæcenus ad virtutem spiritus confirmandam secunda forsitan, sanitate nunc adipiscens, iam carne superata, ut post hanc redditam corpori incolumitatem sine ulla animæ infirmitate possideas: & ita caro valere incipiat, ut iam tētatio non resurgat. Vale.

Argumentum Epistolæ Sextæ.

Limenium non solum ad veteris conservationem, sed ad incrementum etiam necessitudinis hortatur.

Ad Limenium Epist. VI.

Limenio Salvianus in Domino salutem. Et scio, honestas mentes probi affectus non oblivisci, idè quia boni in bonis studiis, quasi naturam quodammodo suam diligunt, tamen, quia quantum in nobis est augere nos amorem bonorum, amicorum officio nostro convenit, admonendum te charitatis olim à me ceptæ, nuper à te auctæ, existimavi: ut legens epistolas meas, dum in me studium tui amoris videris, in te mei accenderes. Dabit autem, non ambigo, Deus noster, ut affectum Christianorum intercipiens, Christi ipse affectus fiat. Vale in Domino.

Argumentum Epistolę Septimę.

*Causam assignat, cur Apro, & Vero literarum officium propri-
pnerit; nempe inferiorem suę dignitatis gradum, fute-
tur; cuius interest maioris obsequia pręoccupare. Hac
Epistola aperte declarat incredibilem in nostro Antislite
animi demissionem.*

Ad Aprum, & Verum Epist. VII.

APro, & Vero Salvianus. Officiū sit, an-
impudentiæ, quod prius ad vos scripsi,
quàm à vobis ius scribendi acciperem, malo ve-
stri esse iudicij, quàm assertionis meæ: quia res
dubia, ac latens melius semper bonis interpre-
tatoribus, quàm malis defensoribus creditur:
Sed licet hæc verè se ita habeant, & à me ita esse
ducantur, tamen si quid in veri opinione se-
cundum intelligentiam meam sit, audiendum
à me putatis: ego sic arbitror, si quando de of-
ficio deferendo parvis, ut ego sum, apud supe-
riores, ut vos estis, sancta contentio est, me-
lius eos facere, si pręoccupent scripto patronos
suos, quàm si ab iis pręoccupentur. Nam cum
ipsa scribendi, rescribendique assiduitas dandis
vel maxime, & reddendis obsequiis deferatur,
multò necesse est humiliter sit, & obsequentius
dare quæmpiam operam, ut officium prius defe-
rat, quàm expectare, ut prius capiat. Quia
iuxta id, quod supra diximus, delatio officij fu-
gere honorem, dissimulatio, affectare videatur.
Congruè ergo, & multis modis rationabiliter
actum est, ut ego ad vos prius scriberem: pri-
mum, quia turpiter ad honorem ambisse vider-
er inferior. deinde, quod vos ab omni huiusce-
modi opinionis nota, ita morum vestrorum di-
gnitas

gnitas vindicat, ut penè quicquid à vobis sit ; nihil non rectè factum esse credatur, postremo, quòd etiam hoc consilio vos ad me non scripsissetis, ut ego peccator, & imbecillus prius deferrem officia, quàm sumerem, pio magis id vos consilio fecisse, existimandum erat, quàm arroganti. Cùm enim totius fermè humilitatis, & propè omnium officiorum palmam indepti sitis, non tam credi poterat, vos amico voluisse honorem negare, quàm onus holuisse imponere. Quamvis enim honestum, & religiosum studium sit, præoccupare humilitate, & vincere, tamen quando inter tales, ut nos sumus, id est, inter summos, atque infimum, huiusmodi negotium est, abundantioris charitatis rem maior facit, si minori cedat officio. Hæc, mi domini venerabiles, iuxta opiniunculam meam non tam præsumptione scientiæ, quàm honore reverentiæ vestræ scribenda ad vos, putavi. Si aliud vos sentire ostenderitis, ego manum ad os meum ponam, ut iuxta exemplum sancti Iob, qui post divinam vocem in comparationem loquentis Dei, parvum se, & imbecillum esse, cognovit, terram me, ut sum, squalidam, & insincerum cicerem iudicabo, dicamque illud: Semel locutus sum: non adiciam: nec immerito: incidere enim in falsæ opinionis errorem, priusquam verâ cognoscas, imperiti animi est, & simplicis: perseverare verò in eo, postquam agnoveris, contumaciæ.

Valete.

Argumentum Epistolæ Octavæ.

Libros ab Eucherio ad Salviani censuram transmissos, se perpendisse fateatur, illosque pro merito laudibus imperitur, ac demum Eucherio opus in posterorum utilitatem vulgandam, gratulatur.

Ad Eucherium Epist. VIII.

Domino, & dulci suo Eucherio Episcopo Salvianus. Legi libros, quos transmisisti, stylo breves, doctrina uberes, lectione expeditos, instructione perfectos, menti tue, ac pietati pares. Nec miror, quod utile, & pulchrum opus ad institutionem potissimum sanctorum, ac beatorum pignorum condidisti. Cum enim eximium in eis templum Deo ædificaveris, doctrina novæ eruditionis, quasi summum ædificii culmen conasti, & ut indoles sanctæque doctrina, ac vita illustrarentur, quos morali institutione formaveras, spiritali instructione decorasti. Superest, ut Dominus Deus noster, cuius dono admirandissimi juvenes tales sunt, pares eos faciat. libris tuis, id est, ut quidquid illi continent in mysterio, hoc uterque illorum habeat in sensu. Et quia iam dispensatione divina, atque iudicio etiam magistri Ecclesiæ esse ceperunt, donet hoc benignissima Dei pietas, ut doctrina illorum fructus sit Ecclesiarum, & tuus: profectusq; excellentissimus, tam illum orant, à quo sunt geniti: quam eos, quos ipsi sua institutione generaverint: mihiq; hoc, & si non inter omnia. Certè vel post omnia misericors Deus tribuat, ut qui fuerunt discipuli quondam mei, sint nunc quotidie oratores mei. Vale mi dominus, & dulcis meus.

Argumentum Epistola Nonę.

Salonio scrupulum evellet de Apocriphorum periculo suis adversus avaritiam libellis non anxie præcavendo, si nomine Timothei, & non Salviani prodierint. Subdit deinde significationem Timothei, quę ad universam Ecclesiam Catholicam descriptioni congruit. Id ipsum D. Lucę Apostolorum Acta ad Theophilum dirigentis confirmat, qui Theophilus nusquam tunc aderat; sed vocabuli mysterio Evangelistę propositum mirum quantum promovebat.

Ad Salonium Epistola IX.

Domino, ac beatissimo discipulo, filio, & patri, per institutionem discipulo, per amorē filio, per honorē patri, Salonio Episcopo Salvianus. Queris à me, ò mi Saloni, charitas mea; cur libellis nuper à quodam huius tēporis homine, ad Ecclesiam factis, Timothei nomen inscriptū sit. Addis præterea, quòd nisi rationē vocabuli evidēter expressero, dū nominātur Timothei, inter apocripha sint fortassē reputandi. Ago gratias, atq. habeo, ita ut debeo; quod de me ita iudicas, ut pertinere hoc æstimes ad fidei meę curam, ne quid Ecclesiastici operis vacillare permittam: .s. ut res summę salubritatis, non sit minoris pretij per opinionis incertum. Sufficere itaque ad excludendam penitūs apocryphi styli suspicionem, etiam hoc solū poterat, quod superius indicavi; libros neotericę disputationis esse, & à præsentis temporis homine, divinarum rerum studio, atque amore conscriptos. Carent enim Apocryphi suspicionē, qui agnoscuntur Timothei Apostoli non fuisse. Sed requirit forsitan aliquis, quis ille autor sit, si Aposto-

Q

lus

lus non est : & utrùm suum libellis ipsis , an alienum nomen inscripserit ? Verum est , potest hoc quidem queri ; & rectè quæritur , si inquisitio valet ad fructum aliquem pervenire . Cæterùm si infructuosa est ; quid necesse est , ut laboret curiositas , cùm profectum curiositatis non sit habitura cognitio ? In omni enim volumine , profectus magis quæritur lectionis , quàm nomen Authoris . Et ideo si profectus est in lectione , & habet quisquis ille est , quod potest instruere lecturos ; quid ei cum vocabulo , quod iuvare non potest curiosos ? Ita ut dignissimè huic inquisituro , angelicum illud respondeatur : *Patriam quæris , an mercenarium ?* Cùm enim nullus profectus sit in nomine ; qui profectum in scriptis invenit , superflue nomen Scriptoris inquit ; Causæ ergo (ut dixi) istæ sufficiunt . Sed quia tibi , o mi Saloni , decus nostrum , atque subsidium , negare nihil possumus ; evidentiora dicemus . Tria sunt , quæ in libellis istis , de quibus loquimur , quæri possunt : Cur is , qui scripsit , ad Ecclesiam scripserit : & utrùm alieno nomine , an suo . Si non suo ; cur alieno ? Et , si alieno , cur Timothei potissimùm nomen , quod scriberetur , elegit ? Igitur , ut libelli ad Ecclesiam scriberentur , hæc causa est . Scriptori ille , ut etiam scripta ipsa testantur , habet hunc in se cultum , atque affectum Dei , ut Deo nihil præponendum putet , secundùm illud scilicet Domini nostri dictum , quo ait : *Qui amat filium , aut filiam plusquàm me , non est me dignus* . Quamvis dictum hoc , tepidissimè , ac negligentissimè quique homines solo tantùm persecutionis

tem.

Tob. 5.
17.

Matt. 10.

tempore putent, esse servandum: Quasi verò, ullum omnino tempus sit, quo præferri aliquid Deo debeat, aut qui Persecutionis tempore pretiosiorẽ omnibus rebus Christum habere debet, reliquo omni tempore habere debeat vi- liorem. Quòd si ita est; amorem Dei, Persecutioni debebimus, non fidei: Et tunc tantum poterimus, quantum nos impij persequuntur: cum utique, aut maiorem, aut certè non minorem tranquillis, quàm asperis rebus affectum Domino debeamus: Quia & hoc ipso à nobis plus debet diligi, quia, nos à malis non patitur affligi, indulgentia scilicet piissimi, & mollissimi patris nobiscum agens, qui magis vult nos in pace, & quiete fidem nostram religiosis operibus ostendere, quàm in Persecutione pœnis nostrorum corporum comprobare. Et idè si tunc ei nil præferendum est, quando nobiscum asperè agitur, ne tunc quidem præferri debet, quando per indulgentiam plus meretur. Sed hæc alii tempori magis congruunt, nunc quod cepimus, exequamur. Vidit igitur Scriptor ille, quem diximus, graves, atque multiplices Christianorum penè omnium morbos, atque à cunctis in Ecclesia positos, non solum non postponi omnia Deo, sed propè cuncta præponi. Nam, & ebriosi, in ebrietatibus Deum spernere videntur: & cupidi, in cupiditate: & impudici, in libidine: & cruenti in crudelitate; & in his omnibus, penè omnes, atque hoc eo gravius, quòd non solum hæc per scelus atrocissimum diu admittuntur, sed ne postea quidem per penitentiam corriguntur: maxime cum etiam in

his, qui Pœnitentes esse dicuntur, nomen sit magis pœnitentiæ, quàm fructus, quia parum sunt rerum vocabula ipsas res non habentia; & nihil virtutum verba sine viribus. Plurimi namque, ac penè cuncti; & rerum abundantes, & conscij criminum, ac flagitiorum suorum; non modo ea, quæ admiserunt, Exomologesi, ac satisfactione, sed ne hoc quidem (quod facillimum est) donis saltem, & misericordiis redimere dignantur. Atque non solum, id in prosperis negligunt: sed, quod multò irreligiosius, in adversis, non solum incolumes, sed etiam deficientes. Tanta incredulitas est hominum, & tam gravis infidelium languor animarum; ut cum multi, maximas opes hæredibus, interdum etiam extraneis derelinquant: hoc solum, se putant perdere, quod prospectu sua dederint, ac salute. Et quidem istud licet in omnibus ferè grave sit: præcipuè in his tamen, quos in consimili crimine infidelitatis, etiam professio sanctitatis accusat. Sed idem morbus hic, non sæcularium tantum est, sed etiam eorum, qui sibi nomen religionis usurpant. Et ideo, videns ille, qui scripsit, commune esse hoc malum propè universorum, labemque hanc non ad mundiales tantum homines, sed etiam ad pœnitentes, atque conversos, ad viduas quoque iam continentiam professas, atque ad puellas in sacris Altaribus consecratas; quodque, ut ita dixerim, propè inter monstra reputandum est, ad Levitas etiam, atque Presbyteros, & quod his feralius multò est, etiam ad Episcopos pervenisse: ex quibus, multi, quos

supra

supra dixi, sine affectibus, sine pignore, non familias, non filios habentes, opes, & substantias suas non pauperibus, non Ecclesiis, non sibi ipsis, non denique (quod his omnibus maius est, ac præstantius) Deo, sed Secularibus, vel maximè, & divitibus, & extraneis deputerent: factus est in corde ipsius, sicut scriptum est, *ze-* Ezech. 36.
lus Domini quasi ignis ardens. Et quia æstuanti-
 bus sacro affectu medullis suis, aliud in tali æstu
 facere non potuit, in vocem doloris erupit.
 Vox autem ipsa, cui impenderetur, nullus magis idoneus visus est, quàm Ecclesia, cuius utique pars ipsi erant, qui ista faciebant: Superflue enim uni, aut paucis scribitur, ubi est causa cunctorum. Hæc ergo ratio, & persuasit, & compulit, ut libelli, de quibus loquimur, ad Ecclesiam mitterentur. Nunc illud dicimus, quod secundum est: scilicet cur in titulo libellorum non sit nomen auctoris: cuius rei licet una sit causa maxima, multæ tamen (ut reor) esse potuerunt. Ac prima illa veniens à mandato Dei, quo præcipimur vitare omnibus modis, terrestris gloriæ vanitatem, ne dum inanem humanæ laudis aurulam quærimus, præmiū cæleste perdamus. Ex quo etiā illud est, quod & orari Deus, & donari occultè iubens, vult, nos fructū boni operis cōmēdare secreto; cum nulla sit maior fidei devotio, quàm quæ conscientiam vitæ hominū, Deo teste contenta: *Nesciat* (n. inquit Salvator) *manus tua sinistra, quid faciat dextera tua, & Pater tuus, qui videt in absconso, reddet tibi.* Et ideo Scriptori illi, ad subtrahendum in titulo nomen suum, atque cœlandū sufficere.

Mass. 8.

Ibidem :

hæc tantummodo causa potuit, ut quod in honorem Domini sui fecerat, divinæ tantum scientiæ reservaret, & res commendabilior Deo fieret, quæ famam publicam devitasset. Sed tamen quod confitendum fuit, præcipuum illud fuit, quia scriptor ille (ut legimus) humilis est in oculis suis, ac vilis sibi, exiguum se penitus, atque ultimum putans. Et hoc, quod maius est, mira fide, non officio humilitatis assumptæ, sed iudicii simplicis veritate. Inde est quod iure, se etiam ab aliis talis habendum putans, qualis à semetipso haberetur, rectè libellis suis alienum nomen inseruit: scilicet auctoritatem salubribus Scriptis, personæ suæ parvitas derogaret: omnia enim admodum dicta tanti existimantur, quantus est ipse, qui dixit. Siquidem tam imbecilla sunt iudicia huius temporis, ac penè iam nulla, ut hi, qui legunt, non tam considerent quid, quàm cuius legant: nec tam directionis vim, atque virtutem, quàm dictatoris cogitent dignitatem. Idcirco igitur Scriptor ille abscondi, & latitare omnibus modis voluit, ne Scripta, quæ in se habent plurimum salubritatis, minora forsitan fierent per nomen auctoris. Habet itaque, quisquis ille est, qui requirit, cur alienum nomen assumptum sit. Restat dicere, cur Timothei: quod ut dicamus, ad authorem denuò reversuri sumus. Is enim causarum omnium causa est, qui sicut humilitati præstitit, ut alienum, sic timori, atque cautelæ, ut Timothei nomen scriberet. Pavidus quippe est, & formidolosus, ac nonnunquam etiam, levium mendaciorum fugax, atque in-

tan-

tantum peccare metuens, ut interdum, & non timenda formidet. Cum ergo subter hec & titulo nomen suum, & inferere vellet alienum: timuit in hac nominum commutatione mendacium, nequaquam scilicet admittendam, putans, etiam in officio sancti operis, maculam falsitatis. Positus itaque in hoc ambigua opinionis incerto, optimum fore credidit, ut beati Evangelistæ sacratissimum sequeretur exemplum, qui in utroque divini operis exordio, Theophili nomen inscribens, cum ad hominem scripsisse videatur, ad amorem Dei scripsit, hoc scilicet dignissimum esse iudicans, ut ad ipsum affectum Dei scripta dirigeret, à quo ad scribendum impulsus esset. Hoc ergo etiam Scriptor hic, de quo loquimur, usus est argumento, atq. consilio. Conscius. n. sibi, sic se omnia in scriptis suis pro Dei honore, sicut illū pro Dei amore fecisse, qua ratione ille Theophili, hac etiam hic Timothei nomine scripsit. Nam sicut Theophili vocabulo, amor, sic Timothei, honor divinitatis exprimitur. Itaque cum legis, Timotheum ad Ecclesiam scripsisse, hoc intelligere debes, pro honore Dei ad Ecclesiam scriptum esse: immò potius ipsum honorem Dei, scripta misisse: quia rectè ipse scripsisse, dicitur, per quem factum est, ut scriberetur. Hac causa igitur, in titulo libellorum Timothei nomen inscriptum est. Congruum siquidem Scriptor ille existimavit, ut cum in honorem Dei libellos scriberet, ipsi divinitatis honori titulum consecraret. Habes, ò mi Saloni, charitas mea, habes, quod exegisti, implevi opus muneris imperati:

rationi. Superest, ut quia ego functus sum partibus meis, & tu fungaris tuis; id est, orēs Dominum Deum nostrum, & orando id impetres, ut libelli ad Ecclesiam Christi honore conscripti tantum apud Deum Scriptori suo profint, quantum eos prodesse ipse omnibus, cupit. Nec iniustum (puto) est desiderium, quo tantum sibi aliquis praestari postulat pro salute, quantum ipse optat cunctis pro charitate.

Vale, mi Saloni, decus
nostrum, atq. subsidium.

Salviani Epistolarum
Finis.

Librorum Salviani adversus Avaritiam

Ad Lectorem insinuatio,

NUllum est dubium, quin hi quatuor sequentes de avaritia libelli sint idem ipsi, quos Gennadius, & alii scriptores meminere in catalogo operum Salviani, quibus adstipulatur Conradus Rittershusius, accuratissimus operum eiusdem Salviani commentator in notis editis librorum adversus avaritiam. Et quidem si dictionis acrimonia, styli veherentia, arguendi vis efficax, perfractum emphasis, sententiarum pondus, contentiosa elidendi contradictiones elutatio perpendatur; gemellos prorsus meos se offerunt obtutibus aliorum octo de Providentia librorum, ut ovum ab ovo, lac a lacte, & nive à nive facilius, quam bos ab illis dignosceretur. Quod autem penitus interierant, & ab hominum memoria omnino exciderant, nihil eorundem quasi redivivo refragatur natali. Ita non multis ab hinc annis Tullij de morte filie consolatio lucem iterum aspexit, quæ diu situ, & squalore obsita in oculis hominis imperiti funerata instar obsoleverat. Itaque mi lector illis, ut Salviani genuinis frui, & salubriter eos expende. Vale.

Conradus
Ritters-
husius in
notis Sal-
viani lib.
1. adv.
avarit.

SAL-

SALVIANI

MASSILIENSIS ECCLESIAE

PRESBYTERI

LIBER PRIMUS

Adversus Avaritiam.

Argumentum Libri Primi.

*Ecclesie catholice, ad quam opus hoc dirigit, calamitatem
 suorum filiorum, imo cecitatem ponit ob oculos, qui contra
 Domini Salvatoris monita nil aliud, quam de auro terre
 infodiendo noctu, diuque cogitant: inanem filiorum ob-
 tentum statim robustis argumentis more suo dissolvit: &
 quomoda amandis sint liberi docet. Expendit deinde divi-
 tiarum largitorem Deum, quid in illis nobis elargien-
 dis, collimasse. Cui si non parent, ut tantum sint di-
 vites homines, ob hoc solum crimen eternis deputandi
 suppliciis: torquendus (inquit) tantummodo, quia dives.
 Navissimè suadet, ut si eleemôsynis redimenda peccata
 succurrant, ne tunc Domino opes tuas tribuas, quando
 habere ipse iam non potes.*



*Imotheus minimus servorum Dei Ec-
 clesie catholice toto orbe diffusæ,
 gratia tibi, & pax à Deo Patre No-
 stro, & Christo Iesu Domino Nostro
 cum Spiritu Sancto. Amen. Inter ceteros graves,
 atq. mortiferos exitialis pestilentie morbos, quos
 tibi antiquissimu ille, ac fœtidissimus Serpens,
 gravissima lēthifera æmulationis invidia, & te-
 ter-*

terrime illo virofi oris spiritu inhalat, nescio, an ulla te acerbior animarum in ideliu pestis, & tetricior filioru tuoru labe conficiat; qua quod plerique ex tuis, parum existimantes, si in hac vita rebus sibi ad opus sanctum à Deo traditis, sine fructu misericordiae, acque humanitatis incumbant, nisi avaritiam (id est, idolatriae servitutem) etiam in futura post mortem tempora, extendant. Circumspicis fortasse, & circumspectas, qui isti ex tuis sint, quos appellem. Non longa tibi, ac difficili inquisitione opus est ad inveniendum. Omnes, inquam, omnes penè hoc sunt, quod loquor. Abiit quippe illa egregia, ac supereminens dudum primitivae plebis tuae beatitudo, qua omnes Christum agnoscences, caducas rerum mundialium facultates, in sempiternas coelestium possessionum opes conferebant, mulctantes se usu praesentium, & praecellentem spem futurorum (immortales divitias) praesentis paupertatis ambitu ecentes. At nunc pro his omnibus, avaritia, cupiditas, rapina; quaeque his sociae, & quasi germana unitate coniunctae sunt, invidiae, inimicitiae, crudelitates, luxuriae, impudicitiae, perditiones; quia superiora illa, istorum usibus militant, succedere: ac sic nescio quomodo pugnante contra temetipsam tua felicitate, quantum tibi auctum est populorum, tantum penè vitiorum: quantum tibi copiae accessit, tantum disciplinae recessit; & prosperitas venit quaesitum, cum magno saenore detrimentorum. Multiplicatis enim fidei populis, fides imminuta est, & crescentibus filiis suis, mater aegrotat; factaque

es,

1. Th. 2

es, Ecclesia, profectu, quæ fecunditatis infirmior, atque accessu, relabens, & quasi viribus, minus valida. Diffudisti siquidem per omnem Mundum religiosi nominis membra religionis vim non habentia; ac sic esse cœpisti turpis opulens, fide pauper; quanto ditior multitudinem, tantò egentior devotione, latior corpore, angustior mente; eademque, ut ita dixerim, & in te maior, & in te minor; novoque penè, & inaudito genere processus, & recessus, crescens simul, & decrescens. Vbi, n. est illa nunc eximie formæ tuæ totius corporis pulchritudo? ubi illud de vivis Virtutibus tuis divinorum apicum testimoniū, dicens: *Multitudinis autem Credentium erat cor unum, & anima una; & nemo, quicquā ex eo, quod possidebat, suum esse dicebat.* Cuius tu nunc, o dolor, ac lamentatio! lectionem tantum habes, virtutem non habes: à qua quantum scientia, tantum interim conscientia abes. Maxima quippe nunc filiorum tuorum portio, mortiferarum rerum negotiatrix est; propolisque, & cauponibus similis terrenis (imò tartareis) perituris simul, atque perdentibus studet nundinis. Lucro, n. pecuniæ, damnum vitæ ementes; ut acquirant, quæ non sunt sua, prodigunt quæ sunt sua mandantes terræ thesauros luctuosos; heredibus breve gaudium, autoribus longum mœrorem allaturos: fraudantes usu rerum præsentium, tam alios, quam seipfos; condentes profundis specubus infernas opes; simul pecuniā suā, ac spem suam infodientes, secundū illud scilicet Domini nostri dictū, quod ait: *Ubi fuerit thesaurus tuus, ibi erit & cor tuum.* Iovideat, n. itaque salutē suā, animasque proprias, quæ

Act. 4

Avaritiæ perniciēs.

Mat. 16.

quæ vocantur in cœlum, terrenis ponderibus in Eccli. 15
 terram premunt. Mens enim thesaurizantis, the-
 saurū suū sequitur, & quasi in naturam terrestris
 substantiæ demutatur: nec solū nunc, sed etiā
 in futuro, atque perpetuo. Nam cū (ut scrip-
 tum est) *ante hominem vita pariter ac mors sint*,
 & ad quod vult, manum porrigat: necesse est, ea,
 unusquisque hominum in æternitate possideat,
 quæ hic, quasi manu sua, ipse peruasit: volun-
 tatiq; ac sententiæ suæ deditus, his in futuro ad-
 hereat conditione, quibus hic ad hæsit affectu.
 Sed videlicet immunes se ab hoc piaculo quidā
 putant, qui fortassè aurum, ac facultates suas in
 terra non habent; attamen ubicumque abstru-
 fas habēt. Nemo se ridiculis opinionibus fallat.
 Quicunq; augendis opibus terrena cupiditate fa-
 mulantur, aurū terræ semper infodiunt. Hoc est
 enim illud, quod Salvator in Evangelio docet,
 dicēs: *nolite thesaurizare vobis thesauros in terra.* Math. 6.
 Et iterū: *Thesaurizate autem vobis thesauros in*
cœlo. Intelligi iuxta carnalē auditū ista nō possūt.
 Nunquid .n. visibiliter, aut omnes mali in terra
 corporales thesauros suos, aut omnes boni cœlo
 locant? Nō utiq;. Et ideo effectus spiritaliū rerū,
 atq; virtutes, vis sacra locutionis expressit: .s.
 ut quia cupiditati, & avaritiæ, terrena, atq; tarta-
 rea, misericordiæ autem, ac largitati, cœlestia, ac
 sēpiterna debentur: idcirco diversitas terreni, &
 cœlestis thesauri posita est, ut qui cupiditati, &
 avaritiæ thesaurizarēt, in inferno se opes locare,
 cognoscerēt: qui verò misericordiæ, & humani-
 tati cœlestes se thesauros preparare, gauderent.
 Loca itaq; thesaurorū, de meritis thesaurizatiū,
 nomi-

nominavit; ibi enim dicuntur esse iam thesauri; ubi sunt thesaurizantes futuri. Sed austeram videtur esse sententia, cunctos equaliter ad perfectionem vocans, & una omnes legem compellans: cum utique non sit universorum una conditio. Rectissime quidem dici ad ista poterat, quod, cum omnes perpetuo velint vivere, omnes id agere deberent, ut vitam participare possint. Quia inconsulcissimum, ac stultissimum est, id quosdam agere, ut quod affectu, ac voto volunt, id ipsum re, atque actu nolle videantur. Sed tamen videamus eam maxime, o Ecclesia, Christianorum, id est, filiorum tuorum partem, quæ certis rerum impedimentis, & inexpugnabilibus (ut putat) necessitudinum vinculis, à perfectione revocatur. Ac primum in hac parte, illi [opinor] sunt, qui ad querendas pecunias, & ampliandas latissime opes, compelli se pignorum cura, & quasi violento filiorum amore causantur. Quasi verò quicumque patres sunt, nisi divites fuerint, patres omnino esse non possint, & amare filios suos, sine opum multiplicatione non valeant. Aut verò virtus, ac medulla affectuum, avaritia, & cupiditates sint: quia .s. (ut illi putant) sicut corpus sine medulla, sic amor sine cupiditate esse non possit. Quod si ita est, omnis absque dubio pietas, mali causa est; neque in ea sensus sunt affectuum bonorum, sed incentiva vitiorum. Et ubi illud erit sacrum divinæ auctoritatis oraculum: *Pietas ad omnia utilis est?* Hoc enim modo, non solum non ad omnia utilis, sed penè in omnibus insalubris. Si enim genera-

1. Tim. 4.

matrix cupiditatum est, plus in se multò malorum continet, quàm bonorum, secundum illud scripture sacre: *Radix omnium malorum est cupiditas*. Itaque si radix omnium malorum est cupiditas, atque hæc pietatis matrice gignitur, & quasi viroso ejusdem lacte nutritur, non tam cupiditas reprehendenda, quæ ex pietate parente nascitur, quàm ipsa pietas, ex qua talis filia procreatur. Quo fit, ut si tam pestilens est pietas, ac tam nocens, nec amare expediat, nec amari: quia nec parentes amorem debent appetere sibi noxium, nec desiderare filii parentibus obfuturum. Quamvis ille non parentibus tantum, sed etiam filiis morbum ferat: quia & illis gravis est, qui perniciosas pariunt hereditates, & illis, qui inter improbißimos quæstus improbi educantur hæredes. Et hinc est, quòd penè omnes parentibus suis filii non magis in patrimonium, quàm in vitia succedunt: nec magis facultates paternas sumunt, quàm pravitates, ac sic transeunt semper in mores patrum, antè eorum incipiunt nequitiam, quam substantiam possidere. Et est ratio cur hoc fit: bona enim parentum non nisi mortuis eis possident: viventibus autem adhuc, & valentibus, mores. Ac sic priusquam in dominio suo habere incipiant res paternas, habent in animis ipsos patres: & antequam habeant illa, quæ falsò dicuntur bona, antè habent illa, quæ verè probantur mala. Quid ergo? cum hæc ita sint, interdicare forsan parentibus filiorum videor affectum? Minimè. Quid enim tam ferum, tam legemulorum, quàm si non amandos dicamus filios, qui amandos factemur

témur inimicos? Aut si affectum, quem natura præstat, prohibeamus, qui etiam eum, quem natura prohibet impendimus? Aut si charitatem menti extorqueamus, quam habet, qui etiam illam ei conamur inferere, quam non habet? Non ita est. Non solum enim amandos dicimus filios, sed præcipuè, ac per omnia amandos, nec quicquam his omnino anteponendum, nisi Deum solum. Nam & hoc est præcipuè, ac super omnia amare, solum illum filiis anteponere, quem non expediat omnino postponere. Quid est ergo, aut quomodo amandos dicimus filios? quo, absque dubio, nisi quo Deus ipse constituit? neque enim est ullus melior filiorum amor, quam quem ille docuit, qui ipsos filios dedit: neque possunt pignora melius amari, quam si in eo ipso, à quo data sunt, amentur. Quomodo igitur Deus amari filios iusserit, non dico ego, dicat sermo ipse divinus, qui ad patres omnes generaliter ita loquitur, ut tradant mandata Dei filiis suis, *ut ponant in Deo spem suam, & non obliviscantur operum Dei sui, & mandata eius exquirant.* Alibi quoque: *& vos, inquit, patres: Nolite ad iracundiam provocare filios vestros, sed educate illos in disciplina, & correptione Domini.* Videtis, quas parari opes à parentibus filiis, Deus iubeat, non pecuniarios thesauros, nec graves metallis aureo faccos, habentes quidem multum ponderis, sed plus tamen iniquitatis: non superbas, ac præminentes excelsis arbibus domos: non supra humanos visus elata culmina, nec inserta nubibus aereo habitatore fastigia: non denique fundos interminabiles,

Quomodo
verè filii
amantur

Pf. 77.

Eph. 6.

biles, & notitiam possessoris sui excedentes, qui confortes pati indignum æstiment, & vicinitatem iniuriam putent. Non ergo hæc Deus præcipit, nec in servilia terrenæ procurationis officia curam patriæ pietatis extendit. Pauca sunt, quæ mandat, sed salutaria: expedita, sed sancta, præcepto parva, sed fructu grandia: scripto breviter, sed beatitudine sempiterna: *Parentes enim, inquit, nolite ad indignationem provocare filios vestros, sed educate illos in disciplina, & correptione Domini, id est, edocti à vobis, & informati, ut ponant scilicet, sicut Propheta dixit, in Deo spem suam, & non obliviscantur operum Dei sui, & mandata eius exquirant.* En quales divitias Deus diligit: en quas pignoribus recondi exigit opes: en quas parari imperat facultates, fidem scilicet, ac timorem Dei, modestiam, sanctimoniam, disciplinam: non terrena, non vilia, non pereuntia, non caduca, & rectè, ac mirabiliter. Præclara utique. Cum enim Deus vivorum sit, non mortuorum, rectè illa parari filiis iussit, per quæ in eternum viveret, non per quæ in æternitate morerentur. Nemo enim dubitat, omnibus fermè malis, & infidelibus divitias mundiales causam mortis magis esse, quàm vitæ, secundum illud quod Deus dicit: quàm difficile hi, qui pecunias habent, introibunt in regna cælorum. Et iterum: *facilius est, inquit, camelum per foramen acus transire, quàm divitem intrare in regnum cælorum.* Vnde & illud est, quod specialiter iubet, dicens: *Nolite thesaurizare vobis thesauros in terra, thesaurizare autem vobis thesauros in cælo.* Superioribus

Ephes. 6.

Psal. 77.

Marc. 6.

Matt. 6.

ac sequentibus dictis duo thesaurorum genera monstrantur : unum scilicet , quo filiis thesaurizent patres : aliud quo sibi . Filiis quomodo ? Ut erudiant illos officio , ac timore divino . Sibi quomodo ? Ut thesaurizent sibi thesauros in cœlo . Mirificè scilicet , ut quia pecunia caduca resest , disciplina immortalis , & omnes ferme parentes plus ament filios , quàm seipsos , sibi conferant bona caduca , filiis sempiterna ; ac sic pietati suæ consulant , & salutem , cum duplici , atque immortalis bono , & per ea , quæ æterna sunt , æternos esse filios suos faciant , & ad conquirendam sibi beatitudinem ea , quæ naturaliter caduca sunt , bonis operibus in æterna convertant . Quid ergo æstuas paterna pietas ? quid ad conquirenda terrena , & peritura distenderis ? nihil maius præstare filiis potes , quàm si hoc bonum per te habeant , quod nunquam penitus amittant . Non necesse est ergo , ut filio tuo terrenos thesauros recondas : nulla re eum facies ditiores , quàm si ipsum filium tuum thesaurum Dei feceris . Quamquam hæc licet se ita habeant , & sint vera , ac saluberrima , tamen non ita dicam , quasi filios bonis , & facultatibus paternis penitus excludam . Sed de hoc postea disputabimus . Interim quia reos se quidam futuros non putant , si substantias suas non ad Evangelij honorem , non ad salutem suam , non ad ullum officium Dei conferant , sed pro libidine , & infidelitate quibuscumque hereditibus passim , vel irreligiosis , vel locupletibus impia , & paganica sollicitudine transcribant , videamus breviter , vel à quo sint datæ facultates,

res ipse, vel ob quid datæ; ut cum, & authorem, & causam datæ rei ostenderimus, facilius, & ad quem referenda, & in quem usum conferenda sit, approbare possimus: Omnem substantiam mundialem divino possessoribus cunctis munere dari, nullus homo, ut reor, ambiget, qui modo in hominum numerum referri potest: nisi fortè quis tantæ sit insipientiæ, ut cum humano generi mundus ipse à Deo datus sit, ea quæ in mundo sunt, non à Deo hominibus data arbitretur. Igitur si omnia omnibus Deus tribuit, nemini dubium est, quòd ea, quæ Dei dono accepimus, ad Dei cultum referre debeamus, & in eius opera consumere, quæ eiusdem sumpsimus largitate. Hoc est enim agnoscere munus Dei, & divinis beneficiis bene uti, ut datis suis illum honores, à quo data ipsa acceperis. Quod quidem etiam humanarum rerum exempla docent. Si enim usus rerum aliquarum cuipiam homini alterius hominis beneficio, ac largitate tribuatur, isque immemor illius, à quo fructum rerum indeptus est, avertere ab eo proprietatem præstitæ rei, atque alienare conetur, nonne ingratus omnium hominum, atque infidelissimus indicetur? qui oblitus scilicet hominis benefici, ac liberalissimi, spoliare illum iure dominij sui velit, qui eum ipsum usus possessione ditaverit? Et nos itaque usum tantùm earum rerum accepimus, quas tenemus: commodatis enim à Deo facultatibus utimur, & quasi præarii possesores sumus. Denique egredientes è mundo isto, velimus, nolimus, hic cuncta relinqui-

Erov. 3.

Ecel. 4.

mus. Cur ergo cùm possessores tantum usufructuarij simus, quod nobiscum auferre, atque asportare non possumus, avertere à proprietario domino, atque alienare tentamus? Cur non bona fide datis à Deo resculis utimur? Tenuimus quoad licuit: tenuimus, quoad permisit ille, qui præstitit. Quid rectius? quid honestius? quàm, ut ubi res ab eo discedit, qui usum habuit, revertatur ad eum possessio, qui utendam concessit? Denique etiam ipsum hoc Dei voces per linguas literarum sacrarum iubent, dicentes quotidie ad unumquemque nostrum; *Honora Dominum de tua substantia*. Et alibi: *Redde, inquit, debitum tuum*. Quàm pius est, & indulgens nobis Dominus Deus noster, qui invitans ad erogandam terrenæ substantiæ facultatem, honora, homini inquit, honora Dominum de tua substantia: cùm utique totum suum sit, quod ab eo accepimus; nostrum esse dicit, ut demus: ideo scilicet nostrum appellans, proprietate possessionis, ut major sit merces operantis? quia plus fructum, necesse est largitor habeat, ubi de suo videtur esse largitio. Sed tamen ne hoc ipso humana mens insolesceret, quòd substantiam hanc Dominus nostram esse dixisset, adiecit salubriter: *Redde debitum tuum*, hoc est, ut quem devotio non illiceret ad largiendum, necessitas cogeret ad exolvendum: & quem ad opus sanctum fides sua ipsa non traheret, saltem necessitas coarctaret. Prius, ait: honora Dominum de tua substantia, deinde: redde, inquit, debitum tuum, hoc est dicere. Si devotus es, da quasi tuum: si indevotus, redde quasi

quasi non tuum. Bene itaque posuit, & dandi voluntatem, & solvendi necessitatem. Hoc est utique dicere omni homini, ad opus sanctum, & hortatione invitari, & exactione constringeris. Da si vis, redde si non vis. Apostolus quoque id ipsum monens divitibus præcipit, ne superbè sapiant, neque sperent in incerto divitiarum, sed in Deo vivo, qui præstat, nobis, inquit, omnia ad fruendum in voluntate operum bonorum. Vno dicto utrunque docuit, hoc est, & qui daret divitias, & cur daret: dicens enim, sperandum à Deo, qui præstitit omnia, ostendit, à Deo divites fieri: Addeas autem in voluntate operum bonorum, docet idipsū, quod dixit, à Deo tribui, propter bona tantū opera præstari: Præstat enim omnia in voluntate operum bonorum, hoc est, ad hoc facit homines substantia esse locupletes, ut bona operatione sint divites, id est, ut commutent divitias, quas acceperunt, & facultates ipsas in bonis operibus collocantes, Dei opes, quas habent in hoc sæculo temporarias, benè utendo faciant sempiternas: ac sic agnoscentes munera Dei, duplici bono gaudeant, cum qui sint divites in hoc sæculo, esse quoque divites mereantur in cælo. Sic ergo habendæ sunt divitiæ, sic petendæ, sic tenendæ, sic propagandæ. Alioqui inestimabile malum est, bonis à Deo datis non benè uti: *Avaro enim*, inquit Scriptura sacra, *nihil est scelestius*: & pessimum ac feralissimum morbi genus divitiæ conservatæ in malum domini sui. Verum est. Quid enim peius, aut quid miserius, quam si quis præsentia bona in mala futura convertat? & quæ ad hoc à Deo

1. Tim. 6

Eccli. 10

*Avaro-
rum mise-
ria.*

data sunt, ut pararetur ex eis vitæ beatitudo perpetua, per hæc ipsa queratur mors, ac damnatio sempiterna? In quo & illud considerandum est, quod si servate divitiæ ad malum hominis conservantur, quanto utique ad maius malum coacervantur? Quotus enim quisque nunc divitum tantæ est continentia, qui opes custodire contentus, accumulare iam nolit? O miseria temporis, & Ecclesiasticæ plebis, ad quid redacta es? ubi cum scriptum sit, quod servare opes genus sit magni criminis, non augere divitiarum, iam genus putatur esse virtutis? Ergo ut supra diximus, quomodo se quidam reos futuros omnino esse non putant, si nec in morte sibi met per dispensationem substantiæ consuluerint, huic sæculo servientes, cum etiam ex hoc rei sunt, quod usque ad mortem cuncta servaverint? Aut quomodo rei non erunt, qui facultates suas ad quoscumque homines infidelissima vanitate transmiserint, cum etiam illi rei futuri sint, qui non se ipsos in vita ista aliqua ob honorem Dei rerum suarum parte privaverint? ostendente id ipsum etiam per Apostolum suum Domino nostro, atque dicente:

Iacobi 5

Agite nunc divites, plorate in miserijs, quæ advenient vobis: divitiæ vestrae putrefactæ sunt, & vestimenta vestra à rinceis comesta sunt, aurum, & argentum vestrum aruginavit, & arugo eorum in testimonium vobis erit, & manducabit carnes vestras sicut ignis, thesaurizati iram in novissimis diebus. Præter illam, quæ in mysterio latens maior est multo, ac terribilior divitiarum verborum se veritate, sufficere ad metum,

ac

ac tremorem omnibus, puto, illa quæ prompta sunt: ad divites enim peculiariter loquitur: plangere eos præcipit, mala futura nuntiat, ignem perpetuum comminatur. Et hoc quò minæ ipsæ magis timendæ sint, non propter homicidia, non propter fornicationes, non ob sacrilegas impietates, aut alia postremò vitia, lætali gladio animas, & perenni occisione iugulantia, sed propter solas tantummodo opes, propter insanam cupiditatem, propter auri, atque argenti famem: ut ostenderet scilicet, sufficere hæc homini ad æternam damnationem, etiamsi reatus alij non fuissent. Quid dici simplicius, quid evidentius potest? Non dicit diviti: torquendus es, quia homicida es, torquendus es, quia fornicator, sed torquendus tantummodo, quia dives: hoc est, quia divitiis malè uteris, quia datas tibi ad opus sanctum divitias, non intelligis: non enim ipsæ divitiæ per se noxiæ, sed mentes malè attentionum criminose; nec ipsæ opes homini pœnæ causa sunt, sed de opibus sibi pœnas divites faciunt: quia dum uti divitijs bene nolunt, ipsas sibi divitias in tormenta convertunt. Thesaurizatis, inquit, in novissimis diebus, bene cum dixisset, thesaurizatis, addidit in novissimis diebus, hoc est, ut maior thesaurizantium reatus esset, cum thesaurorum invidiam etiam sæculi extrema cumularent: Thesaurizatis, in novissimis diebus. Per thesauros cupiditas: per novissimos dies infidelitas accusatur: ac per hoc duplex, & cupiditatis noxa est, & infidelitatis: quia thesauros, quos iuxta id,

Deus. 7. quod Deus dicit, *Non concupisces*, crimen uti-
 Rom. 7. que fuit, & alio tempore concupiscere: maius
 absque dubio per infidelitatem ipsam crimē est,
 etiam in mundi fine cumulare. Durum fortasse
 aliquis sermonem meum hactenus iudicabit. Et
 verē durus est, si aliquid non ex testimoniorum
 sacrorum autoritate commonuit: durus exi-
 stimetur, si aliquid tale habuit, quale hic Apo-
 stolus prædixit, ut non addamus illud domi-
 ni nostri dictum, quo omnes penitus indignos
 se dixit, esse, qui non renuntiassent omnibus,
 quæ possederint. Quæcumque sint, nonne, quæ-
 so, indulgentissimum, modestissimum, ac mol-
 lissimum existimari convenit, quod locuti su-
 mus, scilicet qui hominibus, quibus perfectam
 incolumitatem tribuere non possumus, opem
 saltem desperatæ salutis inquirimus: & quorum
 vitam sanare non possumus, mortem levare
 tentamus. Quid est enim perfectæ sanitas? quid?
 nisi in vita hac benè agere? Quid postrema cu-
 ratio? quid, nisi vel in extremis bonis viaticum
 comparare? Quid est enim perfectæ sanitas?
 quid? nisi rebus à Deo traditis benè uti. Quid
 ultimum remedium? quid? nisi saltem postea
 facere, quod peniteat te non ante fecisse. Dura
 fortasse aliquis putat esse, quæ dico: dura planè,
 dura existimentur, nisi talia sint, ut in compa-
 ratione Apostolicæ severitatis mollia, ac remissa
 videantur. Apostolus enim ad plañctum divites
 vocat: nos ad remedium. Apostolus divitias
 ignem nominat: nos facere ex divitiis aquas cu-
 pimus, ignem æternum extinguentes, secundum
 illud: *Sicut aqua extinguit ignem, sic elemosyna*

extinguit peccatum. Apostolus in divitiis male conservatis damnationem esse, testatur: Ego ex his, quæ dicit ille, mortem æternam omnibus facere, vitam opto perpetuam comparare. Non quidem, quod ulli vitiis carnalibus implicato sufficere ad vitam æternam putem, si cum usque ad mortem in flagitiis consenuerit, in obitu benè cuncta dispenset, nisi antea, & peccatis renuntiaverit, & sordidam illam criminum tunicam, lutulentamque proiecerit, & novam conversionis, ac sanctimoniæ vestem de manu Apostoli prædicantis acceperit: alioqui peccare non desinit, quem in extremis situm recedere à criminibus sola tantum fecit impossibilitas, non voluntas. Qui enim à malis actibus tantum morte discedit, non relinquit scelera, sed relinquitur à sceleribus. Ac per hoc necessitate exclusus à vitiis, & tum, puto, peccat, quando cessaverit, quia quantum ad animum necdum desinit, qui adhuc velit peccare, si possit. Non bonis itaque spebus innititur, qui ad hoc semper tantum peccat in vita, ut peccatorum molem redimat in morte. Et ideo se evasurum, putat, non quia bonus, sed quia dives sit: quasi verò Deus non vitam quærat hominum, sed pecuniam, atque à cunctis malorum redimendorum spe male agentibus accipere solos pro criminibus nummos velit, & corruptorum iudicum more argentum exigat, ut peccata vendat. Non ita est: prodesse. n. largitionem plurimum, certum est, sed non illis, qui ultima future largitionis spe male vivunt, qui fiducia redimendæ im-

mu-

munificatis scelera committunt, sed illis, qui decepti, aut lubrico ætatis, aut nubilo erroris, aut vitio ignorantia, aut postremo lapsu fragilitatis humanæ resipiscere tandem, quasi postmodum gravissimæ infirmitatis, aut quasi post fluctum turbatae mentis incipiunt. Et sicut ad sensum suum insani homines post furorem, sic isti redeunt post errorem; in uno tantummodo à se dispares, quod illi gaudent postquam evaserint ægritudinem, isti plangunt, postquam acceperint sanitatem, nec immerito: illi enim tantò plus gratulantur, quantò plus incolumitatis indeptos esse se, sentiunt: isti tantò plus confunduntur, quantò evidentiùs morbum sui erroris agnoscunt. Quo fiat necesse, ut illi exultent, & isti lugeant: quia illi, quod ægrota-
runt imputant valetudini, isti quod erraverunt, sibi: ac sic illi læti sunt de remedio, & isti anxij de reatu. Unde admoneo cum omnes, tum præcipue eos, quos gravium delictorum terror exagitat, & in quibus infeliciores conscientia peccatorum pœnalarum recordatione suspirat, primum, ut licet lapsi sint, non commorentur in lapsu; nec in volutabris suis sordentium suum more versentur: Quæ cum æstuant alvos cæno immerferint, nequaquam sordidis voluptatibus satisfaciunt, nisi tota penitus luto membra convolvant. Non ergo horum naturalem sequantur illuviem, nec malè blandis lapsibus acquiescant, aut in barathro libidinum commorantes, in ipsis se sepeliant ruinis suis; sed illico ubi concidere, confurgant, & elevationem protinus meditentur in lapsu. Ac si fieri
ul-

nullo modo solertia, ac pernicitate pœnitudinis potest, tam velox sit remedium resurgentis, ut vix possit vestigium apparere collapsi. Ergo in huiusmodi causis hac primum medela opus est, ut morbos suos languentes horreant, curare plagas festinent sauci, & illico è corporibus sagittas rapiant vulnerati. Optimè enim malagma, vel tibula semper calidis adhuc vulneribus imponitur, & citius sibi plagarum caro sociatur, quæ non diu hiare permittitur. Vlcus quippe in corpore, si computruerit, dilaturatur. Et si plagas cancruma sequitur, cancrum, necesse est, consequatur occasus. Fugienda itaque primum hæc peccatoribus mala sunt, nec dandus diabolo locus: qui stantes impulit in ruinam, ut lapsos præcipitet in mortem. Quod si aut tanta vis morbi, aut tanta agrorum fuerit incuria, ut valetudinis curam, & labem usque ad dies ultimos trahant, quid dicam nescio, quid promittam, penitus ignoro: Revocare ab inquisitione ultimi remedii periclitantes, durum, & impium: spondere autem aliquid in tam fera curatione, temerarium. Sed melius tamen est absque dubio, quamvis diuturna paralyti aridas manus aliquo tamen nisu ad cœlum erigi, quam lethali penitenti desperatione dissolvi. Melius est enim, nihil in expertum relinquere, quam morientem non curare: maxime: quia nescio, an in extremis aliquid tentare, medicina sit certè nihil tentare, perditio. Et unum scio, quod quicumque in hanc miseriam longèvi languoris extrema perduxerit, ineffabile dictu est quantum lamentationis erroribus suis de-

*Odiffe
morbum
primus
gradus
est ad sa-
nitatem.*

debeat, quia nunquam errata cognovit. Et quid inter hæc fiet? Quando enim lugebit, qui dies lugendi perdidit? quando satisfaciet, qui tempus satisfactionis amisit? Ad ieiunia forsitan, longa confugiet? Est quidem hoc aliquid, sed eleemosynis misceatur, secundum illud: *Bonum est ieiunium cum eleemosyna*. Sed quomodo ei exomologesis diuturna opitulabitur iam in extremis sito? Sed cilicio carnes conteret, ac favilla, & cinere sordidabit, ut mollietiem videlicet præteritæ voluptatis præsentium asperitatum duritia compenset, & reatum longarum deliciarum officio patrocinantis solvat iniuriæ. Sed quando hæc tam grandia faciet, & vicino iam exitu etiam à mediocrium actione disclusus? Crucibus denique diversarum ærumnarum reum in suo corpore hominem iudex fidei severitas subiugabit, ut indulgentiam scilicet absolutionis æternæ, præsentis pœnæ ambitione mereatur. Sed fatifcente iam corpore, ubi exercebit distractionis officium, censor animus? Vti enim severitatis arbitrio iudex non potest, quando reus iam non sustinet iudicari. Vnum ergo est, quod amissis omnibus adiumentis, atque subsidiis, perfugium nuntant, ac destituito opitulari queat: ut confugiat scilicet ad illud beatissimi Danielis sacrum, ac salubre consilium: qui Babylonio regi mederi volens, ulceribus de offensione contractis, malagma de miseratione composuit dicens: *Propter quod, Rex, consilium placeat tibi: peccata tua misericordiis redime, & iniustitias tuas in miseratione pauperum, fortasse erit patiens Deus*

de-

Tob. 12.

Dan. 4.

delictis tuis. Ita ergo & iste faciat, ut ille dixit: utatur medicamento alii oblato ad sua vulnera, vereatur contumacie inobedientis exemplum, cogitet, quid ipse sit passurus in morte: cum videat, quæ rex Assyrius pertulerit in vita. Evidens est de superbia, ac rebellionē documentum. Consideret, an ipse si non audierit: mortuus evasurus sit, cum videat, quod Rex ille, qui non audivit, seipsum vivus amisit. Offerat ergo, vel moriens ad liberandam de perennibus pœnis animam suam: quia aliud iam non potest, saltem substantiam suam, sed offerat tamen cum compunctione, cum lachrymis, offerat cum dolore, cum luctu. Aliter quippe oblata non profunt, quia non pretio, sed affectu placent: nec enim animus dant: s. datis, sed animo commendantur data: nec pecunia fidem insinuat, sed pecuniam fides. Ac per hoc, qui prodesse sibi vult, quæ Deo offert, hoc modo offerat: Neq. .n. homo Deo prestat beneficiū in his, quæ dederit, sed Deus in his homini, quæ acceperit: quia etiā quod homo habet, Dei, ac domini sui munus est, ac per hoc, in his, quæ offeruntur ab homine, homo non suū reddit, Dominus suū recipit. Itaq. cum offert Deo quispiam facultates suas, non offerat quasi præsumptione donantis, sed quasi humilitate solventis: nec absolvere se peccata sua credat, sed allevare, nec offerat cū redemptionis fiducia; sed cum placationis officio: nec quasi totum debitū reddens, sed quasi vel parum de magno reddere cupiēs: quia etiā si tradat, quod habet pro modo rerum, non reddit, quod debet pro magnitudine

*Affectus
non pre-
tium pla-
cet Deo,*

pec-

peccatorum. Et ideo licet offerat, oret Deum, ut lenta sua placeat oblatio, plangens id ipsum, quod tardè offert; plangens, ac pœnitens, quod non priùs. Sicerit ut iuxta Prophetam propitietur forsitan Deus delictis suis. Sed dicit aliquis. Totum ergo Deo oblaturus est, quod habet?

Quid offerendum Deo.

Non offerat totum, quod habet, si non putet, se debere totum, quod habet. Non quæro, cuius sit quod offertur; à quo sit acceptum, ante quod redditur: Hoc dico solum, non offerat totum pro debito, si debere se totum non, putat pro reatu. Totum ergo, inquit aliquis, quamvis magnorum criminum reus, oblaturus est totum Domino? Immo nihil, si non cum fide: immo nihil, si non cum ambitu: immo nihil, si non cum prece: immo nihil, si non hoc animo, ut hoc ipsum inter præcipua Dei beneficia reputet, quod & animum offerendi dedit, & plus sibi in his, quæ Deo relinquit præstari estimet, quam illis, quæ priùs habuit: quia hoc, quod habetur ab homine, temporarium est, quod autem Deo relinquitur, sempiternum. Totum, inquit aliquis, oblaturus est? At ego dico, homini in æternum periclitanti, etiamsi offerat totum, esse tamen hoc totum parum. Quid enim iam scit aliquis, an peccatorum mensuram oblata compensent? iam scit aliquis, an tantum in officio placationis, quantum est in offensione discriminis? Si novit quisquam hominum peccatorum, quanto redimere delicta possit; utatur scientia ad redemptionem. Si verò nescit, cur non tantum offerat, quantum potest? ut si compensare peccata non valet pre-

pretij magnitudine, saltem mentis devotione compenset. Perfectum enim conscientia fructum exhibet, qui intra conscientiam nil relinquit. Dura nonnulli hæc absque dubio, & immensurata causantur: maxime, quia Prophetas, de quo diximus, Babylonitum regem hoc tantum admonuisse videatur, ut multa donaret, non uti universa distraheret. Non profero interim testimonia Evangelij, nec confugio ad loquentis in sacris voluminibus vocem Dei, non dico, aliud vetere, aliud nova lege præceptum. Vnde etiam Apostolus: *Ecce, inquit, vetera transierunt: facta sunt omnia nova, omnia autem ex Deo.* Quibus utique dictis docet, non vetera secundum literam, sed nova secundum Deum, esse facienda. Ea tantum re interim contentus sum, quam Prophetas dixit: Sermo enim ei cum Rege erat: Et quidem cum rege, non unius urbis, sed ut tunc videbatur, totius orbis. Quia itaque non poterat populos, quos regebat per testamentum egenis tradere, & nationes barbaras indigentibus, quasi nummos dare, aut in pauperum stipes diffusa longè, ac latè regna convertere, & ideo Prophetas: *Peccata inquit, tua in misericordiis redime;* hoc est aurum da indigentibus, quia non potes regnum dare, facultates distribue, quia potestatem non vales prorogare. Ac per hoc videtur iussisse, ut totum daret: quem hoc solum non iussit distribuere, quod non poterat erogare. Exaggeramus fortè rem verbis, & nimis altè attollimus. Videamus ergo id ipsum, quale sit: *Peccata, inquit, tua in misericordiis redime.* Quid est ali-

2. Cor. 5

Dan. 4.

aliqua redimere : Opinor pretium rerum, quæ
 redimuntur dare. Non quæro, quæ illius Regis
 peccata fuerint ; ipse sciat quanti debuerit redi-
 mere, quæ fecit. Te alloquor, cuius causa est :
 te appello, cuius discrimen agitur, hoc facito,
 quod Propheta dixit : Peccata tua in misericor-
 diis redime. Noli tantum Deo relinquere,
 quantum habes : Si pro peccatis tuis necessarium
 non putas quantum habes, æstima diligentissi-
 mè culpas, quas admisisti, æstima peccatorum
 diversitates, vide quid pro mendaciis debeas,
 quid pro maledictis, atque periuriis, quid pro
 negligentis cogitationum, quid pro impurita-
 te sermonum, quid pro omni denique malæ vo-
 luntatis affectu ? Adde postremò etiam, si aliqua
 de his intra conscientiam tuam sunt, de quibus
 Apostolus dicit : adulteria, fornicationes, im-
 pudicitia, ebrietates, immunditia Deo exosa,
 avaritia idololatriæ famula, & præter hæc ali-
 qua fortè crimina etiam de humani sanguinis
 effusione contracta, cumque omnium supputa-
 veris numerum, expende pretia singulorum, &
 post hæc non quæro, ut pro peccatis totum Deo
 tradas, quod habes ; hoc solum redde, quod
 debes, si potes æstimare, quod debeas. Addo
 autem præter ista omnia, quod cum tractaveris
 delicta tua, atque taxaveris, tantò plus pro ma-
 lis tuis debes, quantum peccata tua vilius æstima-
 ris. Quoniam *qui se*, inquit Apostolus, *existi-*
mat esse aliquid, cum nihil sit, seipsum seducit.
 Vt non dicam tibi, quod Regi illi victuro adhuc,
 & fortè iuveni, ut festinaret tamen peccata sua
 redimere, præceptum est. Tu autem tantò plus
 pro

Galat. 5

Galat. 6.

pro te debes, quod hæc quæ supra dixi, vel moriens facis, vel iam iamque moriturus. Grandis enim munificentia, ac devotio futura est, quæ possit id compensare, quod hæc tum demum domino tuo reddis, quando habere ipse iam non potes. Præsertim cum addatur ad ista omnia, quod Propheta ipse, qui regem illum ad redemptionem criminum vocat, per hæc ipsa, quæ dicit, debere fieri, non tam ei veniæ securitatem, quam viam inquirendæ salutis ostendit: Dicens enim ad eum: *Peccata tua in misericordiis redime, & forsitan propitiabitur Deus delictis tuis.* Hoc ipsum, quod dicit forsitan, spem indicat, non fiduciam pollicetur. Ex quo intelligi potest, quàm difficile iam in supremis positi peccatores, qualibet munificentia ad perfectam indulgentiam pervenire possint: quando Propheta ipse, qui suadet, propitiationem Dei inquirendam, promittere tamen non ausus est promerendam: dat consilium de actu, & tamen dubitat de effectu. Hortatorem se agendi, non impetrandi authorem facit. Quare ita? Quia omnes scilicet peccatores debent pro se, vel in supremis cuncta tentare, etsi non possunt ulla præsumere. Si enim regi Propheta ille per solam bonorum operum largitatem absolutam indulgentiam non promittit, intelligere peccator, non acta errorum pœnitentia, potest, quanta ei, & quàm larga in supremis munificentia opus est, qui vult obtinere à domino per seram devotionem, quod non potest usurpare per legem.

Dan. 4

LIBER SECVNDVS.

Argumentum.

Probat, non minus iusto, quam peccatori opus esse erga pauperes liberalitate; cum primus ad gloriam sibi prmerendam, secundus ad eluendam culpam pauperibus elargitur. Quamvis, quotus quisque est, cui iusti titulus iure merito sedet, ut nulla labe aspergatur, nullas quotidie noxas contrahat? Digreditur paulo post ad usum divitiarum discutiendum, qui nunquam fere a noxiis, immo mortiferis deliciis seiungitur, iuxta Apostolum: Vidua, quæ in deliciis vivit, vivens mortua est. Nunc sapienter deducit, abdicandas per salubrem largitionem esse divitias, quæ nisi abdicentur, nullum possessorem, ne Virginem quidem sinunt innoxium. Ad Ecclesiasticos præsertim stylum desorquet; quos tanto turpius est esse divites, quanto egentiores eos Dominus esse præcepit. Deplorat interim quorundam infidelitatem, Deo tantum, post omnia diffidentium; nam & semina solo, & pecuniam mercatori & merces mari committunt, Deo dumtaxat funerari timeant, ne spe præmissi præventur feneratoris. Denum abiciendas necessarii, admonet, esse divitias, quia semper bonæ menti obstant; & ad celum properantibus impedimenta passim ferunt. Atque hic typo suo increpandi avaros morem gerit, qui se ipsos exheredant, se ipsos extorris, & in exilium agunt; concluditque avaro, & verissimo effato: nulli, inquit, tam sævi, tam crudeles adversus inimicos suos extant, quam avari adversum se.

Diximus de remediis peccatorum; immo potius de spebus remediorum, atque solatiis; scilicet hoc primum inquirendæ salutis esse suffragium, ut peccatorem poeniteat erroris: tum ut iuxta sermonem sacrum, statim peccata sua misericordiis redimat: postremo, si id non fecerit,

rit, ne quid saltem moriens inexpertum relinquat, vel ultima sibi rerum suarum oblatione succurrat. Sed respondeatur fortasse hoc loco illud: Si peccatores homines, hac redimendorum criminum necessitate teneantur, sanctos absque dubio, qui sunt expertes criminum, non teneri, ac per hoc non habere eos causam substantiæ largiendæ, qui non habeant, quod redimere eos, necesse sit largitate. Audio: sed id quale sit, iam videbimus. Interim, etiamsi præterita mala non sint, quæ sanctum hominem, oporteat rebus cunctis redimere, sunt tamen perennia bona, quæ magno debeat comparare. Sed de hoc tamen plenius postea. Nunc autem hoc dico liberè, & constanter affirmo, neminem esse omnino sanctorum, qui non in multis sit Deo debitor, ac per hoc, eum, quæcumque domino suo dederit, non tam donare, quam solvere. Ac primum, ut de beneficijs generalibus dicam, id est, quod quisquis, vel sanctorum es ille, vel divitum: primum benevolentia, ac dono Dei, & natus, & altus, & educatus es: quod rebus ad vitam necessariis communitus, quod etiam non necessariis locupletatus, quod plus ad usum tibi dominus tuus tribuit, quam modus usum postulavit: quod extendit denique super spes tuas munera sua, & quod est maximum, ac rarissimum, dona illius etiam tua vicerunt. Addo autem post ista omnia, quod idem dominus, qui te primum munere suo genuit, postea etiam passione salvavit, quod propter te, o homo, terram, ac lucum, immò exiguum terræ, ac luti partem, rerum universarum.

dominus è cœlo venit, terras adiit, ex carne pariter, & in carnem processit, humiliatus usque ad humani exordij pudorem, & pannorum illuviem, & præsepj vilitatem, tolerans indignas se vite istius passiones, edendi, bibendi, somnij, vigiliarum ægras vicissitudines, & caduce istius conversationis contumeliosas necessitates: ipsam denique hominum circa se conversantium fœtidam commemorationem, populos peccatorum sordentium luto oblitos, semper malæ conscientie admissu reos, turpium ex se actuum nidore exhalantes. Et ideo cœlestium præceptorum incapaces, nec sustinentes facti fulgoris iubar, quia caligantes peccatis oculos splendor divini luminis obruebat: nec solum hoc, sed post hæc omnia adde protervas superbientis populi contradictiones, adde convicia, adde maledicta, impiam insectationem, testimonium falsum, iudicium cruentum, irrisiones populi, sputa, verbera, acerbissimas quidem pœnas, sed indignitates pœnis acerbiores, coronam spineam, aceti poculum, cibum fellis, damnatum ab hominibus dominum universorum, pendentem in patibulo humani generis salutem, Deum terrenæ conditionis lege morientem. Quæ cum ita sint, quicumque ille, aut sanctus es, aut sanctum te esse credis, dic mihi, quæso, nunquid solvi hæc sola possunt, etiamsi nulla alia debeantur? Quicquid libet enim homo pro Deo perferat, solvi omnino non potest, quod Deus pro homine perpeffus est. Quia etiam si passio ipsa non differat genere pœnarum, multum tamen distet, necesse est, diversitate patientium. Sed forsitan dicis, generale

rale in his, quæ diximus omnium hominum esse debitum, & in hoc universorum hominum genus indifferetè obnoxium . Verum est . Sed nunquid aliquid ideo minùs debet, si & alius idem debeat? aut si centum hominum cautiones decentenis festeriis scriptæ sint, num idcirco allevatur unius debitum, si omnes sint eiusdem numeri debitores? *Vnusquisque enim*, inquit Apostolus, *suum onus portabit, & unusquisque pro se rationem reddet* . Nequaquam ergo unius pondus pondere allevatur alterius, nec absolvitur reus societate multorum: neque ideo minùs est cui libet tetra damnatio, si multos videatur complices pœne habere damnatus . Ita hoc, quod supra dixi, licet generale sit debitum, & speciale tamen esse, non dubium est: licet sit commune omnium, est tamen peculiariter singulorum . Ita ad omnes æqualiter pervenit, ut tamen de summa unicuique nil recedat. Christus enim sicut pro omnibus passus est, sic pro singulis, & cunctis se impendit pariter, & singulis, & totum se dedit universis, & totum singulis . Ac per hoc quicquid passione sua Salvator præstitit, sicut totum ei debent universi, sic totum singuli; nisi quòd propè hoc plùs singuli, quàm universi: quòd tantùm acceperunt singuli, quantum universi . Vbi enim hoc unus accipit, quod universi, & si par est mensura, maior invidia est . Quò fit, ut licet ipsum accipiat, & plus debere videatur: quia magis sit unus obnoxius, qui videtur omnibus cõparatus . Hec ergo hætenus, & hæc ideo, quia debitores Deo quidã sanctorum

esse se, non putant cum debitum aestimare non possint. Sed dicit fortasse aliquis: non quidem debitores non esse sanctos, sed multorum maiora hominum secularium esse debita, quorum sunt plura peccata. Quod tale est, ac si quispiam dicat: Ideo ego sum innocens, quia alius magis est nocens: ideo ego iustus, quia alter iniustus: ideo ego apprimè bonus, quia alius singulariter malus. Iam primum indecorum hoc sanctimonie est, ut bona sua crescere malis, arbitretur, alienis, & meliorem se esse, estimet, comparatione peiorum. Infelicissimum enim consolationis genus est, de miseris hominum peccatorum capere solatium, cum Apostolus gaudere nos cum gaudentibus iubeat, & deslere cum flentibus, & non quæ sua sunt singulos cogitare, sed ea, quæ aliorum. Sed esto istiusmodi comparatio, iusta atq. honesta videatur: nunquid etiam fida existimari potest? Quis enim de illo tanto, ac tam terribili futuro Dei iudicio satis certus est? Aut quis dicere potest: ego minus debeo, ille plus debet? Quis postremò de se presumere, aut de alio desperare? *Omnes enim*, inquit Apostolus, *stabimus ante tribunal Christi, & unusquisque onus suum portabit*. Nihil ergo, inquit aliquis, inter sanctos, & peccatores est? Multum planè, & penè immensurabile. Sed quia scriptura dicit: *Beatus homo, qui semper est pavidus*, & nunquam est de salute propria mens secunda sapientis: licet multum inter sanctos, & peccatores sit; quæro tamen ab omnibus religionem professis, quis sibi iuxta suam conscientiam satis sanctus sit? Quis de illa futuri examinis tremenda severa-

Rom. 12.
Philip 2.

Rom. 14
Galat. 6

Prov. 28.

rita-

ritate non trepidus? Quis de perpétua incolu-
mitate securus? Quod si utique non est, sicuti
neque esse debet, dicat mihi obsecro quilibet ho-
minum, cur non totis substantiæ suæ viribus id
adnitatur, ut vel mortis devotione redimat,
quicquid vitæ offensione contraxit? Quanquam
hæc, quæ loquor, scire omnes legentes volo non
me de omnibus sanctis; sed de his tantum lo-
qui, qui licet religionem professi sunt, tamen
divitiis non relinquunt. De illis enim, qui ex-
pediti, aut omnibus, aut penè omnibus sarcin-
is, Salvatoris viam sequuntur, & Dominum
Iesum Christum non sanctitate tantum, sed
etiam paupertate imitantur, nihil est, quod di-
ci possit, nisi illud tantum, quod etiam Propheta
dixit: *Mihi autem nimis honorificati sunt amici* *Psal. 138*
tui Deus. Hos enim ego omnes non aliter, quàm
imitatores Christi honoro, non aliter, quàm
Christi imagines colo, non aliter, quàm membra
Christi suspicio. Et ad hoc tantum illorum me-
mini, ut eorum memoria dignus fiam. Sed in-
iuriosa forsitan illa, quæ supra diximus, religio-
sæ professioni esse videantur. Quid enim, in-
quit aliquis, si vidua sit dives, & viduitatem
tamen in magna opum copia non relinquens?
Quid si virgo integritatem professa, & impol-
luti corporis sanctitate devota? Quid si coniu-
gium sine opere coniugali, negans seipsum sibi &
habens se, quasi non habens? Quid si monachus
ab incunabulis Deo militans? Quid si clericus
sacri ministerij servitute ~~ideli~~ servitutem con-
sumans? Nunquid etiam iæternæ salutis fru-
ctu periclitantur, si aut viventes opes integras

habeant, aut morientes indigentibus non relinquant: Parvus est ad promulgandam de huiusmodi questione sententiam sermo, atque auctoritas mea. Videamus ergo, quid de his omnibus sacrorum voluminum linguæ, ac præceptorum cælestium voces sonent, & tunc rectissime secundum datam à Deo normam, atque sententiam opinionis nostræ regulam dirigemus. Ac primum non est, quod confugiendum sibi huc quisquam putet, ad veterum exemplorum esse solatia, ut dicat, aliquos fortasse sanctos, aut in lege, aut ante legem divites fuisse. Abiit quippe illud tempus, mutata ratio est. Ante legem enim liberum omnibus erat, vel habendæ, vel etiam conservandæ facultatis arbitrium: quia scilicet adhuc tunc virga interdictorum cælestium non castigabatur: *Ubi enim*, inquit Apostolus, *non est lex, nec pravariatio*. Lex ergo fecit, aliquid non licere, secundum illud: *Nam concupiscentiam*, inquit Apostolus, *nesciebam, nisi lex diceret: Non concupisces*. Et ideo opes, quas ante legem Deus non reprehenderat, homo liberè possidebat. In lege quoque nihilominus propè idem iuris omnibus suppetebat: quia lex vetus hominem dummodo iuste, habere quod vellet, penitus non vetabat. Itaque tunc omnes omnino sancti cunctis facultatibus suis iuxta præscriptos legis terminos utebantur, *ambulantes*, ut legimus, *in omnibus mandatis, & iustificationibus Dei sine querela*. Sicut utique illi ipsi ambulaverunt, de quibus ista memorantur, sicut Prophetissa Anna in ieiuniis, atque orationibus vivens: sicut Nathanael ille: quem

Rom. 7.

Ibidem.

Luc. 3

Joan. 1

le.

legimus, veri Israelitæ, laude sublimis, & ipso Domino, ac Deo teste, mirabilis: sicut Tobias, qui magnanimitate devotionis præcepta legis excedens, sepulturis hominum mortuorum, etiam cum mortis periculo serviebat, & indigentibus usque ad indigentiam suam consulens, in tantum largitatis affectum venerat, ut uni mercenario suo partem bonorum omnium mediam deputeret. Et hoc quò magis possit mirum esse, iam dives; & quò mirabilius, dives ex paupere: quia maiorem ferme excitant habendi cupiditatem opes post indigentiam. Tales ergo tunc sancti erant, secundum legem omnia habentes, secundum legem omnia relinquentes: ac si perfectus fuit omnis, qui legi paruit, & tam devotus, qui sub lege tunc minus fecit, quàm nunc in Evangelio, qui plus facit: tunc enim quasi Evangelium lex fuit. Quo fit, quòd qui se obtemperantem tunc legi præbuit, quasi Evangelia complevit. Non est ergo, quòd fugiendum sibi nunc quisquam ad legem putet: *vetera enim*, ut ait Apostolus, *transierunt, facta sunt omnia nova.* Plus tunc indulgentiæ erat, & plus licentiæ: tunc esus carnum prædicabatur, nunc abstinencia: tunc in omni vita ieiuniorum paucissimi dies, nunc quasi unum ieiunium vita omnis: tunc læsis ultio suppetebat, nunc patientia: tunc irascentibus lex ministra erat, nunc adversaria: tunc accusatori gladium porrigebat, nunc charitatem: tunc etiam carnali illecebræ lex indulgebat, nunc Evangelium nec aspectum: tunc corporeæ voluptiones ha-

Tob. 4

2 Cor. 5

1. Cor. 7.

habebant quandam licentiam; nunc iubentur etiam oculi custodire censuram: tunc ad multas uxores recipiendas unius mariti chorum lex dilatabat; nunc etiam ad unam excludendam casti affectus devotione constringit. *Supereſt enim*, inquit Apostolus, *ut & qui habent uxores ita sint, ac si non habeant, & qui ſent tanquam non ſentes, & qui gaudent, tanquam non gaudentes, & qui emunt, tanquam non poſſidentes, & qui utuntur hoc mundo, tanquam non utantur: præterit enim figura huius mundi*. Videte quàm breviter miſſus à Deo doctor cuncta moderatus ſit, & intra unam perfectionem univerſa concluſerit, non illicita ſolùm intercidenſo, ſed etiam licita coarctando. Circūcidenſo ſcilicet, & uſum coniugiorum, & infidelitatem ſectium: & intemperantiam gaudiorum, & habendi libidinem, & emendi cupiditatem, & ipſam denique mundi huius brevem, atque umbratilem voluptatem. Et hæc omnia cur? Cur utiq; niſi, ut ipſe dixit, præterit forma huius mundi. Quàm longè ergo ſunt à mandato Dei, quos cùm ipſos, iuſſerit Deus viventes opibus renūciare, illi eas cupiunt etiam in cognatis ſuis mortui poſſidere: aut quàm longè ab ea devotione ſunt, ut exhæredent ipſos ſe propter Deum, qui exhæredare nolunt ſaltem extraneos propter ſe? Quibus libenter liberè dicerem: Quæ inſania eſt, ò miſerrimi homines, ut hæredes alios quoscuq; faciatis, vos ipſos verò exhæredatis? Ut alios relinquatis, vel brevī divites, vos ipſos æterna mendicitate damnetis. Sed querit fortasſe aliquis, quid ſit iſtud, quòd nunc plus exigat Deus

Deus à Christianis per Evangelium, quàm à Iudeis ante per legem? Aperta istius rei ratio est: Ideo enim maiora nunc Domino nostro solvimus, quia maiora debemus. Iudæi quippe habebant quandam umbram rerum, nos veritatem: Iudæi fuerunt servi, nos adoptivi: Iudæi acceperunt iugum, nos libertatem: Iudæi maledictum, nos gratiam: Iudæi literam interficientem, nos spiritum vivificantem: Iudæis servus, Magister missus est, nobis Filius: Iudæi per mare transierunt ad eremum, nos per baptismum introimus in regnum: Iudæi manna manducaverunt, nos Christum: Iudæi carnes avium, nos corpus Dei: Iudæi pruinam cæli, nos Deum cæli; *qui cum*, ut Apostolus ait, *in forma Dei esset, humiliavit semetipsum usque ad mortem, mortem autem crucis*: non contentus scilicet simplicè pro nobis subire mortem, nisi ipsam voluntariæ necis susceptionem summorum suppliciorum perpeffione cumulasset; pro hoc ergo solo quid solvere homo poterit, cui se per ultimam pœnarum acerbicatem Christus impendit? Aut quid pro se dignum Domino repensabit, qui ipsum Deo, à quo redemptus est, Deum debet? Hęc ergo causa est, qua devotiores esse nos Dominus sibi, velit: quia tam magno devotionem nostram pretio comparavit. Et ideo beatissimus Paulus: *Quis ergo, inquit, nos se- parabit à charitate Christi? Tribulatio; An angustia? An persecutio? An fames? An nuditas? An periculum? Angladius?* Apostolus non solum pecuniam, nec solas deberi à nobis divitias Deo dicit, sed tribulationem, angustiam, fa-
mem,

Philip. 2.

Romi 8.

mem, gladium, passionem, effusionem sanguinis, animæ exhalationem, mortem denique omni pœnarum genere sublimiter conditam. Vnde intelligant omnes religiosi, non satis se Deo reddere, etiam si universas dederint facultates: quia licet sua cuncta dispensent, ipsos se tamen debent. Et ideo, sicut supra dicere ceperamus, si vidua est quæpiam, nequaquam sibi sufficere ad æternam salutem nomen viduitatis, putet, sed videat, qualem esse in

1 Tim. Apostolo viduam Deus iubeat, dicens: *Qua verè vidua est, desolata speret in Domino, inflet orationibus nocte, ac die. Nam quæ in deliciis agit, vivens mortua est.* Vno, eodemque præcepto duas Apostolus formas viduitatis expressit: unam vitæ, alteram mortis; cum in delitiis mortem posuit. Ergo absque dubio divitem esse, non vult, quam deliciosam esse non patitur: quia omnis fructus divitiarum in usu est positus deliciarum: alioqui remoto usu deliciarum, causæ opum non relinquuntur. Cum itaque Apostolus in deliciis viduæ mortem esse memoraverit, promptum est, quòd ad vitæ æternæ fructum, vult universa distribui, qui non vult, ad mortis usum aliqua reservari. Et

Ibidem ideo dicit: *Qua verè vidua est, desolata speret in Domino*: docens scilicet, parum esse, si non vidua delitiosa, non dives, nisi fuerit Deo adherens, nisi orationi dedita, nisi à cunctis mundi illecebris desolata, & per hæc omnia verè vidua. Quod si ita est, quæcumque se vitæ cupit esse, non mortis, nequaquam sufficere sibi æstimet, si & delicias sibi ob Deum, & divitias abne-

garit, nisi, & oratione, & labore id promeruerit, ut verè vidua Dei esse videatur. Quia non est dubium, quòd quemadmodum quis in hoc seculo Christo adhæserit, ita in Christi corpore permanebit, secundum illud: *Adhæsit anima mea post te, me autem suscepit dextera tua*. Psal. 62. Quo declaratur, quòd eā tantum animam, quæ Deo adhæserit in hoc seculo, dextera Dei suscipiet, & in futuro. Hæc ergo viduitatis est regula. Nam de coniugibus continentiam professis, & spiritu Dei plenis, dubitare quis debeat: quin sua hæredibus mundanis servare, nolint, qui seipsum mundo eliminaverint? Quomodo enim ad se pertinentia aliis addicant, qui ipsos se sibi denegant? Tàm nova enim virtute præditi, concessasque, & quod maius est, expertas corporum voluptates, admirabilis continentix austeritate calcantes, quemadmodum aliquid rerum suarum non Deo voveant, qui ipsum intra se Deum esse fecerunt? Ut meo quidem iudicio etiam de tali coniugio rectissimè dici possit: *Latare sterilis, quæ non parit, erumpe, & clama, quæ non parturis, quia multi filii desertæ, magis, quàm eius, quæ habet virum*. Et sterile namq. est, quod nō parit, & desertū, quod ab omnibus se mūdi illecebris separavit: Et sine viro, quòd sine viri usu ita virū habet, ut nō habere videatur. Hos ergo coniuges tales, quis dubitet, & dū vivunt, sicut in se, ita etiā in suis substantiis Deo vivere, & cū è vita exeunt, cū sua ad Deū, cui vixerint, facultate, migrare? Aliiter .n. quilibet horum, si res suas sæculo dederit, atq. ipsi seculo derelinquit, frustra sibi nomen religionis in-

Mark 12

inſcripſit; ei videtur ſemper vixiſſe, cui moritur. De coniugibus itaque iſta ſufficiunt. Tranſeamus ad ſacras virgines, quibus legem devotionis Salvator ipſe præſcripſit, exemplo ſcilicet decem virginum, ex quibus fatuarum numerum puellarum ideò tantummodo, dicit, pœnis perennibus dandum, quia ſit ei opus miſericordiæ defuturum. Quo dicto evidentiffimè docuit, quanti pretii iudicaret largam miſericordiam, ſine qua dixit, nec integritatem quidem ipſam virgini profuturam. Sed blandiuntur ſibi fortaiſe quædam, & ſufficere ſibi exiſtimant, ſi cum multa, ac magna in facultatibus habeant, ſaltem exigua largiantur. Nec ego abnuo, ut ſi ita ratio eſt, ita eſſe, credatur. Parum detur, ſi parum dediſſe ſufficit. Sed ego ſufficere parum, nescio. Immo parum non ſufficere, certè ſcio. Si aliter ipſe ſciunt, apud ſeipſas ſciant. Ego unum ſcio, quòd Deus dicit extinctas fatuarum Virginum lampadas, operum bonorum oleum non habentes. Sed tu, quæcumque es, habere te oleum putas? & illæ proſectò, de quibus dixi, ſtultæ virgines ſic putabant: niſi enim, habere ſe credidiſſent, providiſſent, ut haberent. Nam cum poſtea, ut ait Dominus, mutuari vel-
lent, & omni ſtudio, atque ambitione perquire-
rent, abſque dubio etiam ante quæſiſſent, niſi eas habendi fiducia decepiſſet. Et tu itaque, quæcumque virgo es, vide, ne ſic non habeas, licet habere te, credas: eiufdem enim nominis es; cuius illæ, eiufdem profeſſionis. Tu virgo es; & illæ virgines erant: tu præſumis, te eſſe ſapientem; & illæ, ſe eſſe fatuas, non putabant: tu

lumen habere lampadem tuam iudicas; & illæ profectò lumen præsumptione futuri luminis perdiderunt: nam & ideò scribuntur aptasse lampades suas, quia illuminandas esse, credebant. Et quid plura? etiam emicuisse in eis quiddam luminis, puto: cum enim ipse (ut legimus) extinguentes fortè lampadas suas reformidaverint; habebant profectò aliquid, quod verebantur extingui; nec falsa opinio metuentium fuit. Exinctæ siquidem, & obcæcate sunt; nihil enim profuit illi integritati, quòd in ea, lumen virginitatis apparuit, quòd substantia olei non suppetente, defecit. Ex quo intelligimus, id, quòd parum est, quasi nihil esse: quia nequaquam omnino prodest, illicò extingendum lumen accendi; nec iuvat aliquid illucescere, quòd in ipso ortu habeat occasum; & ad hoc tantummodò habere initium viventis, ut possit finem habere morientis. Planè itaque lucerna opus est, ut lumen possit esse diuturnum. Nam si in lychnis ipsis, quibus ad breve tempus utuntur homines, languescit lumen, ac deficit, nisi oleum largè fuerit infusum: quanta tibi (quæcumque illa es) quanta tibi olei abundantia opus est, ut lucerna tua luceat in æternum. Nemini itaque ad vitam perennem sat est, si putet, se habere, quòd non habet. Stultæ enim præsumptiones, perditionis causa sunt, non salutis. Nam *qui se*, inquit Apostolus, *existimat aliquid esse, cum nihil sit: seipsum seducit*: nisi fortè tibi (quæcumque illa es) relictos à Spiritu sancto donandi terminos habeas, quos excedi piaculum putes, ac transgressionis quod-

Galat. 6.

quodammodo genus iudices, si religiosior fueris, quam à Deo esse iubearis. Si ita est, non prohibeo, quin utaris scientia à divinitate concessa. Quod si tam falsum est hoc, quam frivolum; quæ insania est, ut non quanta potes omnino facias per cautam, & timidam provisionem, cum ignores penitus, quid tibi competat ad salutem? Superest de ministris, & sacerdotibus quiddam, & clericis dicere, licet superflue forte aliqua dicantur, quicquid enim de aliis omnibus dictum est, magis absque dubio ad eos pertinet, qui exemplo esse omnibus debent, & quos utique tantò antistare cæteris oportet devotione, quantò antistant omnibus dignitate. Nihil est enim turpius, quam excellentem esse quemlibet culmine, & despicabilem vilitate: quid est enim aliud, Principatus sine meritorum sublimitate, nisi honoris titulus sine homine? Aut quid est dignitas in indigno, nisi ornamentum in luto? Et ideo cunctos qui sacri Altaris suggestu eminent, tantum excellere oportet meritò, quantum gradu. Si enim viris in plebe positis, & mulierculis ipso sexu infirmioribus talem, ac tam perfectam Deus vivendi regulam dedit, quantò utique esse illos perfectiores, iubet, à quibus omnes docendi sunt, ut possint esse perfecti: & quos tam magni esse exempli in omnibus, Deus voluit, ut eos ad singularem vivendi normam, non novæ tantum, sed antiquæ legis severitate constringeret? Nam licet decretum vetus largam cunctis ampliandarum opum dederit facultatem, omnes tamen Levitas, & Sacerdotes, intra certum habendi limitem coar-

cta-

*Idem dicit
in initio
lib. 4 de
Gubern.*

Quærit : quos scilicet neque segetem , neque ul-
lum omnino fundunt habere , permisit . Ex quo
intelligi potest , an ea nunc Deus noster velit in
Evangelio viventes Clericos suos , mundanis
post se hæredibus derelinquere , quæ adhuc in
lege positos , ne ipsos quidem voluit possidere .
Vnde est , quòd eis Salvator ipse in Evangelio ,
non ut ceteris voluntarium , sed imperativum
officium perfectionis indicit . Quid enim eum
Laico illi adolescenti dixisse legimus ? *Si vis esse* *Matt. 19*
perfectus , vende quæ habes , & da pauperibus .
Quid autem ministris suis ? *Nolite , inquit , possi-* *Matt. 10*
dere aurum , neque argentum , neque pecuniam in-
zonis vestris , non peram in via , neque duas tuni-
cas habeatis , neque calceamenta , neque virgam .
Videte , quanta sit in utroque hoc Dei sermone ,
diversitas . Laico dixit , si vis , vende quæ possi-
des : Ministro autem ; nolo , possideas . Sed &
hoc parum existimavit , ut possessionem ei sub-
stantiæ amplioris auferret , nisi etiam peram
ipsam acturo iter longum Apostolo , sustulisset ;
& unius eum tunicæ singularitate multasset .
Et quid postea ? Nec hoc satis est ; nudis quoque
in super servos suos lustrare pedibus Orbem ter-
rarum iubet , & calceamenta , plantis gelu ri-
gentibus tulit . Quid dici amplius potest ? Pe-
ram de Apostoli manu rapuit ; & peragrantibus
universum Mundum ministris suis usum unius
virgulæ non reliquit . Et post hæc , parum est
successoribus eorum (id est Levitis , ac Sacerdoti-
bus) tanta divinarum rerum administratione
fungentibus , si ipsi tantum divites fuerint , nisi
etiam .

etiam hæredes divites derelinquant. Erubescamus (quæso) hanc infidelitatem. Sufficiat nobis, quod videmur, usque ad vitæ terminos, Dominum spernere: cur id agimus, ut contemptum ipsius, etiam post mortem extendamus? Diximus de personis, atque officiis singulorum: & hæc omnia, ideò quia (ut supra diximus) quidam religionem professi, aut non debere se, sicut ceteros mundiales, substantiam suam Domino, aut certè minùs debere arbitrantur; cùm utique hoc magis debeant, *quia servus, qui scit voluntatem Domini sui, & non facit eam, is vapulet multis: qui autem nescit, vapulet paucis.* Religio autem, scientia est Dei: ac per hoc, omnis Religiosus, hoc ipso, quod religionem sequitur, Dei se voluntatem nosse, testatur. Professio itaque religionis non aufert debitum, sed auget, quia assumptio religiosi nominis, sponsio est devotionis: ac per hoc, tantò plus quispiam debet opere, quantò plus promiserit professione, secundùm illud: *melius est, non vovère, quàm post votum, promissa non reddere.* Sed forsitan dicit aliquis: Si hæc ita sunt, tutior ergo est irreligiositas, quàm Religio. Minimè; religiosus enim per hoc est debitor, quod profitetur religionem, irreligiosus autem, per id, quod neglexerit Religionem: ac per hoc, ambo habent pro diversitate conditionis debitum suum: Religiosus debet, quicquid se professus est, agnovisse; Irreligiosus verò, etiam quod non dignatur agnoscere, secundùm quod specialiter sermo divinus de eo dicit, *noluit intelligere, qui bene ageret.* Sed tamen qui onerasse Religio-

Luc. 12.

Eccl. 5

Psal. 55.

ligiosos hac re videmur, quia professionem nominis, sponsonem esse diximus religionis; removeamus hanc sarcinam: putemus non ita esse, quæ dixi: consideremus denique non quid professione, sed quid ratione, non quid voto, sed quid salubritate ipsa facere debeamus. Dicite mihi (quæso) omnes Religiosi: nunquid est ullus hominum, qui non omnia, quæ facit, vel salutis suæ, vel certè utilitatis gratia faciat? Nemo, opinor. Omnes enim ad affectum, atque appetitum utilitatis suæ, naturæ ipsius magisterio, atque impulsione ducuntur. Ideoque, & qui militant, id sibi pulchrum, & qui negociantur, id sibi utile, & qui agricolantur, id sibi fructuosum esse, existimant. Et quid plura? Fures quoque ipsi, & latrones, venefici, & sicarii, & omne improbæ conversationis genus, id sibi, quod agit, congruum putat: non quòd ulli prava conveniant, sed quòd ille qui pravis utitur, hoc sibi credat congruum, esse quod pravam. Ergo & nos, non alia (opinor) causa, Religionis Philosophiam appetivimus, quàm, quòd nobis id conveniens arbitrati sumus: cogitantes scilicet, & præsentium rerum brevitatem, & futurarum eternitatem: quàm parvum istud: quàm grande illud. Cogitantes quoque futurum iudicem, & tremendi iudicii graves exitus, ardentem in medio populorum circumstantium, vallem perennium lachrymarum, quam non solum introiri, atque tolerari, inæstimabile, ac summum malum, sed etiam videri, ac timeri, pars mali summi sit. Cogitantes quoque inter hæc hon-

renda, & pœnalissima, alia hæc præclara, ac beatissima : novos scilicet cœlos, & novam terram, vultum rerum omnium pulchriorem, æternum iustitiæ habitaculum, recens ædificium creaturarum, aureas super cœlos Sanctorum omnium domos, aulas gemmis intermicantibus expolitas, & immortalium metallorum fulgore pretiosas, lumen illic septuplò illustrius, puniceo semper splendore radians : beatitudinem ineffabilibus bonis divitem, lætam cum incolis suis perennitatem, Patriarcharum consortium, Prophetarum societatem, Apostolorum germanitatem, Martyrum dignitatem, & in omnibus Sanctis angelorum similitudinem : opum cœlestium copiam, deliciarum immortalium affluentiam, communem cum Deo vitam. Hæc itaque cogitantes, hæc contemplantes ; ad cultum Religionis sacræ, officiumque confugimus, eumque nobis ad obtinenda hæc bona suffragatorem quodammodo, & advocatum efficacissimæ intercessionis assumpsimus, atque in eius nos protectionem ac patrocinium, ambitiosa humilitate contulimus. Vnde cum hæc tanta, & cogitaverimus pariter, & expetiverimus ; videamus nunc, & perpendamus diligentissimè, si est vel in actibus nostris, vel in substantiis, unde hæc tanta à Deo emere possimus. Quod si non est, cur (rogo) non unusquisque nostrum, totum pro se offerat, quod habet, qui non potest totum offerre, quod debet ? Maximè cum Salvator ipse, ac Deus noster, nihil tutius, ac salubrius omni homini esse dixerit, quàm rem suam, atque substantiam in usu misericordiz

col-

collocare, idque præcipuè, & in vetere, & in nova Lege mandaverit; dicens, quod qui dividant propria, ditiores fiant, & quod misericordia à morte liberet. Et alibi de sancto viro: *dis-* *Psal. 111*
persit, dedit pauperibus, iustitia eius manet in
æternum. In Evangelio quoque: *Nolite, inquit,*
thesaurizare vobis Thesuros in terra. Et ite- *Matt. 6.*
n. 19.
& n. 24
rum: non potestis Deo servire, & mammonæ. Et
iterum: Va vobis divites, qui habetis consolatio-
nes vestras. Avaris quoque, & inhumanitatis
 crimine reis: *Ite, inquit, in ignem æternum,*
quem paravit Pater meus, diabolo, & angelis *Matt 25*
eius. Quorum, quæ pœna semper futura sit, facile
 intelligitur, quibus fors cum Diabolo deputa-
 tur: per quæ tamen tormenta maxima, non atro-
 cissima in eis fornicationum, aut sacrilegiorum
 crimina puniuntur, sed sola tantummodo avari-
 tia, & abdicatrix misericordiæ inhumanitas.
 Vnde intelligere nos convenit, quid passuri sint,
 quos præter alia peccata, etiam avaritia reos fe-
 cerit, cum summo supplicio afficiendi sint; quos
 [expertes omnium peccatorum] solum avaritiæ
 crimen morte damnavit: quæ utique si futura
 omnia credimus, absque dubio evitare de-
 bemus. Si autem non evitamus, profectò
 non credimus: si autem non credimus, Chri-
 stiani nequaquam sumus: neque enim possu-
 mus quemquam dicere Christianum, qui
 non putat, Christo esse credendum. Sed esto
 illas, quas supra diximus, pœnas non
 timeamus, rei; nunquid etiam præmium
 sperare possumus, non merentes? Et ideo si
 opes non damus ob peccatorum redemptionem,
 demus

demus saltem ad emendam beatitudinem. Si non damus, ne damnemur; debemus saltem, ut muneremur: quia (ut antè iam dixi) etiamsi præterita mala non sint, quæ oporteat sanctos (de quibus nunc specialiter loquimur) facultatibus suis redimere; post tamen perennia bona, quæ magno debeant comparari (etiamsi pœna non sit, quæ timeatur) est tamen regnum, quod ambiatur. Ac per hoc, etiamsi non habent sancti, quæ redimant, habent tamen, quæ emant: nisi forte aliquis damnum in emptione vereatur, videlicet, ne plus commodet, quàm recipiat; ne grandia sceleranti parva reddantur, ne largitionem redhibitio non repenset, & data semel pretij magnitudine, pecunia periclitetur emptoris: ac, si magnum quid Domino commodarit in terra, non habeat Christus forsitan postea, unde ei solvat in cœlo. Planè si ista dubitatio est, fieri nihil suadeo: quia nec prosunt omnino ulla dubitanti: cassa quippe est operatio, si fides certa non fuerit; frustra scelerat, qui de receptione desperat: Christus enim (ut credimus) factorum omnium retributor est. Si ergo, aut inopem eum, qui retribuere non possit, aut infidelem putas esse, qui nolis, quomodo ab eo retributionem sperare poteris, quem, & impossibilitatis, & infidelitatis ipse damnaveris? Quod si ita non est, nec ambigis, facturum esse, quæ dixit: quæ insipientia, aut qui error est, ut non ei tantùm des, quantum potes, cum utique non dubites, multò te plus recepturum esse, quàm dederis? Quæ denique miseria: ut malis nihil ex his recipere quæ

quæ relinquis. cum tecum possis penitus possiderere, quod credis? Sed miserum me! puto, non creditur Deo. Et quid dico, puto? utinam ambigere putarem, & non evidenter agnoscerem? Laborarem fortasse intra me, vincere opiniones meas, & cogerere sensum meum dubia non credere, ut possem mentem melioribus applicare. Sed quid agimus? non dubiis rebus vincimur, sed evidentibus coarctamur. Quis enim Domino, mente credit; & facultate non credit? Quis Deo animam suam mancipat, & pecuniam negat? Quis promissis cœlestibus fidem commodat, & non agit, ut esse possit particeps promissionum? Et idem cum videamus, homines hæc non agere, cogimur, non credentes, palam, & evidenter agnoscere. Non licet, ut eos nos Deo fidem, putemus, adhibere, cum illi se rebus clament negare: in quo necesse est, infidelitatem penè omnium hominum plangi, atque lugeri. Omiseria! ò perversitas? homini, ab homine creditur: & non creditur Deo! Humanis promissionibus, spes commodatur, Deo negatur! Omnia denique in rebus humanis, spes futurorum agunt. Vita quoque ipsa hæc temporaria, non nisi spe alitur, ac sustinetur. Ideò enim terris frumenta credimus, ut cum usuris, credita recipiamus: ideò in vineis labor maximus ponitur, quia homines spes vindemiæ consolatur: ideò negotiatores emptionibus vacant, dum Thesauros suos venditionibus sperant, esse cumulandos: ideò navigantes, vitam ventis, ac tempestatibus credunt, ut spebus suis, votisque potiuntur. Et quid plura? Pax quoque inter

*Homini
creditur,
Deo non
creditur.*

feras, ac barbaras gentes spe innititur, & fide adstipulante, firmatur: latrones quoque ipsi, & sanguinarij fidem sibi invicem non negant, & quæ promiserint mutuò, servaturos esse, confidunt. Totum denique, ut dixi, inter homines spebus agitur: solus Deus est, de quo desperatur. Cumque elementa ipsa, & naturam totius Mundi, Dominus noster fidelem fecerit: illi tantum propè ab omnibus non creditur, qui solus fecit, ut rebus omnibus crederetur. Sed dici fortè hoc loco possit, quòd rebus suis utantur homines, non esse infidelitatis interdum, sed necessitatis, neque Deo non credere Religiosos, sed vitæ, atque usui necessaria reservare. Multos enim sanctorum hominum, à summa dispensandarum opum perfectione, aut sexu nonnunquam, aut ætate, aut ipsa infirmioris corpusculi imbecillitate prohiberi. Esto hoc ferri possit, sed tamen etiamsi fertur, ita ferendū est, ut pro qualitate necessitatum, atq. causarū sufficiētia retineantur, immoderata rescentur.

1. Tim. 6. *Habentes .n. (inquit Apost.) victum, & vestitum, his contenti simus, nam qui volunt divites fieri incidunt in tentationem, & in laqueū diaboli.* Ergo ut videmus, in rebus tantum necessariis est salus, in superfluis laqueus, in mediocritate, Dei gratia, in divitiis, diaboli catena. Denique quid statim Apostolus subdit? *qua demergunt (inquit) hominem, in interitum, & perditionem.* Ergo si divitiæ interitum in se habent, evitemus opulentiam, ne in interitum corruamus. Ampla, ac locuples facultas perditionem inferre dicitur; refugienda est itaque ampla possessio

sessio, ne consequatur profunda perditio: Ac per hoc, siue sexus, siue ætas, siue infirmitas, necessaria victui requirât, sufficientibus tantùm debêt esse contenta, ut quicquid temporarium excedit usum, religiosum absumat officium. Cœterùm, si tu, quicumque ille, aut quæcumque illa es, sanctæ professionis, aut conservandis opibus, aut cumulandis facultatibus inhias, superflue de infirmitate causaris: Nunquid .n. infirmior sexus ducere aliter vitam nõ potest, nisi animi sui curas, multa ingentis patrimonii administratione distenderit? Nunquid sacra, aut, vidua, castitate devota, servare illegam sanctæ professionis perseverantiam non valêt, nisi argenti, & auri pöderibus incubarint, Actantas intra conscientiam opes possidere se noverint, quanta usus possidentium nõ requirit? Aut quia huic, & sexui pariter, & pudori quies vel maximè necessaria est, nunquid impossibile sibi quæpiam fortè existimat, inter pauca famulantium ministeria inviolatam quietem, posse servare: nisi aures eius familiæ ingentis strepitus verberarit, & turbarum circumsonantium tumultuosus clamor obtuderit? Quæ utique omnia, sanctę animę, & quietem veram desideranti, non pati tantùm, nimis magna inquietudo; sed etiam videre quodammodò pars est inquietudinis; quasque etiam si subdere aliquis disciplinæ, ac silentio velit comprimere, tamen earum inquietudinem cum sua quiete videre non possit, adeò etiam ipsa emendatio alienæ inquietudinis, perturbatio est nostræ quietis. Hec autè, quę de hoc sexu
lo.

locuti sumus, ad omnes pertinent, omniumque pariter etati, sexui, infirmitati conveniunt. Non est itaque, quod competere quisquam, aut non obesse divitias religioni putet: Impedimenta hæc sunt, non adiumenta: onera, non subsidia. Possessione enim, & usu opum, non sufficitur religio, sed evertitur, secundum illud, quod Dominus ipse dicit: *Sollicitudo istius sæculi, & fallacia divitiarum, suffocant Dei verbum, & sine fructu efficitur*. Proprie utique, ac satis pulchrè, fallaces, dixit, esse divitias. Bona enim, & putantur, & appellantur, ac per hoc, fallunt homines nomine præsentium bonorum, cum sint causa malorum æternorum. Sed licet hæc ita sint, ut Deus ipse prædixit, acquiescamus tamen miseris quorundam, atque languoribus, qui putant, se sine magnis omnino opibus vitam agere non posse. Esto! tu, quicumque ille es, aut quæcunque illa es sancti nominis, ac professionis: esto divitias: esto copias tuas usque ad finem vitæ istius habeas, dummodò saltem in fine tibi conferas. Esto rebus, ac facultatibus tuis in vita hac uti velis, dummodò tui (vel moriens) non obliviscaris, & ad eius cultum, atque honorem referenda tibi substantiam tuam memineras, cuius te munere accepisse cognoscis? Humanum est, quod ab omnibus vobis (ò divites Mundi huius) petitur, ac delitiosum; si impetrari ab unoquoque vestrum non potest, ut esse in hoc sæculo pauper velit, præstet sibi saltem, ne in æternitate mendicet. Qui præsentem inopiam tantum fugitis; cur in perpetuum non

reformidatis? In brevibus meticulosi, longa
& interminabilia vicate. Quid tantopere in vita
ista paupertatem horretis? Quid expavescitis?
Minus multò est quod hic timetis. Si tenuita-
tem temporariam gravem ducitis? qualis (que-
so) erit illa, quæ nunquam desinet: Quasi vestri
apud vos animi rem agimus, vestrique voti. Si
usu vestrarum rerum penitus carere non vul-
tis, id agite, ne aliquando careatis. Deliciosam
à vobis rem, & voluptariam poscimus: qui sine
divitiis omnino esse non acquiescitis, id agite,
ut divites semper esse possitis, secundum illud:
Si ergo delectamini sedibus & stemmatis, Re-
ges populi: diligite sapientiam, ut in perpetuum
regnetis. Alioqui qui error, aut quæ insania est,
quemquam hominem esse posse, qui acta in am-
plis opibus (quod solùm, sufficit ad reatum) us-
que ad diem ultimum, vita, ne in supremo qui-
dem exitu, largè, ac salubriter sui memor sit?
nec in ipsa iam de suo sibimet, ægra extremi-
tate succurrat? Præsertim cum in divitiis (quæ
per se sufficiunt ad reatum per se, Dominum
accusantibus) secundum illud Domini dictum,
na vobis divites) etiam alia ipsi diviti peccato-
rum genera non desint, quæ in ipso divitiarum
sinu, atque matrice, quasi in naturali quodam
fomite pullularint. Vel quæ insania est, ut non
in ultimis suis id agat, id elaboret, id omni
rerum suarum ambitu promereatur, ne reus
exeat, ne reus vadat, ne cruciandum postea cor-
pus, cruciandam etiam ad præsens animam de-
relinquat? Quis ergo est, aut tam infidelis, aut
tam insanus, qui hæc non cogitet, hæc non ti-
meat?

Sap. 6.

Luc. 6.

meat? aut qui de substantia sua, alijs magis, quàm sibi consulat? Et cuncta iam penitus spe vite huius, cunctis subsidijs destitutus, unam tantummodò tabulam, cui inhæreat, adhuc (quasi in medio mari naufragus) post amittat: nec amittat tantummodò, sed abiiciat, atque à se penitus expellat: omnibus modis id elaborans, ne quid sibi omnino reliquum esse faciat, quo periturus evadat? Quæ cum ita sint, dicite mihi (quæso) omnes Christum amantes, si esse ulli omnino homines tam sævi, ac tam crudeles adversum inimicos suos possunt, quàm sunt isti adversum se? Nulli quippe sunt tam feri, aut tam inhumani, qui non vel desperatos iam, atque morientes adversarios suos persequi desinant; isti, seipsos, etiam in morte positi, persequuntur. An non est hoc persecutio, aut esse alia maior potest, exheredari hominem à seipso? Extorrem bonorum omnium fieri, & quasi in exilium à seipso agi: atque hoc non communi more, aut usitato, sed novo, & crudelissimo? Omnes enim exules, etsi corporibus ablegantur, animis non eliminantur: etsi carne captivi sunt, cordibus tamen [si volunt] liberi perseverant. Hoc autem, unde nunc loquimur, novum exilij genus, atque tormentum est, scilicet ubi in exilium anima ipsa mittitur, ubi facultatibus suis spiritus abdicatur. O quantò leviores sunt extranei, & carnales inimici? Illi enim corporum tantum hostes sunt; vos spirituum: illi tantum artuum: vos, & animarum. Leve est itaque in comparatione facinororum vestrorum, & illorum odium: facile est enim

enim quicquid in præfenti sæculo nocet: illud grave, illud perniciosum est, quod in æternitate iugulabit. Et ideo Salvator ipse: *nolite*, inquit, *eos timere*, *qui possunt corpus occidere*, *animam autem non possunt*. Facile est ergo odium, quod corpus lædit, animam non lædit, quia læso corpore, extrà damnum est: & passionibus carniū, beatitudo spirituum non interpolatur. Illud itaque, illud inexpiable malum est, illud estimari omnino non potest, quod totum omnino hominem, & intus, & foris sine fine damnabit. Et ideo leviores vobis inimici vestri sunt, quàm vosipsi. Omnis siquidem inimicitia, morte dissolvitur: vos contrà vos ita agitis, ut inimicitias vestras nec post mortem evadatis.

Matt. 10.

LIBER TERTIVS.

Argumentum.

Exorditur hunc tertium Librum à Dei minis ob auferam divitias hominibus tradendi liberalitatem, qui ad hoc tantum tribuit, ut ab usdem exigat cum usuris. Usura celestis Patris familias, ut omnes novimus, sunt pauperum subsidia; quibus quicumque non feneratur dives, Gehenna efficitur reus; nec profuturum, ait, in Iudicio parentibus, quod divites reliquerint heredes; multo minus extraneum; quæ est nonnullorum dementia, si careant suis, adoptandi alienos potius, quam Deum. Hinc omnia diluis sophismata eorum, qui filios prædicationis oportere post obitum dimitti, contendunt; proponit dilemma validissimum primitivorum Ecclesie credentium, qui omnes Deo suas devovere opes, aut (inquit) filios illi habuere christiani, aut ipsis caruere; in utroque statu Deum potius, quam filios instituerunt heredem. hoc hodie exemplo Christianus dives uti debet; nec sibi Christianorum abortivos proponere, sed illos primos, illos verè christianos. Hypothysim deinde divitis purpurati, a paupere Lazaro guttam aquæ emendicantis, vivis, verisque coloribus exprimit; qui suis, non sibi divitias paravit, nihil in æternis ignibus profuturas, imo, & fratribus peiora suscitaturas incendia; atque hinc ad scopum revertitur; nempe parentes thesaurizare disciplinam debere filiis, non pecuniam. Nec morituros fideles ab infidelibus suorum illecebris detorquendos; sed intrepide, constanterque Deum, animamque cæteris omnibus momento mortis potissimum, preferenda. Liber totus, quantus quantus est, sicuti reliquis fructuosior; ita & cæteris dignior.

DVobis superioribus libris cum duabus filiorum tuorum partibus: id est una mundi amatrice, alia religionis imaginem præferente (ò domina mea Ecclesia Dei) quasi se-

separatim locuti sumus. In hoc autem, si Deus annuit, ad utramque, prout causa, ac ratio postulaverit, loqui cupimus: nunc divisim alterutram, nunc ambas pariter alloquentes. Superest, ut ab utraque earum agnoscente, in lectionis serie, partes suas, quicquid pro affectu Dei à nobis dicitur, cum affectu Dei recipiatur. Igitur quia in cunctis, quæ iam locuti sumus, speciale Christianorum omnium bonorum, misericordiam, ac largitatem esse memoravimus, præcipueque in eis, & merita sanctorum, & peccatorum remedia contineri, idoneis (ut reor) ac multis testibus approbavimus: non opinor à quoquam plura expectari: maxime cum si quis cupidus est plurium, ipsos adire debeat libros Dei, qui tam multis, ac magnis testibus pleni sunt, ut universarum celestium literarum penè unum sit testimonium, Superest adversum eas responsionum infidelium causas, quæ a quibusdam mortiferæ excusationis gratia opponi solent quippiam dicere: Loquens Salvator in Evangelio, propterea commodari hominibus opes à Domino, ac pecuniam dicit, ut cum usuris multiplicibus commodata reddantur, dicens avarissimo illi, ac nequissimo debitori: *Serve male, ac piger, sciebas, quod ego meto, ubi non semino, & congrego, ubi non sparsi: oportuit ergo te pecuniam meam dare numulariis, ut veniens cum usuris recepissem, quoniam meum est, tol te itaque ab eo talentum, & date ei, qui habet decem talenta.* Ac paulò post. *Et servum (inquit) nequam, proiicie in tenebras exteriores, ibi erit fletus & stridor dentium.* Quod, tamen etiam ad aliud quiddam referri potest, tamen

Matt. 21

Luc. 12

Matt. 10

Ezech. 13

loco quoque, & causæ huic non insalubriter co-
 ptatur. Cum enim nūmularij Salvatoris, pau-
 peres, & egeni rectè intelligantur: quia pecunia,
 quæ talibus dispensatur, augetur: cum usuris
 absque dubio, Deo redditur quicquid egenti-
 bus erogatur. Vnde & alibi apertius ipse Do-
 minus, distribuere, divites, opes Mundi, & fa-
 cere sibi sacculos, qui non veterescant, iubet.
 Sed & in vase electionis suæ, idcirco locuple-
 tibus divitias à Domino dari indicat, ut bono
 opere ditescant. Et idè etiam ego minimus, &
 indignissimus famulorum Dei: primum, ac sa-
 luberrimum religionis officium esse ducò, ut
 Christianus dives, dum in hac vita est, divitias
 Mundi huius pro Dei nomine, atque honore
 consumat: Secundum autem, ut si id, vel me-
 tu, vel infirmitate, vel causa, vel necessitate
 aliqua præpeditus, fortè non fecerit, saltem
 moriens, universa dispenset. Sed dicit fortasse:
 Filios habeo. Iam de hoc quidem principalis li-
 belli pagina: & convenientia (ut arbitror) &
 non pauca memoravit: satisque ad hanc rem,
 Domini sermo sufficit dicens: *Qui amat filium,
 aut filiam super me, non est me dignus.* Sed &
 Propheticum illud quod ait, neque patres pro
 filiis, neque filios pro parentibus iudicandos,
 sed unumquemque hominum, aut sua iustifica-
 tione salvandum, aut sua iniquitate periturum:
 Ac per hoc, quaslibet divitias homo filiis suis
 congerat, nequaquam hoc ei proderit in iudi-
 cio; quod divitem reliquit heredem. Sed esto,
 ignosci parentibus possit, si ex parte aliqua he-
 reditarias facultates filiis derelinquant: si ta-
 men

men bonis, si tamen sanctis. Esto quoque ignosci quiddam possit etiam si malis, atque vitiosis: habere aliquam excusationis speciem videntur, dicentes: Pietas vicit, vis sanguinis compulit, natura ipsa, quasi amoris manu, in ius suum traxit. Scimus, quid iustitia Dei posceret, quid sacra veritas postulare: sed subacti (fatemur) sumus iugo incarnatæ necessitudinis, & dedimus captivas manus vinculis charitatis: cessit sanguini fides: & vicerunt devotionem religionis iura pietatis. Dici aliquid potest, tamen si salubriter dici non potest: est umbra excusatiunculæ non excusans, dans reo, deprecatiuncule speciem, non reatus securitatem. Nequaquam enim id ulli spondeo, quod possit cuiuslibet rei firmum habere subsidium si quid aliquid plus amaverit quam Deum: secundum illud, quod scriptum est: in hoc futurum esse iudicium, quod venerit *lux in hunc mundum, & dilexerint homines magis tenebras, quam lucem*: nemini .n. dubium est, totum id tenebras futurum homini, quicquid divine præculerit charitati. Hæc ergo ita sunt. Sed esto, ut dixi, indulgeri parentibus possit nature insalubriter indulgentibus: quid, quod nonnulli filios non habentes, à respectu se tamen salutis suæ, & remedio peccatorum penitus avertunt; ac licet semine sanguinis sui careant, quærunt tamen quoscunque alios, quibus substantiam propriæ facultatis addicant; id est: quibus umbratile aliquod propinquitatis nomen inscribant: quos sibi, quasi adoptivos, imaginarii parentes filios faciant, & in locum eorum, quæ non sint pigno-

Ioan. 3.

rum, perfidia generante, succedant: ac sic miser-
rimi, quique, & impiissimi, cum vinculis filiorum
non constringantur, ipsi tamen sibi vincula pa-
rant, quibus infelicia animarum suarum colla,
constringant: cum vis domesticorum discrimi-
num nulla sit, foris discrimen accersunt. Et
licet causæ desint periculorum, ruunt tamen,
quasi in interitum, voluntarium: quorum errores
infelicissimi, quo affectu animi accipiendi sint,
ac ferendi, propè incertum apud quosdam vi-
deri potest, irascendum ne his, an dolendum
sit. Error enim dolore dignus est, impietas, exe-
cratione: ad fletum, trahimur infelicitate, ad
iracundiam, infidelitate, In una re est, quòd
pro hominum insipientia lugeamus, in alia,
quòd pro Dei amore moveamur, ullum omnino
inveniri hominum, aut esse posse, qui decurso
infelicitis vitæ istius brevi spatio, (in ipsa extre-
mitate iam pendens) iturus illicò ad tribunal
Dei, quicquam aliud cogitet, præter finem
suum, quicquam aliud, præter exitum suum,
quicquam aliud, præter periculum suum, & ne-
glecta spe sua, anima, cui opitulari aliquate-
nus vel in ultimis suis omni nisu, omni studio,
omni re, ac substantia sua debeat, hoc solum
cogitet, hoc solum animo suo volvat, quam lau-
tè hæres suas res suas comedat, Miserrime om-
nium, quid sollicitus es? quid æstuas? quid
aut horem te ipse rerum periturarum facis? An
times forè, ne desint qui (te mortuo) quod
dereliqueris, vorent? Nolo metuas, nolo ve-
reari. Utinam tam facile tu salvus esses, quam
tua omnia deperibunt: O infidelitas, o per-
verfi-

veritas: heriam vulgò dictum est, † omnes sibi melius velle, quàm alteri. Novum hoc monstri genus est, cuilibet quemquam velle consulere, tantùm ne sibi. Ecce iturus es (infelicissime omnium) ad examen sacrum, ad tremendum illud intolerandumque iudicium, ubi peregrinanti animæ, atque anxie, nullum potest omnino esse solatium nisi sola tantummodo bona conscientia, nisi sola tantum innocens vita, aut quod proximum est bonæ vitæ, misericordia, ubi reo homini nullum est adiutorium; nisi sola mens larga, nisi pœnitentia fructuosa, & eleëmofynæ copiose, quasi manus validæ, ubi denique pro diversitate meritorum, aut summum bonum invenies, aut summum malum; aut immortale præmium, aut sine fine tormentum. Et tu de locupletandis quibuscunque hæredibus tuis cogitas, de opibus agnatorum tuorum, cognatorumque suspiras, quem potissimum inter ceteros ditiozem patrimonio tuo facias, cui supellectilis variæ ornamenta transcribas, cuius apothecas copiis tuis repleas, cui maiorem servorum numerum derelinquas. Infelicissime omnium, cogitas quàm bene alij post te vivant, non cogitas quàm male ipse moriaris? Dic mihi (quæso) ò miser, ò infidelis, cum multis patrimonium tuum divides, cum multos facultatibus tuis dices, nunquid de solo te es tam malè meriturus, ut tibi nec inter extraneos locum facias hæredis? Ecce expectat te iam egressurum de vita ista, officium Tribunalis sacri, expectant tortores Angeli, & immortalium tormentorum terribiles ministri: & tu futuras post te hære-

† Teren-
tianum
est in
Andria.

dum mundialium voluptates, animo volutas? Tu delicias aliorum mente pertractas? Quàm benè scilicet, post te hæres tuus de tuo prandeat, quibus copiis ventrem expleat, quomodò usque ad nauseam redundantem, viscera exaturata distendat: Infelicissime omnium, quid tibi est cum his næniis? quid tibi cum his deliramentis? quid cum stultitia huius erroris? quid cum perditione istius vanitatis? Nunquid succurrere hoc tibi inter supplicia summa poterit, si is, qui res tuas prodigè comedit, lautus, & pransus benè eructarit? Aut etiam, ut tibi, qui devoranda tua omnia tradidisti, redundanti cruditate plus præstet, si benè vomuerit? Sed de his unde nunc loquimur; si res, ac ratio postulaverit, etiam post hæc, aliqua subdemus. Interim hoc specialiter dico, & peculiari admonitione commoneo, ne ullum omnino aliquis (quamvis carissimum pignus) animæ præferat: neque enim iniquum est ut quilibet Christianorum etiam, legitimis hæredibus in hoc sæculo consulat, dummodò sibi met in æternitate succurrat multis modis: quia & facilius est, hîc deesse filiis quippiam, quàm Parentibus in futuro; & multò est levior præsens tenuitas, quàm æterna paupertas: maximè quia cum illic non paupertas tantum, sed etiam mors, ac pœna timeantur; & facilius est utique hîc hæredibus deesse quiddam de patrimonio, quàm illic, testatoribus, de salute: idque & ipsi, quibus hereditas derelinquitur, si modò pietatis aliquid in se habent, specialiter velle debeant, ne illic pereant, qui relinquunt. Quod utique si nolunt, multò minus

nus digni sunt, quibus aliquid relinquatur: quia non iniuste Testator sapiens non relinquit, quod hæres impius non meretur. Ita optimum est, ut unusquisque sibi consulat, ac animæ, ac salutis suæ omnia derelinquat; sint quamvis interdum non filij tantum; quibus videtur naturaliter plus deberi, sed etiam pignora alia eius, vel meriti; vel conditionis; ut eis ad impertendum quiddam, ac largiendum iustitia ipsa, ac Dei cultus patrocinetur: & quibus non solum piè aliquid relinquatur, sed etiam irreligiosè non relinquatur: scilicet si, aut parentes sint calamitosi, aut germani Deo fideles, aut sanctæ coniuges; aut ut longius denique munus pietatis extendam, si aut propinqui inopes, aut affines egestuosi, aut denique cuiuslibet necessitudinis indigentes: vel certè, quod super omnia est, Deo dediti, hoc enim est præcipuum, ac supereminens, si id ipsum, quod agit aliquis; pietatis officio, religionis facit affectu. Beatus .n. ille, qui duos ipse divini amoris spiritu amat; cuius charitas, Christi cultus est; qui in naturæ vinculo Deum diligit, Deum cogitat, naturarum patrem; & amoris munera, in sacrificia convertens; tantum sibi immortalis lucri, & beatorum fructuum parat, ut dum id, quod pignoribus suis præstans Domino suo sœnerat, hoc ipso, quod suis liberalitatem tribuit temporariam, sibi mercedem pariat sempiternam. At verò nunc diversissime, & impiissime, nullis omnino à suis, minus relinquatur, quam, quibus ob Dei reverentiam plus debetur: nullos pietas minus respicit, quam quos præcipue religio

*Deo ni-
hil vilius
apud ho-
mines .*

commendat. Denique si qui à Parentibus filij offeruntur Deo; omnibus filiis postponuntur oblati; indigni indicantur hereditate, qui digni fuerant consecratione: ac per hoc, una tantum re parentibus viles fiunt, quia cœperint Deo esse pretiosi. Ex quo intelligi potest, quòd nullus penè apud homines vilior est, quàm Deus: cuius utique sit despectio, ut eos præcipuè parentes, filios spernant, qui ad Deum cœperint pertinere. Sed præclaram videlicet, qui hæc faciunt, rationem consilij sui reddunt, dicentes: Quid opus est, ut filiis iam Religiosis æqua cum fratribus suis hereditatis portio relinquatur? Nihil ergo iustius, nihil dignius, quàm, ut quia cœperunt religiosi esse, mendicent: non quidem, quòd eos, hæc res mendicitate oppressora sit, quòd à terrenis facultatibus abdicantur, cælum spe possidentes, citò etiam repossessuri, regente illos Deo suo, ac protegente, qui eos cum immortalis spe eternorum etiam sufficientia temporalium muneratur. Sed tamen quantum ad inhumanitatem Parentum pertinet, egent. à quibus sic relictii sunt, ut egerent. Certè etiam, si qui non penitus domo eliminantur, & quibus non omnino extorribus, quasi aqua, & igni interdicitur, cum aut temes, aut certè usufructuarij relinquuntur, tamen tantò inferiores fratribus relinquuntur: ut etiam si paupertate non egeant, comparatione tamen egere videantur. Dicitis, quid opus sit Religiosis, æquam accipere cum fratribus patrimonij portionem? Respondeo; ut Religionis fungantur officio; ut Religiosorum rebus, Religio dicetur, ut do-
nent,

nent, ut largiantur, ut illis habentibus, cuncti habeant non habentes: immò si tanta est eorum fides, atque perfectio, ut habeant, citò non habituri, beatiùs utique, postquam habuerint, non habentes: cur eis (quæso, ò inhumanissimi parentes) necessitatem indignissimæ paupertatis imponitis? Permittite hoc religioni ipsi, cui filios tradidistis: rectiùs, pauperes à se fiunt. Si tantùm eos inopes esse cupitis, concedite id ipsorum devotioni. Liceat eis (quæso) ut velint pauperes fieri, eligere inopiam debent, non sustinere. Postremò, etiam si sustineant, devotione eam tolèrent, non damnatione patiantur. Cur eos velut à natura expellitis, & quasi è iure sanguinis abdicatis? Et ego esse eos pauperes volo, sed ut habeat tamen præmium suum ipsa paupertas, ac præclara demutatione eligant inopiam ex copia, ut ex inopiæ electione copiam consequantur. Quamquam quid ego vos per ipsum sanctissimæ rationis officium, trahere ad humanitatem, pietatemque contendo, cum id maxime obsistat, & hæc res parentes impios faciat, quæ magis pios facere deberet? Nam cum vos, ideo plus relinquere ex patrimonio vestro Religiosis filiis deberetis, ut aliquid ad Deum ex facultatibus vestris saltem per filios perveniret, ideo filiis non relinquitis, ne illi habeant, Deo quod relinquant præclara videlicet ratione, atque cautela contenti eritis, vos, filios non agnoscere, tantùm ne illi se filios Dei esse cognoscant; magnificam repensantes beneficiis sacris vicissitudinem, dum id studiosissime procuratis, ne per vestros aliquid honor Dei habere

*Suscepta
spontè pa-
uperas,
Christia-
nos decet.*

*Divitiæ
non sunt
vestræ.*

possit, cum vos omnia per Dei munus habeatis. Cur, rogo, tam infideliter, cur tam impiè? Non exigimus, ut vestra Domino largiamini, aliquid Deo, de suo reddite. Cur tam avarè, cur tam impiè agitis? Non est vestrum, quod denegatis. Iniquum ergo arbitramini, ut sæcularibus filiis Religiosos filios substantia pares esse faciatis? Id ergo agitis, ut pœniteat eos cœptæ religionis, quos religio apud vos fecerit viles. Pius itaque, ac bonus Dominus, qui servet in eis propositum, ac professionem suam: cæterum quantum in vobis est, id agitis, ut sæculi eos cultores esse faciatis, quibus sæculares filios antefertis. Quid est enim aliud, quam Religionem interdicere, ob Religionē despectui habere. Sed iniusti fortasse videamur, cunctos parentes in hoc negotio æqualiter accusandos, cum scilicet non omnes pari agant iniquitate cum filiis. Sunt enim, inquit aliquis, sunt ex parentibus multi, qui æquales filiis suis faciant portiones: nisi quod una tantum eos conditione discernunt, quia in iis ipsis partibus, quæ filiis Religiosis videntur adscribi, usum, iubent, ad eos, proprietatem, ad alios, id est, ad sæculares filios pertinere. At verò hoc multò est peius, & infidelius. Tolabilioris quippe impietatis esse videtur, hereditatem, aliquem, filiis suis minùs relinquere, quam proprietatem his rerum penitus auferre. Potest enim aliquatenus ferri ista conditio: si aut amicis, aut affinibus, aut propinquis, ac lege aliquid relinquatur. Filiis verò, qui proprietatem rerum non tribuit, nil relinquit. Sed invenit iniquissima infidelitas Parentum, quo-

quomodo à patrimonio suo Deum penitus excludat, proprietatem rerum Religiosis filiis auferendo. Usus enim his dedit, ut esset quo ipsi viverent, proprietatem histulit, ut quod Deo relinquerent, non haberent. O novum, irreligiosæ mentis ingenium! invenit, quo videretur filiis suis, maiore erga Deum sua impietate consulere: Fecit enim, ut sancta soboles usum rerum habens, ius rerum non habens, quasi locuples quidem viveret, sed quasi mendica moreretur: ac sic testator infidelissimus, plena de hoc mundo possit securitate discedere, cum sciret de suo ad Deum penitus pervenire nil posse. Quamvis in hoc ipso, quod supra dixi, per usum rerum, aliquam, filios Religiosos opum, imaginem, possidere, ne hoc sit quidem: quia etsi usus videtur aliquid habere, conscientia tamen utentis non habet, nemo enim potest se, vel brevi divitem credere, qui scit, se proprium nil habere. Quid agis, miserrima infidelitas, & paganicæ (ut ita dixerim) religiositatis error? Itane tantum odisti Deum, ut possis etiam filios tuos ob hoc tantum, quod ad Deum pertinent, non amare? Meliori enim conditione quidam relinquunt liberos suos, quam tu relinquis filios tuos. In usu siquidem quotidiano est, ut servi (etsi non optime, certè, non improbæ servitutis) Romana à dominis libertate donentur: in qua scilicet, & proprietatem peculii capiunt, & ius testamentarium consequuntur; ita ut & viventes, cui volunt, res suas tradât, & moriêtes donatione transcribât. Nec solum hoc, sed & illa, quæ in servitute positi con-

*Non est
dives,
qui nihil
habet pro
prium.*

cōquisserant, ex dominorum domo tollere non verantur. Tantum eis interdum gratiæ patrona liberalitas impertit, ut etiam iuri suo detrahat, quod libertorum dominio largiatur. Quantò, o quisquis ille es in fidelissime pater, quanto Domini illi melius cum liberris agunt, quam tu cum liberis? Illi, quæ donant, perpetuo iure donant; tu temporario: illi, testamenti faciendi arbitrium dant liberis; tu tollis liberis: illi postremo servos suos dant libertatibus; tu quasi addicis filios servituti. Nam quid est aliud, quam servituti addicere, quos non vis aliquid quasi ingenuos possidere. More ergo illorum uteris, qui servos suos, non bene de se meritos, quia civitate Romana indignos iudicant, iugo Latinæ libertatis addicunt: quos scilicet iubent quidem sub libertorum titulo agere viventes, sed nolunt quicquam habere morientes: negato enim his ultime voluntatis arbitrio, etiam, quæ superstites habent morientes donare non possunt. Ità ergo & tu religiosos Filios tuos, quasi Latinos iubes esse liberos, ut vivant scilicet quasi ingenui, & moriantur ut servi, & iuri fratrum suorum, quasi per vinculum Latinæ libertatis adstricti, etiam si videntur arbitrii sui esse, dum vivunt, quasi sub illorum tamen positi potestate moriantur! Quid tantum, quaeso, sceleris in titulo esse religionis putas, ut ideo eos, qui religiosi sunt Deo, filios tuos esse non credas, quia Filii Dei esse ceperunt? In quo, tibi, hoc tam bonæ voluntatis, quasi piaculo rei facti sunt, ut ideo eos putēs habendos esse peiores, quia optant esse meliores. Sed dicitis, non eo à vobis animo hoc agi. Quod

idem

idem est, ac si quispiam dicat, malas res bono animo à se ferri, impietatis facinus pia mente committi. Quid prodest (ò inhumanissimi parentes) quòd filios religiosos, bono à vobis de-honorari animo, asseratis? Res ipsa hoc respuit, res refellit. Parum est, quod nudis assertionibus dicitis, ipsi actibus vestris contra vos testes estis. Indignum ergo arbitramini, ut sancta, ac placita Deo pignora, Filijs, Mundo servientibus comparentur. Verum est, & benè arbitramini, si tamen arbitrio isto, iuste, & in diversum uteremini: id est, ut comparandos bonis filijs, malos, & peccatores, sanctis non putaretis: & quia apud Deum vita, ac meritis notis antecellerent, iidem apud vos gratia, atque honore superarent. Quid enim rectius? quid magis iustum, quàm ut, qui meliores sunt, iidem etiam honoratio-res essent? & qui vincunt iudicio, iidem vicerent præmio, & qui antistant in Evangelio sacro, iidem quoque in testamento humano antista- rent: & hac saltem re concordaret cum volun- tate Christi parentum pietas, ac voluntas, ut quos Deus preposuisset electione, eosdem etiam parentes anteponerent dignitate. Sed non so- lum hoc non agitur, sed in diversum omnia aguntur: Preponuntur enim puris, inviolatis- que commaculati, præponuntur fidelibus im- pij, præponuntur lumini tenebræ, præponitur vita morti, præponitur terra cælo, præponitur mundus Deo, evasuros se huiusmodi parentes, in hoc solo iudicium Dei estimat, qui cultum Dei, & dignitatem iudicii sui indignitate con- culcant. Sed videlicet non contemptu Dei,

*Mala res
bono ani-
mo non
fit.*

dicunt parentes, hæc à se fieri, sed causa, atque ratione: quibus.n., inquirunt, relictam substantiam relicturi sunt filios non habentes? Dicam quibus, nec nominabo eos, quos suprà dixi pauperes Dei, non alienos, aut longè positos, ne durum, aut inhumanum fortè videatur: illos dico charos, & individuos, & quos rectè etiam vos, qui multas soboles habetis filiis antefertis, ipsos se, inquam, homines, ò infidelissimi parentes, ipsos se, inquam, dicimus. Nunquid potest cuilibet quicquam seipso propius, nunquid charius inveniri? Suam unicuique vestrum animam, suam salutem, suam spem commendamus. Et pios vos esse dicitis, quia filios diligitis? Nihil planè durius vobis, nihil inhumanius, nihil tam ferum, nihil tam impium, dici potest, à quibus impetrari omnino non potest, ut vos ipsos ametis: *Pellem*, inquit diabolus in scripturis sacris, *pro pelle, & cuncta, quæ habet homo dabit pro anima sua*. Dilectissimam esse animam suam homini etiam diabolus non negavit: & qui avertere omnino cunctos ab affectu animarum suarum nititur, idem tamen charissimas esse debere cunctis suas animas, confitetur. Quis ergo furor est, viles à vobis animas vestras haberi, quas etiam diabolus putat esse pretiosas? Quis furor est, viles à vobis haberi, quas etiam ille charas vobis debere esse, dicit, qui viles facere conatur? ac per hoc quicumque animas suas negligunt, etiam, infrà iudicium diaboli se amant. Quæ cum ita sint, videte vos, qui putatis religiosos homines non habere, quibus relinquunt sub-

stan-

Iob. 2.

stantiam suam, videte, vel iuxta diaboli opinionem, videte, si non habent, qui seipfos habent. Sufficere quidem ad hanc negotii portionem, de qua nunc agitur, hæc, quæ iam diximus, satis arbitror, id est; quod præponere vitam, spem, salutemque vestram cunctis omnino rebus, atque affectibus debeatis. Sed ostendi id vobis forsitan non solis virtutibus rerum, sed etiam auctoritatibus exemplorum, desideratis. Possim quidem dicere, maiora exemplis omnibus Dei esse mandata, clamantia quotidie in omni mundo: *Nolite thesaurizare vobis thesauros in terra, thesaurizate autem vobis thesauros in cælo.* Et alibi. *Quacumque homo seminaverit, hæc, & metet.* Quæ utique tam ad mundi homines, quam ad Dei: tam ad eos, qui filios habent, quam ad eos, qui non habent æquè pertinet: quia cum vitam eternam cuncti desiderant possidere, non est dubium, quod ubi par universorum votum est ad habendum, parem esse curam omnibus ad promerendum, nec interesse ad augendam divinorum verborum auctoritatem, impleant ea homines, an non impleant, quia virtutem eorum, ex Domini, certum est, constare persona, non ex servorum obedientia, nec addi eis, nec decedere aliquid potest: quorum honor per autorem Deum semper æqualis est. Sed tamen, si adjuvari se etiam exemplis hominum humana optat infirmitas, scilicet quo facilius etiam ipsa nunc faciat, quæ alios fecisse, ante cognoscat, ostendimus primo libro hæc, quæ etiam nunc ab aliquantis Christi imitatoribus sunt,

Matt. 6

Luc. 9

non mediocriter, sed abundanter, nec à paucissimis, sed à populis: nec ab antiquissimis, sed penè à recentissimis nuper esse completa. Quid enim novi, & adhuc propè in oculis còstituti Apostolorum actus loquuntur? *Omnes, inquam, qui credebant, habebant in unum omnia communia.* Et iterum: *Gratia quoque magna erat in illis omnibus: nec enim quisquam agens erat inter illos: Quicumque enim possessores pradiorum, ac domorum erant, vendentes afferebant pretia venditorum, & ponebant ante pedes Apostolorum.* Alibi quoque: *Et nemo ex eo, quod possidebat, suum proprium esse, dicebat.* Atque hoc non parvus credentium numerus: ne quem forsitan minùs scriptorum autoritas moveat, dum putat exèpla esse paucorum. Quæ fuerit quippe tunc multitudo Ecclesiæ principalis, vel ex hoc solo agnosci potest, quòd in principiis statim ipsis octo hominum millia biduo Ecclesiæ accessisse, referuntur; pateatque omnium æstimationi, quæ còteris diebus universi generis multitudo concreverit, ubi duo tantummodo dies, præter disparem ætatem pariter, ac sexum, tantam virorum copiam procrearint. Vnde cum etiam innumerabilis tunc, & tam perfecta plebs fuerit, quaro à vobis, cum quibus loquor, Christo dicati cuncti parentes, in illis tot, ac tantis tunc credentium millibus, tanta fidei perfectione, viventibus, omnes necum filiis, an omnes sine filiis fuerint? Neutrum opinor: Nulla enim Ecclesiæ plebs est non de utroque, permixta. Et ideo cum Ecclesia utrumque habuerit, intelligere ergo possunt quicumq. ex Christianis filios

non

Act. 2.

& 4.

non habent, cui relinquere substantias suas debeant, cum videant, cui relinquerint tunc illi filios non habentes. Sin autem habent, discant, quid etiam ipsos oporteat facere, cum illos videant tunc parentes Dei amorem filijs pretulisse. Habet igitur omnis ætas, habet omnis conditio quod sequatur: quicumque est particeps fidei, participem se beati faciat exempli. Si illi tunc ob Deum donantes omnia sua, etiã se ipsos exhereditavere vivẽtes, discite vos quesumus, & bona vestra vel ipsi hereditare morientes: Quæ quidẽ, ut dixi, etiam vos, o infidelissimi parentes, curiosius, attentiùsq. pro vobis cõvenit cogitare. Oportet quippe vos, mihi credite, etiam inter filios vestros salutis, animarumque vestrarum, non oblivisci. Propinqua enim vestra pignora, esse vobis, & coniunctissima satis certum est: sed mihi credite, nemo vobis propinquior, nemo coniunctior, quàm vos ipsi. Amate itaque, non obstitimus, amate filios vestros, sed tamen secundo à vobis gradu; ita illos diligite, ne vos ipsos odisse videamini. Inconsultus namque, & stultus amor, & alterius memor, & sui immemor. *Non accipiet*, inquit scriptura sacra, *iniquitatem patris filius, neque pater accipiet iniquitatem filii sui*. Sed & Apostolus: *unusquisque*, inquit, *proprium onus suum portabit*. Relictæ itaque filijs divitiæ parentes non liberant de mendicitate, immò relictæ immoderate filijs facultas, parentum est sempiterna mendicitas, ac per hoc nulli parentibus magis noxi, quàm filijs nimis amati: Dum enim illi patriis bonis affluunt, parentes in sempiternitate cruciantur. Etiam si

Ezech. 18

Galat. 6.

Luc. 16.

tâm pius sit filius, ut refrigerandi supplicii paterni gratia communicare cum patre postea bona relicta cupiat, non valebit reddere: si quidem post mortem patris pietas filij non proderit, quod unicuique inde votio sua, & infidelitas denegarit. Ideoque iuxta Apostolum unusquisque sarcinas suas cogitet, quia unusquisque hominum sua onera portabit. Flammæ infelicium mortuorum divitiis non refrigerantur hæredum. Dives ille in Evangelio, qui purpura induebatur, & bysso, absque dubio, qui locuples in hoc sæculo ipse fuerat, etiam hæredes suos morte ditarat, sed nequaquam hoc ei proderat, quod opibus, ac talentis eius germani divites incubabant: & ille guttam refrigerii impetrare non poterat. Illi erant in abundantia, sed ille in egestate: illi in gratulatione, sed ille in dolore: illi in divitiis, sed ille in tormentis: illi fortasse iugiter in luxuria, sed ille semper in flamma. O infelix, ac miseranda conditio: Bonis suis aliis præparavit beatitudinem, sibi afflictionem: aliis gaudia, sibi lachrymas: aliis voluptatem brevem, sibi ignem perennem. Vbierant tunc affines? ubi propinqui? vel filii, si habuerat, vel germani, quorum meminerat, & quos certè tanto amore dilexerat, ut eorum ne in supplicio quidem positus oblivisceretur? Quid ei proderant, quid suffragabantur? Torquebatur infelix, & opes suas aliis devorantibus ille refrigerii guttam ardens petebat, & impetrare non poterat. Et hoc, si quid addi ad pœnam potest, per illum sibi tribui postulabat, quem aliquando contempserat: per illum

illum sibi tribui postulabat, quem aliquando cō-
tēperat: per illū qui pure, ac sanie cōputruerat;
per illum, cuius fœtorem, ac squalorem longē re-
fugerat, qui membrorum suorum ulceribus canes
paverat, quem scatentes vermium globi etiā in-
tra recessus peresi corporis exararant. O gravis
nimium & lugenda conditio! Pauper beatitudi-
nem emit mendicitate, dives supplicium faculta-
te: Pauper cum penitūs nil haberet, emit æternas
divitias egestate. O quanto has faciliūs tam mul-
tā rerum possessione dives potuerat comparare,
qui inter tormenta æstuans, & inter supplicia
proclamans: *Pater, inquit, Abraham miserere*
mei, & mitte Lazarum, ut intingat extremum di-
giti sui in aqua, ut refrigeret linguam meam, quia
crucior in hac flamma. Non horrebat tunc scili-
cet dives ille Lazari quondam pauperis manum,
nec dedignabatur auxilium. Insuper eius digitos
ori suo, & mitigari intolerandas faucium flammās
illius pridem fœtidæ, ac squalētis manus munere
postulabat. O quanta rerū mutatio facta fuerat!
Tangi tūc ab eo desiderabat, quē etiam videre
ante despexerat! Hec ergo divites cogitent,
qui redimere facultatibus suis nolunt, ne ista pa-
tiantur. Dives fuit ille, de quo nunc loquimur:
divites sunt & isti, ad quos nūc loquimur. Vnius
sunt nominis caveant, ne sint etiam conditionis
varius. Non liberabūt n. filii divites parētes reos,
nec restinguet flammās miseri testatoris delitiis
affluētibus opulētus heres. Durū est, ab aliquo fi-
liis, ac propīquis parū relinqui. Multo est durius,
in eternitate torqueri. Opinor n. divitē illū, cū
torqueretur, nō tantū delectabant opes hæredis
sui,

Luc. 16.

Adver-
tant di-
vites.

*Opes irri-
tamenta
malorum*

sui, quantum angebant tormenta corporis sui, non tantum delectabat, quod hæres suus bene epulabatur, quam angebat, quod ipse male cruciabatur, non tantum delectabat, quod hæres suus in exquisitis deliciis affluebat, quantum angebat, quod ipse intolerandis ignibus difflebat. Non tantum eum delectabat, quod hæres suus pascebat parasitos, & helluones copiis suis, quantum angebat, quod ipse pascebat flammæ medullis suis. Et puto, si quis ei tunc optionis copiam præstitisset, utrumne mallet divites hæredes suos esse, an se in miseriis, tormentisque non esse, voluerat profecto illos omnibus bonis alienari, dummodo ille posset malis omnibus liberari: Voluerat offerre omnia, quæ possederat, dummodo evaderet, quæ perferebat. Voluerat cunctam illam substantiam, quam habuerat, & temporales argenti, & auri thesauros pro se dare, ut iuges suppliciorum immortalium cruces, & perenne illud incendium superiecta, si quo modo posset, divitiarum suarum mole restringeret, & exundantes ignium globos, opposita ingentium facultatum immensitate prohiberet. Et quid dicam voluisse eum, ut interminabile illud malum redimeret facultatibus suis? Plus dico aliquid: Voluerat omnem substantiam suam tradere, ut posset sibi in flammis situs unius saltem horæ requiem comparare. Desiderans enim ad mitigandas faucium flammæ vel tinctum aqua pauperis digitum, quomodo non quantolibet pretio mercari requiem præoptaverat, qui parvam refrigerij guttam tam magno ambitu postula-

stulabat? Sed iam ista quid proderant? Aut quid iuvabat miserum, quod tunc pro se offerre omnia volebat, qui malè ante noluerat? Vel quid tunc proderat, quod dare cuncta cupiebat, quæ iam amiserat; qui nihil tunc pro se dederat, quando omnia possidebat? Sera quippe, ut ait in scripturis Spiritus sanctus, sera est penitentia mortuorum. Quoniam *non est enim*, inquit ad Deum patrem sermo divinus, *non est in morte, qui memor sit tui: in inferno autem quis confitebitur tibi?* Excludi penitus à confessione peccati peccatorem mortuum protestatur, nec posse esse quenquam postea Dei memorem, qui in hac vita sui fuerit oblitus. Adeo omnis eis spes penitus abscinditur, & omnis vitæ aditus obseratur, ut cum una sit reo salutis via, preces ad Deum fundere, & cælestem misericordiam incessabiliter orare, etiam hac peccator latiferæ oblivionis animadversione damnetur, ut ei nec memoria quidem Dei, à quò sperare debeat, relinquatur. Hæc ergo cogitent, qui dum filios habere post mortem divites cupiunt, futurorum suppliciorum, nec in morte meminerunt. Hæc cogitent, qui ut in hac caduca, & brevi vita heredes divites habeant, æterna seipso morte condemnant. In quo quidem non tam hæredibus consulunt, quam sibi obsunt: Non tam illos amant, quam se oderunt: quia non tam salubris amor est, qui brevi consulit, quam grave odium, quod in æternitate cruciabit. Et ideo Deus noster, ut in primo dudum libello diximus: disciplinam parentes thesaurizare iuber filiis, non pecuniam:

niam, perennia præcipit, non peritura conferre. Scilicet quia res istiusmodi, atque opus sanctum, & filiis pariter, & parentibus profunt, filiis utique per disciplinæ institutionem: parentibus per munificentie largitatem. Et filiis enim hoc disciplina præstat, ut salutem capiant perpetuam, & parentibus largitur, ut mortem effugiant sempiternam. Sed cui hæc dicimus, aut cur dicimus? Vbi apertas aures, aut videntes

Psal. 13. oculos invenire poterimus? *Omnes enim, ut de impiis legimus, penè omnes declinaverunt, simul inutiles facti sunt: non est qui faciat bonum, non est penè usque ad unum.* Nova quippe amenitia tam sæculares, quam etiam quosdam religionem professos incessit homines: Si quidem ut dudum dicere cœperamus, iam non tantum filiis, aut nepotibus, quod ob naturæ necessitudinem ferri potest, sed etiam agnatis, atque cognatis, neque solum, ut aiunt, ex directo, sed etiam ex obliquo, & ex transverso, immò potius ex adverso, perversoque venientibus res propriæ facultatis, id est, pretium suæ redemptionis addicunt, sicut scriptum est: *Non dedit Deus propitiationem suam, & pretium redemptionis animæ suæ.* Et paulò post: *Simul, inquit, insipiens, & stultus peribunt, & relinquent alienis divitiâs suas, & sepulcra eorum, domus eorum in æternum.* Quid inter stultum, sit & insipientem, non est nunc differendi locus: nec sanè interest, quæ inter eos meritorum sit differentia, quorum est una perditio. Quod causæ itaque sufficit, cum dixisset, simul insipientem, & stultum esse perituros, videamus,

mus; quid vel ad causam, vel ad cumulum perditionis adiecerit: *Relinquent*, inquit, *alienis divitias suas*. Verum est: quid enim, sive tam stultum, sive tam perditum, quàm, ut aliquis de suo non sibi consulat? Præsertim cùm Deus dicat, nihil prodesse homini, si totum mundum lucrifaciat, animæ autem suæ detrimentum patiatur: *Aut quam dabit*, inquit, *homo commutationem pro anima sua*? Si ergo homines totum mundum spernere, oportet, ne animarum damna patiantur, & propter suam salutem debet quispiam etiam sua lucra contemnere, quàm infidelis est, quàm insipiens est, qui ut alium divitem faciat, animam suam ipse condemnat? Maxime cùm, & ille non multùm adipiscatur, qui usum temporalium rerum accipit, & ille inestimabilia damna præferat, qui fructum beatæ æternitatis amittit. Nam, & idè sequitur in Psalmo: *Sepulcra eorum, domus eorum in æternum*. Quàm misera ergo erit perdita fors eorum, qui quasi sepulcris perennibus deputati, quam conditionem post mortem perferunt corporum, eandem quodammodo patiantur animarum: & quidem minùs miseram, si eandem, aut si ad eos ad iumenta insipientia, nec bonorum sensus, nec malorù passio pertineret. Sed illud acerbù, atque intolerabile, quòd similiter per-eunt, sed non similiter puniuntur: illorum enim mors sempiterna sine sensu est: istorù omniù cù dolore. Ac sic conditionem hominù peccatorum perditio quidè facit pecudibus esse similem, sed tamen pœna graviorè. Cogitent igitur cuncta ista, quæ diximus, immò cogitent cuncta illa, quæ

Psal. 48

Matt. 16

Psal. 48

Dens dicit, qui sibi nec ante mortem omnino consulunt, nec in morte succurrunt, apud quos oblivio est penitus animarum suarum: nec interest penè iam apud homines quibus consulant, dummodo sibi omnino non consulant. Si qui enim ex istis, de quibus loquimur, morte appropinquante filios non habent, querunt infidelissime, quos, aut propinquos, aut affines suos dicant: Aut si id forte deest, querunt saltem aliqua novarum necessitudinum ficta nomina, nec interest, ut dixi, apud eos, quorum meminerint, dummodo sui obliviscantur: non interest, quos amare, se dicant, dummodo animas suas oderint: non interest, quos divites faciant, dummodo se æterna mendicitate consummant. O infidelitas, o infelicitas, o infamia! Quid tantum, quæso, de se miserrimi omnium male promeruerunt, ut dum aliorum voluptatibus serviunt, se perpetuo persequantur! Videas enim, à quibusdam infelicissima vanitate investigari quosdam novos, ac nobiles propinquos: videas incognitarum agnationum pudenda nomina, & recentium, ac præpotentium affinitatum ridicula commenta: cum dicat quis de aliquo adoptivo, ac subitaneo propinquo: illum heredem facio, parentem meum. Aut quæcunque sanctæ professionis vidua, vel puella: Illum heredem scribo proximum meum: ac sic quosdam, quos in omni vita, quasi extraneos alienosque habuerant, subito in extremis propinquos habent: & qui extranei semper fuere venturum, parentes esse incipiunt mortuorum. Introducunt enim multi repente in testamen-

tum

tum; quos nunquam introducere in affectum: & hoc maximè, ut dixi, aut locupletes, aut nobiles, aut honoratos, & qui nisi potentes essent, parentes forsitan non fuissent. Ridicula miseri testatoris ambitio, dans censum propriæ facultatis ad comparandum mēdacium propinquitatis: emens pretio hereditatis, nomen heredis, & totis patrimonii sui viribus hoc elaborans, ne se ille, qui hæres scribitur parentem neget, & ut testator infelicissimus stultissima, ac miserrima vanitate, facto herede nobili, qui in vita sua humilior esse visus est, honoratior in morte esse videatur. O cæcitas, o insania, quanto studio imprudentissimi, infelicissimique homines id efficitis, id efficere curatis, ut miseri in æternitate sitis? Quanto minore cura, minore ambitu id vobis præstare poteratis, ut semper beati esse possētis? Cuius rei quidem causam aliam omnino invenire non possumus, nisi solam tantummodo incredulitatem, atque perfidiam, id est quod aut iudicandos se à Deo homines esse non putent, aut resurrecturos omnino esse, non credunt: Nemo est enim, qui resurrecturum se, & iudicandum à Deo de operibus bonis, ac malis, certus sit, qui non vel spei, ac beatitudini suæ præstet, ut pro bonis operibus perennia bona capiat: vel timori, atque discrimini, ne pro malis mala æterna patiatur. Sed abhorre hoc videlicet à Christiano nomine videtur, ut dicatur bona æterna futura non credere. Quid ergo causæ est, ut si quispiam Christianus futura credit, futura non timeat? Quid ergo causæ est, ut si credit quæ

dixit Deus, non timeat, quæ minatur Deus? Si non credit verbis, quæ dixit Deus, non credat præmiis, quæ promittit Deus? Neque enim se probat promissionibus Dei credere, qui non sic agit, ut possit ad promissa à Deo præmia pervenire: in ipsa quippe hac vita hominum, si iudicandū se aliquis ab humana hac potestate, & rapiendum se ad tribunal terrenum esse cognoverit, advocatos requirit, patronos adhibet, officialium, atque apparitorum gratiam, favoremque mercatur, & hæc omnia metu iudicij futuri agit: cum tamen eventum iudicij comparare non possit, adeo ut si victoriam emere ipsam non valet, spem tamen victoriæ magnè emit. Dic mihi igitur, quisquis ille es, qui credere te iudicium Dei dicis, tu si vel supradictorum exemplo hominum iudicandum te esse à Deo, crederes, nonne spem, ac salutem tuam quolibet pretio comparares? Sed non credis utique, nō credis, & licet credulitatem tuam verbis velis asseverare, non credis: verbis enim, ait Apostolus, confiteris, sed factis negas. Denique, ut infidelitatem tuam tibi mer ex teipso probem, dic mihi obsecro; quisquis ille es, qui substantiam tuam, vel propinquo cuipiam diviti, vel affini, vel si hi fortè desunt, etiam extraneo derelinquis, cur ea non sanus à te, atque incolumis abdicasti? Cur non sospes, ac vegetus heredibus tradidisti? Sed in testamento ipso providentissimè caves, & sollicitè, ac diligenter inscribis: quandocumque ego ex rebus humanis excessero, tunc mihi tu ille carissime hæres esto. Dic mihi, quæso, cur huic charissimo, ut ipse ais, ac devinctissimo tuo

Tit. 1.

tuo iam diu nihil de tuo tribuis, tandiu nihil de tuo tradis: quandiu te putas esse victurum, sed tum, cum te vides esse moriturum? Et quid dico, cum esse te moriturum vides? Immo id caves providentissimè, ne vel spirante, vel moriente te, quicquam de tuo habeat, sed iam defuncto omnino, iam mortuo. Et mirum est quod hoc ipsum sis, & non addis, ut iam, funerato te, tua habeat, iam exportato, atque tumultato. Quamvis etiam in hoc quod ais: quando ego ex rebus humanis excessero, id ipsum cavisse videaris. Hoc est enim ex rebus humanis penitus excedere, totum omnino cum suo corpore hominem in presentia humanarum rerum esse desisse. Dic mihi itaque, cur hec tam providè in testamento caves? Cur tam sollicitè, ac diligenter interseris? Absque dubio, quia necessariam tibi, dum vivis, rem tuam iudicas, quia alienare te, facultatibus tuis non vis. Et iniquissimum putas, vivo te, & incolumi, alium tuo divitem fieri, te autem mendicitate consumi. Verum est, ac rectum putas, nec irrationabilem curam abnuo: Et quicquid à te in hunc modum dicitur, probò: sed in uno tamen mihi satis cupio fieri à te: Quid est quod tu, qui tibi in vita ista usum rerum tuarum tantopere necessarium putas, fructus, ac redditus facultatis tuæ post mortem necessarios esse, non putas? Dicis absque dubio, quia mortuo nihil opus est, nec reservandum mihi quicquam in tempus illud est, quia defunctus, ac nihil sentiens, nec delectari possum possessione rerum mearum, neque amissione cruciari.

Evidens causa est . Ergo : idcirco moriens substantiam tuam alteri deputas , quia capere ex ea fructus post mortem ipse non possis . Sed quid quodd electissimum vas Dei Apostolus Paulus testificatur , & clamat , quod *quacunque homo in vita hac seminaverit , hac post mortem metat* : *Galat. 6. & qui parce seminat , parce & metet : & qui seminauerit in benedictione , ex benedictione & metet* ? Ex quo aperte intelligi voluit , eos , qui seminaverint in paritate , benedictione metere non posse . Cum enim dicens , qui parce seminat , parce & metet : & qui seminat in benedictione , ex benedictione & metet , evidenter utique benedictionem in sola posuerit largitate : ostendit parcos seminatores mendicitatem , largos benedictionem esse messuros . Sed fortasse hec tibi , quicumque es , o infidelis , aut parum valida , aut parum aperta esse videantur . Quid quodd Dominus ipse in Evangelio : nihil quemquam de operibus bonis perdere Christianum , manifestissime docet , dicens : *Quicumque potum dederit uni ex istis minimis calicem aque frigide , tantum in nomine discipuli , amen dico vobis , non perdet mercedem suam* . Quid dici evidentius potuit ? Etiam eam rem in futuro habicuram premium esse , dixit ; que in presenti pretium non haberet ; tantumq honoris cultui suo tribuit , ut aliquid esset illic per hominum operantium fidem , quodd hic omnino nihil esset per rerum vilium parvitatem . Sed tamen ne in hoc sibi quidam forsitan blandirentur , si multa habentes , exiguis se putarent magnamercari , subtiliter posuit , etiam pro calice aque frigide non

non perituram esse mercedem. Hoc utique evidenter ostendens, non pro parvo aliquid magnum esse reddendum, sed tamen qualecunque fidei opus non esse perituum. Habes itaque indubitabilem futuræ retributionis securitatem: habes recipiendorum bonorum operum satis idoneum vadem; qui quidem tantæ non solum fidei, sed etiam misericordiæ, atque pietatis est, ut non solvat tantum quod promiserit quasi debitum, sed etiam ostendat aliquid, atque ingerat, quo se magis faciat debitorem. Nam qui pro calice aquæ frigidæ redditurum se, dixit, esse mercedem, non solum vult solvere, quæ acceperit, sed etiam demonstrat, aliqua, quæ solvat: pius scilicet, ac misericordia plenus, & consulere volens non solum diviti largitati, sed etiam pauperulæ officiositati, ostendit, quo obnoxium sibi in aliquo Deum faceret, etiam qui, quod sceneraret, penitus non haberet. Sed forsitan tibi, quicumque dives es, indignum hoc facultatibus tuis opus pauperulorum esse videatur, & velis, aliquam ad te peculiariter pertinentem sponsonem dominicæ repromissionis audire. Habes primum illud, quod ad divitem illum Deus in Evangelio loquitur: *Vade, vende omnia bona tua, & da pauperibus, & habebis thesaurum in cælo.* Deinde illud, quod præcepto interdictorio generaliter iubet: *Nolite thesaurizare vobis thesauros in terra.* Et rursum: *thesaurizare autem vobis thesauros in cælo.* Postremo illa, quibus omnes rerum mundalium possessores ad opus profluxæ largitatis spe infinitæ remunerationis invitat, dicens quod

Matt. 19.

Matt. 6.

Matt. 19

quod omnis, qui propter honorem, atque amorem suum, aut domum, aut agrum, aut quamcunque aliam facultatem in usus misericordie prorogarit, centuplum accipiat in futuro. Insuper autem inquit: *Et vitam æternam possidebitis*. Quid spondere, maius credentibus sibi potuit, qui magis fœneratoribus suis centuplum se redditurum esse, promisit? nec solum hoc, sed vitam, inquit, æternam possidebit. Hoc multò plus est, quam ipsa centupli retributio: quia idipsum, quod quis in centuplo acceperit, in perpetuo possidebit. Non erit ergo tunc fragilis, & caduca possessio, nec in similitudinem terrenarum divitiarum umbræ prætereuntis, aut somnij vanescentis more peritura. Quicquid datum à Deo fuerit, immortale erit, quicquid acceptum fuerit, sine termino permanebit: ac per hoc, ut dixi, plus quàm centuplum accipit: qui sic accipit: quia vincit centupli pretium, idipsum esse centuplum sempiternum. Quæ cum ita sint, & cum tanta absque dubio recepturus sit, qui Deo credit, quomodo tu his rebus quas Deo dederis, usum te esse post mortem, non putas? Quarum tibi non usum tantummodo Dominus, sed augmentum etiam, & super-excellentem cumulum pollicetur? An fortè accipere hæc tanta non vis? Sed hoc ratio non patitur, ut nolis. Nemo enim est inter homines, qui cum beatus esse valeat, miser esse malit: nemo est, qui cum habere possit delitias summi boni, pati velit supplicium summi mali. Nullus profectò, nullus; & ideo ne tu quidem, nisi fortè monstruosa sit in te aliqua, & discre-

pans ab humano genere natura, ut solus tibi pœnitens benè esse nolis, solus beatitudinem fugias, solus suppliciis delecteris. Quod si utique non est, quid ergo causæ est, ut non vel moriens, & in ultimis situs, id saltem supremæ oblationis officio, & omni rerum tuarum ambitu agas, ut si mereri à Deo potes, locuples, ac beatus sis; sin autem id non potes, certè vel hoc promerearis; ut miser non sis, certè, ut non uraris, certè ut non torquearis, certè ut tenebris exterioribus non iniiciaris, & ardentibus sine fine flammis non decoquaris. Quæ cum ita sint, quid ergo, ut dixi, causæ est, ut non omnibus modis, vel mala fugias, vel bona assequi velis? Quid causæ est, quòd hæc non agis? Quid causæ est, ut bona æterna non emas? Quid causæ est, ut mala æterna non timeas? quid utique, nisi illud quod prælocutus sum, quod aut iudicandum à Deo te esse non putas, aut resurrecturum omnino te esse, non credis: si enim crederes, quomodo non futuri iudicij inæstimabile malum fugeres, & immortalia suppliciorum tormenta vitares? Sed non credis, utique non credis, ac licèt aliud, & sermone asseras, & professione, non credis: sermo enim, & professio tua iactitant fidem, sed vita, atque obitus publicant infidelitatem: Alioqui vince me: vinci volo, non quæro, ut mihi credulitatem tuam superioris vitæ actibus probes, uno contentus sum testimonio supremorum tuorum: Ecce iam, ecce morieris, egressurus de domo corporis tui, nesciens quò iturus, quò abducendus, ad quàm pœnalia, & quàm tetra rapiendus: cui unum tantummodo superest

*Aut iudicium,
aut resurrectionē
non credit
avarus.*

inter suprema perfugium; una effugiendi æterni ignis specula datur; ut pro te offeras saltem, quod in substantia habes: quia aliud, quod possis Deo offerre, iam non habes & tu immemor tui, oblitus salutis tue, de legatariis novis cogitas, de locupletando hærede suspiras? Et hæc faciens credere te iudicium Dei dicis, qui tibi cum iudicandas sis, vel inter suprema non consulis? & cogitare te aliquid de salute animæ tuæ, loqueris; cui nullus est anima tua vilior, apud quem propè non interest, cui pro sis, dummodo tibi noceas? Et credere te futurum iudicem, dicis, apud quem nullus est minor, atque despectior, quam ipse iudex? nam intantum eum spernis, intantum despicias, ut nec tibi metipsum consulas, dummodo eius iussa contempnas. Aut refelle me; & convince, si mentior. Clamat tibi ecce morienti ipse, qui te iudicaturus est, iudex tuus, ne ullum omnino hominum in prorogandis rebus, ac facultatibus tuis plus, quam te ames, ne ulli de substantia tua moriens magis, quam tibi consulas: nullum tibi anima tua propinquiores, nullum iudices chariores. *Quid enim proderit*, inquit Salvator, *homini, si lucretur mundum totum, & detrimentum faciat animæ suæ? aut quam dabit homo commutationem pro anima sua?* Hoc est dicere: quid tibi, o infelicissime homo proderit, si omnem mundum, aut ipse habeas, aut tuis posteris relinquas, si salutis, atque animæ æternum detrimenta patiaris? Damna enim animæ totum penitus secum auferunt, nec quicquam homo omnino habere poterit, qui seipsum damno animæ pereuntis amittit. Aut
quam

Mat. 16.

quam, inquit, homo commutationem dabit pro anima sua? Hoc est dicere, non respicias, ò homo, pecuniam, non possessionem, nec dubites saltem moriens pro spe tua, quantum potes rei tuę, ac facultatis offerre: quicquid libet enim dederis pro te, vile est; quicquid pro te obtuleris, parvi pretij est: quia anima tua in omnium rerum est comparatione pretiosior. Et ideo nihil dubites pro te dare, quia si te amiseris, omnia in te perdis: si autem te lucrifeceris, tecum & in te omnia possidebis. Cum hæc ergo tibi iam morienti, ò homo quisquis es, Dominus Deus tuus clamet, tu mentem obduras, tu aurem obstruis, & nudis sermonibus fidē asserens, sufficere tibi putas verba pro rebus: ac satis te firmum æstimas credulitatis habere subsidium, si Deum, quem rebus, atque operibus tuis despicias, verbis mendacibus honorare videaris: *Fili,* inquit scriptura sancta, *si habes bene, fac tecum, & Deo bonas oblationes offer.* Et alibi: *Miserere,* inquit, *anima tua.* Vide pietatē erga te Domini nostri, vide quā misericors sit Dominus Deus noster, qui nos ipsos pro nobis misericordiam rogat, miserere; inquit; animę tuę; hoc est dicere, miserere etiam tu illius, cuius vides miserationē me frangi: miserere illius tandem, cuius misereor ego semper: miserere tu animę saltem tuę, cum misereri me cernas alienę. Et quid post hæc; ò miserrime homo, cum Deus sic tecum agat, non acquiescis? rogat te, ut tui miserearis, & non vis? causam tuam apud te agit, & a te non admittitur! dignatur te pro te petere, & a te non potest impetrare?

Et

Nobis a-
missis om-
nia per-
eunt.

Eccl. 14.

30

Et quo modo, quisquis es ò miserrime homo; quomodo te postea supplicante ille in iudicio suo audiet, cum tu hunc eum pro te rogantem audire ipse nolueris? Sed videlicet causa grandis est, qua Deum audire non possis; circumstant enim te ægrotantem cognati, atque agnati tui, circumstant locupletes matres familiæ, circumstant nobiles viri, obsidet lectum infirmitatis tuæ fericis, atque auratis vestibus circumfusa numerositas. O quantus fructus æternitatis est, talibus bona propria erogare mendicis: digna videlicet causa, & satis iusta est, ut tu animæ tuæ auferas, quod egenis talibus derelinquas. Sed nimirum misericordia frangeris, & lamentantium propinquorum pietate superaris. Est certa ratio. Vides quippe opulentissimi, ac splendidissimi cultus homines, tibi anxios, tibi flentes, tristi vultu, & festo habitu compositas ad mœstitudinem facies tibi ostentantes, per imaginariam sollicitudinem suam ementes hereditatem tuam; quem non moveat tanta pietas? quem non moveat talis dolor? Aut quomodo cum hæc talia videas, non obliviscaris tui! Vides enim extortas lachrymas, simulata suspiria, fictam anxietatem, non optantem, ut convalescas, sed expectantem, quando moriaris? Vides defixos in te, & quasi accusantes tui obitus tarditatem omnium vultus. O infelicem te, ac miserrimum, cuius supremum exitum tantus desiderat, ac precatur numerus propinquorum, nisi quod scio, ac satis certus sum, nihil omnino apud Deum vota talium prævalere. Nam mirari possem forte, quod vires, quem mori-
tàm

tam multi velint: & propter hos, quisquis ille es;
 à miserrime omnium, propter hos tales ani-
 mam tuam deseris, & credere te iudicium Dei
 dicis, cum adhuc eius iussa despicias, ut patri-
 monium tuum talibus derelinquas: *Dispersit,* Psal. 114
inquit Propheta de eo, qui Deum credit, disper-
sit, dedit pauperibus, iustitia eius manet in ater-
num. Sed & Salvator ipse ad omnes divites: Luc. 12
Vendite, inquit, *quæ possideris, & date eleemo-*
syam. Et alibi: *Vende quod habes, & da* Matt. 19.
pauperibus. Nunquid dicit, agnatis tuis da?
 nunquid affinibus? Non utique, sed pauperi-
 bus, sed egenis. Nunquid propinquo diviti?
 nunquid ulli omnino hominum præpotenti?
 Non utique, sed inopi, sed egeno. Ecce
 rectè. Nunquid enim cum locupletibus co-
 gnatis tuis substantiam tuam dederis, iusti-
 tia tua manet in æternum? aut cum divi-
 tias eorum divitis tuis auxeris, thesaurum
 habebis in cælo? *Va,* inquit Propheta, Esaiæ 5.
his, qui dicunt, dulce amarum, & amarum
dulce. Etiam laudari à te tales hos Deus,
 prohibet, & tu ditare non metuis? Dari his
 prædicatoria verba non vult, & tu etiam
 talenta largiris? Honorari vitam eorum fic-
 tis sermonibus verat, & à te thesauri eorum,
 divitiarumque cumulantur? Sed vereris videlicet
 vultus circumfidentium propinquorum, & præ-
 sentes, atque obsidentes lectulum tuum metuis
 offendere. *Ne timearis eos,* inquit Dominus, Jerem. 5.
per Prophetam, neque paveas à facie eorum,
quoniam domus exasperans est. Et ideo etiam
 Y tu

tu esto intrepidus , & constans , non formi-
des vultus eorum , neque fraudarum ambitu
eorum , despice concupiscentes hereditatem
tuam , & dividentes iam inter se substantiam tuam ,
qui non te , sed patrimonium tuum diligunt ,
immo qui cupiditate rerum tuarum te exe-
crantur : nam dum tua impatienter sitiunt ,
te oderunt , presentiamque tuam , quasi emu-
lam sibi , & adversariam iudicantes , obicem ,
atque obstaculum putant cupiditatis suae esse ,
quod vivis . Despice ergo hos tales , ac nihil
facito : non te moveant blandimenta eorum ,
venena tibi sunt : non respicias adulationes
eorum : gladij sunt iugulatores tui , & quidem
ferreis , atque hostilibus gladiis retriores : il-
los enim homines cuncti vident , istos incauti
non vident : illi , quia aperte se viunt , evitan-
tur : isti , quia occulte insidiantur , occidunt :
& hoc periculosiores sunt , ac novo nocendi
genere peiores , quod illis ferreis gladiis nemo
est penitus , qui se ledi velit , istis multi se
etiam occidi , volunt : nova atque inestimabi-
lis mali letalis illecebra . Illis gladiis quicun-
que percutitur , & timore pariter , & dolore
torquetur : istis quicunque occiditur , delecta-
tur . Fuge ergo hoc malum tale , fuge assenta-
tiones insidiantes tibi , fuge obsequelas noxias
tibi , fuge ambitus deceptores tuos , ista sunt
officia quae te iugulant , ista sunt , quae in mor-
tem trahunt : fuge ergo talium blandimenta ,
fuge horum sedulitatem : isti sunt carnifices ,
ac tortores tui , qui te in presenti quidem am-
biunt

biunt, sed in futuro necant, & confertis
quoddammodo manibus, ac velut coniurati
mutua factione in sempiternos tartari ignes
cogere, ac præcipitare conantur. Et ideo non
timeas eos, non expavesceas, erige animum,
& vim sanctæ authoritatis assume: Si enim
illi tantopere adnituntur, ut pereas, cur non
maiore tu animo adnitaris, ut vivas?

Confortare ergo, & constanti animo

tibi consule. Satis infidelis, ac

satis est stultus, qui ma-

vult præstare aliis, ut

sic miser, quam

sibi, ut

sic

beatus: & ut alios affluere

faciat delictis tempora-

riis, se tradit uren-

diū ignibus

sempiter-

nis.

LIBER QVARTVS.

Argumentum.

In hoc Libro hominem saltem moriturum salutis anxium optat; ut licet per omnem anteacta vita cursum immemor sui, Deique recordia laboraverit, saltem in ultimo vite, morisique consinio, eternum gloria pondus opum iactura redimat; quia Sapiencia, inquit, in exitu canitur. Morientium tamen technas eluatis, dum se sup^{er} posteritati non in contemptu divinitatis divitias per manus tradere; sed affectu quoddam affinitatis omnibus infuso, causantur: at hoc ipsum, respondes, divinitatis iniuria est; nam Deo maiora, quam nostris, sanguineis debemus, a quo cuncta sine dubio percepimus. Alteri occurrit divitum commento, qui Christum, aiunt, usque Regem, celestiumque bonorum dominum, nullatenus rerum humanarum indigere; occurrit, inquam, Christum omnium pauperum ostendendo, qui in singulis egenis, & sitit quosidie; & esurit, & modeste laborat; ergo ille potiori iure constituendus heres est, nulla cum instituentis iactura; quippe qui munus sibi collatum, multiplici cum usura repensat; ubi è contra suis relicta hereditas, nulla mortuum ope, nulloque suffragio iuvat; imò non parum torquet, dum amplum patrimonium impuris, luxuriosisque heredibus testamento legando, quid aliud quam iter illis ad quodlibet scelus muniri? Divitisque evangelici tormenta, & cruciatus iterum describis, qui luxuriantibus fratribus salarnaque inter & cacuba veluti natantibus, ipse aequè gustam nunquam impetrandam, semper quidem, & irrisis precibus petis. Imponit denique quatuor his libris colophonem, ostendendo, quod nisi dives moriturus Christo in suis pauperibus improbas opes resignet, discrimen proculdubio subibit eternitatis; cum ipsius dunsaxat sarcinæ sint reatus.

Non me præterit, domina mea Ecclesia, cultrix beata spei, hæc quæ libellis superioribus
di-

diximus, nonnullis filiis tuis Christum parū amantibus displicere. Sed nos voluntates eorum non magni pendimus, quia nec mirum est, si eis, loquentia de Deo verba non placeant, quibus ipse forsitan Deus non placet; nec expectandum, ut insinuatorem salutis, atq. animarum sermonem ament; qui salutem ipsam, atque animam suam non amant. Sufficiant utique sicut in aliis, ita etiam in hac parte nobis sensus tantum, & iudicia sanctorum, quibus æque unum, atque idem, apud nos sentientibus, certi profectò sumus, etiā Deum ipsum sentire nobiscum, qui cum in sanctis suis spiritus Dei maneat; absq. dubio Deus illic est, ubi illa pars fuerit, à qua Dei spiritus nō recedit. Pravorum enim hominum, id est, vel paganorum, vel mundalium sensus, aut parvi existimandi sunt, aut nihil omnino faciendi: quia *si hominibus, inquit Apost. placere vellem, Christi servus non essem.* Illud durius, ac molestius, quod quidam, ut arbitror, filiorum tuorum sub religionis titulo, à religione dissentiant, & habitu magis seculum reliquere, quàm sensu. Quorum, ni fallor, sententia hoc habet, atque asserit: Omni omnino homini Christiano propinquitatē in exitu magis considerandam esse, quàm Christū. Et quia profana penitus perseverat, execrabilisq. sententia, velare, ut puto, infidelissimā prædicationē, quasi umbratili, ut reor, quadam adiectione conantur, dicentes: Cunctos, qui credāt Deum, sanos tantum, atq. incolumes officiosos Christo esse iam debere, ceterum exeuntes à seculo, carnalis magis propinquitatis, quàm divini officii oportere meminisse. Quasi

Galat. 1.
5012

vero homines Christianos alios esse, oporteat incolumes, alios iam de hoc saeculo recedentes: & alios se cuncti exhibere Christo debeant in sospitate, alios in morte; alios in superiore vita, alios in posteriore. Quod si ita est, ergo alterum quis habiturus est Christum iuvenis, alterum senex; & toties debent homines demutari fide, quoties demutantur ætate. Si enim erga Dei cultum alter quispiam futurus est vixens, alter infirmus, alter sanus, alter egrotans, ergo prout status fuerit humani corporis inequalis, ita erit homini etiam Deus ipse mutabilis; & quoties fuerit in homine valetudo contraria, toties erit etiam religio diversa, quasi verò qui incolumes Christi esse debent, morientes Christi esse non debeant. Et ubi illud est: *Qui perseveraverit in finem hic salvus erit?* Aut illud in Proverbijs sacris divini sermonis oraculum: *Sapientia in exitu canitur?* Quo utique ostenditur, licet salubris sit in omni ætate sapientia, præcipue tamen omnes in exitu suo debere esse sapientes; quia sapientia, inquit, in exitu canitur, id est, laudari penitus antea ætatis prudentia non merebitur, nisi bono fine claudatur. Sufficit, inquit pestilens prædicatio, sufficit præteritum opus homini, etiam si in fine nihil faciat. Ego multò plus addo, aut non minus eis si potest morte vicina, aut certe plus multò esse faciendum: primum, quia de bono opere nihil nimis est. Deinde quòd ad tribunal Dei pergens, magis placare iudicem debet, quam iam in iudicio constitutus. Postremo, quòd si aliqua ante exitum bona fecit, multò magis facere

Matt. 10.

Prov. 9.

cere iam in exitu suo debet, ne deterior scilicet superioribus vite actibus finis esse videatur. Si autem bonis operibus parum studuit, multò utique magis facere eum, vel in exitu suo convenit, ut quod vita anteriore non reddidit, saltem in extremitate persolvat: & qui ex hoc reus est, quòd ante neglexit, vel per hoc excusari aliquatenus Domino suo possit; quòd præteritam inhumanitatem ultima saltem devotione compenset. Sed ad superiora redeamus: *Sapientia*, inquit sermo divinus, *in exitu canitur*. Cur eam non dixit cani in pueritia? cur non in iuventute? cur non in statu rerum incolumium? cur non in prosperitatibus secundorum? scilicet quia in his omnibus quicquid laudatur, incertum est. Quamdiu enim quis subiacet mutationi, non potest cum securitate laudari: & ideo, ut ait, *sapientia in exitu canitur*. Exiens enim quis de incertis periculorum, certum merebitur, evasa omni rerum varietate, suffragium: quia tunc stabilis, & firma laus est, quando meritum non poterit iam perire laudati. *Sapientia*, inquit, *in exitu canitur*. Quid est, quæso, sapientia Christiani? quid nisi timor, & amor Christi? *initium enim*, inquit, *sapientie, timor domini*. Et alibi; *Perfecta*, inquit, *dilectio foras mittit timorem*. Ergo, ut videmus, initium sapientiæ in timore Christi, perfectio in amore: Itaque si sapientia Christiani, timor est, atque amor Domini, ita demum verè sapientes sumus, si Deum semper, ac super omnia diligamus, & hoc cum omni tempore, tum præcipuè in exitu nostro: qui sapientia in exitu canitur

Pf. 110.

1. Ioan. 4.

nitur. Si ergo sapientia per hoc maxime in exitu canitur, si Deus super omnia diligatur, quæ igitur infania est, ut dicat aliquis, Christum carnali propinquitati præponi ab incolumibus oportere, à morientibus non debere? Cur enim eum præferant incolumes, si non debent præferre morientes? Aut si potest quispiam religiosè agnatos, atque affines suos Christo in morte præponere, cur non religiosè etiam antè præponebat? Aut si est ulla hora in vita ultima, qua quis plus alios diligere debeat, quàm seipsum, & Deum, cur non, & in vita anteriore plus diligat? Ac sic fit, ut solvantur omnia, & evanescant, intereantque; neque ullum quis viliores habeat, quàm seipsum, neque ullum inferiorem, quàm Deum. Si enim ullum est tempus, quò ab aliquo possit Deus, affinis, aut propinquis iure postponi; nullum est, quo possit iure præponi: sin autem, quod verum est, nullum est omnino tempus, quo non debeat anteponi, nullum est omnino tempus, quo possit iure postponi; nullum utique: & ideo ne in extremis quidem, quia etiam iustum hominem. Propheta in die, qua erraverit, dicit; esse periturum. Ita que si omnis iudicio Dei error errantis perditione mulctatur; & his quoque erroribus vita hominum periclitatur, quibus usitate, atque communiter innocentia humana polluitur, quid futurum existimamus ubi in Deum ipsum detestabili infidelitate peccatur? Si enim, inquit Apostolus, omnis inobedientia iustam accipit mercedis retributionem, quomodo nos effugiemus, si tantam neglexerimus salutem?

Nul-

Ezech. 8

Heb. 2.

Nullus autem salutem veram plus negligit, quam qui Deo aliquid anteponit: cum enim salus nostra munus, ac misericordia Dei sit, quæ ei ratio consequende salutis est, qui Deum ipsum despicit, in cuius misericordia salus nostra consistit? Aut cum iudex, & vivorum sit Deus, & mortuorum, quæ ei fors in Dei iudicio esse poterit, qui eum etiam moriens iudicio suo spreverit, à quo est, statim mortuus, iudicandus? Et ideo, ut scriptura divina ait: In quo iudicio iudicat, in eo iudicabitur de eo. Hoc est, quo iudicio iudicat de Deo, eo ipso iudicabitur à Deo. Neque iniquum putare poterit, si eum cunctis in futuro Dominus postposuerit, qui in presenti Deum cunctis ipse postponit: nec queri potest, si eum omnibus Deus æstimet, damnabiliorem, cum ipse omnibus Deum æstimet, viliorrem. Sed dicit aliquis, non se hoc animo ista facere, quo aut contemnat Deum, aut vilem putet, sed quo vel amet eos, quos heredes instituit, vel honoret. Acquiescamus, hoc ita esse, omnibus ferme etiam aliis flagitiosissimis, & criminosis reis excusatio ista suppetit. Nam dicere & fornicatoribus licet, non se hoc animo fornicari, quod Deum spernant; sed quia calore corporis, atque infirmitate vincantur. Et homicidæ id affirmare possunt, non se contemptu Dei humanum sanguinem fundere, vel odio; sed cupiditate tantum scelera præstare. Sed quid prodest malis hæc excusatio, cum scilicet nihil intersit, qua se quispiam dicat peccare causa, cum sit omne peccatum divinitatis iniuria. Acquiescamus

Mat. 7

mus

mustamen, ut supra dixi, hoc ita esse, nec ex contemptu Dei res suas quempiam alij magis, quam Deo tradere, sed vel honore hæredis sui, vel gratia se ad hoc trahi, vel certè amore compelli. Sed quid facimus quòd hoc ipso magis incuria Dei probatur, atque contemptus? Si enim, ò quisquis es ille, per id, quòd heredibus tuis, vel quibuscunque res proprias derelinquis, & honorare te eos indicas, & amare, Deum utique, cui non relinquis, nec honorari à te indicas, nec amari. Ac per hoc, quicquid pro te dixeris, contra te est, & ad contemptum, atque contumeliam Dei pertinet amor, & honorificentia ceterorum. Cùm enim aliis ideò relinquo, quia eos honoras, Deum, cui non relinquis, utique non honoras, cùm aliis ideò relinquo multa, quoniam amas: Deo ideò non relinquis: profectò, quia non amas. Ecce enim assistit tibi morienti, atque restanti homo pariter, ac Deus. Res aperta est, & non dubia, quem elegeris, prætulisti. Si in uno est honor solo, necesse est in alio inveniatu esse despectio. Si homo, qui præfertur, gaudet, se à te diligere, necesse est, ut se doleat Deus, qui prætermittitur, non amari. Sed putas, Deum videlicet munificentia hominis non egere, & ideò quid necesse est, inquis, ab homine ei quippiam tribui, qui ipse cuncta omnibus dedit? Vtrum egeat munificentia nostra Dominus, an non egeat, aut quomodo, velegeat, vel non egeat, iam videbimus. Interim, quia ab eo cuncta cunctis præstari, etiam tu negare, non ausus es, hoc dignior est absque dubio largitate nostra, quia nobis

Quomodo Deus munificentia nostra egeat.

nobis ipse ante largitus est, hoc iustius ei officiis respondere tentamus: quò beneficiis illius magis impares sumus: Nam & natura ipsa hominum, consuetudoque communis hac quasi generali cunctos lege constringit, ut à quibus aliquid liberalitatis accepimus, plus eis gratia debeamus: arctat quippe nos ad retributionem dati accepta largitio: Ante usum enim, ac munificentiam liberalitatis alienæ liber est quispiam, beneficiorum sœnore non gravatus, coguntur autem omnes ipsa conscientia sua ad repensationem vicissitudinis, postquam esse ceperunt debitores: Ita ergo & Deo hoc maiora debemus, quòd ab eo cuncta percepimus, & hoc respondere beneficiis illius minùs possumus, quòd ei etiam si quòd debemus reddere cupiamus, tamen de suo reddimus. Ac per hoc non est, quòd placere sibi quispiam largitione sua debeat, sicut sua non sunt cuncta quæ à Domino suo accipit: sic sua non sunt cuncta, quæ reddit. Et ideo perfidiæ quidem pœna debetur ei, qui negaverit Deo, quæ sunt sibi ab eodem commodata. Imputare autem largitionem non potest, qui reddiderit accepta, nihil minùs quam ut non egeat. Sed Deus, inquis, non eget retributione: Non eget enim iuxta potentiam suam, sed eget iuxta præceptionem suam: non eget secundum maiestatem suam, sed eget secundum legem suam: & in seipso quidem non eget, sed in multis eget: non querit in se munificentiam, sed in suis quarit. Et ideo non eget quidem iuxta omnipotentiam, sed eget iuxta misericordiam, non eget deitate pro semetipso, sed

Matt. 25

Ibid.

sed eget pietate pro nobis: Quid enim dicit ad
 pios, ac largos dispensatores Deus? *Venite be-
 nediſti Patris mei, poſſidete regnum, quod vobis
 paratum eſt à conſtitutione mundi: eſurivi enim,
 & dediſtis mihi manducare: ſitivi, & dediſtis
 mihi bibere. Et alia in hunc modum. Et ne
 hoc cauſæ, de qua hunc loquimur, parum forſi-
 tan videretur, adiecit rerum diverſitatem ava-
 ris, & infidelibus dicens: *Ite malediſti in ignem
 æternum, quem paravit Pater meus diabolo, &
 angelis eius: eſurivi enim, & non dediſtis mihi
 manducare, ſitivi, & non dediſtis mihi bibere:
 nudus fui, & non operuiſtis me. Vbi ergo illi
 ſunt, qui dicunt, Dominum Ieſum Chriſtum,
 officio noſtrorum munerum non egere? Ecce,
 & eſurire ſe pariter, & ſicire, & algere, comme-
 morat. Reſpondeat quilibet horum, ſi non
 eget, qui eſurire ſe, queritur? ſi non eget, qui ſe
 ſicire, teſtatur? Ego plus addo aliquid, Chriſtum
 non ſolum egere cum cæteris, ſed plus multò ege-
 re, quàm cæteros: in omni enim pauperum nu-
 mero, non eſt univerſorum una paupertas. Sunt
 enim quidam, quibus etiamſi veſtimenta deſunt,
 alimenta non deſunt: multi ſunt hoſpitio egē-
 tes, veſtibus non egentes: multi domo caren-
 tes, ſed non ſubſtantia. Sunt denique, quibus
 etſi deſint multa, non deſunt omnia. Chriſtus
 tantummodo ſolus eſt, cui nihil eſt, quod in om-
 ni humano genere non deſit. Nullus ſervorum
 ſuorum exulat, nullus frigore, ac nuditate tor-
 quetur, cum quo ille non algeat. Solus cum eſu-
 rientibus eſurit, ſolus cum ſitientibus ſitit. Et
 ideo quantum ad pietatem illius pertinet,
 plus.**

plus quàm cæteri eget: omnis enim egestuosus pro se tantum, & in se eget. Solus tantummodo Christus est, qui in omnium pauperum universitate mendicet. Et cum hæc ita sint, quid quid ais, o homo, qui Christianum te esse, dicis, cum Christum egere videas, & facultates tuas quibuscumque non indigentibus derelinquis? Christus pauper est, & tu opes divitum cumulas? Christus esurit, & tu delicias affluentibus paras? Christus etiam aquam sibi deesse, queritur, & tuæ apothecæ ebriosorum vino replentur? Christus rerum omnium egestate conficitur, & à te luxuriosis copiarum congregantur? Christus tibi pro muneribus à te datis præmia sempiterna promittit, & tu ipse præstaturis cuncta largiris? Christus tibi, & pro bonis bona immortalia, & pro malis mala æterna proponit, & tu nec bonis cœlestibus flecteris, nec malis peregrinis commoveris? Et credere te Domino tuo dicis, cuius nec remunerationem desideras, nec iracundiam contremiscis? Non credis igitur, sicut iam diximus libro superiore, non credis, & licet de converforum venerabili choro esse videaris, licet religionem vestibus simules, licet fidem cingulo asseras, licet sanctitatem pallio mentiaris, non credis, omnino non credis, & hoc tam viris istiusmodi, quàm sceminis, dixi, non credunt. Induat sibi quamvis quilibet habitum sancti nominis, & titulum sacre religionis inscribat, si de substantia sua aliis magis, quàm sibi consulit, profectò non credit: nemo est enim credens, qui facultates suas aliis prodesse malit, quàm sibi:

sibi, nemo est, qui beatitudinem aliis, miseria sua emere contentus sit: nemo est, qui ut aliis paret delicias temporarias, subire egestates cupiat sempiternas. Et ideo, qui patrimonio suo aliis magis, quam sibi consulit, profutura sibi, quæ Deo dederit, omnino esse non credit. Dicat enim mihi quilibet horum, cur facultates suas aliis derelinquit? nunquid ideo quia profuturas tui reliquerit esse, non ambigit? ideo absq. dubio. Igitur quicumque ille es, si ea, quæ aliis relinquis ideo relinquis, quia profutura ei, cui reliqueris, certus es; sic profecto, si quæcunque religiosis muneribus prorogasses profutura esse tibi crederes, tibi absque dubio peculiariter deputares; quia quanto te plus amas, quam eos, quibus relinquis, tanto magis tibi relinqueres, si profutura ea tibi met, vel tenui opiniuncula iudicares. Non enim te odisti, ut prodesse tibi nolis, sed quæ pauperibus dereliqueris profutura tibi esse, non credis. Unde est, quod aliis magis, quam tibi consulis, quia profuturum tibi opus religiosum esse, non credis: sicut credis itaque, sic recipies. Tu Salvatorem per parvipendis, & te Salvator nihili: Tu Christum postponis aliis, & te omnibus Christus: Tibi in comparatione etiam hominum perditorum vilis est Dominus, & tu eris inter perituroŕum ultimos deputandus. Sed blandiris tibi forsitan, ut iam ante dixi, aliquo religiosæ professionis intuitu, ignorans, quod magis es Deo debitor, quia proposito sanctitatis maiora promittis, & ideo plus tolerabis supplicij, quia minus solveris sponsionis:

Luc. 12.

Servus enim, inquit sermo divinus, *qui nescit*

voluntatem Domini sui, & non facit eā, vapula-
bit paucis: qui autem scit, & non facit eā, vapu-
labit multis. Et in specie professionis grandia
specie polliceris, & rebus nulla restituis, falsarij
crimini reus es, Deo cuncta mentiris. Nec im-
merito sacer sermo iudicium de templo Dei in-
cipiendum esse testatur: *Iudicium enim*, inquit,
de domo Domini. Alibi quoque: *Et à sanctis*
inquit, *meis incipite*. Sed ad superiora redea-
mus. *Ite*, inquit, avaris, atque incredulis Deus,
ite in igne eternum, quem paravit Pater meus dia-
bolo, & angelis eius. Ad liberandum videlicet te
ab hoc malo, quibusdam forsitan bonis corpo-
ralibus? Putas pudicitiam quippe amasse te ia-
ctas: Sed memento, quia & illos, quos in Evan-
gelio immortalibus penis Salvator tradidit, im-
pudicitie non notavit. Sobrietatem tibi met
placuisse, commemoras? Nec illi de quibus
scriptura loquitur, ebrietatis crimine puniun-
tur. Ieiunasse te dicis: Nec illos prandia reos
esse fecerunt. Sed videlicet magna causa est,
tibi abstinencia, ac ieiunio tuo placeas: qui ad
hoc ieiunasti, ad hoc parce, exiliterque vixi-
sti, non ut post mortem tuam egenos facultati-
bus tuis pasceres, sed ut censum cuiuscunque he-
redis divitiis ampliaret, magnos videlicet ab-
stinencie fructus capis. Minus enim panis tu
manducasti, ut aut aliis plus haberet. Tibi
venter frugalitate decrevit, ut cuiuscunque ho-
minis fortasse vitiosi thesaurus cresceret. Cum
ergo ad iudicium Dei veneris, iure imputare ei
ieiunium tuum poteris, dicens: Ieiunavi Do-
mine, & abstineui, ac diu me ab omnium delicia-

Exech. 9.

i. Pet. 4.

Matt. 25.

rum

Luc. 16.

rum fruge suspendi, & res hoc probat: Ecce enim nunc heredes mei de meo affluunt, & immensarum divitiarum copiis abundant. Et ut aliquid pro te etiam de Evangelica lectione præsumas, hoc quod Salvator dixit de perditissimo illo divite, potes & tu forsitan de hæredibus tuis dicere: Induuntur purpura, & bysso, & epulantur splendide, incubant defossis à me talentis, premunt argenti, & auri congestas strues, materiam quoque his voluptatum omnium præparavi; distenduntur delitiis à me relictis: Ego diu abstinui, ut nunc illi inebriarentur: Crapula nunc est illorum, vetus frugalitas mea: natant tricliniorum pavimenta vino, salerno nobili lutum faciunt, mense eorū, ac toreumata mero iugiter madent, semper uida sunt, luxuriant in peristromatis, quæ ego feci: fornicantur in sericis, quæ reliqui. Et cum hæc omnia pro te dixeris, quomodo non eternā à Christo remunerationē mereri poteris, cui in talibus sanctis tantarum deliciarum copiam præpararis. O quantò melius quæcumque illa es, quantò melius, & salubrius pauper fueras, & egestuosa, quàm dives: paupertas enim te Deo insinuare potuisset, divitiæ ream esse fecerunt. Rectius ergo per indigentiam salva fieres, quàm per opes tuas, & te, & alios prægravasses: te scilicet, dum malè alijs relinquis: alios, dum à te relictæ, & ipsi usu inhumanissimo malè possident, & post se malè alijs derelinquunt. Si vis ergo, quæcumque illa es, si vis tibi esse consultum, si vis eternam habere vitam, & cupis videre dies bonos, relinque substantiam tuam

tuam indigentibus sanctis, relinque claudis, relinque cæcis, relinque languentibus: sint facultates tuæ alimenta miserorum, sit opulentia tua pauperum vita, ut illorum refrigeria, premia tua sint; ut illorum refectio te reficiat. Si enim illi de tuo edent, tu saturaberis: si illi de tuo biberint, tu sitis tuæ estum, ardoremque restingues: te illorum vestitus vestiet, te illorum apricitas delectabit. Non ergo vile, ac despicabile putes, si substantiam tuam miseris, atque egentibus derelinques, Christum in illis facies hæredem: Et quid dicam de Christi nomine? Christum quidem hæredem facis, sed tu hæreditatis emolumenta percipies: quæcunque enim Christo reliqueris, per Christum omnia possidebis. Sed hæc tu, ut reor, frivola esse iudicas, & quasi somnia quædam, ac deliramenta contemnis: non enim credis Christum, vera dixisse, & res probat, nequaquam te ei credere: nam qui mandata eius nec in postremis facis, aut nulla esse omnino æstimas, aut falsa esse, condemnas. In quo quidem; ut ante iam dixi, lugere omnes sanctos; ac flere convenit, nulli te & alios tui similes, nulli minùs quàm Christo credere: Si tibi quicumque ex cauponibus quid promitteret, fidem promittenti non abnegares. Si mutuum à te quippiam propola, aut falsamentarius postularèt, redditurum enim non diffideres, quæ dedisses. Mendacibus denique interdum, atque periuris, cautione facta & dato fideiussore, res creditur: Christus tibi & fidelissimam cautionem, & fideiussores optimos dedit, cautionem, scilicet Evangelium,

fidei iutores Apostolos suos. Et si id parum est, Patriarchas, Prophetas, Martyres suos, totam denique divinarum seriem literarum, & non credis ei, nec fidem commodas? Quem, rogo, tam prodigum inter homines, ac tam miserum invenire possis, cui fidem sub tot fidei iutoribus denegares? Das itaque res tuas divitibus, & egenis negas. Das luxuriosis, & negas sanctis, Das cuicumque fortasse perditio, & negas Christo. Prout ergo iudicasti, sic iudicaberis: sicut elegeris, sic recipies. Non habebis cum Christo partem quem despexisti: cum his habebis, quos ei pretulisti. Sed dicit fortasse aliquis ex infidelium numero, non dignam esse causam, quæ vel Deum moveat, vel homines in æternum periculum trahat, Scio quidem, quod omnes rei, veniabiles putant semper reatus suos: nam & furta furibus leves culpæ sunt, & innocua ebriosis videtur ebrietas, & apud impudicos fornicatio scelus non est: quia nullum omnino tam grande crimen est, quod non cuius facinore committitur, eius sententia sublevetur. Sed si quis vult ex peccatoribus scire, quàm graviter censenda a Deo sint magna crimina, discat qualiter in semetipsis puniant sancti etiam levia peccata, consciscit scilicet iam ex ipsius Dei dictis futuri examinis, ac per domini sui verba etiam iudicia rimantes. & ideo semper in Dei opere, semper in compunctione, semper in cruce positi beati; qui cum omnium misereantur, sibi nunquam peccatus ignoscunt: in nullo sibi parentes: sed toto se admodum Deo impendent, & ideo in futuro iudicio digni præmio: quia
hic

hic apud se iugiter in reatu. Nam de misericordia eorum, ac largitate quid dicam? quæ virtus apud eos, quasi virtutum omnium initiatrix est. Plerique enim eorum hæc habent, quasi exordia & quasi incunabula conversionis suæ, ut priusquam limen sanctæ professionis introeant, de propriis sibi facultatibus nil relinquant, secundum illud scilicet Domini nostri dictum, quo ait: *Vende omnia bona tua, & da pauperibus, & veni sequere me.* Et illi itaque secuturi vocantem Deum, prius vendunt omnia, quam sequantur: Divitias enim onerum, atque impedimentorum loco esse ducentes, expeditos se non putant ad sequendum Deum, nisi omnia prius carnalium sarcinarum impedimenta proiecerint, simul ut more hominum commigrantium prius ad locum habitaculi destinati res suas transferant, quam seipsos; scilicet, ut cum ea, quæ ad se pertinent universa transtulerint, tum ipsi in plenam, ac refertam bonis immortalibus domum, præmissa rerum omnium facultate, commigrent: securi absque dubio, nihil sibi postea defuturum, qui exituri de habitaculo vili, & contemptibili, ac iam iamque ruituro, nihil illic de suo penitus reliquerint, quod periret. Hæc ergo sanctorum spes, hæc fiducia est, sic sibi ex opulenta rerum transmissione prospiciunt, ut æternis immortalium facultatum copiis perfruantur. Cæterum tu quicumque ille es, aut quæcumque, quæ animæ tuæ, ac salutis oblita, ipsa te reculis tuis spoliās, quomodo in futuro quasi condita, ac parata reperies, quæ hic, aut non indigentibus, aut

Mat. 19.

etiam abundantibus deputaris? Quomodo reddenda tibi à Deo credis, quæ Deo ipse non credis? Postremo quomodo reddi vis, quæ credere non vis? Nemo enim sibi solvi vult, quæ non commodat, nec tam stultus est, ut quæ non fœneraverit, putet esse reddenda. Et ideo tu nequaquam à Deo quasi reddendum sperare poteris, quod Deo utique non credens, reddere tibi Deum ipse nolueris. Vnde compleatur dictum

Psal. 48. in te divinum illud necesse est, quia reliquisti alijs, vel alienis divitias tuas, sepulcrum tuum erit domus tua in æternum. Et illud, quod Salvator ad similem tui loquitur: *Qui tepidus es,*

Apoc. 3. *sed neque fervens, neque frigidus, incipiam te vomere ex ore meo.* Et illud dicis: *Dives sum, & divitia habeo, & nullius egeo, & nescis quia tu es miser, & pauper, & cacus, & nudus.* Nemo itaque sibi in vita, in morte, in actu, in dono, in testamento suo, hominem Deo præferens, de vitæ, ac professionis prærogativa aliquid blandiatur. Pœnalis est homini, ac perniciofa securitas, & præsumpta spes: sarcinæ sunt reatus: usurpata absolutio damnationem parit.

Quicumque sibi se excusat, accusat Deo, secundum illud: *Nam qui se existimat, esse aliquid, cum nihil sit, seipsum seducit.* Nemini itaque facilis sua causa sit, nullus difficilius evadit, quam qui se evasurum esse, præsumperit. Dura hæc forsitan, atque austera videbuntur. Quid ni?

Hebr. 12. *Omnis enim disciplina, ut ait sermo divinus, non est gaudii, sed mœroris.* Dura hæc, & austera sunt. Sed quid facias? non licet rerum mutare naturas, & nuntiari aliter veritas, non potest, quam

quam virtus ipsa exigit veritatis. Dura hæc quidam putant, scio, & satis certus sum. Sed quid facias? nisi duris non itur ad regnum: *Ar-*
eta enim, inquit Dominus. *Et angusta via est, qua*
ducit ad vitam. Et Apostolus: *Existimo,* inquit,
quod non sint condigna passiones huius temporis ad
futuram gloriam, quæ revelabitur in nobis; Indignum esse ad future gloriæ comparationem omnem opus, dicit, humanum, & ideo nihil durum, aut austum Christianis videri debet: quia quantalibet pro sempiterna beatitudine Christo offerant, vile est, quod datur, ubi tam grande est, quod accipitur. Nihil magnum in terris ab homine Deo solvitur, ubi quod est in cælo maximum comparatur. Durum est avaris, ut largiantur sua. Quid mirum? Totum durum est quicquid imperatur invitis. Penè omnis sermo divinus habet æmulos suos, quot genera præceptorum sunt, tot adversariorum. Si largitatem esse in hominibus iubet Dominus, avarus irascitur. Si parsimoniam exigit, prodigus execratur: sermones sacros, improbi, hostes suos ducunt. Horrent raptores quicquid de iustitia scribitur: horrent superbi quicquid de humilitate mandatur: adversantur ebriosi, ubi sobrietas indicitur: detestantur impudici, ubi castitas imperatur. Aut nihil ergo dicendum est, aut quicquid dictum fuerit, cuicumque supradictorum hominum displicebit. Mavult quilibet improbus execrari legem, quàm emundare mentem: mavult præcepta odisse, quàm vitia. Inter hæc quid agant, quibus loquendi à Christo, officia mandantur? Deo displicent

Mat. 7

Rom. 8.

Act. 5

si tacent: hominibus, si loquuntur, Sed ut Iu-
 dæis Apostoli responderunt: *Expedie magis*
Deo obedire, quam hominibus. Do tamen
 consilium omnibus, quibus gravis, & onerosa
 est lex Dei, si accipere non recusant, quemad-
 modum placere eis possint, quæ Deus præcipit:
 cuncti enim, qui oderunt mandatum sacrum,
 causam odii in seipsis habent. Omne fastidium
 non in præceptis legis est, sed in moribus suis:
 Lex quippe bona est, sed mores mali, ac per
 hoc mutant homines propositum & affe-
 ctum suum: Si enim mores suos pro-
 babiles esse fecerint, nihil eis ex
 eo quod lex bona præcipit,
 displicebit. Quando
 bonus quis esse
 cœperit,
 non
 potest non diligere legem Dei, quia
 hoc intrinsece habet lex Dei sancta,
 quod sancti homines in mo-
 ribus. Gratia Domini
 nostri Iesu Christi
 cum Spiritu
 tuo.

Amen.

**

AN-

ANNOTATIONES

ALIQVOT

In Salviani Episcopi doctissimi loca vel subobscura, vel quæ propter exquisitam elegantiam, atq. reconditam eruditione digna visa sunt, ut et attentius observarentur, & dilucidius etiam explicarentur, ex Brassicano, et aliis depromptæ.

IN PROOEMIUM

AD Salonium.) Huius Salonii Vienne Galliarum Episcopi, cui Salvianus librum suum nominatim inscripsit, sæpissime meminit Sidorius Apollinaris in Epistolis, & Gennadius etiam in Salviano.

Omnes admodum homines.] Vfus est ferme Salustiano exordio. Videtur autem hic *admodum* particula usus esse pro *quidem*, vel *equidem*, nam, & in aliam partem non semel hac utitur Eucherius Lugdunensis, & Salvianus etiam *noter* aliter usus est, ut suo loco indicabimus.

Mundialium negotiorum.) Videtur usus esse dictione suo sæculo familiari, nam aliis *mundiale* vix satisfacit auribus eruditorum. Neque verò ob unam aliquam voculam, ut quidam solent, integrum autorem damnare convenit. Quando in omni re sit improba, ac reprehendenda, præteritis melioribus, malorum selectio, ut Cicero in libris de legibus docuit.

- 4 Scholastici .) Scholasticos vocat , nisi fallar , quemadmodum etiam Gennadius styllum tantum expolientes , nec animadvertentes interea quam splendidis illis verbis , & exquisitiore dictione minime dignum sit argumentum hoc , quod tractandum susceperunt . Sic Prudentius Simmachum damnat , quod eloquentia sit abusus , quando Gentilium deos esse recipiendos , ac servandos , elegantissime quidem , sed parum verè diceret .

*Od dignum, aeterno tinctum quod fulgeat auro ,
Si mall. t. laudare Deum , cui sordida monstra
Prætulit , & liquidam temeravit crimine vocem .
Haud aliter , quam cum rastris quis tentat eburnis
Cœnosum versare solum , limoque madentes
Excolere aureolis si forte lignonibus ulvas ,
Splendorem nitidi dentis scrobis inquinat atra ,
Et pretiosa acies squalenti sordet in arvo , &c.*
Cicero certè in primo Tuscul. quest. lib. scholas intelligi voluit eruditas dissertationes , quibus ultro , citroque habitis , ea , quæ ad philosophiam pertinent , exquirerentur . Seneca libro sexto controversiarum appellat scholasticos , qui tantum in umbra declamationum argumentis sese exercitarent , necdum in fori lucem prodierint .
5 Latinitate sunt tumida .) Sic constanter habet exemplar descriptum . Proinde nihil immutare volui , atque utinam omnes eadem religione præsertim in re sacra , hoc est in castigandis veterum libris uterentur . Neque verò latini sermonis elegantiam damnat Salvianus , sed ita latinitatem elevat , ut Cicero etiam in primo libro de Oratore docet , si non scientia plurimarum

rum & optimarum rerum illi coniuncta sic, sine qua verborum volubilitas inanis, atque irridenda est. Sed & hunc locum doctioribus rectius vel explicandum, vel restituendum (Sacrilegij enim genusest restituere velle id quod nescias) in medium relinquo.

IN LIBRVM PRIMVM.

Magistrum suum philosophia.) Magna laus 1
Pythagoræ. Quippe quem ipsa philosophia magistrum suum agnoverit, id quod satis approbat vel unicum hoc verbum de illo vulgatum αὐτὸς εἶπεν.

Animus per omnes mundi partes.) Hoc 2
fusus explicat Plutarchus libro primo de placitis philosophorum: & Vergilius libro sexto Æneid. huc respexisse videtur.

*Principio cælum, ac terras, camposque liquentes,
Lucemque globumque luna, titaniaque astra
Spiritus intus alit, totamque infusa per artus
Mens agitat molem, & magnâ se corpore miscet.*
C.

Gubernatori.) Hoc elegantissimè docet 3
Aristoteles in libro, quem ad Alexandrum Magnum scripsit. de mundo, sic dicens:

Κατὰ δὲ ὅπερ ἐν τῇ κυβερνήτῃ, ἐν ἄρματι δὲ ἡνιοχός, ἐν χορῷ δὲ κορυφαῖος, ἐν πόλει δὲ νόμος, ἐν στρατοπέδῳ δὲ ἡγεμὼν, τῷ τοῦθεός ἐστι κίεσμις πλεὺς καθ' ὅσον τοῖς μέν, καμάντων τὸ ἀχρὲν περὶ λυκίη πόντος, ἔστι πολυμέριμον, τῇ δὲ ἄλυσιν, ἀποιόντες, πάσης κτηνῶσι μένον σωματικῆς ἀδυνατίας.

Latine sic dixeris. Ad summam, quod in navi gubernator, in currû auriga, in choro præceptor, in civitate lex, in exercitu Imperator, hoc idem in mundo est Deus: nisi quod illis ipsis principatus laboriosus, perturbatus, & anxius est: Deo autem expers omnis mestitiæ laboris, nullamque corpori afferens imbecillitatem, &c. Idem. serè scribit L. Apuleius in eiusdem inscriptionis & argumenti libro. Sic apud Prudentium Deus ipse loquitur:

Vnus ego ipse elementa rego, nec mole laboris

Ut miser, infirmusque aliquis, fragilisquis fatigor,

- 4 Fabij, Fabricij.) Eiusmodi virtutum, & virtute præstantiû virorum exempla deprehendes apud
 6 Valerium Maximum Lib. IV. cap. 3. & 4.

- 5 Decem argenti libras.) Is fuit Cornelius Rufinus, ut Valerius Maximus docet Lib. II. cap. 4. de nota Censoria.

- 6 Etiam in catenis.) Hæc sententia ad Stoicorum ἀνάσσειν pertinet. Et Horatius Poeta indicat libro primo Epistolarum ad Quintium, nihil planè sapienti viro nocere posse.

Vir bonus, & sapiens audebit dicere, Penthen

Rektor Thebarum, quid me perferre, patique

Indignum coges? Adimam bona. Nempe pecus, &c.

Leptos, argentum: tollas licet. Et manics, &

Compedibus sivo te sub custode tenebo.

Ipse Deus, simul atque velim, me solvet, opinor.

Hoc sentis, moriar mors ultima linea rerû est. &c.

Anaxarchus etiam philosophus cum pistillis ferreis tunderetur, Tunde, inquit, Anaxarchi peram, neque enim Anaxarchum contundis. Possem hîc multa congerere, nisi me non com-

men-

mentarios, sed annotationes aliquot scripturum, pollicitus fuisset.

Carnes) Novè dixit habilius corpus, & nullo valetudinis adversæ periculo offensum, aut imminutum.

Infirmetas carnis.) Galenus medicus in protreperico scribit ex Hippocratis sententia, summè bonam corporis valetudinem esse periculosam. Vnde & Plato academiam locum insalubrem sibi delegit, ut immodicam corporis incolumitatem, & prorsus inoffensam valetudinem hoc ceu remedio reprimeret. Meminit eius rei Gregorius theologus in monodia ad Basilium magnum. Et Basilius magnus ad nepotes. Item Aeneas Platonius Christianus in dialogo de immortalitate animæ.

Manus tendimus.) Hoc etiam Aristoteles in libro de mundo agnoscit: Ζυνεπιμαρτυρεῖ δὲ ὁ βίος ἅπας τὴν ἀνοχράν ἐπὶ τοῦ θεοῦ γὰρ πάντες οἱ ἄνθρωποι ἀνατελούντες τὰς χεῖρας εἰς τὸ οὐρανὸν ὡς ἄς τοῖς μένοι, &c. Hoc est, confirmant etiam hoc viuentes omnes. Quippe qui Deo summum attribuant locum, omnes enim deprecaturi ad cælum manus tollimus. Vnde toties est hoc repetitum apud Homerum: Θεοῖσι δὲ χεῖρας ἀνίσχυν.

Et apud Virgilium:

Et duplices cum voce manus ad sidera tendens.

IN LIBRVM III.

quoniam in II. nihil non apertum est.

De quibus lis est, relinquere iubet.) Pudeat tandem nos Christianos, & vitæ, & professionis nostræ, quando neque sacra, neque profana, vel unius assis æstimamus. Nam & Vlpianus iure.

iureconsultus in tit. xi. de rei vindicatione testatur, prætorē eius factū nō improbare, qui tanti habuit re carere, ne propterea sapius litigaret. Hęc. n. verēcundia eius, & cogitatio, ut ipse, inquit, qui lites execratur, non est vituperanda &c. Quid simile reperias in nostri seculi iureconsultis, quorum sutelis (cautelās dicere volui) iam olim omnis æquitas corrupta est, lites creverunt, & etiamnum crescunt. Controversiis autē dirimendis tū abest, ut aliquis eorū manus admoveat, ut multo libentius etiā frigidam susfūdant, adeo ut verū sit, quod ille dixit: Solis iis, vel in medio foro, concessum esse latrocinium.

IN LIBR. V M IV.

1 Implent canonē. Summa cū elegantia dictū hoc est. Servi ita demensum suū accipiunt, ut interea tamen strenuē cogantur esurire. Ratio loquendi desūpta est à canone frumētario. Cuius meminit Asconius Pedianus, Svetonius, Lamprius, Spartianus, & alii.

2 Si extra conscientiam suam sunt. Huc pertinet vulgata illa Hieronymi regula. Vbi generalis disputatio de vitis fit, ibi nullius personę injuriā esse, neque quemquam acerbius reprehendi, quasi malus sit, sed omnes admoneri, ne sint mali. Sic Martialis:

Huc servare modum nostri didicere libelli

Parcere personis, dicere de vitiis.

3 Naturæ admirabilis gemmas. Nempe Magnetem lapidem, de quo Lucretius ita scribit in vj.

Quem magneta vocant patrio de nomine Graii.

Magnetum, quia sit patriis in finibus ortus. &c.

Me.

Meminit eius prolixè divus Augustinus in xxxj. libro de civitate Dei.

Impræstabilem.) Novè dixit, sed non in-
rudite, quòd nihil prester pro rei dignitate,
nam impij hoc de pientissimo Deo conquerun-
tur.

Persona peccantis.) Hoc Juvenalis etiam at-
tingit.

pag. 100.
lin. 21.

*Omne animi vitium tanto conspectius in se
Crimen habet; quantiò maior, qui peccat, habetur.*

Si periuret Francus.) Sic habet Salvianus Pa-
risiis impressus à Præficano castigatus, & emen-
datus. Fortasse autor Plautum imitari voluit in
Asin. ubi *Conceptis, inquit, verbis, sciens perim-
raris*. Arrideret, ut verior, & candidior, lectio
Baluzii Bræmæ &c. (Si pejeret Francus &c.)
Eruditus lector, utram velit, lectionem, eligat. 6

pag. 105.
lin. 19.

Syricorum.) Sic constanter legitur. Quam-
obrem nihil temerè, vel radere, vel substituere
volui. Qui autem sint Syrii, hætenus me nec
legisse, nec audisse memini. Apparet tamen ali-
quod mercatorum genus ita dictum fuisse, nisi
quis legere malit ex conjectura Syrorum, qui ce-
lebres aliquando sunt habiti, autore Strabone,
in omni mercatus genere. Verùm & isthic nihil
pronunciassè volo, sed doctorum iudicio, ne licè
meam faciam, rem non ita apertam delego.

Initia nostræ religionis.] Hec omnia non-
minùs verè, quàm graviter confutat Tertul-
lianus in Apologetico, & Lactantius Firmianus
non uno loco in libris divinarum institutio-
num.

pag. 117
lin. 27.

Abſinthia.] Hunc locum ita ſe correxiſſe propria autoritate aſſerit Baluzius, in vitis omnibus Salviani codicibus, in quibus legitur Abſtinentia. Sed revera abſtinentia non opponitur dulcibus, ſicut ſilentium meliori, quod ibi ſcribentis eſt propoſitum; adeoque hæc abſinthiorum lectio eſt veriſimilior, etſi non eſſet vera.

pag. 123
lin. ult.

Raritas bonorum.) Ita Juvenalis,

*Rari quippe boni, numero vix ſunt totidem, quot
Thebarum porta, vel divitis oſtia Nili.*

2 Bacaudas.) Dictio eſt merè barbara, ſed ſæculo ſuo familiaris, ac recepta, ut eiufmodi multa vocabula Gothorum impreſſio tam multis regnis quàm etiam lingue latine coloniis in-
entit. Sic autem appellabant transfugas prorsus inculpatoſ, qui ob inclementem potentiorum dominationem, ob crebras, & intolerabiles exactiones, ad hanc ſervitutem, quavis morte duriorẽ ad barbaros profugiſſent.

3 Novi nuncii novarum epistoliarum) Iuſtinianus Imperator lib. 12 Cod. Tit. ultimo, graviſſimam penam in eos ſtatuit, qui vel bella regum, ubi deſinant, vel ubi victoria feliciter evenierit, aut ubi faſtus honor quibuſdam datus fuerit, ſi compositam pacis tranquillitatem, ſi deinceps ſacros vultus (ſic enim ipſe de ſe loquitur) inhiantibus fortè populis inferat, immodico pretionuntiaverit.

4 Capitatio.) Capitationem novè, ſed eleganter dixit, quando tributa ſingulis per capita imponunt. Uſus eſt ea voce, niſi me memoria deficiat, alibi Iulius Capitolinus.

Malefica potentis . Circen veneficam intelligit , quæ solebat homines in canes , porcos , & eiusmodi immunda animalia demutare.

IN LIBRVM VI.

Personanter) Novè dixit , hoc est in personam tantum unius , nemine interea suo nomine notato . Quod Cornelius Tacitus in dialogo de oratoribus expressit . Neminem nominabo , genus hominum signasse contentus .

Si fuerit tamen aliquis .] Respexit ad modestiam illam Vergilianam ,

Siquis tamen hæc quoque siquis

Captus amore leget . Sic Persius Satyra 1 : *(nemo)*
Quis leget hæc ? minus tu istud ais ? nemo Hercule ,
Vel duo , vel nemo &c .

Vnum sepissimè malum . Huc pertinet nobilis ille versiculus Hesiodi , ab Æschine rhetore adversus Dimarchum honorificè citatus ,

Πολὺν καὶ ἑυμάρτατον καὶ ἀνδρὸς ἐπαυροῦ .

Admodum .) Admodum dixit , id est præcipiti cursu , & proclinatoris animis in perditionem ruunt .

Bestiarum dentibus) Huc faciunt non aspernanda illa verba Isidori : hæc quippe , inquit , spectacula crudelitatis , & inspectio vanitatum , non tantum hominum vitiis , sed , & dæmonum iussis instituta sunt : proinde nihil commune esse debet homini Christiano cum Circensi infania , cum impudicitia theatri , cum atrocitate arenæ , cum luxuria ludi : Deum enim negat , qui talia spectat , fidei Christianæ prævaricator effectus , qui id denuò appetit , cui iam olim in lavacro renunciavit , id est , diabolo , pompis , & ope-

operibus eius. Sic Prudentius lib. 1. contra Simmachum.

Nam quid vesani sibi vult ars impia ludi. (tas. Quid mores iuuenum, quid sanguine pasta volup- Quid pulvis cavea semper funebris: & illa Amphitheatralis spectacula tristia pompe?

Tribulis.) Tribuli sunt, vel ut Græci vocant triboli, machinulæ ferreæ, dolosæ, tetragona forma, quæ in quancunque partem incubuerint, unum, aut plures infestos aculeos protendunt. Valerius Maximus, Q. Curtius, & Vegetius Murices vocant. Hoc ex fide multorum autorum, uti solet, locupletissimè probat Guilel. Budæus. in primis. ff. Annotationibus.

Odeis.) Iulius Pollux, & Svetonius Tranquillus agnoscunt *ὀδεον*, id est odeum, locum cantoribus destinatum. Odei à Constantio extracti meminit etiam Ammianus Marcellinus.

Petaminariis.) Nihil memini, me de iis, vel apud Græcos, vel apud Latinos legisse. Iulius Pollux eiusmodi vocabulorum locupletissimus autor, quod ego quidem deprehenderim, nusquam mentionem facit de petaminariis. Neque Politianus illos in Panepistemonia suam retulit, apparet autem, sic appellatos fuisse circulatores quosdam, nostra etiam ætate non incognitos, qui sese volaturos esse promitterent: quemadmodum funerepi per extentum funem incedunt. *περιπαδαι* Græcis est volare, unde vox derivata videri potest: sed & hic libenter cedam, si quis aliquid doctius, vel quod propius ad rem accedat, attulerit. Ego quod nec debui, neque volui, nihil temerè immutandum esse, arbitratus sum.

Panto-

Pantomimis.] Sic dicuntur omnium personarum imitatores, effectoresque. 9

Gigantum.] Res est notior, quàm ut de illa multa dicere debeam, certè gigantes non alios intellexit antiquitas, quàm qui contra naturam pugnarent, ut est apud Cicero nem in Catone maiore, & Macrobius lib. 4. Saturnal. 10

Thymelicorum.) Thymelici dicti sunt à pul- 11
pito ubi consistebant, quod θυμέλη Græcè dicitur. Ilerant citharædi, citharistæ, lyristæ, & tibicines, Citarædi, qui & tibicines dicuntur, citharæ accinunt. Citharistæ citharam tantum pulsant, non etiam accinunt: thymelici autem in Orchestra actiones suas peragebant, ut Iulius Pollux, & Latini complures autores testantur.

Imminente iam admodum excidio.) Admodum nunc dixit valde, quàm proxime, & quod ajunt penè in ipsis foribus. 12

Anguinum illud monstrum.) Hydram lerna- 13
nam intelligit, cum qua multum, atque diu conflictatus est Hercules. Propterea, quod uno reciso capite, complura renascerentur.

Mortis imago.) Ex Vergil. lib. 11. Æneid. 14
Crudelis ubique

Luctus, ubique pavor, & plurima mortis imago.
Est & apud Ieremiam prophetam.

Cap. 11.

παλῆσσα) Dictio Græca latinis literis erat descripta, sic autem appellat munuscula quæpiam 15
in signi dulcedine, ac suavitate commendata,

Aa qui-

quibus pueri non semel ad omne genus obsequii pertrahuntur, id quod & Quintilianus in primo docuit, & Horatius.

*Ut quondam pueris dant crustula blandi
Doctores, elementa velint, ut discere prima.*
Nisi quis alia coniectura, aut divinatione ductus legere malit, παιδικά, quę Svidas interpretatur res in deliciis habitas, & ex omni parte nobis caras.

IN LIBRVM VII.

- 1 Sparsis redemerunt crimina nummis. Hemistichium ex Poeta quoppium. Simile quiddam Plutarchus scribit in libello de vitanda usura, de Philoxeno Melopæo, qui domum opulentissimam in Colonia Sicilię hereditate nactus, cum delitias, voluptates, ac indigenarum confiderasset inelegantiam. *Μὰ τοὺς θεοὺς ἔπην, ἐμὲ παῦται πῆ ἀγαπῇ ἐκ ἀπώλει, ἀλλ' ἐγὼ παῦται.* Hoc est. Per deos, inquit, bona hæc me non perdent, sed ego illa: atque relicta aliis hæreditate, discessit.
- 2 Passivitatē.) Novè dixit παθητικός. Græcis passivus est, nimirum is, ut Simplicius in Categorias Aristotelis docet, in quem passio sive affectus aliquis ferendi, tolerandive cadere possit. Vnde facile licebit assequi, quid passivitatē intelligi velit, quanquam hic impurę rei attribuat.
- 3 Mariti gregum.) Apud Vergiliū legimus, Vir gregis ipse caper. Et Papinius dixit, Stabulique maritus, cum de tauro admissario, hoc est ad initum electo loqueretur. Cicero in Pisonem admissarium pro homine pervagatę libidinis posuit. Lucanus autem mariti vocabulo valde quam honestè usus est lib. 2.

Pater est, urbisq. maritus.

Cum de Catone loqueretur, qui Rempub. Romanam quasi coniugali fide, ac amore complectebatur.

Sardoniciis herbis.) Hoc Erasmus noster in 4
Adagiorum Chiliadibus locupletissime interpretatus est, quamobrem Solini tantum verba ascribam. Is in Polyhistore Cap. x ubi de Sardinia agit, ita scribit: Huic incommodo accedit & herba Sardonica, quæ in defluviis fontanis provenit iusto largius: ea si edulio fuerit, vescentibus nervos contrahit, rictu ora diducit, ut qui mortem oppetunt, velut ridendum facie intereant. Sic Pacatus in Panegyrico Theodosio Augusto dicto. Serenos ergo nubilis mentibus vultus induebamus, & ad illorum vicem qui degustato sardorum graminû succo feruntur in morte ridere, imitabamur læta mœrentes.

Uber totius fecunditatis.) Hoc est uber 5
terræ, id est hoc quodè terra proveniat, & pinguis, & ad alimoniam magis appositum. Ita Vergil. in 3. *Æneid.*

Qua vos à stirpe parentum

Prima tulit tellus, eadem vos ubere lato
Accipiet reduces.

Paradisi imaginem.) Eam Homerus in descri- 6
bendo horto Alcinoi expressit, ut scribit Iustinus martyr. & Philosophus in Apolog.

In miseratione hostium.) Elegans, & mirè 7
scita sententia, omnibus suppliciis, ac gravissimis quibusque exemplis acerbiorẽ esse pœnam ita miserum esse, ut ab hostibus etiam miserationem extorqueas. Sic Diomedes apud Virgil.

A a 2 lib.

lib. 11. Æneid. volens ostendere quicumq. tandē Troiano excidio interfuissent, cum nullo non malorum genere conflictatos fuisse. Quę res Priamo etiam hosti miserranda videri potuerit. Sic autem loquitur.

*Quicumque Iliacos ferro violavimus agros
(Mitto ea, quę muris bellando exhausta sub altis
Quos Simois premit ille viros) infanda per orbem
Supplicia, & scelorum pœnas expendimus. Omnes
Vel Priamo miserranda manus!*

8 Involentia) Novè dictum, sunt enim, qui non velint aliis prodesse, ac interea minimè sunt malevoli, quoniam non malè volunt, sed neq. volunt ut ita dixerim.

5 Viris nihil magis pudori.) Vlpianus etiam docet: iis quę mul. ebria censeantur, virum (si saltem id vult esse, quod dicitur) non facile uti posse sine reprehensione. Vnde & eleganti proverbio dicimus, Herculem in Lydia, qui cultu indecoro, & sibi neutiquam accommodato utitur: veluti si sacerdos militari sago, miles autem sacris illis vestibus uteretur. Notum est enim, quàm parū viriliter Hercules apud Omphalē servierit.

10 Ipsa felicitas.) Ita Annibalis vires infregit rerū omniū in Cāpania exuberantia, ut Livius scribit.

11 Secunda non mutant) Salustij sententia est, res secundas etiam sapientum animos fatigare. Sic Vergilius in x.

*Nescia mens hominum fati, sortisque futura,
Et servare modum rebus sublata secundis.*

12 Lixis.) S. Pompeius lixas interpretatur, qui exercitum sequantur quęstus gratia. Sic autem dicti sunt, quod extra ordinem militiæ sint, eisque

que liceat quod libuerit: eius autem obscenæ, impuritatis, cuius hic mentionem facit *Salvianus*, meminit etiā *Quintil.* in declamationibus.

Exclamare super vires meas.) Ita *Socrates* in *Clitophonte* *Platonis* dialogo, & *Crates* apud *Plutarchum* de liberis educandis, ex altissima urbis parte tanquam ex tragica quadam machina, inania studia, & perditissimorum hominum vitam repræhendunt.

IN LIBRVM VIII.

Que in se dulcedinem.) Respexit ad proverbium, *καὶ σῦκα σῦκα, τὸ σκαφ' ὡ σκαφ' ὡ λέγων*. Ficus ficus, ac lignonem appellans lignonem.

Vxorem, inquit *Socrates*, propriam nullus habeat.) Locus est apud *Platonē* libro v. de *Repub.*

Libros condidit.) Nusquam certè vel apud Græcos, aut Latinos scriptores invenio, *Socratem* aliquid scripsisse, ac ad posteritatem transmississe. At *Plato* non uno loco fatetur ingenuè sese nihil aliud scripsisse, quàm quod ex *Socratis* dissertationibus acceperit.

Cœlestem.) *Tertullianus* in *Apologetico*, Cap. 23. Cœlestum *Africæ* Deum nominat, nos in *Salviano* nihil immutare voluimus, qui cœlestem eum, imò intestinum scelus appellat. Est autem aliàs non infelix annominatio in duabus illis dictionibus cœlestus, & scelestus.

Taureis.) Sic appellat lora ex taurino corio defecta, quibus lorarii noxios cedebant.

Coitus.) *Conventus* ita vocavit, & eiusmodi improborum conventicula.

SUPPLEMENTVM ADNOTATIONVM
In Epist. Salviani, & Lib. IV. adversus
Avaritiam, quas Brassicanus nōdum
evulgavit; opera, & studio Larini
superioribus additum,

Ad Epistolam Primam.

pag. 221 Suavem, an iucundum. lege iniucundum; manifesta est enim allucinatio Typographi.

pag. 222 Nisi propinquus meus esset. Hinc aliqui deducunt, Salvianum fuisse civem Agrippinensem; de quo satis, superq. in eius vita disputatum fuit, sed controversiam suscitatur Margarinus de Laaigne Doct. Sorboneus Parisiensis, qui in Bibliotheca SS. Patrum novissima, quam auctam, & locupletatam edidit anno 1677. tom. 4. fol. 645. affirmat audacter, Salvianum Treviris oriūdum, cui videntur assentiri autores Gallie christianæ tom. 4. fol. 646. Balutius in eiusdē Salviani notis Agrippinensem mordicus tuetur. Quæ plausibilis de Salviani nostri patria, discordia, mihi non modicum eidem prodesse videtur, ipsiusq. famam, rumoremque celebriorem efficere; adeo ut omnino pro Salviano Verba Tullii pro Homero in laudibus Archie poetæ usurpata, proferre vix ambigerem: *Homero*, inquit, *Colophonni civem, dicunt, esse suum: Chii suum vendicant: Salamini repetunt, Smirnei suum esse confirmant. Multi præterea pugnant inter se atq. contendunt.* Hoc fecit nominis claritas, inquit Ambros. Calepinus, ut quæ vivū nemo agnovit, mortuū certatim Græciæ Urbes sibi vindicarēt.

Eu-

Cic. tom. 1
orat. 5 pro
Archia.

Eucherio Episcopo: Lugdunensi .f. cuius filios Salonium, & Veranum, Salvianus, uti decuerat, tanti patris filios, in omni disciplina educaverat. pag. 225

Pedissequa novi honoris arrogantia. Quod clariùs vulgare adagium expressit: *Honores mutant mores*: & Arnulphus Luxoviensis epist. *ibidem.*
 II. *Creat, inquit, cor novum, & novos affectus nova conscientia dignitatis.*

Epistola Tertia.

Agricio Episcopo Antipolitano, qui Concilio Agathensi interfuit, & subscripsit. ibidem.

Epistola Quarta.

Ypatio, & Quiete. Erant hi parentes Palladiæ Salviani uxoris. pag. 226.

Illa ergo vestra gracula, vestra domnula. Sunt hæc vocabula blanditiarum, quibus parentes, atq. nutrices ad suos infantes eludendos uti solent; ut nūc etiam pufios, vel pufias, pupulos, vel pupulas vocitant. pag. 229.

Epistola Quinta.

Non solū Sancta sanctorum, sed etiam vestibula templi sui &c. mentem, animamq. intelligit, quæ utpotè interior homo exteriori comparatus, instar palatii, & secretiorum cubiculorum erga inferius vestibulum speciem præbet. pag. 235

Cuius fortitudo, menti semper inimica est .f. corporis. Egregiè Plinius lib. 7. ep. 26, optimos. inquit. nos esse, dum infirmi sumus; concluditque sapienter. Tales esse sani persueremus, quales futuros profitemur infirmi. pag. 236

Epistola Sexta.

Boni in bonis studiis quasi naturam quodammodo suam diligunt. Ita prorsus aiebat Anrelius pag. 237

imperator, unumquemque talem esse, qualia sunt ea, quibus de ditus est: quod brevius expressit Ovidius in epist. Sapphus ad Phaonem. *abeunt studia in mores, artesque magistræ, &c.*

Epistola Septima.

pag: 238

Res dubia, ac latens melius semper bonis interpretatoribus, quàm malis defensoribus creditur. Sensus est, quòd iuxta vulgare adagium, in dubiis benignior pars interpretanda. Sic Seneca pariter. *Quidquid est, inquit, ambiguum, humanitas inclinat in melius.*

Epistola Octave.

pag: 240

ibid.

Eucherio Episcopo: .s. Lugdunensi.

Vtile, & pulcrum opus ad institutionem sanctorum, ac beatorum pignorum. Puto Salvianum inter cetera Eucherii scripta, auream ad Valerianum filiũ de laudibus vitæ solitariae epistolam, se intelligere velle, qua nihil pulcrius, nihil brevius, nihilque utilius ad mentem cœlestibus bonis cum caducarum fastidio rerum addicendam, lectitari posse arbitror.

Epistole Vltime.

pag: 241

Inter apocripha sint reputanda. Hoc nomine taxantur elucubrationes sine capite, autoreque manantes.

pag: 245

Inanem humanæ laudis aurulam querimus. Christiani scriptores more prorsus à veterum philosophorum præpostero præclarorum voluminum se esse autores minimè affectant, subtracto penitus scriptoris nomine, imò Tullius ipse, non sine irrisione, & stomacho de iis loquitur, qui dum contemnendo gloriæ præcepta componunt, præfixo proprio libellis suis

no-

nomine, tunc ut cùm maximè humanam gloriam aucupantur.

Libri Primi adversus Avaritiam.

Animarum infidelium. Legunt alii fideiũ, eo quod Ecclesia non sit mater infidelium; conciliari tamen potest hæc lectionũ diversitas, si infideles christiani accipiãtur pro legis Christi prævaricatoribus, qui cùm se ad legis observantiam ultrò addixerit, eam deinde conculcantes, non stant promissis.

Incumbant: alii legunt rectius incubant, quibus libenter assentio, cum idem Salvian. lib. 4. dicat: Incubant talentis.

Primitivæ plebis tuæ beatitudo. Loquitur cum Ecclesia catholica, cum qua filiorum degenerum mutationem deplorat; cùm primi, ut dicitur in Act. Apost. c. 2. v. v4. tam ferventes spiritui, tam bene extiterint in omni virtutum laude insignes.

Præclaram spem futurorum; legunt alii: præclara spe futurorum: utrumq. appositè, & utrũ, quod sibi arridet, lector eligat.

Quantũ tibi auctum est &c. Non est paradoxum, ut videtur; nam revera tunc Ecclesia decrescere spiritu, & charitate cœpit, cùm ipsa immeasa individuorum multitudine crevit.

Tam legi æmulum, idest inimicum, adversarium &c.

Æternos esse filios suos faciunt; idest, si virtutibus, & pietate immortalitati apud Deum tradant possidendos.

Ut commutet. Alii legunt commodent, & magis approbo.

Tan-

pag: 262

Tante est continentie, id est abstinentie; quæ virtutes licet differant, à Tullio coniunguntur. Nulla re, inquit, conciliare facilius benevolentiam multitudinis possunt ij, qui Reipub. præsumunt, quàm abstinentia, & continentia.

pag: ead.

Non augere divitias. Rittershusius postulat deleri illud *non*: sed mihi videtur, si præfigatur, maiorem acrimoniam continere Salviani dictum, quantam, illo deleto, non præferret.

pag: 263

Index fidei severitas, legunt alii index fidei severitas, quam utique alteri præfero; quia rigor, & censura, quam erga se ipsum adhibet Christi sectator in animi motibus componendis, fidei gradum intensiorem, remissioremve indicat, ac ob id index fidei rigor.

pag: 272

Cum tractaveris. id est numeraveris. & tractator pro calculatore, ait Savaro in Sidon. Apollinar, sæpè reperiri apud eruditos.

Libri Secundi adversus Avaritiam.

pag: 276

Humiliatus usque ad humani exordii pudorem. indubitabile est, de Christo Domino hunc esse sermonem. qui ad sordes, & vilitates humani ortus descendit: nempe coagulari in utero mulieris illius sanguine, redigi in embrionem, novem integros præcludi in ulva menses: quæ omnia summam in Christo animi demissionem indicant.

pag: ead:

Malè conscientiaæ admissu reos. legunt alii admissis. utraq. lectio satisfacit.

pag: 282

Intercidendo; legunt alii, & magis appositè: interdicens.

pag: ead:

Infidelitatem fletuum. loquitur sine dubio de ficta Christianorum pœnitentia, quibus illud

Se-

Senecæ conviciū mirum quantum sedet: *Cor-
rupis rem, syncerissimam , lacrymas* , hoc est,
lacrymas quoque mentiri nescias , vos reddidi-
distis mendaces.

Extorrem bonorum omnium fieri ; alii legunt
exortem; quæ lectio non admodum abhorret ab pag: 300
authoris sensu : licet prima sit cum connexis con-
sonantior; sequitur. n. & in exilium à seipso agi.
Exul propior est extorri, quàm exorti.

Libri Tertii aduersus Auaritiam .

Et mirum est, quòd hoc ipsum finis, & non ad- pag: 329
dis, ut funerato te, tua habeat. Legunt Balutius ,
& Rittershusius, funestato , Fateor , me non vi-
dere fundamentum talis assertionis; præsertim
cùm ex immediatè sequentibus verbis colligatur
oppositum: nam statim subdit Salvianus: immo
etiam iam asportato , & tumulatò te ; prius est
funerari, seu funus obire, & mori , deinde domo
cadaver efferri, & asportari, & novissimè tumu-
lari. concludo itaque funerato te, & non fune-
stato , correctius legendum .

Sunt & pignora alia ; quæ verba subdit Sal- pag: 309
vianus postquam meminit filiorum: unde pro
pignoribus aliis reliqui accipiendi affines, & con-
sanguinei, puta fratres, avunculi, nepotes &c.

Tantum eis impertit gratia patrone libertatis. pag: 314
Antea legebant alii & mihi probabatur magis .
Tantum eis interdum patrona liberal tas imper-
tit: quæ phrasis est modestior, & usitator : sed
quia conspiratio interpretum, & notariorum
priori faver lectioni , ne soli desipere videamur,
cum tot disertissimis viris sapere maluimus .

Illum hæredem facio parentem meum. pag. 326
Quam-
vis

vis parentum nomine in acceptione latini sermonis solus pater, ac mater comprehendantur, non autem affines, & propinqui; Baluzius tamen ab hoc veluti Barbarismo vindicare nititur Salvianum exéplo Salustii, quod citat in suis notis, quem adeat lector, si volet.

Libri Quarti aduersus Auaritiam.

pag: 341

Habitu magis. Hinc colliges priscum, vel ab incunabulis Christianitatis exordii, morem, ut sæculo abrenunciantes, diversum statim à reliquis habitum induebant: lege in Hyeronymo Demetriadis laudes, quæ pro gemmis, & sericis asperitatem vestium appetierit, & vili tunica, & viliori pallio tegetetur.

pag: 342

Sufficit, inquit, pestilens prædicatio. Dat ansam Salvianus dubitandi: quin veteres concionatores è sacro suggestu falsas, & captiosas doctrinas imperitis proposuerint aliquando in Ecclesia. Verius tamè censeo ipsius auctoris mentem fuisse, de quacumque doctorum colloctione, etiam familiari sermone iasnuata; eamque prædicationem pestilentem appellare non veretur, iuxta Apostoli dictum: *Corrum-punt bonos mores colloquia praua.*

pag: 354

Omnes rei veniabiles putant &c. idest venia-dignos; quod verbum veniabile à Barbarismi nota vix excusarem, licèt Baluzius patrocinari se putet Salviano Livii autoritate è Lib. xxvii. deprompta. *Ingenia*, inquit, *humana sunt ad suam, suiq. levandam culpam nimis plus facunda.* Hic locus fulcit Salviani dictum, sensumq. adminiculatur; at non vocabulum.

INDEX

RERVM, & VERBORVM,

Quæ D. Salviani octo complectuntur
Libri de Providentia,
locupletissimus.

A Aron quasi Mariæ, Moyfi sororis, culpæ particeps, coercitus.	pag. 389
Aaron filii igne cœlesti consumpti.	30
Aaroni, & Moyfi rebelles extincti.	47
Abel sanctorum primus, per maximum nefas occisus.	27
Abimelech, civitatum expugnatorem, fœminæ manus perculit.	184
Abiron, ac Datan contra Mosen murmurantes, devorati.	40
Abiu, & Nadab, filii Aaron igne cœlesti consumpti.	38
Abraham, quor, & quantis afflictatus fuerit miseris.	30
Abinthiorum usus irritus, ubi dulcia stomacho iterum ingerantur.	117
Achac crimen, omnium plaga fuit.	40
Adam Deus præceptis imbuit, eique legem dedit.	25
Adam Deus in paradysum constituit innocentem, expul- sit reum.	26
Adversa nobis per iracundiam Dei veniunt, secunda per gratiam.	159
Adulteri graviter carpuntur.	75
Adulterium quàm graviter punitur, exempla.	52
Adulteria divitum, & nobilium obscœna.	89
Ægyptios Deus quoties percussit, toties iudicavit.	33
Ærarij Romani mendicitas.	153
Ætna impudicarum flammaram.	262
Afflictio, virtutum mater, non dolenda	18
Africa impuritibus monstruosis plena.	206
Al-	

Africa, vitiorum domus.	190
Africae thesauri, ac immensae divitiarum.	191
Afri Christiani ad contumeliam Christi.	215
Afrorum vitia & impuritas.	196
Afrorum blasphemiarum.	214
Afrorum coelestis demon.	214
Agrippinae civitas hostibus plena.	153
Alanorum gens impudica, sed minus perfida.	195
Albani rapaces.	105
Alemanum Ebriculi.	105
Altaria in Ecclesia Dei.	151
Ammon curab Abfalone fratre iugulatus.	52
Amor Dei erga nos maior, quam erga proprium eius filium.	97
Amoris turpis furore Thamar correpta.	52
Anania, S. Spiritui mentitus, à B. Petro morte multatus.	14
Ancillas suas multi uxores putant.	150
Angeli Sodomam missi, bonorum fruuntur officio, ma- lorum vexantur iniuria.	31
Angelorum & hominum una schola.	34
Animus per omnes mundi partes diffunditur, ex quo omnia animalia vitam capiunt.	115
Animus tolerantis quam graviter agit.	18
Apostoli cur tanta tolerarent tormenta.	22
Apostoli à Lycaoniis non homines esse putati.	220
Apostolorum librorum severissima institutio.	60
Apura providentia, ac mira diligentia.	96
Aquarum medicatarum in favorem hebraeorum gentis.	33
Aquitani sicut in divitiis primi fuere, sic vitijs.	180
Aquitani opibus luxuriantes.	190
Aquitanos Galliarum omnium medullam, & uber ha- bere.	178
Arrogantia usurpatricis innocenae.	101.
Aspectus divinitatis propriae, munus est conservationis humanae.	44
Aspectus Dei, ut intelligendus.	45

Avaritia apud Treverim omnia concidunt.	164
Avaritię inhumanitas proprium Romanorum penę omnium malum.	192
Auditor pravus, qualis.	58

B

Bacaudę quàm immanes, & barbari	124 125
in Baptismo quęnam prima christianorum salutaris confessio	159
Barbarorum duo genera.	103
Barbarorum crimina qualia esse solent.	104
Beatus, solus bonus.	20
Beati quinam dicendi.	18
Bella per fluctus navigare cęperunt.	163
Benadab cum triginta duobus regibus à paucis pedissequis victus.	184
Blasphemia, malum peculiare christianis.	113
Blasphemię Afrorum.	214
Blasphemus Dei iussu lapidatus.	37
Bonus, verè sapiens.	142
Bonus, solus beatus.	20
Bonus, quasi malus spernitur.	92
Boni domini bonus famulus.	66
Boni omnia mala semper passi, & ferunt.	22
Boni aspicuntur à Deo, ut conserventur; mali, ut disperdantur.	45
Bona quę & qualia Christianis attributa.	59

C

Cain fratricida stultissimus, & impiissimus.	26
Cain arbitrabatur, Deo suum nefas posse tegi mendacio.	27
Calamitas fisci Romani.	153
Calamitatibus suis; præstantes viros peiores esse factos.	162
Calumnia officialibus familiaris.	75
Calumnię inter Christianos.	94
Capite morbo, nihil sanum est.	177
Carthago quot impuritatum generibus disfluens.	218

Car-

Carthago à Barbaris obsessa .	168
Castigat Deus , quos castigandos esse, novit .	182
Castitatis genus impurum .	121
Cato, alter Italiæ Socrates .	212
Censura Ecclesiastica quantopere metuenda .	38 39
Charitatem suam Deus quomodo commendat in nobis .	98
Charitate septum, oportet esse, non armis .	138
Chriftmatis Ecclesiasticæ usus .	59
Christianitas Afrorum ad contumeliam Christi .	215
Christianæ religionis initia qualia paganorum opinio- ne.	111
Christianæ religionis prærogativa quanta fuit .	219
Christianus quilibet se à Deo regi credat , necesse est .	46
Christianum populum suis sordibus gravant nobiles, atque divites .	89
Christiani qui, & quales esse debeant .	79
Christiani Deum fide & corde vident .	46
Christiani omnibus cur miseres .	58
Christiani per flagitia, ac turpitudines suas nomen religio- nis infamant .	111
Christiani pœnarum gradibus ad cœlestis regis ianuam ascendunt .	65
Christiani temporis istius an meliores barbaris .	101
Christiani pares vitiositate barbaris .	104
Christiani vitio pravitatis perdunt vim sui tanti nominis .	78
Christianorum vocabulum , quasi aureum decus est .	86
Christianorum vita penè tota naufragium est .	64
de Christianorum sacris quàm prave, ac nefariè pagani semper opinati sunt .	111
Christianorum omnis culpa , divinitatis est iniuria .	92
Christianorum quantus luxus .	163
Christianorum vitia vitiis barbarorum plura & maiora .	105
Christianorum temporis istius nefanda vitia .	94
Christianis, quæ, & qualia attribuuntur bona ,	59
Chri-	

Christianis malum peculiare, blasphemia.	113
Christus nomine nostro quid præstitit, ac pertulit.	63
Christus ad consummationem usque sæculi nobiscum mansurus.	47
Christus in nobis pravè viventibus patitur opprobrium.	110
Christi mandata servare, fides est hominis Christiani.	80
Christum flevisse, non risisse, legimus.	149
Cicero quid de Deo sensit.	15
Cincinnati quantæ præstæ virtutis fuerint viri.	18
Circumcisionem apud D. Paulum pro Christianitate summi.	114
Civitates quo maiores, eò impuriore.	213
Contemnit, nemo, quod nescit.	115
Core Moysen convicio afficiens, obrutus.	40
Corporis infirmitas appenda.	21
Corporis infirmitas vigorem exacuit mentis.	21
Creaturarum Deus prius habuit curam, quàm creavit.	95
Credulitas quid.	59
Crimen unius, perditio multorum, exempla.	140
Crimina divitum impurissima.	88
Crimina spæsis redimuntur nummis.	175
Crimina recentia surgunt, nec repudiantur antiqua.	92
Crimina quàm apud Christianos frequentia.	75
Criminum pœna apud Treverim, mater vitiorum.	164
Crucem quinam non bene portant.	63
Culpa maior, ubi sublimior est prærogativa.	101
Culpa criminiosior, ubi honestior status.	101
Culpa iniuriam facientis crescit dignitate ferentis.	157
Culpa quælibet Christianorum, divinitatis est iniuria.	92
Cultores Dei odisse, sacrilegij genus.	216
Cultores mali, qui & quales.	103
Cupiditas rei turpis pro actione damnatur.	155
Cupiditatis rabies, vitium totius generis humani.	192
Cupiditates improbæ per oculos in cor ascendunt.	70
Curam non remedia sequuntur.	174
Curiales quot, tot etiam tyranni.	123

Curialibus familiaribus iniquitas.	75
Dæmon Socratis, dæmoniorum princeps.	211
Dæmon Afrorum cœlestis.	214
Dæmones credunt quia unus Deus est, & contremis-	82
cunt.	82
Dæmoniaca credulitas.	82
Datan & Abiron contra Moysen murmurantes, devo-	49
rati.	49
David iniuriam à Nabale, carmelio illatam sibi, ulcisci	49
protelans, ultionem statim Deus executurę percepit.	49
David ob Urię Ethel cædem quàm graviter punitus, &	50
quantam egerit poenitentiam.	50
ex Davidis numeratione orta mortalitas.	201
Davidis crimen totius populi plaga fuit.	146
Deus nequaquam passioni subiicitur.	28
Deus cur gubernatori similis.	15
Deus dupliciter iudicavit.	29
Deus iudicat hoc ipso, quod regit.	25
Deus priusquam creavit, curam creaturarum habuit.	95
Deus humanorum actuum incuriosus & quasi negligens	14
à quibusdam dicitur.	14
Deus nulla iracundię passione movetur.	92
Deus plus nos, quàm pater filium amat.	97
Deus per sacram scripturam humano quodam affectu no-	29
biscum loquitur.	29
Deus erga quosdam inexorabilis.	37
Deus nihil grave, nihil onerosum exigit.	179
Deus ad consummationem usque seculi nobiscum man-	47
surus.	47
Deus circum, ac theatrorum.	146
Dei varia nomina ac munera.	30
Dei munera, blandimenta quædam sunt.	229
Dei oculus, Ecclesia.	201
Deum gubernare mundum probat author.	23
Deum ab impiis incuriosum dici.	100
Deum Christiani fide & corde vident.	146

Diabolus est in spectaculis, pompis suis.	150
Diabolo renunciatur in baptismo.	150
Dicta humana testibus egent.	58
Disciplina vitiorum corrupta.	176
Dives raro servat innocentiam.	76
Divites volunt sibi peccandi privilegium dicere.	76
Divites impurissimi, & profligatissimi.	88
Divites quando desinunt esse vitiosi.	156
in Divites in vectiva brevis.	85
Divitum homicidia.	88
Divitum proprium vitium, furtum.	187
Divitum tributa pauperes necant.	90
Divinitas quod agit, iniustum non est.	27
Divinitatis nomen in gentium blasphemiam dare.	112
Divinitatis iniuria, est omnis Christianorum culpa.	92
Divinitatis aspectus, munus est conservationis humanæ.	
44	
Doctrina Evangelicorum voluminum omni perfectionis genere plena.	60
Domini boni bonus famulus.	66
Ebrietas nobilibus, ignobilibusque communis.	192
Ebrietas Alemanorum.	105
Ebrii Christiani graviter carpuntur.	73
Ecclesia, Dei oculus.	208
Ecclesia Dei in omnibus debet esse placatrix Dei, non exacerbatrix.	73
Emptionis & venditionis novum & inauditum genus.	
31	
Epicureorum deliramenta.	16
Equi emissarii, viri facti.	177
Evangelicorum voluminum plena omni perfectionis genere doctrina.	60
Evomere, hoc est, dicere.	114
F	
Fabii quantæ priscæ virtutis fuerint viri.	18
Famulus bonus domini boni.	66
Faruitas, quid.	62

Ælicitas vera ubi consistit.	175
Fides, fructus est mentis: nomen autem vocabulum hominis.	181
Fides hominis Christiani qualis esse debeat.	182
Fides sine operibus mortua.	81
Idem in spectaculis relinquimus.	151
Fisci Romani calamitas.	153
Formicarum providentia, ac diligentia.	96
Fortes ubi infirmi, viri sancti.	20
Franci mendaces, sed hospitales.	195
Francorum gens infidelis.	105
Fraus mercatoribus familiaris.	75
Furtum, servile vitium, ac divitum proprium.	86
Furtum omnes faciunt, qui illicita committunt.	87
Furta servorum.	85

G

Galliarum omnium medullam, & uber Aquitanos habere.	178
Galli Aquitani sicut in divitiis primi, sic in vitiis.	180
Gedeon cum exercitu pusillo infinitos peremit hostes.	184

Gentium omnium peculiaria bona, & mala.	195
Germania nomine barbara.	190
Gigantes conatibus insanis superna tentant.	147
Gomorrhæ peccatum aggravatum est nimis.	30
Gotthi malis doctoribus instituti.	186
Gotthorum gens perfida, sed pudica.	195
Gulæ vitia passim vigent.	163

H

Hæretici barbari.	103
Hæretici barbaris turpiores.	121
Hæretici quam perniciosi, & scelerati.	118
Hæretici apud se veritatem esse, præsumunt.	119
Hæretici ignari, catholici scientes.	121
Hæreticorum Romanorum innumera multitudo.	121

Hebræi, quondam peculiaris & propria gens Dei.	16
---	----

He-

Hebræi ad Sina montem prævaricati, & statim à domi- no percussi.	36
Hebræorum duodecim tribus, nomina duo acceperunt sacratissima, & quæ.	30
Hebræorum nullus, qui Ægyptum egressi sunt, præter duos tantum sanctos, terram promissionis intravit.	42
Hebræorum genti quot, quanta & quam mira Deus in eremo contulerit beneficia.	33
Helluones graviter carpuntur.	75
Hispanis solum nomen relictum est.	83
Homicida est, qui odit fratrem sine causa.	218
Homicidium & incestum à paganis existimata Christia- næ religionis initia.	111
Homicidia divitum.	88
Homicidium quàm graviter puniatur, exempla.	52
Homo divinæ iustitiæ vim capere non valet.	27
Homines prius de vita, quàm de iniquitate discedunt.	
134	
Homines quo ordine in pœnam æternam ruant.	93
Hominum, & angelorum una schola.	34
Honestas vera veram efficit felicitatem.	174
Honor unius, orbis excidium est.	87
Humanum totum genus, sui creatoris est pignus.	96
Humana dicta testibus egent.	55
Humanarum rerum significationibus nos alloquitur Deus.	54
Humilitas quibus onerosa.	18
Humilium & humilitatis proprium, & natura.	17
Hunnotum gens impudica.	105
I	
Ieiunium quibus est onerosum.	17
Ignorantia si est legis, prævaricatio levior.	115
Ignorantia agnitione quibus salubrior.	116
Ignorantia qui peccant, errore agnito, corriguntur.	
171	
Improbis unius, perditio multorum: exempla.	
140	

Impudicitia eius qui castitas ē promissit, criminōsior.	102
Infidelis quis dicatur.	179
Infirmitas corporis appetenda.	20
Infirmitas corporis vigorem exacuit mentis.	21
Infirmitas quibus est onerosa.	18
Iniquitas curialibus familiaris.	75
Invidia Christianis quā frequens, quāque grave peccatum.	69
Iniuria tolerantium iniusta, Deo gravis.	49
Iniuriam faciētis culpa crescit per dignitatē ferentis.	157
Iniustum non est, quod divinitas agit.	27
Israelitis quot, quanta, & quā mira Deus in eremo contulerit beneficia.	33 34
Iudices etiam ipsi nequam.	205
Iudicium Dei, gubernationem esse.	23
Iugum Dei suave.	179
Iuga servorum.	85
Iuramentum Christianis quā frequens, quamquam à Domino accuratē prohibitum.	68
Iuramentum per Christum nunc apud nobiles & apud ignobiles.	106
Iustitia summa, est Dei voluntas.	27

L

Labes morum presentium.	154
Labor quibus est onerosus.	18
Latinum commune proverbium.	219
Lex ubi non est, nec pravaricatio.	108
Lex tibi prodest, si vitia tollas.	117
Lex ipsa, quā colimus, nostri accusatrix.	104
Lex Christiana in nobis pravè viventibus maledictum patitur.	110
Lex bona non prodest, si vita nostra & conversatio non est bona.	103
Lex non exigit à paganis, ut mandata faciant.	118
Legem Deus Adæ dedit.	25
Legem nescire, minoris est criminis, quā ipsam spernere.	115

Leges Socratis quàm impuræ.	211
Legum duodecim tabulæ.	219
Librorum Apostolicorum institutio severissima.	60
Lingua abuti quàm grave peccatum.	69
Ludi publici, vitæ nostræ ludibria.	159
Lupanar unum, omnium via.	176
Lupanaribus magnæ civitates serrent.	213
Lycaonij intantum Apostoli admirati, ut eos non homines esse putarent.	219

M

Magistratus olim accersiebantur ab aratro.	19
Magistratus pauperes Romani opulentem remp. habebant.	19
Majestatis sacræ reverentia.	23
Medici regnum Dei non possidebunt.	69
Malitia pro sapientia nunc habita.	142
Mâlus nemo, nisi stultus.	138
Malus, quasi bonus honoratur.	92
Malus unicus, perditio multorum exempla.	141
Malum peculiare Christianis, blasphemia.	113
Mali aspiciuntur à Deo, ut disperdantur: boni, ut conserventur.	45
Mali, & malè viventes, nunc tantum salvi.	123
Mala merito patimur, & cur.	100
Mandata Christi servare; hominis fides est Christiani.	179
Mandata Dei etiam minima neminem observare.	62
Mars colitur in arenis.	159
Massyliensium civitas excisa ac deleta.	153
Matrimonii sacramenta deiecta.	176
Matrimonia cunctis, ex sententia Socratis, communia.	211
Maurorum efferi mores.	100
Mendacia fervorum.	85
Mercatorum vita nihil aliud est, quàm fraus atque perjurium.	75
Mercurius colitur in palæstris.	160

Meretrices damnatae apud Aquitanos.	176
Metallorum diversitate hominum dissimilitudo designatur.	190
Militibus rapina famliatis.	75
Minerva colitur in gymnasiis.	159
Miser aliorum sentu nemo, sed suo.	17
Misericordia Dei quanta.	134
Misericordia sua exoratur Deus.	16
Monstrum anguinum, quod multiplicabat occisio.	163
Monstri novum genus.	74
Montium capita in hebræorum favorem aperta.	22
Morum præsentium labes, ac perditio.	154
Moyfes ad Pharaonem missus contemnitur, vincit.	32
Moyfi perquam familiaris Deus.	34
Moyfi rebelles extincti.	40
Mundus totus, est sui creatoris pignus.	96
Mundus evertitur, ut illustrentur pauci.	87
Mundum Deus non negligit, ut aiunt impij.	13
Mundum divina regi providentia, probat autor.	22 23
Munera Dei, blandimenta quædam sunt.	169
Naufragium, est penæ tota Christianorum vita.	64
Nemo aliorum sensu, sed suo, miser.	17
Neptunus colitur in circis.	159
Nequitiam exue, si vis habere sapientiam.	138
Nobilis rarò servat innocentiam.	76
Nobilis nunc temporis nullus, nisi qui dives.	76
Nobilium istius temporis quanta iniquitas, & impietas.	76
Nobilitas non aliud videtur in toto mundo, quàm unus homo in grandi populo.	76
Nobilitatis nomen a nobilibus infamatur.	88
Nomen, est vocabulum hominis, fides autem, fructus est mentis.	181
Nomen divinitatis in gentium blasphemiam dare.	112
Nomen Christianorum sacratissimum.	78
Nomen sanctum habere, nihil prodest bonis absque moribus.	78

Nominis sancti professio qualis esse debeat.	101
Nomina nihil esse sine rebus.	180
O	
Oculus domini, quid.	44
Oculus Dei, Ecclesia.	201
Oculus nequam, ut eruendus.	71
Oculi, mentis fenestræ.	70
Oculi disciplinæ publicæ.	200
Oculos iubet Deus Christianos omnes habere castos.	73
Officialibus calumnia familiaris.	75
Opinione falsa nos ipsi fallimus.	181
Orationibus crebris Dei misericordiam quærimus.	23
Orphani quantopere hoc tempore proculcantur.	
124	
Ozias Levites Dei, arcam vacillantem sustinere tentans, à Deo percussus.	157
P	
Pagani, & Hæretici Barbari	181
Pagani quænam initia religionis Christianæ esse pu- tant.	111
Patritius dives indignus curia iudicabatur.	18
Paulus quot & quàm graves passus afflictiones.	63
Pauperes quantopere premuntur.	123
Pauperes quàm miser divexantur.	204
Pauperes necantur tributis.	90
Pauperes, pascua divitum.	187
Pauperum nunc meminit nemo	129
Paupertas prodigis subvenire solet.	156
Paupertas non habet, quod perdere possit.	153
Paupertas luxuriosa criminossior.	177
Pax ubi nulla, ibi nulla securitas.	177
Peccandi privilegium nobiles, ac divites sibi vendicant.	
76	
Peccatum unius, perditio multorum: exempla.	140
Peccatum criminossius, ubi honestior status.	102
Peccata etiam minima vitanda.	71
Peccata hominum clamant.	30

Peccata Christianis pecuniaria.	112
Peccata divitum impurissima.	88
Peccata permittit potestas.	202
Perfidia Francorum.	105
Periurium Christianis quàm frequens, etsi à domino arctè prohibitum.	68
Periurium Mercatoribus familiare.	75
Periuria Francorum.	105
Petentibus fortissimum adiumentum, & quale.	112
Pharao decies rebellavit, ac decies verberatus fuit.	32
Philosopho nihil turpius obscena viria sectanti.	102
Philosophi, qui piè de Deo senserunt.	14
Pietas divina humanarum rerum curam respicit.	25
Platonicorum schola quàm piè de Deo sensit.	14
Pœnarum nostrarum nos ipsi sumus authores.	93
Pœnitentiæ fructus.	51
Potestas dives pauperem facit esse remp.	19
Potestas principum scelera permittit.	202
Præcepta Dei etiam minima acminem observare.	61
Prærogativa religiosi nominis.	139
Procurator salutis humanæ.	205
Prodigorum convicium.	230
Prodigis paupertas subvenire solet.	156
Prosperitas aliena, lividis supplicium est.	122
Proverbium commune latronum.	219
Publicæ disciplinæ oculi.	199
Pueri contumaces, quos ferulæ non morigeros efficiunt.	169
Puerorum lixæ prosequentes exercitus.	203
Punit seipsum unusquisque nostrum.	93
Pupilli quantopere premantur.	123
Pupillis perditis paupertas subvenire solet.	156
Pythagoras, quem philosophia quasi magistrum suum suspexit, quàm piè de Deo sensit.	14
Rabsacis crimen, ostingentorum mille hominum plaga fuit.	140

Racha quod genus iniuriæ.	62
Rapacitas Albanorum.	105
Rapina militibus familiaris.	75
Rapinæ nunc inter Christianos vigent.	94
Religio Christiana quosdam facit ignobiles.	91
Religionis Christianæ prærogativa quanta fuit.	219
Religionem novimus, ignorantia non excusatur.	171
Religiosi nominis prærogativa.	12
Religiosi beati esse dicendi.	18
Religiosis viris quænam infirmitatis causa.	21
Remedia curam non sequuntur.	174
Reprehensio omnibus ingrata.	209
Risus Sardonicus.	178
Risum lachrymæ sequuntur.	178
Romani nominis dignitas everfa.	202
Romani ærarij mendicitas.	153
Romani permissunt impuros.	182
Romani ubicunque, præcipue vitia.	153
Romani se mutuò persequuntur.	122
Romani se invicem exactiōe proscribunt.	122
Romani olim fortissimi, nunc sine viribus.	172
in Romanorum mores, quasi ex omni mundo, vitia fluxerunt.	292
Romanorum penè omnium proprium malum, inhumanitas avaritiæ.	292

S

Sacramētū per Christū apud nobiles, & apud ignobiles.	106
Sacramenta connubij deicta.	176
Sacrilegij genus est, Dei odisse cultores.	216
Sacrilegus cum exurit, suis criminibus concrematur.	264
Salviani patria.	162
Sancti etiam à Deo castigantur.	33
Sanctorum natura?	179
Sapiens nemo, nisi verè bonus.	142
Sapiens, stultus habitus.	142
Sapientiam habere vis? exue stultitiam.	138

Saxones crudelitate efferi, sed castitate verecundi.

195

Saxonum gens fera.

Scelera potestas permittit.

202

Schola angelorum & hominum una.

34

Scientia nos accusat, barbaros ignorantia legis excusat.

142

Scriptura sacra humano quodam affectu nobiscum loquitur.

28

Scripturae sacrae oraculum, quodammodo Dei mens est.

58

Scytharum inhumanissimi ritus.

110

Senator, qui furatur, quàm sceleratus.

101

Siricorum vita.

105

Sisara Dux, quem Hebraeus timebat exercitus, à muliere prostratus.

184

Socrates, philosophorum princeps, delphici demonis testimonio sapiens existimatus.

211

Socrates de communibus uxoribus.

211

Sodoma, & vrbes vicinae caelesti flamma consumptae.

31

Stultus, solus malus.

138

Stultus per risum operatur scelus.

138

Superbia, peculiare divitum regnum est.

192

T

Tabulae duodecim legum.

219

Temeritas sacrilega quæ.

57

Templa contemnere & contaminare, quàm grave scelus.

74

Tepidus, hoc est, vitiosus.

114

Testibus egent humana dicta.

58

Thamar amoris furore corrupta.

52

Theatrorum impuritas.

144

Theatrorum Deus.

146

in Theatris quædam apostasio fidei est.

50

Tormentorum nostrorum ipsi sumus authores.

93

Treveris, vrbs Gallorum opulentissima, quater expugnata.

153

Tri-

Tributis divitum necantur pauperes.	90
Tullius Cicero quid de Deo sensit.	13
Turpis rei cupiditas pro actione damnatur.	155
V.	
Venditionis & emptionis novum & inauditum genus.	131
Venus colitur in theatris.	59
Verborum obscœnitates quantæ in theatris.	145
Veritas est apud catholicos, hæretici apud se esse, eam præsumunt.	119
Vicinum semper invenies.	137
Victoriæ penitus miraculosæ.	184
Viduæ quantopere premuntur.	124
Violentiæ inter Christianos.	92
Vinum & mulieres apostatare faciunt à Deo.	164
Vires non valere, sed causam.	183
Viri in seipsis fœminas profitentes.	201 202
Virorum corrupta disciplina.	176
Virgilius quid de Deo sensit.	15
Virtutis vis quanta.	18
Virtutis priscæ viri.	18
Virtutum mater, afflictio.	18
Visus, fenestra mentis.	70
Vita est in lege domini.	117
Vita à professione discordans, illustris tituli abrogat honorem.	78
Vitio pravitatis Christiani perdunt vim sui tanti nominis.	78
Vitia etiam minima vitanda.	70
Vitia singula singulis hominum conditionibus familiaria.	75
Vitia si tollas, lex tibi prodest.	117
Vitia gulæ & luxus passim vigent.	163
Vitia divitum impurissima.	88
Vitia Barbarorum qualia esse solent.	104
Vitia potestas permittit.	202

Vitia servorum	84
Vitia præcipuè, ubicunque Romani	153
Vitia Christianis, peculiaria	104
Vitia Christianorum temporis istius quàm nefanda	94
Vocabulum sanctum sine merito, est ornamentum in luto	80
Vocabula nihil esse sine rebus	80
Volumen faxcum	33
Voluntas Dei, est summa iustitia	127
Voluntas crimen non habet, ubi furore peccatur	167
Voluntatum diversitas, maxima discordia	218
Urbes quò maiores, eo impuriore	213
Vuandali hæretici à Catholicis despecti	289
Vuandalorum constitutiones cum Socratis legibus colla- te	212
Vultus domini super facientes mala, ut perdat de terra memoriam eorum	45
Vxoribus cunctis, ex sententia Socratis, communes	212

AD LECTOREM

Typographus.

PRælo huic etiam destinata iam erant
 Analecta, seu Flosculi ex singulis
 Salviani elucubrationibus delibati, sed
 ne liber iustam voluminis mensuram
 excederet, & immensior, quam par esset,
 excresceret, alteri reservantur prælo,
 tuaque lector expectatio non diu admo-
 dum fraudabitur.

Errata

Corrige

Pag.	lin.	2	Dixi	lego	Dixit
17	2	qui malos doleant	qui malos doleat		
34	23	videntibus universi	videntibus universis		
43	12	Vide absq; dubio;	Vides absq; dubio		
		quia non potest	quia non potes		
		quæri	queri		
53	7	pœne	penè		
59	5	quid ad toleranda	qui ad toleranda		
65	5	quodadammodo	quodammodo		
68	29	vestigis	vestigis		
68	32	ac si in omni	ac sic in omni		
72	12	quærimoniæ	querimoniæ		
91	1	affligeres	affligeret		
95	16	ut quæq.	ut quæ		
100	16	vinci à barbaris	vinci à barbaris		
123	25	rei devoluta est	res devoluta est		
129	16	divites patiuntur	divites partiuntur		
134	6	nos peccatis nostris	nos peccata nostra		
138	16	honestare debes	honestate debes		
174	33	iumentis solent	iumentis solet		
221	3	an iucundum	an iniucundum		
240	5	vulgandam	vulgandum		
249	5	idem ipsi	iidem ipsi		
268	25	perfugium nutant	perfugium nutanti		
294	6	post tamen	sunt tamen		
302	10	minus extraneum	minus extraneos		
321	1	<i>Est geminata periodus superflua Per illum</i>			
			sibi tribui &c.		
328	27	cur ea	cur eam		
330	6	metat	metet		
336	2	te supplicante	te supplicantem		
343	33	qui	quia		
351	22	tibi abstinentia	quæ tibi abstinentia		

VINCENTII
LIRINENSIS
COMMONITORIUM.

GENNADIUS MASSILIENSIS
In Catalogo Virorum Illustrium.

Vincentius, natione Gallus, apud Monasterium in Lirinensi insula Presbyter, vir in scripturis sanctis doctus, & notitia Ecclesiasticorum dogmatum sufficienter instructus, composuit ad evertenda hereticorum collegia, nitido, & aperto sermone validissimam disputationem, quam absconso nomine suo, intitulavit Peregrini adversum Hereticos: cuius operis quia secundi libri maximam in schedulis partem, à quibusdam furatam, perdidit, recapitulato eius paucis sermonibus sensu, primo compegit, & in librum unum edidit. Moritur Theodosio, & Valentimiano regnantibus.

403

A V C T O R V M
de
VINCENTIO LIRINENSI
JUDICIA.

Iohannes Tritemius libro de scriptoribus
Ecclesiasticis .

*Vincentius monachus . & presbyter monasterii
Lerinensis insula , natione Gallus , vir in diuinis
scripturis eruditissimus , & secularium literarum
non ignarus , vita , & moribus clarus . Extat eius
insigne opus , quod sub Peregrini nomine compo-
suit , à veteribus doctõribus percelebrè laudatum ,
de erroribus , & collegiis hæreticorum fugiendis .*

Martyrologium Romanum .

*Nono Kal. Iunii in monasterio Lerinensi celebra-
tur natalis sancti Vincentii presbyteri , doctrina ,
& sanctitate conspicui .*

Ad hunc locum Cardinalis Cæsar
Baronius .

*Vincentius aureo planè opusculo fidem catholi-
cam egregiè testatam reliquit , quocum omnes hæ-
reses , tum maxime hæresin Pelagianam cum au-
ctoribus suis impugnat . Claruit temporibus Ho-
norii imperatoris , magnamq. sui nominis in ec-
clesia catholica famam reliquit .*

Idem Annalium tomo V. in anno
CDXXX V. numero ultimo .

*Quàm mira fuerit Vincentii eruditio , libellus
ipsius ostendit , ut vix sit reperire , qui pauciori-
bus cartis maiora , & feliciori tractatu concludere-
rit ; licet commentariolus idem sit (ut ipse testa-*

Cc 2 tur

eur in fine : fallitur autem Baronius) ex duobus à se scriptis commonitorius epitome, his temporibus admodum accommodatus, & in Ecclesia Catholica semper posteris profuturus, quum nunquam defuturi sunt novatores heretici, ad quos penitus explodendos idem auctor summa industria laboravit.

Auctores ecclesiastice historie Magdeburg.

Centur. V. cap. X.

Si quis diligentius pensabit, dicet, scriptum esse eruditum, & acutum, quodque hereticorum fraudes clarè in apertum producat, detegat, atque egregie impugnet, quin & presens valdè remedium, & antidotum quasi contra eorumdem venena ministret : in quo ipsius scriptoris vis ingenii elucet, & doctrina magnitudo.

Petrus Pytheus prefatione in Salvianum.

Vincenius, peregrini nomine, Commonitoria scripsit, quibus nihil in eo genere maiore iudicio, aut acutius stylo conscriptum memini.

Cardinalis Bellarminus libro de Scriptor.

Ecclesiasticis.

Vincenius monasterii Lerinensis præsbyter scripsit opusculum, parvum mole, sed virtute maximum, de profani vocum novitatibus. Libellus exeat, & utilissimè legitur.

405

VINCENTII

LIRINENSIS

Sub nomine Peregrini COMMONITORIUM.

* *
*

*Incipit tractatus Peregrini pro catholica
fidei antiquitate, & universitate ad-
versus profanas omnium novitates
hereticorum.*

P R O O E M I U M.



*Icente Scriptura, & monente;
Interroga patres tuos, & dicent
tibi; seniores tuos, & annuntiabunt
tibi, & item, Filii mi, hos sermo-
nes, ne obliviscaris, mea autem
verba custodiat cor tuum, videtur*

Deut. 38

Excl: 6

Prov. 4

& 7

mihi minimo omnium servorum Dei Peregrino, quod res non minime utilitatis, Domino adjuvante, futura sit, si ea, quę fideliter à sanctis patribus accepi, literis comprehendam, infirmitati certe proprię pernecessaria, quippe cū adsit in promptu, unde imbecillitas memorię meę assidua lectione reparetur.

Cc 3 Ad

Ad quod me negotium non solum fructus operis, sed etiam consideratio temporis, & opportunitas loci adhortatur. Tempus, propterea quod cum ab eo omnia humana rapiantur, & nos ex eo aliquid invicem rapere debemus, quod in vitam proficiat æternam; præsertim eum & appropinquantis divini iudicii terribilis quædam expectatio augeri, efflagitet, studia religionis, & novorum hæreticorum fraudulentia multum curæ, & attentionis indicat. Locus autem; quod urbium frequentiam, turbasque vitantes, remotioris villulæ, & in ea secretum monasterii incolamus habitaculum, ubi absque magna distractione fieri possit illud quod canitur in psalmo: *Parate, inquit & videte, quoniam ego sum Deus*. Sed & propositi nostri ratio in id convenit: Quippe qui cum aliquandiu variis, ac tristibus secularis militiæ turbinibus volveremur, tandem nos in portum religionis, cunctis semper fidissimum, Christo aspirante, condidimus; ut tibi depositis vanitatis, ac superbiæ flatibus, Christianæ humilitatis sacrificio placantes Deum, non solum præsentis vitæ naufragia, sed etiam futuri seculi incendia vitare possimus. Sed jam in nomine Domini, quod instat, aggrediar, ut scilicet à maioribus tradita, & apud nos deposita scribam relatoris fide potius, quam auctoris præsumptione; hac tamen scribendi lege servata, ut nequaquam omnia, sed tantum necessaria quæque perstringam, neque id ornato, & exacto, sed facili, communique sermone; ut pleraque significata potius, quàm explicata videan-

deantur . Scribant ii lautè , & accuratè , qui ad hoc munus vel ingenii fiducia , vel officii ratione ducuntur . Me verò sublevandæ recordationis , vel potius oblivionis meæ gratia , Commonitorium mihi met parasse suffecerit ; quod tamen paulatim , recolendo , quæ didici , emendare , & implere quotidie , Domino præstante , conabor . Atque hoc ipsum idcirco præmonui , ut si fortè elapsum nobis , in manus sanctorum devenerit , nihil in eo temerè reprehendant , quod adhuc videant promissa emendatione limandum .

CAP. I.

Sæpe igitur magno studio , & summa attentione perquirens à quamplurimis sanctitate , & doctrina præstantibus viris quonam modo possim certa quadam , & quasi generali , ac regulari via catholicæ fidei veritatem ab hæreticæ pravitatis falsitate discernere , huiusmodi semper responsum ab omnibus ferè retuli , quòd sive ego , sive quis alius vellet exurgentium hæreticorum fraudes deprehendere , laqueosque vitare , & in fide sana sanus , atque integer permanere , duplici modo munire fidem suam , Domino adiuvante , deberet . Primò scilicet , divinæ legis auctoritate ; tum deinde , Ecclesiæ catholicæ traditione .

CAP. II.

Hic forsitan requirat aliquis : Cùm sit perfectus Scripturarum canon , sibi que ad omnia satis superque sufficiat , quid opus est ut ei ecclesiasticæ intelligentiæ jungatur auctoritas ; Quia videlicet Scripturam sacram pro

ipsa sua altitudine, non uno, eodemque sensu universi accipiunt; sed eiusdem eloquia aliter, atque aliter alius, atque alius interpretatur; ut penè quot homines sunt, tot illinc sententiæ erui posse videantur. Aliter namque illam Novatianus, aliter Photinus, aliter Sabellius, aliter Donatus exponit: aliter Arius, Eunomius, Macedonius, aliter Apollinaris, Priscillianus, aliter Iovinianus, Pelagius, Celestius, aliter postremò Nestorius. Atque idcirco multum necesse est, propter tantos, tam varii erroris amfractus, ut propheticæ, & apostolicæ interpretationis linea secundum ecclesiastici, & catholici sensus normam dirigatur.

CAP. III.

IN ipsa item catholica Ecclesia, magnopere curandum est, ut id teneamus, quod ubique quod semper, quod ab omnibus creditum est. Hoc est etenim verè, proprièq. catholicum (quod ipsa vis nominis, ratioq. declarat) quod omnia ferè universaliter cōprehendit. Sed hoc ita demū fiet, si sequamur universitatē, antiquitatē, consensionem. Sequemur autē universitatem hoc modo, si hanc unam fidem veram esse fateamur quam tota per orbem terrarum confitetur Ecclesia: antiquitatem verò ita, si ab his sensibus nullatenus recedamus, quos sanctos maiores, ac patres nostros celebrasse, manifestum est: consensionem quoque itidem, si in ipsa vetustate, omnium, vel certè penè omnium sacerdotum, pariter, & magistrorum definitiones, sententiasque sectemur.

CAP. IV.

Quid igitur tunc faciet Christianus catholicus, si se aliqua Ecclesię particula ab universalis fidei communione præciderit? Quid utique, nisi, ut pestifero, corruptoq. membro sanitatem universi corporis anteponat? Quid si novella aliqua contagio non iam portitunculam tantum, sed totam pariter Ecclesiam commaculare conetur? Tunc item providebit, ut antiquitati inhæreat, quę prorsum iam non potest ab ulla novitatis fraude seduci. Quid si in ipsa vetustate, duorum, aut trium hominum, vel certè civitatis unius, aut etiam provincię alicuius error deprehendatur? Tunc omnino curabit, ut paucorum temeritati, vel inscientię, si qua sunt universaliter antiquitus universalis Ecclesię decreta preponat. Quid si tale aliquid emergat, ubi nihil huiusmodi reperitur? Tunc operam dabit, ut collatas inter se maiorum consulat, interrogetque sententias, eorum dumtaxat, qui diversis licet temporibus, & locis, in unius tamen Ecclesię catholicę communione, & fide permanentes, Magistri probabiles extiterunt; & quidquid non unus aut duo tantum, sed omnes pariter uno, eodemque consensu, apertè, frequenter, perseveranter tenuisse, scripsisse, docuisse, cognoverit, id sibi quoque intelligat, absque ulla dubitatione credendum. Sed ut planiora fiant, quę dicimus; exemplis singillatim illustranda sunt, & paulò uberius exaggeranda, ne immodicę brevitatis studio, rerum ponderationis celeritate rapiantur.

CAP.

TEmpore Donati, à quo Donatistę, cū se-
se multa pars Africę in erroris sui fu-
rias præcipitaret, cūque immemor nominis,
religionis, professionis, unius hominis sacri-
legam temeritatem Ecclesię Christi præpone-
ret; tunc quicunque per Africam constituti,
profano schismate detestato; uni versis mundi
Ecclesiis associati sunt, soli ex illis omnibus in-
tra sacraria catholicę fidei salvi esse potuerunt;
egregiam profectò relinquentes posteris for-
mam, quemadmodum scilicet deinceps, bono
more, unius, aut certè paucorum vesanię, uni-
versorum sanitas anteferretur.

CAP. VI.

Item, quando Arianorum venenum, non
iam portiunculam quandam, sed penè or-
bem totum contaminaverat, adeo ut prope
cunctis Latini sermonis Episcopis partim vi,
partim fraude deceptis, caligo quędam menti-
bus offunderetur, quidnam potissimùm in tanta
rerum confusione sequendum foret; tunc quis-
quis verus Christi amator, & cultor extitit,
antiquam fidem novellę perfidię præferendo,
nulla contagii ipsius peste maculatus est. Cujus
quidem temporis periculo satis, superque mon-
stratum est, quantum invehatur calamitatis
novelli dogmatis inductione. Tunc siquidem
non solùm parvę res, sed etiam maximę labe-
factatę sunt. Nec enim tantum affinitates, co-
gnationes, amicitię, domus, verum etiam
urbes, populi, provincię, nationes, universum
postremò Romanum imperium funditus con-
cussum

cūsum, & emotum est. Namque cū profana ipsa Arianorum novitas, velut quādam Bellona, aut Furia, capto primo omnium Imperatore, cuncta deinde palatii culmina legibus novis subiugasset, nequaquam deinceps destitit universa miscere, atque vexare, privata, ac publica, sacra, profanaque omnia; nullum boni, & veri gerere discrimen; sed quoscumque collibisset, tanquam de loco superiore percutere. Tunc temeratę coniuges, depullatę viduę, profanatę virgines, monasteria demolita, disturbati Clerici, verberati Levitę, acti in exilium Sacerdotes, oppleta sanctis ergastula, carceres, metalla: quorum pars maxima, interdictis urbibus, protrusi, atque extorres, interdeserta, speluncas, feras, saxa, nuditate, fame, siti affecti, contriti, & tabefacti sunt. Atque hæc omnia nunquid ullam aliam ob causam, nisi utique dum pro cęlesti dogmate humanę superstitiones introducuntur, dū benę fundata antiquitas scelestā novitate subruitur, dum superiorum instituta violantur, dum rescinduntur scita patrum, dum convelluntur definita maiorum, dum sese intra sacratę, atq; incorruptę vetustatis castissimos limites profanę, ac novellę curiositatis libido non continet.

CAP. VII

SEd forsitan odio novitatis, & amore vetustatis hæc fingimus. Quisquis hoc estimat, beato saltem credat Ambrosio, qui in secundo ad Imperatorem Gratianum libro, acerbiter temporis ipse deplorans, ait: *Sed iam satis, inquit, omnipotens Deus, nostro exitio, nostroque*

*Ambros.
lib: 2 de
fide c. 147*

san-

sanguine Confessorum neces, exilia Sacerdotum, & nefas tantę impietatis eluimus. Satis claruit, eos qui violauerint fidem, tutos esse non posse.

*Id. lib. 3.
c. 7.*

*Item in tertio eiusdem operis libro: Seruamus, inquit, precepta maiorum, nec hereditaria signacula, ausi rudis temeritate uiolemus. Librum signatum illum propheticum non seniores, non potestates, non angeli, non archangeli aperire ausi sunt: soli Christo explanandi eius prerogativa seruata est. Librum sacerdotalem quis nostrum resignare audeat, signatum a Confessoribus, & multorum iam martyrio consecratum? quem qui resignare coacti sunt, postea tamen, damnata fraude, signarunt; qui violare non ausi sunt, Confessores, & Martyres extiterunt, quomodo fidem eorum possumus denegare, quorum victoriam prædicamus? Prædicamus planè, inquam, ò venerande Ambrosi, prædicamus planè, laudantesque miramur. Nam quis ille tam demens est, qui eos, etsi assequi non evaleat, non exoptet sequi, quos à defensione Fidei maiorum nulla vis depulit, non minæ, non blandimenta, non vita, non mors, non palatium, non satellites, non Imperator, non imperium, non homines, non dæmones? quos, inquam, pro religiosa vetustatis tenacitate tanto munere Dominus dignos iudicavit, ut per eos prostratas restauraret Ecclesias, extinctos spiritales populos vivificaret, dejectas sacerdotum coronas repone-
ret, nefarias illas novellæ impietatis, non literas, sed lituras, infuso cœlitus Episcopifidelium lacrymarum fonte deleret, universum*

po-

postremò jam penè mundum, sæva repentinx
hæreseos tempestate perculsum, ad antiquam
fidem à novella perfidia, ad antiquam sanita-
tem à novitatis vesania, ad antiquam lucem à
novitatis cœcitate revocaret.

CAP. VIII.

SEd in hac divina quadam Confessorum vir-
tute illud est etiam nobis, vel maxime consi-
derandum, quòd tunc apud ipsam Ecclesiæ ve-
tustatem, non partis alicujus, sed universitatis ab
iis est suscepta defensio. Neque enim fas erat,
ut tanti, ac tales viri unius, aut duorum ho-
minum errabundas, sibi quæ ipsis contrarias sus-
piciones tam magno molimine assererent, aut
verò pro alicujus provinciæ temeraria qua-
dam conspiratione certarent; sed omnium
sanctæ Ecclesiæ Sacerdotum Apostolicæ, & Ca-
tholicæ veritatis heredum decreta, & defini-
ta sectantes, maluerunt semetipsos, quàm ve-
tustæ universitatis fidem prodere. Unde & ad
tantam gloriam pervenire meruerunt, ut non
solum Confessores, verùm etiam Confessorum
principes jure, meritòque habeantur. Ma-
gnum hoc igitur eorundem beatorum exem-
plum, planèque divinum, & veris quibusque
catholicis indefessa meditatione recolendum,
qui in modum septemplex candelabri septe-
na sancti Spiritus luce radiantes, clarissimam
posteris formulam præmonstrarunt, quo-
nam modo deinceps per singula quæque erro-
rum vaniloquia, sacratæ vetustatis auctorita-
te, profanæ novitatis conteratur audacia.

Ne-

NEque hoc fanè novum. Siquidem mos iste semper in Ecclesia viguit, ut quò quisq. foret religiosior, eò promptius novellis adinventioibus contraireret. Exemplis talibus plena sunt omnia. Sed ne longum fiat, unum aliquod, & hoc ab Apostolica potissimùm sede, sumemus; ut omnes luce clariùs videant, beatorum Apostolorum beata successio, quanta vi semper, quanto studio, quanta contentione defenderit susceptæ semel religionis integritatem. Quondam igitur venerabilis memoriæ Agrippinus Carthaginienſis Episcopus, primus omnium mortalium contra divinum canonem, contra universalis Ecclesiæ regulam, contra sensum omnium confacerdotum, contra morem, atque instituta maiorum, rebaptizandum esse censebat. Quæ præsumptio tantùm mali invexit, ut non solum hæreticis omnibus formam sacrilegij, sed etiam quibusdam catholicis occasionem præbuerit erroris. Cùm ergo undique ad novitatem rei cunèti reclamarent, atque omnes quaquaversum Sacerdotes pro suo quisque studio retinerentur; tunc beatæ memoriæ Papa Stephanus Apostolicæ sedis antistes, cum ceteris quidem collegis suis, sed tamen præ ceteris restitit; dignum, ut opinor, existimans, si reliquos omnes tantùm fidei devotione vinceret, quantum loci auctoritate superabat. Denique in epistola, quæ tunc ad Africam missa est, his verbis sanxit: **NIHIL NOVANDVM, NISI QVOD TRADITVM EST.** Intelligebat etenim vir sanctus, & prudens, nihil

hil aliud rationem pietatis admittere, nisi ut omnia, qua fide à patribus suscepta forent, eadem fide filiis consignarentur, nosque religionem, non quà vellemus, ducere, sed potius quà illa duceret, sequi oportere, idque esse propriam Christianæ modestiæ, & gravitatis, non sua posteris tradere, sed à maioribus accepta servare. Quis ergo tunc universi negotii exitus? quis utique, nisi usitatus, & solitus? Retenta est scilicet antiquitas, explosa novitas.

CAP. X.

Sed fortè tunc ipsi novitiæ ad inventioni patrocinia defuerunt? Immò vero tanta vis ingenii adfuit, tanta eloquentiæ flumina, tantus assertorum numerus, tanta veri similitudo, tanta divini legis oracula, sed planè novo, ac malo more intellecta, ut mihi omnis illa conspiratio nullo modo destrui potuisse videatur, nisi sola tanti moliminis causa ipsa illa suscepta, ipsa defensa, ipsa laudata novitatis professio destituisset. Quid postremò ipsius Africani Concilii, sive decreti, quæ vires? Donante Deo, nullæ; sed universa, tanquam somnia, tanquam fabulæ, tanquam superflua, abolita, antiquata, calcata sunt.

CAP. XI.

ET, ò rerum mira conversio! Auctores eiusdem opinionis catholici, consecratores verò, hæretici iudicantur: absolvuntur magistri, condemnantur discipuli: conscriptores librorum, filij regni erunt; assertores verò gehenna suscipiet. Nam quis ille tam demens est, qui illud sanctorum omnium, & Episcoporum, & Mar-

& Martyrum lumen, beatissimum Cyprianum, cum ceteris collegis suis in æternum dubitet, regnaturum esse cum Christo? Aut quis tam sacrilegus, qui Donatistas, & ceteras pestes, quæ illius auctoritate Concilij rebaptizare, se jactant, in sempiternum, neget, arduos esse cum diabolo? Quod quidem mihi diuinitus videtur promulgatum esse iudicium propter eorum maxime fraudulentiam, qui cum sub alieno nomine hæresim concinnare machinentur, captant plerumque veteris cuiuspiam viri scripta paulò involutiùs edita, quæ pro ipsa sui obscuritate dogmati suo quasi congruant; ut illud nescio quid, quodcunque proferunt, neque primi, neque soli sentire videantur. Quorum ego nequitiam duplici odio dignam iudico; vel eò, quòd hæreseos venenum propinare alijs non pertimescunt; vel eò etiam, quòd sancti cuiusque viri memoriam tanquam sopitos jam cineres profana manu ventilant; & quæ silentio sepeliri, oportebat, rediviva opinione diffamant; sequentes omnino vestigia auctoris sui Cham, qui nuditatē venerandi Noë non modò operire neglexit, verum quoque irridendam ceteris enuntiavit. Vnde tantā læsę pietatis meruit offensā, ut etiā posteri ipsius peccati sui maledictis obligarētur: beatis illis fratribus multum, longèq. dissimilis, qui nuditatē ipsā reverendi patris neq. suis temerare oculis, neq. alienis patere voverūt; sed, aversi, ut scribitur, texerūt eū. Quod est erratū sancti viri; nec approbasse nec prodidisse: atq. idcirco beata in posteros benedictione donati sunt. Sed ad propositum redeamus.

Magno igitur metu nobis mutatae fidei, ac temeratae religionis piaculū pertimescendum est; à quo nos non solum constitutionis ecclesiasticae disciplina, sed etiam censura apostolicae deterret auctoritatis. Scitum, n. cunctis est, quàm graviter, quàm severè, quàm vehemèter in vehatur in quosdam beatus Apost. Paulus, qui mira levitate nimium citò translati fuerant ab eo, qui eos vocaverat in gratiam Christi, in aliud Euangelium, quod non est aliud: qui coarctarant sibi magistros ad sua desideria, à veritate quidē auditū avercentes, conversi verò ad fabulas, habentes damnationē, quòd primā fidē irritam fecissent; quos deceperant ii, de quibus ad Romanos fratres scribit idem Apostolus: *Rogo autem vos, fratres, ut observetis eos, qui dissensiones, & offendicula prater doctrinam, quam ipsi didicistis, faciunt, & declinare ab illis. Huiusmodi enim Christo Domino non serviunt, sed suo ventri, & per dulces sermones, & benedictiones seducunt corda innocentium.*] Qui intrant per domos, & captivas ducunt mulierculas oneratas peccatis, quae ducuntur variis desideriis; semper discentes, & ad scientiam veritatis nunquam pervenientes.] Vaniloqui, & seductores, qui uniuersas domos subvertunt, docentes, quae non oportet; turpis lucri gratia.] Homines corrupte mente, reprobi circa fidē: superbi, & nihil sciētes; sed languētes circa quēstiones, & pugnas verborū; qui veritate privati sunt, astimantes quēstū esse pietatē, simul aīe & otiosi discunt circūire domos; non solum autē otiosi, sed & verbosi, &

Gal. 1

2 Tim. 4
& 5

Rom. 16

2 Tim 3

Tit. 1

2 Tim. 3
1 Tim. 6

1 Tim. 5

- 1 *Tim.* 1 curiosi, loquentes quę non oportet, qui bonam conscientiam repellentes, circa fidem naufragaverunt: quorum prophana vaniloquia multum proficiunt ad impietatem & sermo eorum, ut cancer serpit. Bene autem quod de iis item scribitur: *Sed ultra non proficient, Insipientia enim eorum manifesta erit omnibus, sicut & illorum fuit.* Cum ergo tales quidam circumeuntes provincias, & civitates, atque errores venalicios circumferendo, etiam ad Galatas devenissent, cumque, his auditis, Galatę nausea quadam veritatis affecti, apostolicę, catholicęque doctrinę manna revomentes, hæreticę novitatis sordibus oblectarentur, ita sese apostolicę potestatis exervit auctoritas, ut summa cum se-veritate decerneret: *Sed licet nos*, inquit, *aut angelus de cælo evangelizet vobis pręterquam quod evangelizavimus vobis, anathema sit.* Quid est, quod ait, *Sed licet nos*? Cur non potius, *Sed licet ego*? Hoc est. Etiam si Petrus, etiam si Andreas, etiam si Ioannes, etiam si postremo omnis Apostolorum chorus evangelizet vobis, pręterquā quod evangelizavimus, anathema sit. Tremenda districtio. Propter asserendam primę fidei tenacitatem, nec sibi, nec ceteris coapostolis pepercisse. Parum est. *Etiam si angelus*, inquit, *de cælo evangelizet vobis, pręterquam quod evangelizavimus, anathema sit.* Non suffecerat ad custodiam traditę semel fidei, humanę conditionis commemorasse naturam, nisi angelicam quoque excellentiam comprehendisset. *Licet nos*, inquit, *aut angelus de cælo*. Non quia sancti, celestesque angeli peccare iam possint. Sed hoc

hoc est quod dicit : Si etiam, inquit, fiat, quod non potest fieri, quisquis ille traditam semel fidem mutare tentaverit, anathema sit.

CAP. XIII.

Sed hoc forsitan perfunctorie prælocutus est, & humano potius effudit impetu, quam divina ratione decrevit. Absit. Sequitur enim, & hoc ipsum ingenti molimine iteratæ insinuationis inculcat : *Sicut prædiximus, inquit, & nunc iterum dico: Si quis vobis evangelizaverit, præterquam quod accepistis, anathema sit.* Non dixit : Si quis vobis annuntiaverit, præterquam quod accepistis, benedictus sit, laudetur, recipiatur: sed, *anathema sit*, inquit, id est, separatus, segregatus, exclusus, ne unius ovium dirum contagium, innoxium gregem Christi venenata permixtio contaminet. Sed forsitan Galatis ista tantum præcepta sunt. Ergo & illa solis Galatis imperata sunt, quæ in ejusdem epistolæ sequentibus commemorantur: qualia sunt hæc: *Si vivimus spiritu, spiritu & ambulemus. Non efficiamur inanis gloriæ cupidi, invicem provocantes, invicem invidentes,* & reliqua. Quod si absurdum est, & omnibus ex æquo imperata sunt, restat, ut sicut hæc morum mandata, ita etiam illa, quæ de fide cauta sunt, omnes pari modo comprehendant.

Gal. 3

CAP. XIII.

Et sicuti nemini licet invicem provocare, aut invidere invicem, ita nemini liceat præter id, quod Ecclesia catholica usquequaque evangelizat, accipere. Aut forsitan tunc iubeatur, si quis annuntiasset, præterquam quod, an-

nuntiaturum fuerat, anathematizari; nunc verò iam non iubetur. Ergo & illud, quod item ibi ait, *Dico autem, spiritu ambulate, & desiderium carnis non perficietis*, tunc tantum iubebatur, modò verò iam non iubetur. Quòd si impium pariter, & perniciosum est, ita credere, necessariò sequitur, ut sicut hæc cunctis ætatibus observanda sunt, ita illa quoque, quæ de non mutanda fide sancita sunt, cunctis ætatibus imperata sint. Annuntiare ergo aliquid Christianis catholicis, præter id, quod acceperunt, nunquam licuit, nusquam licet, nunquam licebit, & anathematizare eos, qui annuntiant aliquid, præterquam quod semel acceptum est, nunquam non oportuit, nusquam non oportet, nunquam non oportebit. Quæ cum ita sint: estne aliquis, vel tantæ audaciæ, qui præter id, quod apud Ecclesiam annuntiaturum est, annuntiet: vel tantæ levitatis, qui præter id, quod ab Ecclesia accepit accipiat? Clamat, & repetendo clamat, & omnibus, & semper, & ubique per literas suas clamet ille, ille vas electionis, ille magister gentium, ille Apostolorum tuba, ille terrarum præco, ille celorum conficius, ut si quis novum dogma annuntiaverit, anathematizetur. Et contra reclamant ranæ quædam, & cyniphes, & muscæ morituræ, quales sunt Pelagiani, & hoc catholicis. Nobis, inquiunt, auctoribus, nobis principibus, nobis expositoribus, damna, quæ tenebatis, tenetæ, quæ damnabatis, reiicite antiquam fidem, paterna instituta, maiorum deposita; & recipite. Quænam illa

tan-

tandem? Horreo dicere. Sunt enim tam superba, ut mihi non modò affirmari, sed ne refelli quidem sine aliquo piaculo posse videantur.

CAP. XV.

Sed dicet aliquis: Cur ego persepe divinitus sinuntur excellentes quædam personæ in Ecclesia constitutæ, res novas catholicis annuntiare? Recta interrogatio, & digna, quæ diligentius, atque uberius pertractetur: cui tamen non ingenio proprio, sed divinæ legis auctoritate, ecclesiastici magisterii documento satisfaciendum est. Audiamus ergo sanctum Moysen; & ipse nos doceat cur docti viri, & qui propter scientiæ gratiam ab Apostolo etiam Prophetę nuncupantur, proferre interdum permittantur nova dogmata, quæ vetus testamentum, allegorico sermone, deos alienos appellare consuevit, eò quòd scilicet ita ab hæreticis ipsorum opiniones, sicut à gentibus dii sui observentur. Scribit ergo in Deuteronomio beatus Moyses: *Si surrexerit, inquit, in medio tui Propheta, aut qui somnium vidisse se dicat, id est, magister in Ecclesia constitutus, quem discipuli, vel auditors sui ex aliqua revelatione docere arbitrentur. Quid deinde? Et prædixerit, inquit, signum, atque portentum, & euenierit, quod locutus est.* Magnus profectò nescio quis signatur magister, & tantæ scientiæ, qui sectatoribus propriis, nò solùm, quæ humana sũt nosse, verùm etiã, quæ supra hominẽ sunt, prænoscere posse videatur, quales ferè discipuli, sui jactitant fuisse. Valentiniũ, Donatũ, Photinũ,

Deut. 13

Apollinarem, ceterosque eiusmodi. Quid postea? *Et dixit, inquit, tibi, Famus, & sequamur deos alienos, quos ignoras, & seruiamus eis.* Qui sunt dii alieni, nisi errores extranei, quos ignorabas, id est, novi, & inaudit? *Et seruiamus eis, id est, credamus eis, sequamur eos.* Quid ad extremum? *Non audies, inquit, verba Prophetæ illius, aut somniatoris.* Et quare, oro te, à Deo, non prohibetur, doceri, quod à Deo prohibetur audiri? *Quia, inquit, tentat vos Dominus Deus uester, ut palam fiat, utrum diligatis eum, an nō, in toto corde. & in tota anima uestra.* Luce clariùs aperta causa est, cur interdum divina providentia quosdam Ecclesiarum magistros nova quædam dogmata prædicare, patiatur. *Ut tentet vos, inquit, Dominus Deus uester.* Et profectò magna tentatio est, cum ille, quem tu Prophetam, quem Prophetarum discipulum, quem doctorem, & assertorem veritatis putes, quem summa veneratione, & amore complexus sis, is subito latenter noxios subinducat errores, quos, neccitò deprehendere valeas, dum antiqui magisterii ducis præiudicio; nec faciliè damnare fas ducas, dum magiltri veteris prapediris affectu.

XVI.

Hic forsitan efflagitet aliquis, ut ea, quæ sancti Moyse verbis asserta sunt, ecclesiasticis aliquibus demonstrentur exemplis. Equæ expostulatio, nec diù differenda. Nam, ut à proximis, & manifestis incipiam, qualem fuisse nuper tentationem, putamus, cum infelix ille Nestorius, subito ex oye conversus in

lu-

lupum, gregem Christi lacerare cœpisset, cum eū il ipsi, qui rodebantur, ex magna adhuc parte ovem crederent, ideoque morsibus eius magis paterent? Nam quis eum facile errare arbitraretur, quem tanto imperii iudicio electum, tanto Sacerdotum studio profectum videret, qui cum magno sanctorum amore, summo populi favore celebraretur, quotidie palam divina tractabat eloquia, & noxios quosque Iudzorum, & Gentilium confutabat errores? Quo tandem iste modò non cuivis fidem faceret, se recta docere, recta predicare, recta sentire, qui ut uni hæresi suæ aditum patefaceret, cunctarum hæreseon blasphemias infectabatur? Sed hoc erat illud quod Moyse ait: *Tentat nos Dominus Deus uester, si diligatis eum, an non.* Et ut Nestorium prætereamus, in quò plus semper admirationis, quàm utilitatis, plus famę, quàm experientiæ fuit, quem opinione vulgi aliquandiu magnum humana magis fecerat gratia, quàm divina, eos potiùs commemoremus, qui multis præfectibus, multaque industria præditi, non parvę tentationi catholicis hominibus extiterunt. Velut apud Pannonias maiorū memoria Photinus Ecclesiam Sirmitanam tentasse memoratur: ubi cum magno omnium favore in sacerdotium fuisset ascitus, & aliquandiu tanquam catholicus administraret, subito, sicut malus ille Propheta, aut somniator, quem Moyse significat, creditam sibi plebem Dei persuadere cœpit, ut sequeretur deos alienos, id est, errores extraneos, quos antea nesciebat. Sed hoc usitatum. Illud verò

pernitiosum, quod ad tantum nefas non mediocribus adminiculis utebatur. Nam erat & ingenii viribus valens, & doctrinæ opibus excellens, & eloquio præpotens, quippe qui utroque sermone copiosè, & graviter disputaret, & scriberet, quod monumentis librorum suorum manifestatur; quos idem partim Græco, partim Latino sermone composuit. Sed bene, quod commissæ ipsi oves Christi multum pro catholica fide vigilantes, & cautæ, citò ad præmonentis Moyssi eloquia respexerunt; & Prophetæ, atque pastoris sui, licet admirarentur eloquentiam, tentationem tamen non ignorarunt. Nam quem antea, quasi arietem gregis sequebantur, eundem deinceps, veluti lupum fugere cœperunt. Neque solum Photini, sed etiam Apollinaris exemplo istius ecclesiasticæ tentationis periculum discimus, & simul ad observandæ diligentius fidei custodiam commone-mur. Etenim ipse auditoribus suis magnos æstus, & magnas generavit angustias, quippe cum eos huc Ecclesiæ traheret auctoritas, huc magistri retraheret consuetudo; cumque inter utraque nutabundi, & fluctuantes, quid potius sibi seligendum foret, non expedirent. Sed forsitan ejusmodi ille vir erat, qui dignus esset facile contemni. Immo verò tantus, ac talis, cui nimum citò in plurimis crederetur. Nam quid illo præstantius, acumine, exercitatione, doctrina? Quàm multas ille hæreses multis voluminibus oppresserit, quot inimicos fidei confutaverit errores, indicio est opus illud triginta non minus librorum, nobilissimum, ac maximum

ximum, quo insanas Porphyrii calumnias magna probationum mole confudit. Longum est universa ipsius opera commemorare; quibus profecto summis ædificatoribus Ecclesiæ par esse potuisset, nisi profana illa hæreticæ curiositatis libidine, novum, nescio quid adinvenisset, quo, & cunctos labores suos, velut cuiusdam lepræ admixtione scædaret, & committeret, ut doctrina ejus, non tam ædificatio, quàm tentatio potius ecclesiastica diceretur. Hic à me forsitan deprecatur, ut horum, quos supra commemoravi, hæreses exponam, Nestorii scilicet, Apollinaris, & Photini. Hoc quidem ad rem, de qua nunc agimus, non attinget. Propositum etenim nobis est, non singulorum errores persequi, sed paucorum exempla proferre, quibus evidenter, ac perspicue demonstretur illud, quod Moyses ait, quia scilicet, si quando ecclesiasticus aliquis magister, & ipse interpretandis Prophetarum mysteriis Prophetam novi quiddam in Ecclesiam Dei tentet inducere, ad tentationem id nostran fieri, providentia divina patiatur.

CAP. XVII.

VTile igitur fuerit, in excursu, quid supra memorati hæretici sentiant, breviter exponere, id est, Photinus, Apollinaris, Nestorius. Photini ergo secta hæc est. Dicit, Deum singulū esse, & solitarium, & more Iudaico contitendū. Trinitatis plenitudinem negat, neque ullam Dei Verbi, aut ullam Spiritus sancti putat esse personam. Christum verò hominem tantummodo solitarium asserit, cui principium ascribit

ex Maria ; & hoc omnimodis dogmatizat , solum nos personam Dei Patris , & solum Christum hominem colere debere . Hæc ergo Photinus . Apollinaris verò in unitate quidem Trinitatis quasi consentire se jactitat ; & hoc ipsum non plena fidei sanitate , sed in Domini incarnatione aperta professione blasphematur . Dicit enim in ipsa Salvatoris nostri carne , aut animam humanam penitus non fuisse , aut certe talem fuisse , cui mens , & ratio non esset . Sed & ipsam Domini carnem non de sanctæ Virginis Mariæ carne susceptam , sed de cælo in Virgine descendisse , dicebat ; eamque nutabundus semper , & dubius modò coeternam Deo Verbo , modò de Verbi divinitate factam , prædicabat . Nolebat enim , in Christo esse duas substantias , unam divinam , alteram humanam , unam ex patre , alteram ex matre , sed ipsam Verbi naturam putabat esse discissam , quasi aliud eius permaneret in Deo , aliud verò versum fuisset in carnem ; ut cum veritas dicat , ex duabus substantiis unum esse Christum , ille contrarius veritati ex una Christi divinitate duas asserat factas esse substantias . Hæc itaq. Apollinaris . Nestorius autem contrario Apollinari morbo , dum sese duas in Christo substantias distinguere simulat , duas introducit repente personas ; & inaudito scelere duos esse vult filios Dei , duos Christos , unum Deum , alterum hominem ; unum , qui ex patre , alterum , qui sit generatus ex matre . Atq. ideo asserit , sanctam Mariam , non Theotocon , sed Christotocon esse dicendam : quia . s. ex ea non ille Christus , qui Deus , sed ille , qui erat homo ,

homo, natus sit. Quòd si quis eum putat, in literis suis unum Christum dicere, & unam Christi prædicare personam, non temerè credat. Aut enim istud fallendi arte machinatus est, ut per bona facilius suaderet, & mala, sicut ait *Rom-7* Apostolus: *Per bonum mihi operatus est mortem.* Aut ergo ut diximus, fraudulentie causa, quibusdam in locis scriptorù suorù unū Christum, & unā Christi personam credere se iactitat, aut certè post partum iam Virginis ita in unū Christum, quas perhibet, convenisse personas, ut tamen conceptus seu partus virginei tempore, & aliquantò postea, duos Christos fuisse contendat: ut cum scilicet Christus homo communis primùm, & solitarius natus sit, & needum Dei Verbo personæ unitate sociatus, postea in eum assumptis Verbi persona descenderit; & licet nunc in Dei gloria maneat assumptus, aliquandiu tamen nihil inter illum, & ceteros homines interfuisse videatur.

CAP. XVIII.

HÆc ergo Nestorius, Apollinaris, Photinus adversus catholicam fidem rabidæ canes latrant; Photinus, Trinitatem non confitendo; Apollinaris, convertibilem Verbi dicendo naturam, & duas in Christo substantias non confitendo, & aut totam Christi animam, aut certè mentem, atque rationem in anima denegando, & asserendo pro sensu mentis fuisse Dei Verbum; Nestorius duos Christos, aut semper esse, aut aliquandiu fuisse asseverando. Ecclesia verò Catholica & de Deo, & de Salvatore nostro recta sentiens, nec in Trinitatis myste-

myſterium, nec in Chriſti incarnationem blaſphemat, Nam, & unam divinitatem in Trinitatis plenitudine, & Trinitatis æqualitatem in una, atque eadem maiestate veneratur, & unum Chriſtum Ieſum, non duos, eundemque Deum pariter, atq. hominem confitetur. Vnam quidem in eo perſonam, ſed duas ſubſtantias, duas ſubſtantias, ſed unam credit, eſſe perſonam, & duas ſubſtantias, quia mutabile non eſt Verbum Dei, ut ipſum verteretur in carnem; unam perſonam, ne duos profitendo filios, quaternitatem videatur colere, non Trinitatem.

CAP. XIX.

SEd opere pretium eſt, ut idipſum, etiam, atque etiam diſtinctius, & expreſſius enucleemus. In Deo una ſubſtantia, ſed tres perſonæ: in Chriſto duæ ſubſtantiæ, ſed una perſona. In Trinitate alius, atque alius, non aliud, atque aliud: in Salvatore aliud, atq. aliud, non alius, atq. alius. Quomodo in Trinitate alius, atq. alius, non aliud, atque aliud? Quia ſcilicet alia eſt perſona Patris, alia Filii, alia Spiritus Sancti; ſed tamen Patris, & Filii, & Spiritus ſancti non alia, & alia; ſed una, eademque natura. Quomodo in Salvatore aliud, atque aliud, non alius, atque alius? Quia videlicet altera ſubſtantia divinitatis, altera humanitatis: ſed tamen deitas, & humanitas non alter, & alter, ſed unus, idemque Chriſtus, unus, idemque Filius Dei, & unius, eiſdemque Chriſti, & Filii Dei una, eademque perſona: ſicut in homine aliud caro, & aliud anima: ſed unus, idemque homo anima, & caro. In Petro, &
Pau-

Paulo aliud anima, aliud caro: nec tamen duo, Petri caro, & anima: aut alter Paulus anima, & alter caro, sed unus idemque Petrus, unus, idemque Paulus, ex duplici diversaque subsistens animi, corporisque natura. Ita igitur in uno, eodemque Christo duæ substantiæ sunt; sed una divina, altera humana; una ex Patre Deo, altera ex Matre Virgine, una coæterna, & æqualis Patri, altera ex tempore, & minor Patre; una consubstantialis Patri, altera consubstantialis matri; unus tamen, idemque Christus in utraque substantia. Non ergo alter Christus Deus, alter homo; non alter increatus, alter creatus; non alter impassibilis, alter passibilis; non alter æqualis Patri, alter minor Patre; non alter ex Patre, alter ex matre; sed unus, idemque Christus Deus, & homo; idem non creatus, & creatus; idem incommutabilis, & impassibilis; idem commutatus, & passus; idem Patri, & æqualis, & minor; idem ex patre ante secula, genitus, idem in seculo ex matre generatus; perfectus Deus, perfectus homo. In Deo summa divinitas, in homine plena humanitas. Plena, inquam, humanitas, quippe quæ animam simul habeat, & carnem: sed carnem veram, nostram, maternam; animam verò intellectu præditam, mente, ac ratione polentem. Est ergo in Christo verbum, anima, caro: sed hoc totum unus est Christus, unus filius Dei, & unus Salvator, ac Redemptor noster. Vnus autem, non corruptibili, nescio qua divinitatis, & humanitatis confusione, sed integra, & singulari qua-

quadam unitate personæ . Neque .n. illa coniunctio alterum in alterum convertit , atque mutavit (qui est error proprius Arianorum ,) sed ita in unum potius utrūq. compegit , ut manente semper in Christo singularitate unius , eiusdemque personæ , in æternum quoque permaneat proprietas uniuscuiusque naturæ ; quò scilicet nec unquam Deus corpus esse incipiat , nec aliquando corpus , corpus esse desistat . Quod etiam humanæ conditionis demonstratur exemplo . Neque enim in præsentì tantum , sed in futuro quoque , unusquisque hominum ex anima constabit , & corpore : nec tamen unquam , aut corpus in animam , aut anima vertetur in corpus ; sed unoquoque hominum sine fine victuro , in unoquoque hominum sine fine necessario utriusque substantiæ differentia permanebit . ita in Christo quoque , utriusque substantiæ sua cuique in æternum proprietas , salva tamen personæ unitate , retinenda est .

CAP. XX.

SEd cùm personam sæpius nominamus . & dicimus , quòd Deus per personā homo factus sit , vehementer verendum est . ne hoc dicere videamur , quòd Deus Verbum sola imitatione actionis , quæ sunt nostra suscepit , & quidquid illud est conversationis humane , quasi adumbratus , non quasi verus homo fecerit : sicut in theatris fieri solet , ubi unus plures effingit repentè personas , quarum ipse nulla est . Quotiescumque etenim aliqua suscipitur imitatio actionis alienæ , ita
 alio-

aliorum officia, aut opera patrantur, ut tamen hi, qui agunt, non sint ipsi, quos agunt. Neque enim (ut, verbi gratia, secularium, & Manichæorum utamur exemplis) cum actor tragicus Sacerdotem effingit, aut Regem, Sacerdos, aut Rex est. Nam desinente actu, simul & ea, quam susceperat persona, desistit. Absit hoc a nobis nefarium, scelestumque Indibrium. Manichæorum sit ista dementia; qui phantasie predicatorum, aiunt, Filium Dei Deum, personam hominis non substantiæ extitisse, sed actu putativo quoddam, & conversatione simulasse. Catholica vero fides ita Verbum Dei hominem factum esse, dicit, ut que nostra sunt, non fallaciter, & adumbratè, sed verè, expresseque susciperet, & quæ erant humana, non quasi aliena imitaretur, sed potius ut sua gereret, & prorsus quod agebat, hoc etiam esset. Sicut ipsi nos quoque in eo, quod loquimur, sapimus, vivimus, subsistimus, non imitamur homines, sed sumus. Neque enim Petrus, & Ioannes, ut eos potissimum nomen, imitando erant homines, sed subsistendo. Neque item Paulus simulabat Apostolum, aut fingebat Paulum, sed erat Apostolus, & subsistebat Paulus. Ita etiam Deus Verbum assumendo, & habendo carnem, loquendo, faciendo, patiundo per carnem, sine ulla tamen sue corruptione nature, hoc omnino præstare dignatus est, ut hominem perfectum non imitaretur, aut fingeret, sed exhiberet, ut homo verus non videretur, aut putaretur, sed esset, atque subsisteret. Igitur
sicut

sicut anima connexa carni , nec in carnem tamen versa , non imitatur hominem , sed est homo , & homo non per simulationem , sed per substantiam , ita etiam Verbum Deus , absque ulla sui conversione , uniendo se homini , non confundendo , non imitando , factus est homo , sed subsistendo . Abijciatur ergo tota penitus personę illius intelligentia , quę fingendo imitatione suscipitur , ubi semper aliud est , & aliud simulatur , ubi ille , qui agit , nunquam is est , quem agit . Absit etenim , ut hoc fallaci modo Deus Verbum personam hominis suscepisse credatur ; sed ita potius ut incommutabili sua manente substantia , & in se perfecti hominis suscipiendo naturam , ipse caro , ipse homo , ipse persona hominis existeret , non simulatoria , sed vera , non imitativa , sed substantiva , non denique quę cum actione desisteret , sed quę prorsus in substantia permaneret . Hęc igitur in Christo personę unitas nequaquam post Virginis partum , sed in ipso Virginis utero , compacta , atque perfecta est .

CAP. XXI.

VEhementer enim præcavere debemus , ut Christum non modo unum , sed etiam semper unum confiteamur : quia intoleranda blasphemia est , ut etiam si nunc eum unum jam esse concedas , aliquando tamen non unum , sed duos fuisse , contendas ; unum scilicet post tempus baptismatis , duos verò sub tempore nativitatis . Quod immensum sacrilegium non aliter profecto vitare poterimus , nisi unitum hominem Deo , sed unitate personę , non ab ascen-

ascensu, vel resurrectione, vel baptismo, sed jam in matre, jam in utero, jam denique in ipsa virginali conceptione fateamur: propter quam personæ unitatem indifferenter, atque promiscuè, & quæ Dei sunt propria, tribuuntur homini, & quæ carnis propria, adscribuntur Deo. Inde est enim, quod divinitus scriptum est, & filium hominis descendisse de cælo, & Dominum majestatis crucifixum in terra. Inde etiam est, ut carne Domini facta, carne Domini creata, ipsum Verbum Dei factum, ipsa sapientia Dei impleta, scientia creata dicitur; sicut in præsentia manus ipsius, & pedes ejus fossi esse referuntur. Per hanc, inquam, personæ unitatem, illud quoque similis mysterij ratione perfectum est, ut carnæ Verbi ex integra matre nascentis, ipse Deus Verbum natus ex virgine catholicissimè credatur, impiissimè denegetur. Quæ cum ita sint, absit, ut quisquam sanctam Mariam divinæ gratiæ privilegijs, & speciali gloria fraudare conetur, est .n. singulari quodam Domini, ac Dei nostri, filii autem sui munere verissimè, ac beatissimè theotocos confitenda. Sed non eo modo theotocos, quo impia quædam hæresis suspicatur, quæ asserit, eam Dei matrè sola appellatione dicendam, quod eū .s. peperit hominem qui postea factus est Deus; sicut dicimus Presbiteri matrem, aut Episcopi matrem, non iam Presbiterum, aut Episcopum pariendo, sed eum generando hominem, qui postea Presbyter, vel Episcopus factus est. Non ita, inquam, sancta Maria theotocos: sed

Ioan. 3
1 Cor. 2

E c. ideo

Ideo potius, quoniam, ut supra dictum est, jam in eius sacrato utero sacrosanctum illud mysterium perpetratum est, quod propter singularem quandam, atque unicam personæ unitatem, sicut Verbum in carne caro, ita homo in Deo, Deus est.

CAP. XXII.

Sed iam ea, quæ supra de memoratis hæresibus, vel de catholica fide breviter dicta sunt, renovandæ causæ memoriæ brevius, strictiusque repetamus; quo scilicet, & intelligantur iterata plenius, & firmius inculcata teneantur. Anathema igitur Photino, non recipienti plenitudinem Trinitatis, & Christum, hominem tantummodo solitarium prædicanti. Anathema Apollinari, asserenti in Christo conversæ divinitatis corruptionem, & auferenti perfectæ humanitatis proprietatem. Anathema Nestorio, neganti ex Virgine Deum natum, asserenti duos Christos, & explosa Trinitatis fide, quaternitatem nobis introducanti. Beata verò catholica Ecclesia, quæ unum Deum in Trinitatis plenitudine, & item Trinitatis æqualitatem in una Divinitate veneratur; ut neque singularis substantiæ personarum confundat proprietatem, neque item Trinitatis distinctio unitatem separet Deitatis. Beata, inquam, Ecclesia, quæ in Christo duas veras, perfectasque substantias, sed unam Christi credit esse personam, ut neque naturarum distinctio unitatem personæ dividat, neque item personæ unitas differentiam confundat substantiarum. Beata, inquam, Ecclesia, quæ
ut

ut unum semper Christum, & esse, & fuisse facteatur. unitum hominem Deo, non post partum, sed jam in ipso matris utero confitetur. Beata, inquam, Ecclesia, quæ Deum factum hominem non conversione naturæ, sed personæ ratione, intelligit; personæ autem non simulatoriæ, & transeuntis, sed substantivæ, ac permanentis. Beata, inquam Ecclesia, quæ hanc personæ unitatem tantam vim habere, prædicat; ut propter eam miro, ineffabilique mysterio & divina homini, & Deo adscribat humana. Nam propter eam, & hominem de cælo, secundum Deum, descendisse non abnegat; & Deum, secundum hominem, credit in terra factum, passum, & crucifixum. Propter eam denique, & hominem Dei filium, & Deum filium Virginis confitetur. Beata, igitur, ac veneranda, benedicta, & sacrosancta, & omnino supernæ illi angelorum laudationi comparanda confessio, quæ unum Dominum Deum trina sanctificatione glorificat. Idcirco etenim vel maxime unitatem Christi prædicat, *Dent. 13* ne mysterium Trinitatis excedat. Hæc in excursu dicta sint, aliàs, si Deo placuerit, uberius tractanda, & explicanda. Nunc ad propositum redeamus.

CAP. XXIII.

Dicebamus ergo in superioribus quòd in Ecclesia Dei tentatio esset populi, error magistri, & tanto maior tentatio, quanto ipse esset doctior, qui erraret. Quod primum Scripturæ auctoritate, deinde ecclesiasticis docebamur exemplis, eorum scilicet commemoratio-

ne, qui cū aliquandiu sanæ fidei forent habitī, ad extremum tamen, aut in alienam decidissent sectam, aut ipsi suam hæresim condidissent. Magna profectō res, & ad discendum utilis, & ad recolendum necessaria; quā etiam, atque etiam exemplorum molibus illustrare, atque inculcare debemus; ut omnes verē catholici noverint se cum Ecclesiā doctores recipere, non cum doctoribus Ecclesiæ fidem deferere, debere. Sed ego ita arbitror, quōd cū multos in hoc tentandi genere proferre valeamus, nemo penē sit qui Origenis tentationi valeat comparari: in quo plura adeo præclara, adeo singularia, adeo mira extiterunt, ut inter initia habendam cunctis assertionibus ejus fidem qui vis faciliē iudicaret. Nam si vita facit auctoritatem, magna illi industria, magna pudicitia, patientia, tolerantia. Si genus, vel eruditio; quid eo nobilius, qui primū in ea domo natus est, quæ est illustrata martyrio, deinde pro Christo non solū patre, sed omni quoque facultate privatus, tantū inter sanctæ paupertatis profecit angustias, ut pro nomine dominicæ confessionis sapius, ut ferunt, affligeretur. Neque verō hæc in illo sola erant, quæ cuncta postea tentationi forent; sed tanta etiam vis ingenij, tam profundi, tam acris, tam elegantis, ut omnes penē multū, longēque superaret: tanta doctrinæ, ac totius eruditionis magnificentia, ut pauca forent divinæ, penē fortasse nulla humanæ philosophiæ, quæ non penitus assequeretur: cujus scientiæ cū Græca concederent, Hebræa quoque elabora-

borata sunt. Eloquentiam verò quid memorem, cujus fuit tam amœna, tam lactea, tam dulcis oratio, ut mihi ex ore ipsius, non tam verba, quàm mella quædam fluxisse videantur? Quæ non ille persuasum difficilia disputandi viribus elimpidavit? quæ factu ardua, non ut facillima viderentur, effecit? Sed forsitan argumentorum tantummodo nexibus assertiones suas texuit? Immo planè nemo unquam magistrorum fuit, qui pluribus divinæ legis uteretur exemplis. Sed, credo, pauca conscripsit? Nemo mortalium plura; ut mihi sua omnia non solùm non perlegi; sed ne inveniri quidem posse, videantur. Cui ne quidquam ad scientiæ instrumenta deesset, etiam plenitudo exabundavit etatis. Sed forsitan discipulis parùm felix? Quis unquam felicior? Nempe innumeri ex sinu suo Doctores, innumeri Sacerdotes, Confessores, & Martyres extiterunt. Iam verò quanta apud omnes illius admiratio, quanta gloria, quanta gratia fuerit, quis exequi valeat? Quis non ad eum paulò religiosior ex ultimis mundi partibus advolavit? Quis Christianorum non penè ut Prophetam, quis Philosophorum, non ut magistrum veneratus est? Quàm autem non solùm privatæ conditioni, sed ipsi quoque fuerit reverendus Imperio, declarant historiæ, quæ eum à matre Alexandri Imperatoris accitum ferunt? cælestis utique sapientiæ merito, cuius illa gratia, & amore flagrabat. Sed & ejusdem epistolæ de hoc testimonium perhibent, quas ad Philippum Imperatorem, qui primus

Romanorum Principum Christianus fuit, Christiani magisterii auctoritate conscripsit. De cuius incredibili quadam scientia, si quis, referentibus nobis, Christianum non accipit testimonium, saltem testificantibus Philosophis, gentilem recipiat confessionem. Ait namque impius ille Porphyrius, excitum se fama ipsius Alexandriam ferè puerum perexisse, ibique eum vidisse iam senem, sed planè talem, tantumque, qui arcem totius scientiæ condidisset. Dies me citius defecerit, quàm ea, quæ in illo viro præclara exciterunt, vel ex minima saltem parte, perstringam: quæ tamen omnia non solum ad religionis gloriam, sed etiam ad tentationis magnitudinem pertinebant. Quotus enim quisque tanti ingenii, tantæ doctrinæ, tantæ gratiæ virum à se facile deponeret, ac non illa potius uteretur sententia, se cum Origene errare malle, quàm cum aliis vera sentire? Et quid plura? Eò res decidit, ut tantæ personæ, tanti doctoris, tanti prophetæ, non humana aliqua, sed, ut exitus docuit, nimium periculosa tentatio plurimos à fidei integritate deduceret. Quamobrem hic Origenes tantus, ac talis, dum gratia Dei insolentiùs abutitur, dum ingenio suo nimium indulget, sibi que satis credit, cum parvipendit antiquam Christianæ religionis simplicitatem, dum se plus cunctis sapere præsumit, dum ecclesiasticas traditiones, & veterum magisteria contemnens, quædam scripturarum capitula novo more interpreta-
tur, meruit, ut de se quoque Ecclesiæ Dei diceretur: *Si surrexerit in medio tui Propheta,*
Et

Et paulò post: *Non audies*, inquit, *verba Prophetæ illius*. Et item: *Quia tentat vos*, inquit *Dominus Deus vester, utrum diligatis eum, an non*. Verè non solùm tentatio, sed etiam magna tentatio, dedicam sibi, atque in se pendentem Ecclesiam admiratione ingenii, scientiæ, eloquentiæ, conversationis, & gratiæ, nihil de se suspicantem, nihil verentem, subito à veteri religione in novam profanitatem sensim, paulatimque traducere. Sed dicet aliquis, corruptos esse Origenis libros. Non resisto: quin potius & malo. Nam id à quibusdam, & traditum, & scriptum est, non catholicis tantum, sed etiam hereticis: sed illud est, quod nunc debemus advertere, etsi non ipsum, libros tamen sub nomine suo editos, magnæ esse tentationis: qui multis blasphemiarum vulnibus scatentes, non ut alieni, sed quasi sui, & leguntur, & amantur; ut etsi in errore concipiendi Origenis non fuit sensus, ad errorem tamen persuadendum Origenis auctoritas valere videatur.

CAP. XXIV.

SEd, & Tertulliani quoque eadem ratio est. Nam sicut illi apud Græcos, ita hic apud Latinos nostrorum omnium facilè princeps, iudicandus est. Quid enim hoc viro doctius, quid in divinis, atque humanis rebus exercitatus. Nempè omnem philosophiam & cunctas Philosophorum sectas, auctores, assertoresque sectarum, omnesque eorum disciplinas, omnem historiarum, ac studiorum varietatem mira quadam mentis capacitate com-

plexus est. Ingenio verò nonne tam gravi, ac vehementi excelluit, ut sibi nihil penè ad expugnandum proposuerit, quod non aut acumine irruerit, aut pondere eliserit? Iam, porrò orationis suæ laudes quis exequi valeat, quæ tanta nescio qua rationum necessitate conferta est, ut ad consensum sui, quos suadere non potuerit, impellat; cuius quot penè verba, tot sententiæ sunt, quot sensus, tot victoriæ. Sciunt hoc Marciones, Apelles, Praxeæ, Hermogenes, Iudei, Gentiles, Gnostici, cæterique; quorum illè blasphemias multis, ac magnis voluminum suorum molibus, velut quibusdam fulminibus evertit. Et tamen hic quoque post hæc omnia, hic, inquam, Tertullianus, catholici dogmatis, idest universalis, ac vetustæ fidei parùm tenax, ac disertior multò, quàm felicior, mutata deinceps sententia, fecit ad extremum, quod de eo beatus Confessor Hilarius quodam loco scribit: *Sequenti*, inquit, *errore detraxit scriptis probabilibus auctoritatem*. Et fuit ipse quoque in Ecclesia magnæ tentatio. Sed de hoc nolo plura dicere. Hoc tantùm commemorabo, quòd contra Moyse præceptum exurgentes in Ecclesia novellas Montani furias, & insana illa insanarum mulierum novitii dogmatis somnia veras prophetias, asseverando, mernit, ut de se quoque, & scripturis suis diceretur: *Si surrexerit in medio tui Propheta*. Et mox: *Non audies verba Propheta illius*. Quare? *Quia*, inquit, *tentat vos Dominus Deus vester, utrum diligatis eum, an non*. His igitur tot, ac tantis, cæterisq. eiusmodi ec-
cle-

Hilarius
in Matth.
e, 5

clasticorum exemplorum molibus evidenter
advertere, & secundum Deuteronomi leges lu-
ce clarius intelligere debemus, quod si quando
aliquis ecclesiasticus magister à fide aberrave-
rit, ad tentationem id nostram fieri providen-
tia divina patiatur; utrum diligamus Deum,
an non, toto corde, & in tota anima nostra.

CAP. XXV.

QUæ cum ita sint, ille est verus, & germanus
catholicus, qui veritatem Dei, qui Ec-
clesiam, qui Christi corpus diligit, qui di-
vine religioni, qui catholice fidei nihil præpo-
nit, non hominis cuiuspiam auctoritatem, non
amorem, non ingenium, non eloquentiam,
non philosophiam, sed hæc cuncta despiciens,
& in fide fixus, & stabilis permanens, quidquid
universaliter antiquitus Ecclesiam catholicam
tenuisse cognoverit, id solum sibi tenendum,
credendumque decernit; quidquid verò ab
aliquo deinceps uno, præter omnes, vel contra
omnes sanctos, novum, & inauditum subinduci
senferit, id non ad religionem, sed ad tenta-
tionem potius intelligat pertinere; tum præ-
cipue beati Apostoli Pauli eruditus eloquiis;
hoc est enim, quod in prima ad Corinthios epi-
stola scribit: *Oportet, inquit, & hæreses esse, ut
probat manifesti fiant in vobis.* Ac si diceret:
Ob hoc hæreseon non statim divinitus eradi-
cantur auctores, ut probati manifesti fiant, id
est, unusquisque quam tenax, & fidelis, & fixus
catholice fidei sit amator, appareat. Et revera
cum quæque novitas ebullit, statim cernitur
frumentorum gravitas, & levitas palearum; tunc
fine

1 Cor. 11

sine magno molimine excutitur ab area, quod nullo pondere intra aream tenebatur. Namque alii illicò prorsus avolant; alii verò tantummodo excussi, & perire metuunt, & redire erubescunt saucii, semineces, semi-vivi; quippe qui tantam veneni hanserint quantitatem, quæ nec occidat, nec digeratur, nec mori cogat, nec vivere sinat. Heu miserranda conditio! quantis illi curarum æstibus, quantis turbini- bus exagitantur. Nunc etenim, quæ ventus impulerit, incitato errore rapiuntur; nunc in semetipsos reversi, tanquam contrarii fluctus reliduntur; nunc temeraria præsumptione, & ea quæ incerta videntur approbant; nunc irra- tionali metu, etiam quæ certa sunt expave- scunt; incerti, quæ eant, quæ redeant, quid appetant, quid fugiant, quid teneant, quid dimittant. Quæ quidem dubii, & malè penduli cordis afflictio, divinæ erga se miserationis est medicina, si sapiant. Idcirco etenim extra tutissimum catholicæ fidei portum diversis co- gitationum quatuntur, verberantur, ac penè enecantur, procellis, ut excussa in altum elatae mentis vela deponant, quæ malè novitatum ventis expanderant, seseque infra fidissimam stationem placida, ac bonæ matris reducant, & teneant, atque amaros illos, turbulentosque errorum fluctus primitus revomant, ut possint deinceps vivæ, & salientis aquæ fluentia potare. Dediscant bene quod didicerant non bene, & ex toto Ecclesiæ dogmate, quod intellectu capi potest, capiant; quod non potest, credant.

CAP. XXVI.

QUæ cum ita sint ; iterum , atque iterum , eadem mecum revolvens , & reputans , mirari satis nequeo tantam quorundam hominum vesaniam , tantam excœcata mentis impietatem , tantam postremò errandi libidinem , ut contenti non sint tradita semel , & accepta antiquitus credendi regula ; sed nova , ac nova indiem quærant , semperque aliquid gestiant religioni addere , mutare , detrahere . Quasi non cœleste dogma sit , quod semel revelatum esse , sufficiat ; sed terrena institutio , quæ aliter perfici , nisi assidua emendatione , immo potius reprehensione , non possit ; cum divina clament oracula : *Ne transferas terminos , quos posuerunt patres tui . Et : Super iudicantem ne iudices . Et : Scindentem sapem mordebit eum serpens .* Et illud apostolicum , quo omnes omnium hæreseon scelertatæ novitates , velut quodam spiritali gladio sepe truncatæ semperque truncandæ sunt : *O Timothee , depositum custodi , devitans profanas vocum novitates , & oppositiones falsi nominis scientiæ , quam quidam promittentes , circa fidem exciderunt .* Et post hæc inveniuntur aliqui tanta inveteratæ frontis duritia , tanta impudentiæ incude , tanto adamante pertinaciæ , qui tantis eloquiorum cœlestium molibus non succumbant , tantis ponderibus non fatiscant , tantis malleis non conquassentur , tantis postremò fulminibus non conterantur ? *Devita* , inquit , *profanas vocum novitates .* Non dixit *antiquitates* , non dixit *verustates* . Immo planè quid è contrario , sequeretur , ostendit . Nam si viranda

Prov. 12

Eccl. 8

Eccl. 30

1 Tim. 6

da est novitas, tenenda est antiquitas: etsi profana est novitas; sacrata est vetustas: *Et op. positionis*, inquit, *falsi nominis scientia*. Verè falsum nomen apud doctrinas hereticorum; ut ignorantia scientiæ, & caligo serenitatis, & tenebræ luminis appellatione fucuntur. *Quam quidam*, inquam, *promittentes*, *circa fidem exciderunt*. Quid promittentes, exciderunt, nisi novam, nescio quam. ignoratamq. doctrinam? Audias etenim quosdam ipsorū dicere: Venite ò insipientes, & miseri, qui vulgò catholici vocamini, & discite fidem veram, quam præter nos nullus intelligit, quæ multis ante seculis latuit, nuper verò revelata, & ostensa est, sed discite furtim, atque secretim, delectabit enim vos. Et item. Cū didiceritis, latenter docete; ne mundus audiat, nec Ecclesia sciat. Paucis namque concessum est tanti mysterii capere secretum. Nonne hæc verba sunt illius meretricis, quæ apud Salomonis proverbium vocat ad se prætereuntes viam, qui dirigunt iter suum?

Prov. 6 *Qui est*, inquit, *vestrum insipientissimus*, *divertat ad me*. Inopes autem sensu exhortatur, dicens: *Panes occultos*, *libenter attingite*, & *aquam dulcem furtim bibite*. Quid deinde? *At ille*, inquit, *nescit quomodo terrigenæ apud eam pereant*. Qui sunt isti terrigenæ. Exponat Apostolus: *Qui circa fidem*, inquit, *exciderunt*.

CAP. XXVII.

SEd operæpretium est totum ipsum Apostoli capitulum diligentius pertractare. *O Timothee*, inquit, *depositum custodi*, *deuitans profanas vocum novitates*, *O!* Exclamatio ista & præ-

& præscientiæ est pariter, & charitatis. Prævidēbat .n. futuros, quos etiā prædolebat, errores. Quid est hodie *Timotheus*, nisi vel generaliter universa Ecclesia, vel specialiter totū corpus præpositorum, qui integram divini cultus scientiam, vel habere ipsi debent, vel aliis infundere? Quid est, *depositum custodi*? Custodi, inquit, propter fures, propter inimicos; ne dormientibus hominibus, superfement zizania super illud tritici bonū semen, quod seminaverat filius hominis in agro suo. *Depositum*, inquit, *custodi*. Quid est *depositum*? id est, quod tibi creditum est, non quod à te inventum, quod accepisti, nō quod excogitasti; rem nō ingenii, sed doctrinæ; nō usurpationis private, sed publicæ traditionis; rem ad te perductam, non à te prolata; in qua non auctor debes esse, sed custos; non institutor, sed sectator; non ducens, sed sequens. *Depositum*, inquit, *custodi*: catholicæ fidei talentum inviolatū, illibatūq. conserva. Quod tibi creditū, hoc penes te maneat, hoc à te tradatur. Aurum accepisti, aurum redde, nolo mihi pro aliis alia subicias, nolo pro auro, aut impudenter plumbum, aut fraudulenter æramenta supponas, nolo auri speciem, sed naturam planè. O *Timothee*, o Sacerdos, o Tractator, o Doctor, si te divinum munus idoneum fecerit, ingenio, exercitatione, doctrina, esto spiritualis tabernaculi Beseleel, pretiosas divini dogmatis gemmas exculpe, fideliter coapta, adorna sapienter, adice splendorem, gratiam, venustatem. Intelligatur te exponente illustrius, quod antea obscurius credebatur. Per te posteritas intellectū

gra-

gratuletur, quod antè vetustas non intellectum venerabatur. Eadem tamen, quæ didicisti, doce; ut cum dicas novè, non dicas nova.

CAP. XXVIII.

Sed forsitan dicit aliquis: Nullusne ergo in Ecclesia Christi profectus habebitur religionis? Habeatur planè, & maximus. Nam quis ille est tam invidus hominibus, tam exosus Deo, qui istud prohibere conetur? Sed ita tamen, ut verè profectus sit ille fidei, non permutatio. Siquidem ad profectum pertinet, ut in semetipsum unaquæque res amplificetur; ad permutationem verò, ut aliquid ex alio in aliud transvertatur. Crescat igitur oportet, & multum, vehementerque proficiat, tam singulorum, quàm omniũ, tam unius hominis, quàm totius Ecclesiæ, ætatum, ac seculorum gradibus, intelligentia, scientia, sapientia; sed in suo dumtaxat genere, in eodem scilicet dogmate, eodem sensu, eademque sententia.

CAP. XXIX.

Imitetur animarum religio rationem corporum: quæ licèt annorum processu numeros fuosevolvant, & explicent, eadem tamen, quæ erant permanent. Multum interest inter pueritiæ florem, & senectutis maturitatem; sed eadem tamen ipsi fiunt senes, qui fuerant adolescentes; ut quamvis unius, ejusdemque hominis status, habitusque mutetur, una tamen nihilominus, eademque natura, una, eademque persona sit. Parva lactentium membra, magna juvenum; eadem ipsa sunt tamen. Quot parvulorum artus, tot virorum; & si quæ illa sunt quæ

quæ evi maturioris ætate pariuntur, jam in semina ratione proferta sunt; ut nihil postea novum proferatur in senibus, quod non in pueris jam antè latitaverit. Vnde non dubium est hanc esse legitimam, & rectam proficiendi regulam, hunc ratum, atque pulcherrimum crescendo ordinem, si eas semper in grandioribus partes, ac formas numerus detexat ætatis, quas in parvulis creatoris sapientia præformaverat. Quod si humana species in aliquam deinceps non sui generis vertatur effigiem, aut certè addatur quippiam membrorum numero, vel detrahatur, necesse est ut totum corpus, vel intercidat, vel prodigiosum fiat, vel certè debilitetur. Ita etiam Christianæ religionis dogma sequatur has decet profectuum leges; ut annis scilicet consolidetur, dilatetur tempore, sublimetur ætate, incorruptum tamen, illibatumque permaneat, & universis partium suarum mēsuris, cunctisq. quasi membris, ac sensibus propriis plenum, atque perfectum sit, quod nihil præterea permutationis admittat, nulla proprietatis dispendia, nullam definitionis sustineat varietatem.

CAP. XXX.

EXempli gratia. Severunt majores nostri antiquitus in Ecclesiastica segete triticeæ fidei semina: iniquum valdè, & incongruum est ut nos eorum posterum pro germani veritate frumenti, subditium zizaniæ legamus errorem. Quin potius hoc rectum, & consequens est, ut primis, atque extremis sibi met non discrepantibus, de incrementis triticeæ institutionis triticeæ

cei quoque dogmatis frugem demetamus; ut cum aliquid ex illis seminum primordiis accessu temporis evolvatur, & nunc letetur, & excolatur, nihil tamen de germinis proprietate mutetur: addatur licet species, forma, distinctio, eadem tamen cujusque generis natura permaneat. Absit etenim ut rosea illa catholici sensus plantaria in carduos, spinasque vertantur. Absit, inquam, ut in isto spiritali Paradiso, de cynamomi, & balsami furculis lolium repente, atque aconita proveniant. Quodcunque igitur in hac Ecclesie Dei agricultura fide patrum fatum est, hoc idem filiorum industria decet, excolatur, & observetur, hoc idem floreat, & maturefcat, hoc idem proficiat, & proficiatur. Fas est etenim, ut prisca illa celestis philosophie dogmata processu temporis excurentur, limentur, poliantur; sed nefas est, ut commutentur, nefas ut detruncantur, ut mutilentur. Accipiant licet evidentiam, lucem, distinctionem; sed retineant necesse est plenitudinem, integritatem, proprietatem. Nam si semel admitta fuerit hæc impiæ fraudis licentia, horreo dicere, quantum excindendæ, atque abolendæ religionis periculum consequatur.

CAP. XXXI.

Abdicata etenim qualibet parte catholici dogmatis, alia quoque, atque item alia, ac deinceps alia, & alia, jam quasi ex more, & licito, abdicabuntur. Porro autem singillatim partibus repudiatis, quid aliud ad extremum sequetur, nisi ut totum pariter repudietur? Sed & contra, si novitia veteribus, extranea do-

domesticis, & profana sacratis admisceri ceperint, proserpat hic mos in universum, necesse est, ut nihil posthac apud Ecclesiam relinquatur intactum, nihil illibatum, nihil integrum, nihil immaculatum, sed sit ibidem deinceps impiorum, ac turpium errorum lupanar, ubi erat antè castè, & incorruptè sacrarium veritatis. Sed avertat hoc à suorum mentibus nefas divina pietas, sitque hic potius impiorum furor.

CAP. XXXII.

CHristi verò Ecclesia, sedula, & cauta depositorum apud se dogmatum custos, nihil in his unquam permutat, nihil addit, non amputat necessaria, non apponit superflua, non amittit sua, nō usurpat aliena; sed omni industria hoc unū studet, ut vetera fideliter, sapiēterque tractando, si qua sunt illa antiquitūs informata, & incoata, accuret, & poliat; si qua iam cōfirmata, & definita, custodiat. Denique quid unquā aliud Conciliorū decretis, enīsa est, nisi ut quod antea simpliciter credebatur, hoc idem postea diligētius crederetur, quod antea lentius predicabatur, hoc idem postea instantius predicaretur, quod antea securius colebatur, hoc idem postea sollicitius excoleretur. Hoc, inquam, semper neq. quicquam præterea, hæreticorum novitatibus excitata, Conciliorum suorum decretis catholica perfecit Ecclesia, nisi, ut quod prius à maioribus sola traditione susceperat, hoc deinde posteris etiam per scripturæ chirographum consignaret, magnam rerum summam paucis literis comprehendendo, & plerumque propter intelligentiæ lucem,

non novum fidei sensum novę appellationis proprietate signando.

CAP. XXXIII.

1 Cor. 5
Ican. 2.

Sed ad Apostolum redeamus. *O Timothee*; inquit, *depositum custodi, devitans profanas vocum novitates*. Devitā, inquit, quasi viperā, quasi scorpionē. quasi basiliscū; ne te non solum tactu, sed etiam visu, afflatuq. percūtiant. Quid est *Devita*? *Si quis*, inquit, *venit ad vos, & hanc doctrinam non affert*. Quam doctrinam, nisi catholicam, & universalem, & unam eandemque per singulas ætatum successiones incorrupta veritatis traditione manentem, & usque in sæcula sine fine mansuram? Quid tum? *Nolite*, inquit, *recipere eum in donum, nec aue ei dixeritis. Qui enim dicit illi aue, communicat operibus eius malignis*. Profanas, inquit, *vocum novitates*. Quid est *profanas*? Quę nihil habent sacri, nihil religiosi, ab Ecclesię penetralibus, quę est templum Dei, penitus extraneas.

CAP. XXXIV.

Profanas, inquit, *vocum novitates*. Vocum, id est, dogmatum; rerum; sententiarum novitates, quę sunt vetustati, atque antiquitati contrarię: quę si recipiantur, necesse est, ut fides beatorum patrum, aut tota, aut certè magna ex parte violetur; necesse est: ut omnes omnium ætatum fideles, omnes sancti, omnes casti, continentes, virgines, omnes Clerici, Levitę, & Sacerdotes, tanta Confessorum millia, tanti Martyrum exercitus, tanta urbium, tanta populorum celebritas, & multitudo, tot insulę, provincię, Reges, gentes, regna, na-
cio-

tiones, totus postremò jam penè terrarum orbis per catholicam fidem Christo capiti incorporatus, tanto seculorum tractu ignorasse, errasse, blasphemasse, nescisse quid crederet, pronuntietur. *Profanas*, inquit, *vocum novitates denita*? quas recipere, atque sectari, nunquam catholicorum, semper verò hæreticorum fuit. Et revera, quæ unquam hæresis, nisi sub certo nomine, certo loco, certo tempore, ebullivit? Quis unquam hæreses instituit, nisi qui se prius ab Ecclesiæ catholicæ universitatis & antiquitatis consensione discreverit? Quod ita esse luce clarius exempla demonstrant: Quis enim unquam ante profanum illum Pelagium tantam virtutem liberi præsumpsit arbitrij, ut ad hoc in bonis rebus per actus singulos adiuvandum necessariam Dei gratiam, non putaret? Quis ante prodigiosum discipulum ejus Celestium, reatu prævaricationis Adæ, omne genus humanum negavit adstrictum? Quis ante sacrilegum Arium Trinitatis unitatem discindere, quis ante sceleratum Sabellium unitatis Trinitatem confunderè ausus est? Quis ante crudelissimum Novatianum, crudelem Deum dixit, eò quòd mallet mortem morientis, quàm ut revertatur, & vivat? Quis ante magum Simonem, Apostolica districtione percussum, (à quo vetus ille turpitudinum gurgis usque in novissimum Priscillianum continua, & occulta successione manavit) auctorem malorum, i. e. scelerum, impietatum, flagitiorumque nostrorum ausus est dicere creatorem Deum? Quippe quem asserit talem hominum manibus ipsam suis creare naturam

ram quæ proprio quodam motu, & necessariè
 cuiusdam voluntatis impulsu, nihil aliud possit,
 nihil aliud velit, nisi peccare, eò quod furis
 omnium vitiorum exagitata, & inflammata in
 omnium turpitudinum barathra inexhausta,
 cupiditate rapiatur. Innumera sunt talia, quæ
 brevitatis studio prætermittimus: quibus ta-
 men cunctis satis evidenter perspicuèque mon-
 stratur hoc apud omnes ferè hæreses quasi so-
 lemne esse, ac legitimum, ut semper profanis no-
 vitatibus gaudeant, antiquitatis scita fasti-
 diant, & per oppositiones falsi nominis scien-
 tiæ, a fide naufragent. Contrà verò catholi-
 corum hoc verè proprium, deposita sanctorum
 patrum, & commissa servare, damnare profa-
 nas novitates, & sicut dixit, atque iterum præ-
 dixit Apostolus, *si quis annuntiaverit præter-*
quam quod acceptum est, anathema sit.

Galat. 1

Hic fortasse aliquis interroget, an & hæretici
 divinæ scripturæ testimoniis utantur. Utuntur
 planè, & vehementer quidem. Nam videas,
 eos volare per singula quæque sanctæ legis vo-
 lumina, per Moyse, per Regum libros, per
 Psalmos, per Apostolos, per Evangelia, per
 Prophetas. Sive enim apud suos, sive alienos,
 sive privatim, sive publicè, sive in sermoni-
 bus, sive in libris, sive in conviviis, sive in
 plateis, nihil unquam penè de suo proferunt
 quod non etiam Scripturæ verbis adumbrare
 conentur. Lege Pauli Samosatani opuscula,
 Priscilliani, Eunomii, Ioviniani, reliquarum-
 que pestium; cernas infinitam exemplorum
 congeriem, propè nullam omitti paginam,
 quæ

quæ non novi, aut veteris Testamenti sententiis fucata, & colorata sit. Sed tantò magis cavendi, & pertimescendi sunt, quanto occultius sub divinæ legis umbraculis latitant. Sciunt enim, factores suos nulli ferè citò esse placituros, si nudi, & simplices exhalentur; atque idcirco eos cœlestis eloquij, velut quodam aromate aspergunt, ut ille, qui humanum faciliè despiceret errorem, divina non faciliè contemnat oracula. Itaque faciunt, quod hi solent, qui parvulis austeram quædam temperaturi pocula, priùs oras melle circumlinunt; ut incauta ætas cum dulcedinem præsenferit, amaritudinem non reformidet. Quod etiam iis curæ est, qui mala gramina, & novos succos medicaminū vocabulis præcolorant; ut nemo ferè, ubi superscriptum legerit remedium, suspicetur venenum.

CAP. XXXVI.

INde denique, & Salvator clamabat: *Attendite vobis à pseudoprophetis, qui veniunt ad vos in vestitu ovium, at intus autem sunt lupi rapaces.* Quid est vestitus ovium, nisi Prophetarum, & Apostolorum proloquia; quæ iidem, ovili quadam sinceritate, agno illi immaculato, qui tollit peccatum mundi, tanquam vellera quædam texuerunt? Qui sunt lupi rapaces, nisi sensus hæreticorum, feri & rabidi, qui caulas Ecclesiæ semper infestant, & gregem Christi quaqua possunt, dilacerant? Sed ut fallaciùs incautis ovibus obrepant, manente luporum ferocia, deponunt lupinam speciè, & sese divinæ legis sententiis, velut quibusdam velleribus obvolvunt; ut cum

Matth. 7

quisque lanarum molliem presenserit, nequaquam aculeos dentium pertimescat. Sed quid ait Salvator? *Ex fructibus eorum cognoscetis eos*, id est: Cum cœperint divinas illas voces non jam proferre tantum, sed etiam exponere, nec adhuc jactare solum, sed etiam interpretari; tunc amaritudo illa, tunc acerbitas, tunc rabies intelligetur, tunc novitium virus exhalabitur, tunc profanæ novitates aperientur; tunc primum scindi sapem videas, tunc transferri patrum terminos, tunc catholicam fidem cædi, tunc ecclesiasticum dogma lacerari.

XXXVII.

TAles erant ii, quos percutit Apostolus Paulus in secunda ad Corinthios, dicens: *Nam eiusmodi*, inquit, *pseudoapostoli sunt operarii subdoli, transfigurantes se in Apostolos Christi*. Quid est *transfigurantes se in Apostolos Christi*? Proferebant Apostoli divinæ legis exempla; proferebant & illi. Proferebant Apostoli psalmorum auctoritates; proferebant & illi. Proferebant Apostoli sententias Prophetarum; & illi nihilominus proferebant. Sed cum ea, quæ similiter protulerant, interpretari non similiter cœpissent; tunc simplices à subdolis, tunc infucati à fucatis, tunc recti à perversis, tunc postremo veri Apostoli à falsis Apostolis discernebantur. *Et non mirum*, inquit, *ipse enim Satanas transfigurat se in angelum lucis*. Non est ergo magnum si ministri ejus transfigurantur, sicut ministri justitiæ. Ergo, secundum Apostoli Pauli magisterium, quotiescunque vel pseudoapostoli, vel pseudoprophetæ, vel pseu-

pseudodoctores divinæ legis sententias proferrunt, quibus malè interpretatis errores suos adstruere conentur, non dubium est, quin auctoris sui callida machinamenta sectentur; quæ ille nunquam profectò comminisceretur, nisi sciret omnino, nullam esse ad fallendum faciliorem viam, quàm ut ubi nefarii erroris subinducitur fraudulentia, ibi divinorum verborum prætendatur auctoritas.

CAP. XXXVIII.

Sed dicet aliquis: Unde probatur, quia sacræ legis exemplis diabolus uti soleat? Legat Evangelia, in quibus scribitur: *Tunc assumpsit illum diabolus, id est, Dominum Salvatorem; & statuit illum super pinnam templi, & dixit ei: Si filius Dei es, mitte te deorsum. Scriptum est enim, quod angelis suis mandavit de te, ut custodiant te in omnibus vijs tuis; in manibus tollent te, ne forte offendas ad lapidem pedem tuum.* Quid hîc faciet misellis hominibus, qui ipsum Dominum majestatis Scripturarum testimoniis appetivit? *Si, inquit, filius Dei es, mitte te deorsum.* Quare? *Scriptum est enim,* inquit. Magnoperè nobis doctrinâ loci istius attendenda, atque retinenda est; ut tanto evangelicæ auctoritatis exemplo, quando aliquos apostolica, seu prophetica verba proferre contra catholicam fidem viderimus, diabolum per eos loqui minimè dubitemus. Nam sicut tunc caput capiti, ita nunc quoque membra membris loquuntur, membra scilicet diaboli membris Christi, perfidi fidelibus, sacrilegi religiosis, hæretici postremò catholicis. Sed quid tandem

Matth. 4

dicunt? Si, inquit, *filius Dei es, mitte te deorsum.* Hoc est. Si filius esse vis Dei, & hereditatem regni cœlestis accipere, mitte te deorsum, id est, ex istius te sublimis Ecclesiæ, quæ etiam templum Dei putatur, doctrina, & traditione demitte. Ac si quis interroget quempiam hæreticorum, sibi talia persuadentem. Unde probas, unde doces, quòd Ecclesiæ catholicæ universalem, & antiquam fidem dimittere debeam? Statim ille: *Scriptum est enim.* Et continuò mille testimonia, mille exempla, mille auctoritates parat, de Lege, de Psalmis, de Apostolis, de Prophetis: quibus novo, & malo more interpretatis, ex arce catholica in hæreseos barathrum infelix anima præcipitur. Iam verò illis, quæ sequuntur, promissionibus, miro modo incautos homines hæretici decipere consueverunt. Audent etenim polliceri, & docere, quòd in Ecclesia sua, id est, in communionis suæ conventiculo, magna, & specialis, ac planè personalis quædam sit Dei gratia, adèd ut sine ullo labore, sine ullo studio, sine ulla industria etiamsi nec petant, nec quærant, nec pulsant, quicumque illi ad numerum suum pertinent, tamen ita divinitus dispensentur, ut angelicis evecti manibus, id est, angelica protectione servati, nunquam possint offendere ad lapidem pedem suum, id est, nunquam scandalizari. Sed dicet aliquis: Si divinis eloquiis, sententiis, promissionibus & diabolus, & discipuli eius utuntur, quorum alii sunt pseudoapostoli, alii pseudoprophetæ, pseudomagistri, & omnes ex toto hæretici, quid facient catholici homines, & matris Ecclesiæ filii?

fili? Quonam modo in scripturis sanctis veritatem a falsitate discernet? Hoc scilicet facere magnopere curabunt; quod in principio Commonitorii istius sanctos, & doctos viros nobis tradidisse, scripsimus; ut divinum canonem secundum universalis Ecclesiæ traditiones, & iuxta catholici dogmatis regulas interpretentur; in qua item catholica, & apostolica Ecclesia sequantur, necesse est, universitatem, antiquitatem, consensionem. Et si quando pars contra universitatem, novitas contra vetustatem; unius, vel paucorum errantium dissensio contra omnium, vel certe multo plurium catholicorum consensionem rebellaverit, præferant partis corruptioni universitatis integritatem: in qua eadem universitate, novitatis profanitati, antiquitatis religionem, itemque in ipsa vetustate, unius, sive paucissimorum temeritati, primum omnium generalia, si qua sunt; universalis Concilii decreta præponant; tunc deinde, si id minus est, sequatur quod proximum est, multorum; atque magnorum consentientes sibi sententias, magistrorum. Quibus, adjuvante Domino, fideliter, sobrie, sollicitè observatis, non magna difficultate noxios quosque exurgentium hereticorum deprehendemus errores.

Hic jam consequens esse video, ut exemplis demonstrem quonam modo profanæ hereticorum novitates, prolatis, atq. collatis veterum magistrorum concordantibus sibi met sententiis, & deprehendantur, & condemnentur. Quæ tamen antiqua sanctorum patrum consensio

non in omnibus divina legis quæstiunculis, sed
 solum certè præcipue in fidei regula magno no-
 bis studio & investiganda est, & sequenda. Sed
 neque semper, neque omnes hæreses hoc modo
 impugnandæ sunt, sed novitiæ, recentisque
 tantummodo; cum primum, scilicet exoriuntur, an-
 tequam infalsarint verustæ fidei regulas, ipsius
 temporis verentur angustis, ac priusquam ma-
 nante latius veneno, maiorum volumina vitia
 reconentur. Ceterum dilatare, & inveteratæ
 hæreses nequam hac via aggrediendæ sunt,
 eo quod prolixo temporum tractu longius fu-
 randæ veritatis, patuerit occasio. Atque ideo
 quas cumque illas antiquiores vel schismatum,
 vel hæreseon profanitates nullo modo nos op-
 portet, nisi aut sola, si opus est, Scripturarum
 auctoritate convincere, aut certè iam antiqui-
 tatis universalibus sacerdotum catholicorum,
 conciliis convictas, damnatasque vitare. Itaque
 cum primum mali cuiusque erroris putredo erū-
 pere ceperit, & ad defensionem sui quædam sacræ
 legis verba furari, eaque fallaciter, & fraudulenter
 exponere, statim interpretando canonum majorum
 sententiæ congregandæ sunt; quibus illud quod-
 cumque exurget novitium, ideoque profanum, &
 abque ulla ambage prodatur, & sine ulla retra-
 ctatione damnetur. Sed eorum dumtaxat patrum
 sententiæ conferendæ sunt, qui in fide, & com-
 munionem catholicam, sanctè, sapienter, constan-
 ter viventes, docentes, & permanenter, vel mori
 in Christo fideliter, vel occidi pro Christo feli-
 citer meruerunt. Quibus tamē hac lege creden-
 dum est, ut quidquid vel omnes, vel plures, uno

eodemq. sensu manifestè, frequenter, perseveranter, velut quodam consentiente sibi magistrorum concilio, accipiendo, tenendo, tradendo, firmaverint, id pro indubitato, certo, ratoque habeatur. Quidquid verò, quamvis ille sanctus, & doctus, quamvis Episcopus, quamvis Confessor, & Martyr, præter omnes, aut etiam contra omnes senserit, id inter proprias, & occultas, & privatas opiniunculas à communis, & publicæ, ac generalis sententiæ auctoritate secretum sit; ne cum summo æternæ salutis periculo, iuxta sacrilegam hæreticorum, & schismaticorum consuetudinē, universalis dogmatis antiqua veritate dimissa, unius hominis novitium sectemur errorem.

CAP. XL.

QVorum beatorum patrum sanctum, catholicumq. consensum, ne quis sibi temerè contemnendum fortè arbitretur, ait Apostolus: *Et quosdam quidem posuit Deus in Ecclesia, primum Apostolos,* (quorum ipse unus erat) *secundò prophetas* (qualem in actibus Apostolorum legimus Agabum,) *tertio doctores*, qui tractatores nunc appellantur; quos hic idem Apost. etiam interdum nuncupat, eò quòd per eos Prophetarum mysteria populis aperiantur. Hos ergo in Ecclesia Dei divinitus per tempora. & loca dispensatos quisquis in sensu catholici dogmatis unum aliquid in Christo sentientes contempserit, non hominem contemnit, sed Deum: à quorum veridica unitate ne quis discrepet, impensius obtestatur idem Apostolus dicens: *Obsecro autem vos, fratres, ut* 1. Cor. 12
1. Cor. 1.
idip-

1 Cor. 13

idipsum dicatis omnes, & non sint in vobis schismata: sitis autem perfecti in eodem sensu, & in eadem sententia. Quod si quis ab eorum sententiæ communionē desciverit, audiet illud ejusdem Apostoli: *Non est Deus dissensionis, sed pacis*; (id est, non ejus, qui à consentiendi unitate defecerit, sed eorum, qui in consentiendi pace permanserint) *sicut in omnibus*, inquit, *Ecclesiis sanctorum doceo*, id est, catholicorum; quæ ideo sanctæ sunt, quia in fidei communionē persistunt. Et ne quis forsitan, prætermisiss cæteris, se solum audiri, sibi soli credi, arrogaret; paulo post ait: *An à vobis*, inquit, *verbum Dei processit? aut in vos solos devenit?* Et ne hoc quasi perfunctoriè acciperetur, adjecit: *Si, quis*, inquit, *videtur Propheta esse, aut spiritualis, cognoscat quæ scribo vobis, quia Domini sunt mandata*. Quæ utiq. mandata, nisi ut si quis est Propheta, aut spiritualis, id est, spiritualium rerum magister, summo studio æqualitatis, & unitatis cultor existat: ut scilicet neq. opiniones suas cæteris præferat, & ab universorum sensibus non recedat. *Cuius rei mandata qui ignorat*, inquit, *ignorabitur*, id est, qui aut nescita non discit, aut scita contemnit, ignorabitur, hoc est, indignus habebitur, qui inter unitos fide, & exequatos humilitate divinitus respiciatur, quo malo nescio, an quidquam acerbius cogitari queat. Quod tamen juxta apostolicam comminationem Pelagiano illi provenisse cernimus Iuliano, qui se collegarum sensui, aut incorporare neglexit, aut excorporare præsumpsit. Sed iam tempus est

est, ut pollicitum proferamus exemplum, ubi
& quomodo sanctorum patrum sententię con-
gregate sint, ut secundum eas ex decreto, atq.
auctoritate Concilii, Ecclesiasticę fidei regula
figeretur. Quod quò commodius fiat, hic sit
iam huius Commonitorii modus, ut cętera, quę
sequuntur, ab alio sumamus exordio.

*Secundum Commonitorium interlapsum est;
neque ex eo amplius quicquam, quàm postrema
particulare mansit, idest, sola recapitulatio,
qua & subiecta est.*

CAP. ANTEPENULTIMVM.

QUęcūm ita sint, jam tempus est, ut ea, quę
duobus his commonitoriis dicta sunt, in
huius secundi fine recapitulemus. Diximus in
superioribus, hanc fuisse semper, & esse hodie
catholicorum consuetudinem, ut fidem veram
duobus his modis approbent. Primum divini
canonis auctoritate, deinde Ecclesię catholicę
traditione, Non quia canon solus non sibi ad
universa sufficiat; sed quia verba divina pro
suo plerique arbitrato interpretantes, varias
opiniones, erroresque concipiant; atque ideo
necesse sit, ut ad unam ecclesiastici sensus regu-
lam Scripturę cęlestis intelligentia dirigatur,
in iis dumtaxat præcipue quęstionibus, quibus
totius catholici dogmatis fundamenta nitun-
tur. Item diximus in ipsa rursus Ecclesia,
universitatis pariter, & antiquitatis consen-
sionem spectari oportere; ne aut ab unitatis
integritate in partem schismatis abrumpamur,

ꝓne

aut à vetustatis religione in hæreseon novitates præcipitemus. Item diximus, in ipsa Ecclesiæ vetustate duo quædam vehementer, studiosèq. observanda, quibus penitus inharere deberet quicumq; hæretici esse nollent. Primum, si quid esset antiquitus ab omnibus ecclesiæ catholicæ Sacerdotibus universalis Concilii auctoritate decretum. Deinde, si qua nova exurgeret quæstio, ubi id minimè reperiretur, recurrendum ad sanctorum patrum sententias, eorū duntaxat qui suis quiq; temporibus, & locis in unitate communionis & fidei permanentes, magistri probabiles extitissent, & quidquid uno sensu, atque consensu tenuisse invenirentur, id Ecclesiæ verum, & catholicum absque ullo scrupulo judicaretur.

CAP. PENULTIMVM.

QUod ne præsumptione magis nostra, quàm auctoritate ecclesiastica promere videremur, exemplū adhibuimus sancti Concilii, quod ante triennium fermè, in Asia apud Ephesum celebratum est VV. CC. Basso, Antiochoq; Consulibus, ubi cū de sanciendo fidei regulis discerneretur, ne qua illic forsitan profana novitas in modum perfidiæ Ariminensis obreperet, universis sacerdotibus, qui illò ducenti ferè numero convenerant, hoc catholicissimum, fidelissimum, atq. optimum factu visum est, ut in medium sanctorum patrum sententiæ proferrentur, quorum alios Confessores, omnes verò catholicos Sacerdotes fuisse, & permansisse, constaret; ut scilicet ritè, atque solemniter ex eorum consensu, atque decreto antiqui dogmatis religio confirmaretur, & profanæ novitatis blasphemia condemnaretur.

naretur. Quod cum ita factum foret, iure, meritoq. impius ille Nestorius catholicæ vetustati contrarius, beatus vero Cyrillus sacrosanctæ antiquitati consentaneus indicatus est. Et ut ad fidem rerum nihil deesset, tam nomina, & numerum (licet ordinem fuisset obliiti) edidimus eorum patrum, iuxta quorum ibidem concinentem sibi, concordemq. sententiam, & legis sacræ proloquia exposita sunt, & divini dogmatis regula constabilita est, quod ad confirmandam memoriam, hic quoque recensere nequaquam superfluum est. Sunt ergo hi viri, quorum in illo Concilio, vel tanquam iudicum, vel tanquam testium scripta recitata sunt. S. Petrus Alexandrinus Episcopus, doctor præstâtissimus, & martyr beatissimus. S. Athanasius, eiusdem civitatis antistes, magister fidelissimus, & Confessor eminentissimus. S. Theophilus, eiusdem item urbis Episcopus, vir fide, vita, scientia fatis clarus: cui successit venerandus Cyrillus, qui nunc Alexandrinam illustrat Ecclesiam. Et ne forsitan unius civitatis, ac provinciæ doctrina hæc putaretur, adhibita sunt etiam illa Cappadociæ lumina, S. Gregorius episcopus, & confessor de Nazianzo, S. Basilus Cæsareæ Cappadociæ episcopus, & confessor, S. item alter Gregorius Nissenus Episcopus, fidei, cōversationis, integritatis, & sapientiæ merito, fratre Basilio dignissimus. Sed ne sola Græcia, aut Oriens tantum, verum etiam Occidentalis, & Latinus orbis ita semper sensisse approbaretur, lectæ sunt quoque ibi quædam ad quosdam epistolæ sancti Felicis martyris, & sancti Iulii urbis Romæ Episcoporum

rum. Et ut non solum caput orbis, verum etiam latera illi iudicio testimonium perhiberent, adhibitus est a meridie beatissimus Cyprianus Episcopus Carthaginensis, & martyr; à Septentrione, sanctus Ambrosius Mediolanensis Episcopus. Hi sunt igitur omnes apud Ephesum sacrato decalogi numero magistri, consiliarii, testes, iudicesque producti: quorum beata illa synodus doctrinam tenens, consilium sequens, credens testimonio, obediens iudicio, absque cædio, præsumptione, & gratia, de fidei regulis pronuntiavit. Quanquam multò amplior majorum numerus adhiberi potuerit; sed necesse non fuit: quia neque multitudine testium negotij tempora occupari oportebat, & decern illos non aliud verè sensisse, quàm ceteros omnes collegas suos, nemo dubitabat. Post quæ omnia, abjecimus etiam beati Cyrilli sententiam, quæ gestis ipsis ecclesiasticis continetur. Namque cum lecta esset sancti Capreoli Episcopi Carthaginensis epistola, qui nihil aliud intendebat, & precabatur, nisi ut, expugnata novitate, antiquitas defenderetur, ita Episcopus Cyrillus proloquutus est, & definivit; quod hinc quoque interponere non abs re videtur. Ait enim in fine gestorum: *Et hec, inquit, quæ lecta est epistola venerandi, & multum religiosi Episcopi Carthaginensis Capreoli, fidei gestorum inseretur; cuius aperta sententia est. Vult enim antiqua fidei dogmata confirmari, novitia verò & superflue adinventæ, & impiè promulgatæ reprobari, atque damnari. Omnes Episcopi acclamaverunt: Haec omnium voces sunt, hæc omnes dicimus, hoc omnium*

notum est. Quæ tandem omnium voces, atque omnium vota, nisi ut quod erat antiquitus traditum, teneretur, quod adinventum nuper, exploderetur? Post quæ admirati sumus, & prædicavimus, quanta Concilij illius fuerit humilitas, & sanctitas, quot numero Sacerdotes, penè ex majori parte Metropolitani, tantæ eruditionis, tantæque doctrinæ, ut propè omnes possent de dogmatibus disputare, quibus propterea ipsa in unum congregatio audendi à se aliquid, & statuendi addere videretur fiduciam, nihil tamen novarent, nihil præsumerent, nihil sibi penitus arrogarent; sed omnimodis præcaverent, ne aliquid posteris traderent, quod ipsi à patribus non accepissent, & non solum in præsentem rem bene disponerent, verum etiam post futuris exempla præberent; ut & ipsi scilicet sacratæ vetustatis dogmata colerent, profanæ verò novitatis adinventæ damnarent. Invecti etiam sumus in Nestorij sceleratam præsumptionem, quòd sacram Scripturam se primùm, & solum intelligere, & omnes eos ignorasse jactaret quicumque ante se magisterij munere præditi, divina eloquia tractavissent, universos scilicet Sacerdotes, universos Confessores, & Martyres, quorum alij explanassent Dei legem, alij verò explanantibus consensissent, vel credidissent, totam postremò etiam nunc errare, & semper errasse, asseveraret Ecclesiam, quæ, ut ipsi videbatur, ignaros, erroneosq. doctores, & sequuta esset, & sequeretur.

Quæ

QUæ omnia licet cumulata, abundèq. sufficerent ad profanas quasque novitates obruendas, & extinguendas; tamen ne quid deesse tantæ plenitudini videretur, ad extremum adiecimus geminam apostolicæ sedis auctoritatem, unam. sc. S. Papæ Xysti, qui nunc Romanam Ecclesiam venerandus illustrat; alteram decessoris sui beatæ memoriæ Papæ Celestini, quam hic quoque interponere necessarium iudicavimus. Ait itaque sanctus Papa Xystus in epistola, quam de causa Nestorii Antiocheno misit Episcopo: *Ergo, inquit, quia, sicut ait Apostolus, fides una est quæ evidenter obtinuit; dicenda credamus, & tenenda dicamus.* Quæ sunt tandem illa credenda, & dicenda? Sequitur, & ait: *Nihil ultra, inquit, liceat novitati; quia nihil addi convenit vetustati. Perspicua maiorum fides, & credulitas nulla cœni permixtione turbetur.* Oninino apostolicè; ut maiorum credulitatem perspicuitatis lumine ornaret, novitias verò profanitatis cœni permixtione describeret. Sed & sanctus Papa Celestinus pari modo; eademq. sententia. Ait. n. in epistola, quam Gallorum sacerdotibus misit, arguens eorum conniventiam; quod antiquam fidem silentio destituentes, profanas novitates exurgere pateretur. *Merito, inquit causa nos respicit, si silentio foveamus errorem. Ergo corripiamur huiusmodi; non sit iis liberum habere pro voluntate sermonem.* Hic aliquis fortasse addubitet; quinam illi, quos habere prohibeat, liberum pro voluntate sermonem, vetustatis prædicatores, an novitatis
ad-

adinventores . Ipse dicat, dubitationem legentium ipse dissolvat . Sequitur enim: *Desinat*, inquit, *si ita res est*, (si ita est, ut apud me quidam urbes, & provincias vestras criminantur, quòd eas quibusdam novitatibus consentire noxia. dissimulatione faciatis) *desinat itaque*, inquit, *si ita res est*, *incessere novitas vetustatem* . Ergo hæc fuit beati Celestini beata sententia, non ut vetustas cessaret obruere novitatem, sed potius novitas desineret incessere vetustatem . Quibus apostolicis, catholicisque decretis quisquis refragatur, insultet primùm omnium, necesse est, memoriæ S. Celestini, qui statuit, ut desineret incessere novitas vetustatem, deinde irrideat definita sancti Xysti, qui censuit, ne ultrà quidquam liceat novitati, quia nihil addi convenit vetustati, sed & beati Cyrilli statuta contemnat, qui venerandi Capreoli zelum magna prædicatione laudavit, quòd antiqua fidei dogmata confirmari, cuperet, novitia verò adinventamdamnari, Ephesinam quoque synodum, id est, totius penè Orientis sanctorum Episcoporum iudicata proculcer, quibus divinitus placuit, nihil aliud posteris credendum decernere, ni si quod sacra sibi, in Christo consentiens sanctorum patrum tenuisset antiquitas, quique etiam vociferantes, & acclamantes, uno ore testificati sunt, has esse omnium voces, hoc omnes optare, hoc omnes censere; ut sicut universi ferè ante Nestorium hæretici, contemnentes vetustatem, & asserentes novitatem, damnati forent, ita ipse quoq. Nestorius, auctor novitatis, & impugnator vetustatis, condemnaretur :
Quo.

Quorum sacrosanctæ & cœlestis gratiæ munere inspirata consensio, si cui displicet, quid aliud sequitur, nisi, ut profanitatem Nestorij asserat non jure damnatam? Ad extremum quoque universam Christi Ecclesiam, & magistros ejus Apostolos, & Prophetas, præcipuè tamen beatum Apostolum Paulum, velut quædam purgamenta contemnat; illam, quod à religione colendæ, & excolendæ semel sibi traditæ fidei nunquam recesserit; illum verò, qui scripserit: *O Timothee, depositum custodi, devitans profanas vocum novitates*. Et item: *Si quis vobis annuntiaverit præterquàm, quod accepistis, anathema sit*. Quod si neque apostolica definita, neque ecclesiastica decreta temeranda sunt, quibus secundum sacrosanctam universitatis & antiquitatis consensionem cuncti semper hæretici, & ad extremum Pelagius, Celestius, Nestorius, jure, meritoque damnati sunt, necesse est profectò omnibus deinceps catholicis, qui sese Ecclesiæ matris legitimos filios probare student, ut sanctæ sanctorum patrum fidei agglutinentur, immoriantur, profanas verò profanorum novitates detestentur, horrescant, insectentur, persequantur.

Hæc sunt ferè quæ duobus Commonitoriis latius disserta, aliquantò nunc brevius recapitulandi lege constricta sunt; ut memoria mea, cui adminiculandæ ista confecimus, & commendandi assiduitate reparetur, & prolixitatis fastidio non obruatur.

EXPLICIT.



21

